

清·大義法師集

法華經大成

(冊上)

佛陀教育基金會
印贈

一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

大成科序

法華大成。爲時宗尙。凡幼進初學。莫不醉心。於中卽
耆德說者。咸皆遵循繩墨。爲其盡諸佛之理源。集衆
家之語的也。斯䟽成始。半翁法師。其科目皆井井有
理。但未另冊指掌。於耆德則有翻簡之煩。初學亦不
無分歧之失。吾元亮兄。憂及於此。故於聽講之暇。拮
据成冊。使夫學者說者。視如指掌。庶幾可免前等之
煩失也。繕完。命余爲序。余揣不文。何敢綴言。略敘其
利幼進便耆德。非獨爲大成之前星。抑亦爲半翁之
功臣歟。

皆

康熙歲在丙戌菊月九日

里弟惟鉉拜撰



序

蓋聞鷲峰提印。留妙諦於竺乾。馬寺傳經。啟宗風於震旦。諸法寂滅。不可言宣。大事因緣。亦由解說。發揮幽蹟。乃傳白日之心。導達天人。斯吐青蓮之舌。不然則琅函亦等乎糟粕。貝葉何異乎故紙。必有廣長爰通顯密妙法蓮華經者。演自耆闍。晚流赤縣。人佛知見。以了義度無邊。開上悟根。以圓教垂浩劫。觸處明真。現種種之瑞相。卽權顯實。放的的之毫光。人天百萬。盡轉法輪。經軸四千。總輸妙偈。洵諸佛之心宗。千聖之韜轄也。微辭祕旨。經三譯而已明。臆詁俗詮。亦

殊門而莫粹。自非具大慧力。孰與剖剝真源。乃有半翁法師。法門龍象。出世鸞鷲。歷訪名山。稱彌天之獨步。直超塵刹。息慧可之諸緣。晚栖迹於長安。仍冥懷於荒寺。時登法席。頑石爲之點頭。大闡覺緣。空花因而布彩。念妙法爲三乘之最上。而離言實五教之指歸。箋釋雖繁。紛呶莫一。乃發願力。大肆探尋。啟佛藏之金繩。採禪真之玉屑。字櫛句比。指久遠於行間。意得言忘。會不二於象外。覩廬山之面目。宿霧頓披。哆滄海之咽喉。諸流畢匯。謂之大成。豈小補哉。良內典未諳。實似元稹之陋。佛頭僭着。不避大顛之嗤。欽師

道行。勉竭管蠡云爾。

康熙三十四年乙亥歲春三月二十二日

賜進士出身詹事府左春坊左贊善兼翰林院檢討
前

日講官起居注充

三朝國史


大清一統志纂修等官戊辰科會試同考充

殿試收掌官庚午科

特簡浙江鄉試正主考前翰林院編修前翰林院庶

吉士楚黃張希良拜題

法華ノ月



二

編集始末

余自甲午年。金陵荆染。遊於吳越諸大禪師之門。丙午。懷香清涼過都門。始入先子之室。探討華嚴懸談。考覈十門五教。始知大哉聖典。汪洋浩瀚。而莫可測量也。間嘗與師論及法華。而竊留意焉。先攻文句要解。知音會意。正量論。後閱正意都會大窾要旨。如是解。并問辨易解品節科註等疏。研味參伍。融會諸說。間有管見。而是集可以編矣。戊申歲集二卷。己酉冬。隨師應講長椿。余首衆參請之暇。又集一卷。庚戌遊盤山集一卷。至乙卯。寓涿鹿之延壽寺。後三卷始完。

而草本成矣。丙辰再遊江浙。就正碩德宿學。僉曰此集乃法華之大成也。癸亥春。因先大師六旬返都。師以應講天津。命余主席觀音。開演此經。丙寅冬。師回命余再演。師亦與聽。囑以真稿待緣就梓。丁卯春。余退觀音院。卜居地藏。破屋敗椽。僅蔽風雨。自顧福涼德薄。撥置世務。不事逢迎。故有卽山活埋之題。亦嘗謂客曰。十字街頭卽山居。紅塵堆裏罷攀緣。非活埋乎。壬申夏。諸子攢單啟請。再爲開演。亦有願募就刻者。余未之許也。癸酉冬。豫木兄來京。極爲勸勉。首輸三十金。余又謀諸同門。皆歡喜贊助。參衆達如等。頷

緣倡募。一雲監院亦竭力任勞。而是刻有不容已也。權輿於甲戌春三月。告成於乙亥夏四月。書成十卷。其序則張老護法椽筆。護法卽今之無盡也。爰記其始末如此。竊惟吾宗順祖立三觀。雲華開十門。賢首判五教。清涼疏之鈔之一乘圓極之理大備。其猶宓羲畫卦。文王有辭。孔子立傳。思孟莫不祖述憲章。而聖神功化幽明消長之旨。以大明之矣。至於十門懸解。五教析理。三觀修證。十玄圓融。具如華嚴懸談并法界觀。推本窮源。吾深有望於後之學賢首宗者。

皆

大清康熙三十四年乙亥夏四月佛誕日金臺傳講
沙門大義題於卽山居之活埋室



法華大成弘傳序科文分三

晉寧廣濟後學際慶排錄

一序題弘傳

二人題終南

三序文五

初牒經標本妙法

二序經緣起三

三序經詮旨二

初序一化始終以明機教差別

初序義夫

弘傳序

初序兩土出處蘊結

二序三朝翻譯三

初西晉譯四

二東晉譯三

三隋朝譯四

初譯經時隋氏

二譯經處大興

三譯經主北天

初譯經時西晉

二譯經處長安

三譯經主燉煌

四初譯經名初翻

初譯經時東晉

二譯經主龜茲

三譯經名次翻

初讚佛慈悲非誰

一釋疑是知

二的序本經詮旨以顯權實正理

四讚較祈願二

五結歸序題弘讚

四三譯經名後所

三明獨宗秦譯三經

初畧序三周開顯以所

二總結全經幽深詞義

初讚較明三寶殊勝三

二祈願申作序之意輒於

二讚法較勝自漢

三讚機因深將非

法華大成卷一科文分三

序品

初經題

妙法

二人題

姚秦

三經文三

初序分二

二正宗

三流通

初通序三

初建立之由

謂如

序品

初聲聞衆二

初比丘衆二

二比丘尼

摩訶

二菩薩衆三

三八部衆七

初諸天衆

爾時

二龍王衆

有八

三緊那羅

有四

四乾闥婆

有四

初無學衆三

初舉類標數

與大

二明位歎德

皆是

三列名總結

其名

二有學衆

復有

初舉類標數

菩薩

二明位歎德

皆於

三列名總結

其名

初說法瑞

為諸

二入定瑞

佛說

二

誰

一

二建立之意謂安

三正解經文六

初信成就如是

二聞成就我聞

三時成就一時

四主成就佛

五處成就住正

六衆成就二

初列衆三

二總結各禮

五阿修羅有四

六迦樓羅有四

七人王衆提韋

初衆集序爾時

二現瑞序六

三疑念序二

四發問序二

初長行爾時

二偈頌二

初四十五行頌上問二

三雨花瑞是時

四地動瑞佛普

五衆喜瑞爾時

六放光瑞爾時

初彌勒疑念爾時

二大衆疑念爾時

初三行問六趣衆生眉問

二四行問見諸佛齋說讚

三三行問他土四衆得道若人

四二行結前起後文殊

二別序五

五問答序二

初長行四

初惟忖答爾時

二畧會見答善諸

三廣會見答三

四分明判答見今

二偈頌二

初四十頌上長行三行

初四十頌廣會見答一行

序品

初四問此土於

二五十問他土六

二八請答佛放

初引一佛同善諸

二引二萬佛同復次

三最後一佛同三

初曾見事與色同其最

二曾見事於今今同

初現相同是時

二疑念同彌勒

五世廣問他土菩薩三種因緣相貌

初一總問見我

二十五次第問六

初六問檀度或有

二二問戒度文殊

三一問忍度或見

四一問精進又見

五二問禪度又見

六三問般若復見

三十五不次第問七行半

三二

誰

初行頌引一佛同時

二行頌最後一佛同三

初行頌會見已同佛未

二行頌會見今同三

初行頌此土瑞相佛時

二行頌光照他土光此

三行頌疑念同爾時

三行頌會見當同六

二行頌分明判答見我

二行結勸待問諸人

三會見事舉當六

初因人同時有

二說法同時是

三時節同十六

四唱滅同月日

五授記同時有

六通經同三

初二行頌因人同天人

二句頌說經同是說

三句頌時節同六滿

初二問禪度見又

二行一問精進見又

三行一問戒度見又

四行二問忍度見又

五行二問禪度見又

六行五問檀度見或

七行三問般若或有

初滅後通經佛授殊文

二教化弟子月

一序分已竟

四行公頌唱滅同佛說

五行公頌授記同是德

六行公頌滅後通經同

三結會古今彌勒

初三行公頌滅後通經同佛此

二八行公頌教化弟子諸是

三一行公頌結會古今佛彼

法華大成卷一科文終

序品

9

謹一

法華大成卷二科文

方便品

二正宗四

初方便品至法師
品為明佛知見

二寶塔天授二
品為示佛知見

三持品至壽量四
品為悟佛知見

四分別功德至常不
樂四品為入佛知見

初八品說三周
法授三根記

二法師品歎持經
人與所持法

初喜關三顯動執生疑

習言歎二智

初明諸佛權實

初經家提起
爾時

二正歎權實

二明釋迦權實

二絕言歎二智

初正絕言歎
止舍

二徵釋絕言
以所

三釋權實相
謂所

初雙歎二智
佛諸

二雙釋二智
以所

三雙結二智
成就

初歎權釋權

初歎權智
舍利

二釋權智
以所

二歎實釋實

初歡實智
舍利

二釋實智
無量

三結權結實

廣開三顯斷疑善

初畧開三顯二

初長行二

二偈頌二

初十七行頌上長行二

二三行畧開三顯二

初一行明諸佛顯實舍利

二行明釋迦開三諸

二騰疑致請二

初經家敘疑爾時

方便品

初四行頌言歎智

初二行合頌佛二智爾時

三行頌佛釋歎結欠本義從

三行頌絕言歎智五

初半行頌釋權實相如是

二行頌徵釋絕言我及

三行頌正絕言歎法是

四行頌不知之人七

五行頌希有唯佛能知又

初三行頌疑二智爾時

初結權智舍利

二結實智舍利

初行許信力能解餘諸

二行揀二乘不知佛諸

三行揀身子不知使假

四行揀大弟子不知使正

五行揀辟支佛不知使辟

六行揀發菩薩不知新發

七行揀不退菩薩不知不退

初歎法希有佛告

誰一

二當機正請五

初請為自他求決了

初長行二

初陳疑

爾時

二陳請

自我

二偈頌五

三止為驚疑不信

爾時

三請久植必解

舍利

四三為謗必墮苦

佛復

五三請為利根得益

爾時

三總頌乘四眾疑

無漏

三行別頌自疑

於諸

四行別頌三乘疑

佛口

三總明同疑致請

諸天

初許說

爾時

二受旨

舍利

三正說二

初明諸佛四

廣上諸佛權實

二別列三佛一

二說無虛妄

舍利

三開方便門

舍利

四示真實相四

初標出世意

所以

二重徵出世意

舍利

三明出世意二

初明大事因緣

諸佛

二明會權歸實

佛告

四總結出世意

舍利

初明過去佛

舍利

初開三顯一動執生疑已竟

二廣開三顯一斷疑生信三

初法說一周被上根五

二喻說一周被中根〇

三因緣一周被下根〇

初正法說二

二身子領解〇

三如來述成〇

四與之授記〇

五四眾歡喜〇

方便品

初別明佛開權顯實三

一緣結諸佛出現大事利舍

二釋迦尊廣上釋如權實誓

初開方便利舍

二顯真實利舍

三舉五濁釋權二

四揀偽敦信二

五說無虛妄利舍

初三行領大事因緣我設

二十行領會權歸實佛有

二明未來佛利舍

三明現在佛利舍

初標名顯相利舍

二乘時開三利舍

初揀別真偽二

初闡知非真弟子利舍

二爾不優成增上利舍

二開除釋疑利舍

初二行明眾生濁我知

二行明命濁誰胎受

一

初長行三

二偈頌二

初四行二句頌上許答爾時

二百一六行三句頌去法說

初七十三行一句頌四佛章四

初三十四三句頌諸佛五

初五行三句頌諸佛開權諸佛

二十三行頌諸佛顯實二

三四句半頌諸佛勸信二

四九行半頌諸佛五濁開三

初二行半舉果勸人若

二行二舉因勸舍利

初一行總明五濁障大我若

二六行別明五濁障大五

三行明為五濁故說小是故

四二行明為大故施小雖我

初三行畧頌開顯去過

二三四行廣頌開顯二

初一行開三未來

二五行顯三

三一行明見濁入邪

四一行煩惱濁深着

五一行明劫濁於千

初二行總明方便助顯諸

二二三行別明開顯之相二

初廿二行約眾善顯緣因功德七

初二行約六度明開顯有若

二行約悲慈心明開顯諸佛

二四行約供舍利明開顯諸佛

四三行約造佛像明開顯人若

五二 頌諸佛不虛我
有

二廿七 頌過去佛章二
行半

三六行 未來佛章二
半頌

四四行 頌現在佛章三
半

二四十五 頌釋迦佛章二
行半

初二 總頌開權顯實二
行

二四十二 別頌顯六義六
行半

初四 頌五濁舍
利

二二十七 頌施權二
行半

三六 頌顯實四
方便品

初一行 正明顯一切

上一行 明佛本願諸佛

三三行 重明開顯未來

初二行 標出世意天人

二一行 頌顯實知第

三二行 頌開權知衆

初一行 頌顯實我今

二一行 頌開權我

初六行 用大乘擬宜得三
生念

二十一行 禽虜三乘隨宜

五三行 畫像明開顯彩
畫

六七行 約供塔像明開顯若

七一 約稱佛名明開顯若

二約經顯了四功德於諸

初二行 大乘擬宜我始

二三 衆生無機二丁

初一行 障重不堪聞大衆

二二行 梵王請佛說法爾時

三二行 念欲息化我即

初行 明化得四

誰

法華大成卷二科文終

四五行 歎法希有如三

五二行 頌不虛汝等

六六行 頌揀偽敦信二

一 正法說已竟

初二行 大乘機動利舍

二二行 明佛歡喜我即

三三句 正明顯實於諸

四一行 受行悟入菩薩

初三行 揀偽以五

二三行 敦信利舍

初一行 明三乘擬宜念尋

二六行 明有小機二丁

初四行 明諸佛讚善作是

二二行 明釋迦酌順利舍

三一行 正明施化思惟

四一行 明受行悟入是名

二二行 釋疑從久

法華大成卷三科文

譬喻品

二身子領解二

初經家敘置爾時

二身子自陳二

初長行五

二偈頌二

初十六頌上長行四

初二行續標聞法得解爾時

二半行頌昔失今得昔來

譬喻品

初總標聞法得解從今

二明昔日之失之得所以

三明昔日之疑見之解世尊

四明昔日疑悔悔盡斷世尊

五藉成領解自肯成當身意

初昔曾教大爾時

二中忘取小舍利

三還為說大我今

○四與之授記二

初明時節舍利

二明行因供養

三明得果當得

四明國土國名

五明說法華光

六明劫號其劫

七明眾數彼諸

八明壽量舍利

九轉記補處華光

十法住久近舍利

八誰一

三六行頌 昔疑今解我處

四八行頌 昔悔今斷我常

九前廣頌 誓願之文初聞

二身子頌解已竟

三如來述成三

五四眾慶讚二

初長行二

二偈頌二

初法說一周被上根已竟

二喻說一周被中根四

初長行十

二偈頌二

初十行頌上長行十

二行頌結歎華光

初經家敘置二

初敘眾喜爾時

二敘供養各各

二四眾頌解而作

初二行頌上長行開顯爾時

二四行述得解回向我半

初一行超頌得果爾時

二一行追頌行因供養

三一句追頌時節無過

四一句超頌劫號劫名

五一行頌國土世界

六二行頌眾數彼國

七半行頌說法如是

八二行頌壽量佛為

九半行頌法佳久滅佛

十半行供養舍利舍利

一正說譬喻二

二四子領解〇

三如來述成〇

四與之授記〇

一身子代請三

二如來垂答二

一抑揚發起爾時

二正說譬喻二

一長行二

二偈頌〇

譬喻品

初自述得記無疑爾時

二兼述同輩有感是諸

三普為四眾代請善哉

一長者喻舍利

二舍宅喻其家

三一門喻唯

四五百人喻多諸

五火起喻堂閣

六卅子喻長者

一捨几三

初長者念救舍利

二諸子不聽雖父

三馳戲視父但東

擬宜三車喻爾時

二知子先心喻父知

三歎美三車喻三

一勸修轉而告

二示相轉如此

三作證轉汝等

四適子所願喻爾時

九 誰一

一 喻說二

初總喻六

二 別喻四

初長者見火喻長者

二 捨几用車喻二

三等賜大車喻四

四 長者不虛喻三

一 法合一

一 合總喻六

初合長者喻舍利

二 用車四

一 覓子免難歡喜喻是時

二 諸子索車喻諸時

三等賜諸子大車喻三

四 諸子得車歡喜喻是時

一 如來垂問舍利

二 舍利弗答二

三 如來歎善佛告

一 合能見見

二 合所見火諸眾

雙標子等車等舍利

一 廣明車等二

初明車之體相其車

二 釋有車之由所以

三 廣明心等二

一 廣心等而作

二 釋心等所以

一 直答不虛舍利

二 申明不虛之意四

一 免其不虛是長

二合五百人喻大慈

三合舍宅喻而生

四合卅子喻為度

五合火起喻老生

六合一門喻教化

二合別喻四

一合長者覓火喻四

二合捨几用車喻二

三合等賜大車喻二

一牒前一喻舍利

譬喻品

三合廣前所見衆生

四合長者驚怖舍利

一合捨几二

二合用車二

一牒前三喻舍利

二正合用車四

一合擬宜三車如來

二合知子先心為說

三合歎三車希有三

四合適子所願三

二結況以重壽輕不虛復況

三不乖本心不虛世尊

四結況過所望不虛何況

一合長者念救舍利

二合諸子不聽所以

一合示相轉而作

二合作證轉我今

三合勸修轉汝等

一合羊車舍利

二合鹿車若有

誰一

二 次合二喻二

四 合長者不虛喻二

一 先牒前喻舍利

二 正合不虛如來

二 偈頌二

一 百頌上長行二

一 六十補頌二義○

一 李五頌喻說二

一 卅四頌法合○

一 卅三頌總喻四

一 合諸子免難如來

二 合等賜大車三

一 句頌長者喻佛欲

二 三行頌家宅喻有

三 句頌五百人喻有五

四 廿九廣頌火起四

一 廿二月地上事喻四行頌曰欲界火起

一 明所燒之類二

一 正明所燒二

一 二行結所燒夜半總

三 合牛車有若

一 合釋有車之由如來

二 合廣明心等是諸

三 合廣明車等是諸

一 明禽獸被燒喻五鈍使衆生

一 正喻五鈍五

二 句頌喻慢使鴉鼻

二 句頌喻瞋使蛇虻

三 行頌喻癡使守宮

四 二行頌喻貪使狼狐

二卅二頌別喻三
行半

初二行頌長者見火三
半

一三頌長者能見是
句

二一行頌所見
諸

三二頌驚怖者
長

二二三頌捨几用車喻二
行

一五行頌捨几三
半

二七行頌用車三
半

二三頌擬宜三車
是

二三頌歎美軍希有
諸

譬喻品

二一行明火起之由是
朽

三三行明火起之勢於
後

四一行明被燒之相諸
鬼

二三行明穴中事喻四
半

二一行明所燒之類惡
獸

二二行明火起之由薄
福

三句明火燒之勢為
火

四二行明被燒之相共
相

三三行明空中事喻二
半

四一行總結眾難多端其
宅

五二頌喻疑使關
誥

二二頌結顯宅變其
舍

二明鬼神被燒
二喻五利使眾生

二二總明五利處
處

二九行別明五利五
半

二三行喻邪見夜
義

二三行喻戒禁最
鳩

三一行喻身見復
有

四半行喻見取復
有

五二行喻邊見復
有

誥一

三行頌適子所願諸

三十七行頌等賜大車喻四

二五頌免難歎喜長

二三頌諸子索車時

三七行頌等賜大車長

四一行頌得車歡喜諸

一喻說已竟

二卅四行頌法合二丁

一四行頌合總喻舍

二卅行頌合別喻四

一四行頌長者念救方

三頌諸子不聽諸

三頌馳戲視父嬉

三頌合畏著火如

二四頌合捨几用車二

二八頌合等賜大車二

四十五頌合無虛妄丁

三行頌合不虛章明

二十二行頌合不虛三

法華大成科文卷三終

一行明所燒之類蜈

二行明所燒之相槃

一行頌合捨几復

二行頌合用車以

二五頌合等賜舍

二三頌合歡喜得

二釋言皆應平等若

二釋不能受六說乘人

三明後若能遵與其實

初頌上長行已竟

法華大成卷四科文

二六十一 補頌二義

二行頌上三世法
諸佛說無分別

初三頌過現一對
若

初九行 歎法希有五

三句頌上諸佛出
與遠說是法復難所

三三 內外一對
舍又

二五十五 頌揀偽敦信

四得頌上開法歡喜
讚乃至過於優盛

四三行 自他一對
若

初卅六 頌揀偽四

四一行 頌上難斯
多劫聞法

五五行 始終一對
若

二行 囑其非機莫說

五三行 頌上能聽是難
法者斯人亦復難切

二正明不求
我等

二四行 明其謗毀罪因

二行 明地獄報
其人

二釋不求之意
尊

三行 示其毀謗罪報

二十行 明畜生報
從地

三徵不喜樂之意
所以

四行 結其大悲莫說

三十六行 明人報
若得

一明昔日不求
三

二行 頌敦信

一十七行 勅其是機應說

二明今日慶得
我等

信解品

誰一

正說譬喻關三顯已竟

信解品

二中根領解二

一經家敘喜二

二自陳領解二

一一說喻四

一父子相失喻四

二父子相見喻二

一子見父喻四

二父見子喻四

二行結其大慈與禱告

一內喜爾時

二外儀從即

初長行二

二偈頌○

一子背父而逃走二

二父求子而中止二

三覓衣食而漸還二

四慮家業以無傳二

一念失子苦每父

一法中畧說二

二喻中廣明二

初喻說二

二法合○

初咨法世尊

一背父而去譬若

二向本而還年既

一求子不得其父

二中止一城中止

初到城之由時貧

一見子之處時富

二見子便識子見

三見子歡喜心大

四見子適願作即

三遣使追誘喻二

四領付家業喻二

初領家業二

一心相體信二

一明體信是過

二猶居本位然其

信解品

二念得子樂復作

一見父之由尊世

二見父之處立任

三見父之相師踞

四見父避去子窮

一即遣傍人追三

二密遣二人誘四

一徐誘除糞爾時

二他日遙見以又

三親勸安意三

二遂到父城遂到

一強追將還即遣

二執急悶絕於時

三暫放得喜四

一愍癡命放父遙

二徵釋放意以所

三使者正放者使

四喜往貧里子窮

一勸修轉語諸

二示相轉後復

七三

誰一

二命領家業二

四欣遇久住爾時

三作證轉所以

二付家業二

一父命子知家事四

一明時節世尊

一正付家業四

三受命領知家業四

二命知家事語窮

一付業時節臨欲

一正受佛命領知眾寶爾時

三誠合體心我心

二集眾為證而命

二心無希取自甘無分而無

四勅無漏失宜加

三結會父子即自

三棄捨劣心猶居本處然其

一合傍人追世尊

四正付家業今我

四鄙棄先欲求大道復經

二合二人誘三

二得付歡喜世尊

一合父子相失世尊

一合徐誘除冀今日

一喻說已竟

二合父子相見如來

二合欣遇久住既得

二法合四

三合遣使追誘喻二

三合他日遙見然世

二偈頌二

初七十三行頌上長行二

一頌畧法說爾時

二十七十二行頌喻說二

初四十一行頌喻說四

二三十行頌法合三

初半頌合父子相失相見佛亦

二行頌合遣使追誘未會

三廿八行廣頌合領付家業二

一十八行頌合領家業二

信解品

四合領付家業二

初十三行頌父子相失四

二十七行頌父子相見二

三十一行頌遣使追誘二

三行頌即遣傍人追勅即

二十七行頌蜜遣二人誘三

三行頌徐誘除糞即以

二行頌他日遙見長者

三行頌親勸安意方便

四行頌領付家業二

一合領家業世尊

二合付家業今我

二行頌子貴而逃走譬如

二行頌父求子而中止其父

三行超頌慮家業無得而年

四行追頌竟衰而漸爾時

初六行頌子見父備賃


二行頌父見子長者

三行頌領家業長者

二六行頌上付家業欲與

誰一

法華大成卷四科文終



法華大成卷五科文

藥草喻品

三如來迹成二

初畧迹成二

二廣迹成二

初長行二

初迹成開三顯三

二復宗稱嘆汝等

二偈頌二

初四行頌上法說二

藥艸喻品

初雙歎善哉爾時

二領所不及如來

初法說二

初舉不虛以勸信迦葉

三正迹開三顯三

二喻說二

初喻說二

二法合二

初合有差別喻二

初約教明開顯於一

二約智明開顯如來

初有差別喻六

初土地喻迦葉

二卉木喻所生

三密雲喻密雲

四澍雨喻一時

五受潤喻其澤

六增長喻諸樹

二無差別喻三

七

誰

初半行頌法王不虛爾時

二三行半開權顯實隨衆

二五行半頌喻說二

初十行半頌上喻說二

初九行半頌有差別六

初三行頌密雲喻迦葉

二行頌澍雨喻其雨

三句頌土地喻山川

四句頌卉木喻幽邃

五三行三句頌受潤喻大小

初正合六喻六

初合密雲喻迦葉

二合澍雨喻三

三合土地喻爾時

四合卉木喻如來

五合受潤喻隨其

六合增長喻是諸

二提喻帖合如彼

二合無差別五

一行頌合密雲佛亦

初二地所生喻雖一

二雨所潤喻一雨

三草二木喻而諸

一唱號合知於大

二弘誓知見未度

三召機來聽汝等

初無差別諸叢如來

二唯有架賀知之以所

三響喻帖象生不知如彼

四燥前結釋如來能知如來

六二頌增長喻一切

二行頌無差別如其

二四行頌法合二

二五行頌含有差別六

二五行頌合無差別是如

三如來述成已竟

授記品

四授四子記一

授與耆樓闍莊嚴記二

一授迦葉記二

授記品

二八行頌合澍雨三

三四行頌合土地我觀

四行頌合卉木賤貴

五十一行頌合受潤三

六八行頌合增長一

一二行總頌增長我雨

二六行別頌增長諸佛

一行因爾時

二得果於最

三劫國國名

五釋疑佛知

三行頌唱號令歸既出

二行頌四弘度生充潤

三四行頌名機來聽諸天

一行總明受潤一切

二七行別明受潤或處

三三行總結潤所潤佛平

一請記爾時

二說喻如從

三法合我等誰

誰一

一長行五

二偈頌五

初行頌因行爾時

二行頌得果於最

三行頌國淨眷屬其土

四行頌壽命正像其佛

五行頌總結光明

二授三字記二

二行頌許為根作宿因緣諸我

四授四子記已竟

四壽命正像佛壽

五國淨眷屬國界

三子請記四

二如來與記三

一授須菩提記二

一長行四

二偈頌四

二授迦旃延記二

初長行四

初行因爾時

四總結大雄

一行因爾時

二得果於最

三劫國嚴淨劫名

四壽命正像佛壽

二行誠聽爾時

三行頌行因得果我大

三行劫國嚴淨其佛

四行頌壽命正像其佛

二一行誠聽爾時

二喻說一周被中根已竟

化城喻品

三因緣一周被下根二

初正說因緣二

二正明授記○

初明知見久遠二

初長行二

初明所見事佛告

二喻明久遠譬如

三見昔如今我以

化城喻品

二得果當得

三國淨眷屬其土

四壽命正像佛壽

二偈頌三

三授目連記二

初長行五

二偈頌四

初四行半頌行因爾時

三頌得果壽命漸漸

三行義眷屬衆多常為

二行頌行因得果是

三行句頌國淨眷屬國土

初行因爾時

二得果當得

三劫國劫名

四國淨眷屬其土

五壽命正像佛壽

初三行半歎佛因果以偈

二三行慶已所遇今者

三行半總結今佛

十一

誰

二偈頌三

四行頌正像

佛滅

二明宿世因緣二

一行頌所見事

爾時

初長行二

二行頌喻明久遠

如人

二偈頌〇

三行頌見昔如今

如來

初明結緣之由二

初明所經時節

其佛

初明結緣遠由二

二明諸天供養

爾時

初大通智佛成道

初長行明親近供養

其佛

初佛壽長遠

佛告

二偈頌歎慶三

二成道事前二

初威光照動

佛告

三正明成道

諸比

二十方梵請二

初智佛現瑞

爾時

二梵眾驚駭

諸梵

三互相問決

是時

四尋光見佛

爾時

五廣陳供養

即時

六請轉法輪

爾時

七默然允許

爾時

初智佛現瑞

又諸

二梵眾驚駭

昔所

三互相問決

即各

四眷屬供養二

初明九方四

四尋光見佛時爾

五請轉法輪時爾

初東方雲集七

五廣陳供養諸時

二明方梵王請法二

二東南方雲集七

六請轉法輪時爾

二明結緣近由二

三南方雲集七

七默然允許時爾

初轉半字教三

四總明六方雲集南西

初智佛現瑞時爾

一智佛受請時爾

二明上方雲集六

二梵眾驚駭所昔

二正轉教法二

初說四諦法時即

三互相問決各即

三聞法得道於佛

二說因緣法及廣

四尋光見佛時爾

二轉滿字教七

初王子出家時爾

五廣陳供養諸時

二正明結緣二

二請轉法輪俱白

六請轉法輪時爾

化城喻品

一

誰一

初法說結緣三

初明昔供結緣三

初王子覆講是時

二眾得利益一

三出定稱歎二

初正歎希有大通

二勸物親近汝等

二明中間值遇佛告

三明今還為說二

二喻說結緣二

三所將人眾出家爾時

四受請說經爾時

五時眾有解不解是說

六說經時節佛說

七說已入定此說

初會結古今二

二正說法華三

初五百由旬喻譬如

二險難惡道喻險難

三多眾人喻若有

初會師古今諸比

二會弟子古今二

初正會二

初受大後退諸比

二正會古今爾時

二釋疑我滅

初時眾清淨諸比

二正說法華便集

三釋疑比丘

初退大三

初喻說二

四欲過惡道喻過欲

初中路懈退將所

初明導師喻五

五有一導師喻有一

二白導師言白導

二明將導喻三

初所將人衆喻將導

三不復前進不能

二法合

二中路懈退喻二

二接小四

初正合二

三滅化城至寶所喻時爾

初多諸方便師導

二舉喻帖合如彼

初合導師喻諸比

二傷其失寶而作

一長行已竟

二合將導喻二

三化作一城是作

二偈頌二

初合退大接小若衆

四歡喜入城是時

初王三頌結緣之由行半

二吞滅城至寶所若衆

初六頌大通成道爾時

二二十頌正結緣七行

初十一頌遠由二

二六頌十方梵請世尊

化城喻品

七

誰一

初八行 頌法說結緣三

初三行 頌昔日結緣是諸

二行 頌中間值遇佛彼

三四行 頌今還為說是十

二十九行 頌喻說結緣二

初六行 正頌法合二

二行 頌舉喻帖合佛諸

二十行 頌近由二

初十一行 頌喻說一

初三行 頌導師喻譬如

二八行 頌將導喻二

二七行 頌法合一

初二句 頌合導師喻亦我

二六行 頌合將導喻二

初五行 轉半字教無量

二五行 轉滿字教十時

初六行 頌中路權花城眾人

二二行 頌滅城以實所導

初一行 頌合懈退見諸

二四行 頌滅城至寶所知

初正說因緣已竟

法華大成卷五科文終

法華大成卷六科文

五百弟子受記品

二正明授記一

初授千二百記二

二授二千人記〇

初授滿慈記二

二授千二百記三

初默念請記爾時

二如來與記二

初長行二

五百授記品

初經家序其默念領解四

二如來與之述成授記二

初長行二

初述本迹二

初約釋迦世行因發迹二

二約過去世顯其本行汝等

二約世佛所述其修因諸比

二與授記三

二偈頌二

初序得解之由爾時

二序得解歡喜未得

三序默念領解而作

四念發迹請記唯佛

初舉示其人爾時

二發迹顯本我常

初明因圓果滿漸漸

二明國土嚴淨四

初國土嚴淨其佛

二純是善道無諸

三 誰一

初許記千二佛知

二別授陳如於此

三別記五百其五

二偈頌一

初九行半頌陳如五百名號爾時

二二行半頌總授一切聲聞記迦葉

三五百頌解一

初長行一

初經家叙喜爾時

二自陳頌解一

初十四行頌發迹顯本一

初七行總發諸聲聞本迹五

初一行總標為行難思爾時

二一行明垂迹之由知衆

三二行明垂迹利益無以

四二行明內秘外現內秘

五一行結畧抑廣我若

二七行頌發滿慈本迹此今

二七行半頌與之授記三

初法說一

三三乘衆多有無

四總結莊嚴其佛

三明劫壽法塔劫名

初一行頌因國果滿供養

二三句頌劫國名號其國

三三句頌國土嚴淨菩薩

初悔得少為足世尊

二責根鈍難悟乃今

初喻說一

初醉卧不覺喻世尊

二偈頌二

二喻說二

二親友覺悟喻於後

初行半頌得解歡喜爾時

初行頌法說於無

二法合二

二行頌自陳領解二

二行頌喻說二

初合醉卧不覺喻佛亦

初授王二百記已竟

初行六頌喻說二

二合親友覺悟喻一切

授學無學人記品

初行四頌醉卧不覺喻譬如

初記阿難五

二授二千入記二

二行頌親友覺悟喻與珠

初長行正與授記爾時

初二千請記二

二行四頌法合我等

二偈頌重明果德爾時

初一人請記二

初引例即從

三三千菩薩生疑爾時

初默念請記爾時

二引望又我

四如來發迹釋疑爾時

二發言請記二

初記一人二

五阿難顯本述歎阿難

授學無學人記品

三誰一

二三千請記爾時

二記二千三

二記羅雲二

二如來授與二

初長行授記爾時

初長行爾時

初說三周法授三根記已竟

二偈頌重明爾時

二偈頌爾時

法師品

三得記歡喜爾時

初明法師供養復若

二歎持經人與所持法二

初揀出人類爾時

二明法師功報藥王

初歎美種種持經之人

二普為授記如是

三明法師悲願藥王

初長行四

初現在法師功報三

初明法師說經若

初明廣記現在二

二未來法師功報二

二明法師功報當知

二明懸記未來佛告

初逆者得罪藥王

初約法歎爾時

三明現未功報二

二明順者得福藥王

二約人歎藥王

四明逆順罪福二

二偈頌五

初一行頌獎勸爾時

二行頌現在功報若有

三行頌未來功報滅吾

四行頌逆順罪福二

五行結歎此經尊妙藥王

二歎美種所持之法

初長行二

二偈頌三

法師品

初行頌逆者得罪若於

二行頌順者得福有人

初歎經法五

二示方軌二

初示方軌三

初標章藥王

二解釋如來

三勸脩安住

二明利益藥王

初行半頌譬喻如人

三約處歎藥王

四約因歎藥王

五約果歎五

一明近果其有

二明譬喻藥王

三明法合菩薩

四徵釋近意所以

五明揀非藥王

初塔現之相爾時

二諸天供養十三

三三

誰一

初行頌總勸爾時

二十六行半頌長文四

三行頌結勸親若

初開佛知見二大科已竟

見寶塔品

二不佛知見二

初寶塔出現顯示寶相

提婆達多品

二難易得果證法平等

初達多通經釋迦資之盛

二行頌法合藥王

三行半頌示方軌若人

四行九頌利益我千

初長行三

初寶塔湧現六

二分身分遠集七

初樂說請見多寶是時

二佛告分身應集告佛

三樂說請集分身大樂

四如來放光遠召爾時

三

三多寶稱讚爾時

四時眾驚恠爾時

五樂說請問爾時

六如來垂答三

初答第二問爾時

二答第一問彼佛

三答第三問其佛

初變娑婆一界時

二更變八方世界時

三更變十方世界釋迦

初師弟原委

初長行四

初明求法時節爾時

二正明求法二

初明發願於多

二明脩行二

初明六度行滿為欲

二明推求妙法世時

三求得法師世時

四受法奉行王聞

見寶塔品

五諸佛告衆同來爾時

六嚴淨堪忍國界三

七與欲開此寶塔五

三釋迦唱募以大

二偈頌三

初三行半頌寶塔涌現爾時

二八行半頌分身遠集又我

三廿六行頌釋迦唱募

初八行半頌三佛以勸持經三

二廿七行頌舉難持以堅誓願二

初諸佛問訊說欲是時

二釋迦右指開塔爾時

三四衆一同見聞即時

四二佛分座並坐爾時

五四衆默念請加爾時

初一行半頌莫覓其人告諸

二三頌舉三佛以勸其多

三四頌上勸意其有

初一行頌誠勸諸善

二二十七行頌正勸六

三三 誰一

二偈頌五

二結會古今二

初正結會古今佛告

二明師弟功滿二

初明弟子功報圓滿由提

一明法師妙果當成三

初正明得果告諸

二明果後化度天時

三明滅後利益天時

三勸信生善佛告

初二行正舉勸持三

二七行總釋勸意諸善

初二句頌求法時節爾時

二一行頌正明求法雖作

三一行頌求得法師有時

四二行頌受法奉行王時

五二行結證勸信普為

初智積請退於時

二釋迦止之釋迦

三文殊尋來爾時

三三

初五行頌無願說難諸餘

二二行頌無願書難假使

三二行頌無願讀難若以

四二行頌無願持難假使

五三行頌無願聽難若持

六三行頌無願奉難若人

三二行頌結勸我為

初智積偈問爾時

二文殊畧答文殊

三問有得果智積

三殊弘經龍文函之成佛

四智積請問積智

四答有其人殊文

初明文殊通經五

五文殊垂答殊文

五智積疑問積智

二明通經利益十

六龍女釋疑論言

三示佛知見已竟

初菩薩奉命此土弘經爾時

七挾權難問時舍

持品

二聲聞發願他土弘經爾時

八獻珠除疑二

三悟佛知見二

三五千比丘尼眾請記三

初獻珠以表圖解爾時

初因迹門弟子通經二

初波闍波提請記二

二果滿正除眾疑時常

二發本門弟子通經〇

初請記爾時

九時眾得益爾時

初明持經二

二與記於時

十會眾默然積智

二示方軌〇

二耶輸陀羅請記二

初請記爾時

提婆達多品持品

云誰一

初明受持三

三尼衆領解發願爾時

二與記佛告

二明勸持二

初如來目視爾時

初一行總明惡世弘經時

初長行二

二菩薩發願是諸

二行廣明所忍之障四

二偈頌三

初十七行廣明忍難二

初一行總明忍惡有諸

初明持經已竟

二行畧明通經諸聚

二行邪慢行事惡世

三行總結誓願我於

三行出過謗毀好出

四半行敬佛忍難劫

法華大成卷六科文終

法華大成卷七科文

安樂行品

初歎深位如是弘經爾時

初明事行文殊

二明理行復又

二示方軌二

二問淺行云何宣說世尊

初明事行二

初文殊請問二

初總標章門佛告

初明遠十

二如來垂答二

二詳釋四行四

初遠豪勢云何

初身安樂二

初釋行處二

二遠邪人不親

初長行二

二釋近處二

三遠險戲亦不

初總標行近一者

初十五行頌二處事行爾時

四遠惡人又不

二別釋行近二

二八行頌二處理行二

五遠二乘又不

二偈頌二

初二行頌行處理行復又

六遠欲想文殊

安樂行品

誰一

初二行頌上長行二

二五行近處理行一切

二五行結明行成若有

初標章又文

二口安樂二

二釋行法二

初長行二

初明止行若口

二偈頌二

二明觀行善脩

初十一行頌上長行二

初七行頌止行爾時

二五行頌結明行成滅我

二四行頌觀行晝夜

三意安樂二

初標章又文

初長行二

二釋行法三

二偈頌二

初二行頌止行爾時

二三

七遠不男復亦

八遠危害獨不

九遠譏嫌若為

十遠畜養樂不

二明近好常

二明理行復次

初釋止行無懷

二明觀行於當

三結行成殊文

初明行成無過殊文

四誓願安樂二

初長行二

初明行法三

二歎經法二

初法說二
殊文

二喻說二

二偈頌二

初十四
行半頌上長行二

初四
行頌釋行法爾
時

二十行
半頌歎經法二

安樂行品

三
行頌觀行是
佛

三
行頌行成三
第

初標章
文又

二釋行法
在於

三結行成二

初不與珠喻二

二與珠喻二

初三
行頌不與珠喻
如譬

二
行頌與珠喻
有如

初一
行結勸四行
滅我

二明行成利益常
為

初喻說
殊文

二法合
殊文

初喻說
殊文

二法合
來如

初一
行報障清淨
是讀

二
業障清淨
不生

三
煩惱清淨
生眾

初一
行夢諸佛說法
若於

二
行夢八部圍繞
見

三六

誑一

初四行頌喻說二

二六行頌法合二

二三行頌合與珠喻如

二三行頌合與珠喻知既

二三行總結行成三

初因迹門弟子通經已竟

從地湧出品

二發本門弟子通經三

初從地湧出三

二彌勒疑問二

二六行行成感徵二

初四行明三障感報三

二六行明夢境徵相六

三行總結利益若

初他主菩薩請命爾

二如來止他召此爾

三下方菩薩湧出二

初經家敘相五

二讚歎問訊五

初海眾讚歎是

三句夢自身說法見自

四六行夢聞法得記見

五半行夢脩禪見佛見

六五行夢入相成道佛

初地裂湧出佛說

二菩薩身相是諸

三菩薩住處先盡

四聞召故來是諸

五眷屬眾多一

初行問從所來無量

初此土菩薩疑二

二他土菩薩疑爾時

三如來詳答二

初誠聽二

初長行爾時

二偈頌爾時

二正答二

初畧開近顯遠二

初開近顯遠二

二因疑更請二

從地湧出品

二上首問訊是苦

三佛答安樂爾時

四偈頌隨喜爾時

五如來述歎爾時

初長行疑念爾時

二偈頌正問五

初長行二

二偈頌二

初法說三

二喻說二

二一行三句問何緣來何

三九行敘數無量一

四二行問師是誰是諸

五五行半請答原委如是

初答師弟爾時

二答處所此諸

初五行半頌長行爾時

二三行動執生疑我於

初執近疑遠即白

二執遠疑近世尊

二三 誰一

初長行二

初疑念爾時

二陳請二

二偈頌二

初五行頌法說爾時

二九行頌喻說二

壽量品

二廣開近顯遠二

初誠信三

二正答二

初喻說如譬

二法合三

初成道近喻亦佛

二合所化多喻此而

三合難信請答三

初二行頌喻說如譬

二七行頌法合三

初三誠爾時

二二請是時

三重請重誠復言

三結其難信尊世

初舉佛語今日

二明請意我等

三正請答唯然

初二行頌成道近喻尊世

二三行頌合所化多喻是諸

三行頌合難信請答我等

初舉喻難問如譬

二答其難知彌勒

三合顯長遠爾時

初長行二

初出執近之情如來

初益物之處從自

初法說二

二明破近顯遠二

二拂迹中疑善諸

初三世益物二

初顯遠舉喻二

三正明益物二

初明過去益物二

初正明顯遠善然

初明感應善諸

二明現在益物二

二舉喻格量三

二明施化處處

初明機感諸善

二過去益物三

初明益物不虛諸善

二明應化二

初明非生現生是為

二徵釋不虛二

初非生現生二

二明現生利益二

初照理不虛以所

二非滅現滅二

初本實不滅是如

二稱機不虛以諸

初明非滅現滅二

二迹中唱滅然今

初不滅有損以所

從地湧出品

三 誰一

二偈頌二

初二十行半頌法說二

初十九行半頌三世益物三

二一行頌皆實不虛汝等

二五頌喻說二

三悟佛知見已竟

分別功德品

四入佛知見三

初明證解功德二

二明持經根淨○

分別功德品

初四行頌過去益物爾時

二五頌現在益物二

初三行頌非生現生見眾

二二行頌非滅現滅以方

三十行半頌未來益物四

初一行頌喻說如醫

二四行頌法合我亦

初經家敘益爾時

二如來分別三

三時眾供養佛說

二諸子醒悟喻二

初現滅利益是時

二未來機感自惟

初一行頌未來機感我見

二四行明常住不滅通神

三三行明不見因緣我淨

四三行得見因緣有諸

初入道功德於時

二得果功德復有

三發心功德復有

三

誰一

三顯能證之人。

初明證入二

初長行三

二偈頌二

二明解入二

初明現在解入四

二明未來解入二

初五種持經功德二

二格量隨喜功德。

初長行五

初十一行頌如來分別爾時

二八行頌時眾供養雨

初一念信解二

初長行三

二偈頌三

二畧解言趣二

初標舉其人阿又

二格量功德是人

三廣為人說二

四深信解相二

初標舉其人爾時

二格量功德三

初標德無量所得

二舉格量本若有

三格量多少是以

三結明不退若善

初十四行頌格量功德爾時

二四行頌結明不退其有

三二行頌深心信解若有

初況舉人相何況

初直起隨喜復又

二加自授持二

三加他授持二

四兼行六度二

五脩行六度二

一二偈頌四

初五行半頌加自受持爾

二行頌加他受持能若

三行頌兼行六度有若

四八行頌脩行六度況復

分別功德品

初況舉人相何況

二格量功德阿逸

初標舉人相阿逸

二格量功德則為

初況舉人相況復

二格量功德其德

初標舉人相若人

二格量功德阿逸

初五種持經功德已竟

法華大成卷七科文終

二格量功德是人

初舉示其人阿逸

二極顯觀成則為

三

誰一

法華大成卷八科文

隨喜功德品

二格量隨喜功德二

初彌勒請問爾時

二如來垂答二

初長行二

初明隨喜能說功德四

二明聽法勸人功德四

二偈頌二

初明證解功德已竟

初展轉相教爾時

二舉格量本三

三問答顯勝於汝

四正為格量佛告

初自往聽經又阿

二分座與人若復

三勸往聽經阿逸

四具聽脩行阿逸

初九頌隨喜說功德三

三

初誠聽許校阿逸

二舉受施之人若四

三舉能施之人有人

初一行半頌展轉相教爾時

二五行半頌舉格量本最後

三二行頌正為格量最後

初五行頌勸往聽經若有

二二行頌自往聽經若故

三一行頌分座與人若於

四一行頌具聽脩行何況

法師功德品

二明持經根淨二

初總列六根清淨爾時

二別作六章解釋六

初眼根功德二

二耳根功德二

三鼻根功德二

初長行二

初總標鼻聞復次

二別列諸香五

窟喜功德品

二九行頌聽法勸人功德四

初長行是善

二偈頌爾時

初長行二

二偈頌二

初一行頌總標耳聞爾時

二十七行頌別列諸聲七

初一行頌雜類聲象馬

二半頌六對聲無數

三五行頌惡道聲山川

初總標耳聞復次

二別列諸聲八

初明雜類聲象聲

二明六對聲男聲

三明八部聲天聲

四明三灾聲火聲

五明惡道聲地獄

六明二眾聲比丘

七明四聖聲聖聲

八結其功德誰一

法師功德品

初人間無情香須臾

二人間有情香復又

三天上無情香持是

四天上有情香又聞

五四聖人香及聲

二偈頌二

四舌根功德二

五身根功德二

初長行二

初總標身淨復次

四行頌諸天聲其諸

五行頌二眾聲一切

六行頌四聖聲復有

七行頌結其功德三千

初行頌總標鼻爾爾時

三行頌別列諸香三九

初長行二

二偈頌二

初行頌總標舌淨爾時

二行頌別明說法五

三

初行頌人間無情香須臾

二行頌上無情有情香上天

三行頌四聖人香諸比

初總標舌淨復次

二別明說法四

初聞法歡喜若以

二八部供養諸又

三至民供養及比

四佛聖護念諸又

初一行頌聞法歡喜深以

二別明現像二

初身中現六趣三千

二行頌八部供養諸天

二偈頌二

二身中現四聖若聲

三行頌至民供養是說

初二行頌總標身淨爾時

初三行頌身現六趣三千

四行重頌八部讚美諸天

二五別明現像二

二行頌身現四聖諸佛

五行頌佛聖護念諸佛

六意根功德二

初標意根淨解復次

二明持經根淨已竟

初長行二

二明淨意說法是解

初標時節人名最初

二偈頌二

初二行頌意根淨解爾時

二徵釋不輕之名

常不輕菩薩品

二九行頌淨意說法第一次

初明不輕之行得大

三顯能證之人二

初明事本得大

二明得名所以四衆

初長行二

二明本事二

初正明果報三

常不輕菩薩品

三
誰

初雙舉前品罪福爾時

初信者果報二

初明現報是比

二雙開今品信毀二

二毀者果報二

二明生報是苦

三雙明信毀果報二

初正明果報得大

三明後報是以

二偈頌二

二結會古今二

二結會古今得大

初五行半頌雙開今品信毀三

初一行半頌頌事本爾時

初結會得大

二十四行頌雙明信毀果報三

二一行半頌時節名是佛

二勸持得大

一正宗分已竟

三二行半頌不輕之不輕

初舌相上舒現大

如來神力品

初四行半頌信毀果報其罪

二通身放光一切

三流通分八

二三行半頌結會古今彼時

三攝舌馨欬然後

初神力嘉讚二

三六行頌舉益勸持於我

四諸佛彈指俱共

二囑累傳薪○

三藥王苦行○

四妙音說法○

五普門圓應○

六神咒護持○

七妙嚴轉邪○

八普賢勸發○

初長行三

初菩薩受命二

二佛現神力二

如來神力品

初經家敘儀時

二發願弘經世尊

初明所對眾爾時

二正現神力十

初稱歎付囑爾時

二結要付囑以要

三勸持付囑二

初勸持起塔是故

二釋起塔意所以

初六頌上長行二

五十方震動是二

六普覓大會其中

七諸天唱勸即時

八眾生歸命彼諸

九遙申供養以種

十世界合一於

初三頌佛現神力爾時

二三頌結要勸持以佛

初一行頌明得見三佛能持

二三頌諸佛歡喜能持

三三

誰一

三結要勸持三

二偈頌二

初神力嘉讚已竟

囑累品

二囑累薪傳二

初囑累授受三

二時眾歡喜是說

藥王菩薩本事品

三藥王苦行四

初宿王請問三

二行明持經功德五

初如來付囑三

二菩薩領受時諸

三事畢唱散時爾

初總問遊化時爾

二別問苦行世尊

三請答歡喜善哉

初明事本時爾

二明本事三

初彼佛說法時爾

三三

三行頌明得近佛果佛諸

四行頌明得大辯才能持

五行頌總結應持是故

初正明付囑時爾

二釋付囑意所以

三誠勉隨宜於未

二囑累薪傳已竟

初明現在二

初修行得法是一

二作念報恩二

二如來垂答二

二廣修供養二

初以三昧神通供養得此

初正答苦行二

三結會古今佛告

二以莊嚴身供養三

二歎經功深三

初供塔顯勝宿王

初正明燒身作是

初明供養較勝二

二供人顯勝若復

二諸佛稱歎其中

二歎所持經法二

初歎法體十一

三明燒身時節其身

三明持經福德二

初河海淺深喻王宿

二明未來五

初舉聞全經若人

二羣山高低喻又

初生在王家一切

二舉聞今品福二

三星月校光喻又

二說昔本事即為

初格量四

四日光破暗喻又

三往詣佛所已

初明聞品益宿王

五王位尊卑喻又

四如來付囑爾時

囑累藥王二品

三誰

法華大成卷八科文終

- 二明勸脩益如若
- 三諸佛遙讚是時
- 四結聞品益宿王
- 二囑累是故
- 三聞品利益是說
- 四多寶稱歎多寶
- 三藥王苦行已竟

- 六天王優劣喻又
- 七凡聖為父喻又
- 八約聖顯說喻又
- 九法妙人尊喻有能
- 十乘分大小喻一切
- 十一唯佛獨尊喻如佛
- 二歎法用三

- 五奉命任持四
- 初滅後起塔爾時
- 二燒背供養爾時
- 三時眾獲益無令
- 四燒背還復爾時
- 初歎拔苦用王宿
- 二歎與樂用此經
- 三總結二用法此

三

法華大成卷九科文

妙音菩薩品

四妙音說法六

初放光東照爾時

二奉命西來二

初明發來之緣六

二明正共發來六

三十方弘經二

初問答善根神力二

初華德疑問爾時

妙音菩薩品

初經家敘德爾時

二光照其身釋

三辭師願往白

四彼佛垂誠爾時

五妙音受旨妙音

六先現來相六

初眷屬經歷於

二敘相登臺是

三問訊傳旨到

初妙音先現華瑞是於

二文殊發問何緣爾時

三如來答以欲來爾時

四文殊請現其相文殊

五釋迦推功多寶爾時

六多寶命彼來會多

初應六凡六

初應天眾或

二應人眾或

三應八部或

三三 誰一

二如來垂答二

初正答善根功德佛告

二廣明神力應化三

二問答住何三昧二

初問爾時

二答佛告

四兩土得益是說

五還歸本土爾時

六問品進道是說

四妙音說法已竟

四請見多寶尊世

五世尊為通爾時

六塔中稱善多時

初總舉德華

二別明二

三總結德華

初標舉人數佛告

二總明遭苦受諸

三聞名稱號是聞

四即得解脫世觀

三五

四應惡趣有諸

五應宮禁至力

六縮前廣顯德華

二應四聖應若

初免火難有若

二免水難為若

三免羅刹難有若

四免王難復若

五免鬼難若三

六免枷鎖難復設

普門品

五普門圓應二

初問答顯德二

初長行二

一初番問答觀音八

初無盡興問爾時

二如來垂答三

初總答四

二別答三

三勸持名答三

普門品

初免七難二

初正明七難七

二結其神力無盡

二離三毒若有

三應二求若有

初勸持若有

二格量無盡

三結歎無盡

初無盡興問無盡

二如來垂答三

七免冤賊難若三

初普門圓應八

初聖人身佛告

二天王身應以

三王民身應以

四四眾身應以

五婦女身應以

六童男女身應以

七八部身應以

八金剛身應以

三

誰一

三番問答普門法

二偈頌二

初行雙頌二問爾時

二行雙頌三答

初行總歎行願具足

二行別頌三答

初行初答觀音得色

二行頌次答普門示現四

初行明身業普應具足

二行明意業普觀真觀

初正答普門法

二勸興供養

三總結神力無盡

初行頌總答為我

二行頌別答

初行頌七難十二

初行頌免火難假使

二行頌免水難或漂

三行頌墮須彌難或在

四行加頌墮金剛難或被

二結畧指廣無盡

初勸供是故

二受旨五

初奉命興供無盡

二觀音不受時觀

三無盡重舉無盡

四佛勸當愆爾時

五受已奉佛時即

初請護爾時

二說咒即說

三行明口業說法悲體

四行加頌官陣譯訟

三行雙頌二勸二

初一行頌勸持名妙音

二行頌勸供養世觀

二聞品得益二

初持地稱歎爾時

二聞品獲益佛說

五普門圓應已竟

陀羅尼品

陀羅尼品

五行頌免冤賊難或值

六行頌免刀杖難或遭

七行頌免枷鎖難或囚

八行加頌咒誑毒藥難咒

九行頌免羅刹難或遇

十行加頌惡獸難若惡

十一行加頌蛇蠍難蛇蠍

十二行加頌雲雨難雷雲

二行頌三毒二求生眾

初藥王咒護四

三稱歎尊世

四印善時釋

初請護爾時

二說咒於即

三結歎尊世

初請護爾時

二說咒說即

三結歎尊世

初請護爾時

二說咒誰說即

六神咒護持三

二勇施咒護三

三結歎尊世

初問答持經功德爾時

三毘沙咒護三

初列名爾時

二請以神咒護持五

四持國咒護三

二請說同聲

三會中間品得益是說

五羅刹咒護五

三稱歎寧上

六神咒護持已竟

初彼佛說法爾時

四誓願諸羅

妙莊嚴王本事品

三三子願往淨時

五印善佛告

七妙嚴轉邪六

三母子論議母告

初問佛白

初畧明事本爾時

四三子現通於時

二答佛告

二標能所化彼佛

五信子伏師父時

初護人六

三能化方便入

六于喜報母於時

初攘其外難爾時

三七

四所化得益十一

初敘宮眷德時彼

二合宮從化是於

三佛為說法時爾

四捨愛回心時爾

五佛力示現於虛

六邪心頓絕時爾

七佛與授記時雲

八出家修行其王

九感歎二子即升

妙莊嚴王品

七願求出家我等

八勸親觀佛是於

初結會佛告

二結歎是藥

初經家敘儀時爾

二普賢勸發二

初請問勸發二

二誓願勸發二

三如來述發二

初先述護法時爾

二教其內法二

初行立讀誦是人

二常坐思惟是人

三三七精進世尊

三覆以神力世尊

四示以勝因若有

五示以近果若但

六總結是故

二護法世尊

初述示其身教普賢

三

誰一

十佛述行高爾時

十一妙嚴讚謝妙莊

五結會古今二

六聞品進道佛說

七妙嚴轉邪已竟

勸發品

二述其護人五

四聞品成行二

初聞品利益是說

二事畢云散佛說

八普賢勸發四

二述示以勝因是如

三述示以近果普賢

四述攘其外難若有

五述信者功德是故

三流通分已竟

法華大成卷九科文終

妙法蓮華經大成懸談

金臺卽山居後學大義集

將釋此經。啟以十門。一教起因緣。二藏教分攝。三義理分齊。四教所被機。五教體淺深。六宗趣通別。七部類品會。八傳譯感通。九總釋名題。十別解文義。且初教起因緣。

夫聖人設教。必有由致。若須彌巨海。大因方爲搖動。今搖如來融金之德山。動深廣之智海。非小緣矣。因緣有總有別。總因緣者。謂佛一代聖教。總爲酌因酌請顯理度生。所顯之理。卽本經中。諸佛世尊。出現於

世唯爲一大事因緣。開示悟入。一切衆生佛知佛見。蓋此知見。衆生等有迷不自知。故淪生死。佛於因中悟此。發願成佛普示。故今五時設教。雖言有權實顯。有遲速。原其本意。唯爲此一大事因緣也。

別論因緣。則有多種。今畧示十義。一法應爾。故而說此經。夫王道坦坦。千古同規。一乘實相。諸佛齊證。所以一切諸佛。法爾於無盡世界。常轉如是無盡妙法。教化衆生。無有休息。故下文人天衆集。說經入定。雨華動地。一光智境全彰。圓開其端。二士曲唱傍通。助發其緒。引二萬燈明佛。皆說此經。乃至大通智勝佛。

威音王佛。皆說妙法蓮華經。佛佛道同。古佛如是。今佛亦然。文云我常在此娑婆世界。說法教化等。二暢本懷。故而說此經。道場悟已。卽欲開示。奈何根鈍。不堪受持。故爾四十年前。將此妙法。抑之在懷。五乘隨機。本懷不暢。只至而今。靈山高會。方說此經。本懷始暢。文云如我昔所願。今者已滿足。又云如來所以出。爲說佛慧故。三順時機。故而說此經。夫至道無古今。應機有時節。久默斯要。不務速說。故四十年前不說此經者。時未至故。機不堪故。文云衆生諸根鈍。着樂痴所盲。如斯之等類。云何而可度。循循善誘。根器純。

熟教被乘時。得預高會。文云。今正是其時。決定說大乘。如是妙法。諸佛時乃說之。兼之一化將終。涅槃時至。順時順機。不得不說。四會權乘。故而說此經。四十年前。將一乘說三乘。一性說五性。權爲小機。止啼黃葉。故有三乘之別。五性之分。豈知五性是一性。三乘是一乘哉。如來說法。但教化菩薩。無聲聞緣覺。今經三根得記。泯二乘之權。果全付家業。廢草庵之滯情。聲聞得記作佛。會歸總是菩薩。若不會歸。必權終權矣。五示真實。故而說此經。十方佛土中。唯有一乘法。無二亦無三。三乘方便。受解緣別。今經開方便門。示

眞實相。指示衣珠髻珠。出離化城火宅。共登長者之室。前至菩提寶所。皆示眞實之談也。六酹宿緣。故而說此經。夫根深則枝茂。源遠則流長。宿因旣深。教起亦大。故經云。我在大通智勝佛時。各各教化無量恒河沙衆生。從我聞法。此諸衆生。於今有住聲聞地者。我常教化阿耨菩提。大通未了之案。今當酹之。廣如化城說。七顯佛慧。故而說此經。文云。我見佛子等。志求佛道者。咸以恭敬心。皆來至佛所。我卽自思。惟如來所以出。爲說佛慧故。佛慧卽實相。三周法竟。多寶塢現。卽顯示平等佛慧也。文云。塢中出大音聲。歎言

善哉釋迦牟尼能以平等大慧教化衆生云平等者無生滅寃親故也。八開本迹故而說此經師之本迹。但取最初先得眞應名之爲本。中間大通威音時。今之王宮誕相。道樹成尊時。皆爲迹也。如梵網云。八千番示生娑婆。大寶積云。入萬億番來臨此土。今經開本壽量。塵點劫前。更塵點點。盡塵點劫未休。非生現生。非滅現滅。常在此處說法教化。豈今日菩提成尊云乎。文云。我實成佛已來。久遠若斯。但以方便教化衆生。作如是說。若夫弟子本迹。久已成佛。今爲鼗鼓。內秘外現。豈眞聲聞哉。九成始終故而說此經。始卽

本也。本卽華嚴。故吉藏立法華爲根本法輪。終卽末也。末卽法華。故吉藏立法華爲攝末歸本法輪。所謂非海無以潛流。非本無以攝末。始終一貫。本末一事。故下文云。始見我身。聞我所說。卽皆信受。入如來慧。卽始說華嚴。如日初出。先照高山。又云。除先修習學。小乘者。我今亦令得聞是經。入於佛慧。卽終說法華。如日沒時。還照高山等。一本一末。成始成終。事無不窮。理無不盡。出世本懷。畢於此矣。十利今後故而說此經。說三周法。授三根記。凡有聞法者。無一不成佛。今之利益也。如來滅後。聞此經一句一偈。我亦與授。

阿耨菩提之記。後之利益也。若以佛在當機爲今。今之見聞爲後。今之見聞爲今。後之見聞爲後。如是弘傳無盡。利益無窮。如食金剛。終竟不銷。通上若總若別。教起因緣已竟。

二藏教分攝。分三。初明藏攝。二明教攝。三明分攝。初明藏攝。二。初明三藏。

已知此經有如是大事因緣。未委此經於藏教分中。何所攝屬。故次前明之。通言藏者。皆能含攝出生一切義理。故言三藏者。一修多羅藏。亦名修妬路。亦名素怛攬。此皆梵音。楚夏古譯爲契經。契謂契理契機。

經謂貫穿攝化。契理合機之經。依主受名。契經卽藏持業釋也。若按五印土有四名。謂線。席經。井索。聖教。皆修多羅之異稱。古德見此方。儒墨皆稱爲經。遂借彼席經以目聖教。則雙兼二義。俱順兩方。借義助名。夏加契字。揀異席經。故稱契經。又雜心論云。經有五義。一曰涌泉。謂流注無竭故。二曰出生。謂展轉滋多故。三曰顯示。謂能顯事理故。四曰繩墨。謂楷正定邪故。五曰結鬢。謂線能貫華故。此五義不出貫攝二義。以佛聖教。貫穿攝持。所應說義。所化生故。二毘柰耶藏。亦名毘尼。梵音畧耳。此云調伏。謂調練三業。制伏

過非。調練通於止作。制伏唯明止惡。就所詮之。行彰名。卽調伏之藏。依主受名。或能詮藏。有調伏之能。有財釋也。毘尼或翻爲滅。有三義。一滅業非。謂不殺等。二滅煩惱。謂不貪等。三得滅果。卽無爲果。或名尸羅。此云清涼。從因果得名。謂離熱惱。因得清涼果故。亦名波羅提木叉。此云別解脫。就因得名。有二。一揀異定道名之爲別。二三業七支各別防非。亦名爲別。亦名隨順解脫。就果立名。謂隨順有爲無爲二種果故。亦名性善。性本善故。三阿毘達摩藏。此云對法。法有二種。一勝義法。謂卽涅槃。是善是常。故名爲勝。二法

相法。通四聖諦。對亦二義。一者對向。向前涅槃。二者對觀。觀前四諦。其能對者。皆無漏淨慧。及相應心所等。亦名優波提舍。此云論議。亦名磨咀哩迦。此云本母。謂以教與義爲本爲母故。此三藏約所詮。有二義。一者尅性。則經詮三學。律唯戒心二學。論唯慧學。二約兼正。經正詮定。毘尼詮戒。論詮於慧。兼則各三。今此經者。在三藏之中。正唯修多羅藏所攝。餘二不攝。良以此經。非律非論故。若以經義攝彼三藏。三藏俱含。良以此經。亦有議論之慧。如龍女身子。文殊智積等。亦有起行之戒。如三軌四行等。

二明二藏

一聲聞藏。二菩薩藏。卽由前三藏。詮示聲聞理行果。故名聲聞藏。詮示菩薩理行果。故名菩薩藏。若約教行別故。卽開爲三藏。以緣覺人多不借教。出無佛世。佛在世時。攝屬聲聞。故但名二藏。今此經者。於二藏中。菩薩藏攝。文云。但教化菩薩。無聲聞緣覺。以此經演說大乘以利他。與華嚴同宗。但華嚴爲根本。一乘法華爲破疑。一乘故。又爲諸聲聞說大乘經名妙法蓮華。亦攝聲聞。正授聲聞成佛之記。故藏攝已竟。

二明教攝

如來一代。所說通名十二分教。西天東土。有十八師判教。廣如華嚴懸談。今畧引其名。一後魏菩提流支。北印土人。宣武永平年至洛陽。判一音教。以如來一音。同時大小並陳。一音具異。二姚秦羅什。龜慈人。弘始三年至長安。判一圓音教。以一音平等。無二無私。機聞自殊。三西秦曇無讖。中印土人。玄始元年至中國。判二教。謂半字教。卽聲聞藏。滿字教。卽菩薩藏。四隋朝遠法師。燉煌郡人。判二教。同上。五隋延法師。判二教。謂頓漸。約漸悟機。大由小起。所設具有三乘。約頓機。直往於大。不由於小。六唐海印法師。判二教。一

曲屈教。釋迦逐機性故。二平道教。舍那逐法性故。七齊朝隱士。劉虬。字伯龍。判二教。謂頓漸。以華嚴爲頓。餘皆漸故。八宋朝岌法師。判三教。謂有相教。無相教。常住教。九眞諦法師。西印土人。判三教。一轉法輪教。二轉照法輪教。三轉照持法輪教。十宋慧觀法師。判五教。一有相。二無相。三抑揚。四同歸。五常住教。十一後魏光統律師。判三教。謂頓漸圓。十二唐吉藏法師。判三教。一根本法輪教。二枝末法輪教。三攝末歸本法輪教。十三梁光宅法師。判四乘教。以臨門三車。卽權教三乘。與等賜大車。卽實教大乘。十四陳隋智者

大師判四教。十五海東曉法師判四教。一三乘別教。如四諦緣起經等。二三乘通教。如般若深密等。三一乘分教。如梵網等。四一乘滿教。如華嚴等。十六賢首弟子慧苑法師判四教。一迷真異執教。二真一分半教。三真一分滿教。四真具分滿教。十七波頗判五種教。一四諦教阿含也。二無相教般若也。三觀行教華嚴也。四安樂教。謂涅槃說常樂故。五守護教。謂大集經守護正法事故。十八賢首大師康居人判五教。已上諸師判教各有理據。皆謂莊嚴聖教故。茲今海內流傳。唯有二宗。一天台大師依此經判一代時教。爲

藏通別圓。如四教儀說。二賢首大師。依華嚴經判爲五教。謂小始終頓圓。初小教者。以隨機宜。說諸法數。一向差別。揀邪正。辨凡聖。分欣厭。明因果。故名爲小。若約法相。止七十五法。但說人空。縱少說法。空亦不明顯。但依六識三毒。建立染淨根本。未盡法源。故多諍論。部執不同。二始教者。亦名分教。以深密第二第三時教。同許定性聲聞。無性闡提。俱不成佛。故今合之。總爲一教。此既未盡大乘法理。故名爲初。有不成佛。故名爲分。廣說法相。少說法性。所說法性。卽法相數。說有百法。決擇分明。故少諍論。說有八識。唯是生

滅。依生滅識。建立生死及涅槃。因法爾種子。有無差別。是故五性決定不同。故說一分眾生決不成佛。名生界不滅等。如是義類。廣有衆多。三終教者。亦名實教。定性二乘。無性闡提。悉當成佛。方盡大乘至極之說。故立爲終。以稱實理。故名爲實。少說法相。多說法性。所說法相。亦會歸性。所立八識。通如來藏。隨緣成立。生滅與不生滅和合而成。非一非異。一切衆生。一性平等。但是眞如隨緣成立。依他無性。卽是圓成。一理齊平。故說生界佛界。不增不減等。如是義類。亦有衆多。四頓教者。但一念不生。卽名爲佛。不依地位漸

次而說。故立爲頓。如思益云。得諸法正性者。不從一地。至於一地。楞伽云。初地卽爲八。乃至無所有。何次等。不說法相。唯辨眞性。亦無八識差別之相。一切所有。唯是妄想。一切法界。唯是絕言。五法三自性俱空。入識二無我雙遣。呵教勸離。毀相泯心。生心卽妄。不生卽佛。亦無佛無不佛。無生無不生。如淨名默然。卽其意也。五圓教者。明一位卽一切位。一切位卽一位。故十信滿心。卽攝五位成等正覺。依普賢法界。帝網重重。主伴具足。故名圓教。所說唯是無盡法界。性海圓融。緣起無碍。相卽相入。如因陀羅網。重重無際。微

細相容。主伴無盡。十法門。各攝法界故。良以賢首
五教與天台化法四教。但開合不同。彼則開前合後。
此則開後合前。小卽藏教。第二始教。有二。一始教。但
說諸法皆空。卽彼通教。二分教。但說一切法相。卽彼
別教。第三終教。明如來藏隨緣。成諸染淨。緣起無性。
一切皆如。卽彼圓教中雙照義也。第四頓教。唯辨眞
性。卽彼圓教中雙遮義也。第五圓教。明性相俱融。卽
彼圓教中遮照同時義也。此三教所詮。唯是一心。具
一切法。卽彼圓教不思議中道也。故此三皆屬圓攝。
此則合彼通別爲一始教。開彼圓教爲終頓圓三教。

彼卽開此始教爲通別二教。合此終頓圓爲一圓教。雖開合有異。而法體無殊也。若論所攝。此經於五教中。正屬圓教。所攝若以經攝教。統該前四。以圓滿具足。開權顯實。一代所歸。五時極唱故。

三明分攝

舊云部。古德見濫於部帙之部。改爲十二分。一契經。謂始從如是。終至奉行。二應頌。謂與長行相應而頌故。三投記。謂佛記弟子。當來成佛事故。四諷頌。謂孤起不頌長行故。五因緣。謂因請因事方說故。六自說。謂不因請而說故。七本事。謂說佛及弟子往因事故。

八本生。謂說佛及餘人往昔受身故。九方廣。謂說方正廣博。平等稱性。普利樂故。十未曾有。謂德業殊勝。法體希奇故。十一譬喻。謂比類發明。誘令信解故。十二論議。謂妙理深奧。直言不了。須分別審明故。若論所攝。十二分中。正屬契經。若以經攝分。收餘十一經中。多頌。則攝應頌。正授聲聞成佛。則攝授記。龍女讚偈。則攝諷頌。三請殷殷。三周開示。則攝因緣。出定召告。則攝自說。嚴王轉邪。藥王焚身。則攝本事。生爲王子。生爲國王。則攝本生。平等大慧。凡聖同均。則攝方廣。法如優曇。光瑞變涌。則攝未曾有。廣說譬喻。則攝

譬喻。有問有答。則攝論議。上藏教分攝竟。

三義理分齊

已知此經攝於圓教。未委圓教義理分齊云何。夫義者文之實也。理者事之主也。又義相也。理體也。由是聖人設教。理以統之。義以析之。理雖至一。而逐機遂有淺深。義雖成多。而歸理原無別體。是則諸經義理。既有淺深。而明經者若不辨析。何以知其分齊所詣乎。先畧明五教分齊。依起信論。有五重淺深。亦不離前五教。但此則從淺至深。彼則從深向淺。故不同耳。初唯一心爲本。源卽一真法界。該四法界。此圓教分

齊也。二依一心開二門。卽該二教。一心真如門。謂心性不生不滅。卽頓教分齊也。二心生滅門。謂如來藏與生滅和合。名阿賴耶識。卽終教分齊也。三依此識明二義。一覺義。謂心體離念等。二不覺義。謂不如實知真如法。一不覺心動等。四依後義生三細。一依不覺故心動。名業相。二依動故能見。名轉相。三依見故境界妄現。名現相。卽始教分齊也。五依最後生六麤。一智相。二相續相。三執取相。四計名字。五起業相。六業繫苦相。三四二相。小教分齊。第五人天分齊也。次別明此經圓義。然圓教義理。如海宏深。能攝百川百

川不攝大海。雖攝百川。同一鹽味。故隨一滴迥異百川。前之四教不攝於圓。圓必攝於四。雖攝於四。圓以貫之。十善五戒亦圓教攝。尙非三四何況初二。今經功高一化。理冠羣經。全收五乘之機。不說人天等教。言廢昔日之權。意顯今時之實。所謂圓收逗會教乘。總攝時機方便。如是圓理。無以加矣。總括全經十義。該收以顯圓妙。一出世本懷妙。原夫世尊以大事因緣故出現於世。開示衆生本有佛知佛見。令其悟入。唯此一事。更無餘事。悟此知見。卽登佛地。故名一乘。出世唯此一事故。說法唯有一乘。更無餘乘。故二放

光現瑞妙。一光東照。生佛始終。昭然在目。意顯實相。理境。乃諸佛所證。衆生所迷。要人人心領神會。當下薦取。三曲唱傍通妙。彌勒覩光中瑞相而問。爲說妙法。爲當授記。文殊引燈明故事而答。極盡精詳。指點分明。四出定歎德妙。一光之中智境全彰。不言之道。終難領會。不得已而又假言說方便以開導之。乃告之曰。諸佛智慧甚深無量。其智慧門難解難入。不獨一往四十年中所說爲智慧之門。卽今入定放光現瑞之事。皆入智慧之門也。離言之道。唯佛與佛乃能究盡。非心識思量可到。故曰甚深無量。昔時曲說。容

可不悟。今特直示。尙爾茫然。信乎難解難入也。五開權顯實妙。開三乘之權。顯一乘之實。以三車一車之淺。沉三乘一道之深。說因緣久窮。曠劫策疲。息前至寶所。六普投記。前妙說三周法。投三根記。普記現在。懸記未來。凡所見聞。無不成佛。七佛慧平等妙。寶塢出現。樂說請問。如來三變淨土。却染淨之執。入塢就座。除生滅之見。無去無來。無冤無親。平等大慧。人人本具。八開迹顯本妙。本門弟子。從地涌出。彌勒不識一人。執近迹疑遠本。父少子老。舉世不信。如來說壽量一品。開師門近迹。顯佛地遠本。如世良醫。方便治

子。九六根清淨妙。五種法師。於此妙法。會旨情忘。根塵兩淨。五種功備。六千德圓。妙法神功。不可思議。十智行相成妙。全經開示。皆顯圓理。此理非智莫照。故先以文殊大智以創始。非行莫證。故後以普賢妙行以成終。若夫起行造修。在人自肯。如藥王焚身。觀音圓應等。皆是依圓理而起妙行。依妙行而成妙德。智行冥合。方成圓妙之果。所謂無不從此法界流。無不還歸此法界也。

四教所被機

已知此經義理宏深。未委此經被何機宜。夫聖人說

法必有所爲之機。機有通別。通則普收一切。如涅槃云。一切衆生莫不有心。凡有心者皆當作佛。別則揀其當機。若約尋常料揀。五種非機。謂樂着名相。以文爲解者。繫滯行位。高推聖境者。情尙於空。觸言賓無者。自恃天真。輕厭進習者。固執先聞。擔麻棄金者。此五非機。反此皆機。謂合善於義。莫着於文。一念頓超。忘言默證。痛斥斷滅。策勵勤修。昔謬卽離。今真實契。若論此經。有十種機。前五非機。一無信不住。無信卽不信也。文云。優婆夷不信。四衆皆有。此舉重言。又不信之罪。衆罪之首。如後經云。不信生謗。輕毀破法。乃

至出法師過輕笑等報是也。二違真自去。違真卽執俗也。文云優婆塞我慢亦舉重言。若聞而能說我見未忘亦是增長魔業。三乖實退席。乖實卽就虛也。文云未得謂得。未證謂證。佛許說已。五千退去。上三不堪大法。三止不說。正爲此也。三請許說。此等卽去。若論實行。衆中糟糠佛威故去。若論權行。大權示現。爲進增慢。四狹劣種大。一切二乘。雖歷諸會。聞說大法。但念空無相等。尙不發大心。何況得自受持。機志雖劣。緣種未熟。佛意在大。皆爲一乘。五守權含實。謂三乘共教菩薩。隨宗所脩六度之行。未聞一乘實相。守

是權理。文云行菩薩道者。不見不聞此經。去阿耨菩提尙遠。因根未熟。故謂非器。時節若至。實理自彰。此五非機。佛不厭捨。開而誘之。熏其成種。不輕一號。遍記。謗者。干劫受罪。罪畢復受教化。不信誹謗。亦成善根。此法只恐不聞。逆順皆有益焉。後五是機。一正爲之機。一乘圓機。久修梵行。方堪領受。是法。所謂此衆無枝葉。唯有諸貞實。爲此諸佛子。說是大乘經。我記如是人。來世成佛道。說三周法。授三根記。乃至五百受記等。皆正爲也。二兼爲之機。學無學。二千人等。雖在學地。未得無學。今聞廢三歸一之妙。悟四果三乘。

五教體淺深

已知此經收機普遍。未委此經何爲教體。清涼判爲十種教體。一音聲語言體。二名句文身體。三通取四法體。四通攝所詮體。五諸法顯義體。六攝境唯心體。七會緣入實體。八理事無碍體。九事事無碍體。十海印炳現體。圭峯約之成四。一隨相門。謂聲名句文與所詮義皆屬相故。依清涼通收四者。以聲爲教主。名者次第行列。詮法自性。句者次第安布。詮法差別。文者次第聯合。上二所依。此名句文三者。屈曲爲聲。上詮表。唯聲不能詮義。唯名句文則無自體。兼此四事。

是爲教體。以假實體用兼資也。此聲名句文。若無所
詮之義。同乎篇韻。殊無意況。若徒義無文。妙理憑何
顯示。文隨於義。義隨於文。文義相資。乃成教體。今經
始從如是。終至而退。是聲名句文爲體。其中所詮。一
乘實相。中道了義。是所詮之義。以是二者。交相隨故。
而爲教體。二唯識門。此文此義。皆識所變。而有本影
四句。一唯本無影。卽小乘教。不知教法。皆唯識現。謂
如來實有說法故。二亦本亦影。卽始教。以佛自宣說。
若文若義。皆從妙觀察智淨識所現。名本質教。聞者
識上所變。文義名影像教。諸佛衆生互爲增上故。三

唯影無本。卽終教。以離衆生心。更無有佛。唯大悲大智爲增上緣。令彼根熟衆生。心中現佛說法。是故佛教全是衆生心中影像。四非本非影。卽頓教。非唯心外無佛。衆生心中影像亦空。以性本絕言。卽不教之教。所謂尊者。無說我乃無聞。說聽皆無。唯識而已。是以識爲教體。三歸性門。前以所變之萬境。攝歸能變之八識。今以所現之八識。攝歸能現之一心。謂此識無體。唯是真如故。下經云。是法不可示。言辭相寂滅。故以性爲教體。四無碍門。心境理事。本自交徹。故境與事。是隨相門。心是唯識門。理是歸性門。云交徹者。

一心原有二門。真如卽是生滅。故理不碍事。境心。生滅卽是真如。故事。境心不碍於理。故以無碍爲教體。若會上十門。隨相攝前五。唯識攝第六。歸性卽第七。無碍卽後三。今此經者。本地甚深之奧藏。乃一化之根源。五時之極唱。以前四說。融爲一味。方順圓宗。自淺至深。攝盡衆生。是屬圓教。總以一乘實相而爲教體。畧示十義。以顯圓妙。一入實相定。卽入無量義處。三昧也。無量義者。從一實相生。無量法。衆集先說無量義經。經畢。又入無量義定者。發實相妙法之端緒也。示於一事一理一動一寂之間。莫不具無量義然。

後可入實相妙法。故此定爲實相定也。二放實相光。卽一光周匝。全彰實相妙體也。圓現法界事相。生佛始終。未說妙法。先現此瑞者。依智境示諸法實相也。文云。今佛放光明。助發實相義。故此光爲實相光也。三說實相法。卽世出世間。諸法性相體力本末究竟等。一切諸法不離此十如。是則一切諸法。無非實相。文云。唯佛與佛。乃能究盡諸法實相。又云。諸法實相。義已爲汝等說。故此法爲實相法也。四開實相見。卽開示衆生佛知佛見。令其悟入。更無餘事。佛知見者。徹了實相。眞知眞見也。然此知見本來清淨。但無明。

所覆。必假如來開示而得悟入。一經所詮。不出開示
悟入佛之知見而已。故經云。如來如實知見。卽爲開
實相見也。五喻實相理。如火宅內等。賜大車。使知無
二無三。卽喻廢權立實之理。乃至寶所喻大乘。繫珠
明理性。鑿井得水。喻聞法華等。無非多方開示。令人
悟入一乘真理。故爲喻實相理也。六記實相果。旣悟
實相妙法。當成佛果菩提。故記大因大果。經刼供佛
行菩薩道。廓其大心。成就萬德。萬德具備。方成十號
果佛。文云。我以相嚴身。爲說實相印。是爲記實相果
也。七示實相境。寶塿出現。顯示法身之象。三變淨土。

全彰實報真境。所謂開方便門。示真實相。欲令衆生
知此見此實相真境耳。故爲示實相境也。八悟實相
心。心本無相。離諸虛妄。真實有體。不可破壞。無相之
相。強名實相也。斯則由開示而了悟此心。因信解而
當下頓證。故云。安住實智中。我定當作佛。是悟實相
心也。九修實相行。既悟實相妙心。當修實相妙行。果
能三軌自持。四行自守。涉俗利生。無不安樂。如戰勝
有功而得髻珠之賞。故當修實相行也。十具實相德。
由前內悟妙心。外修淨行。內外清淨。實相之德備矣。
故普賢勸發云。如來滅後。云何能得是經。如來答以

成就四法。必得是經。一者諸佛護念。已得理無碍法界。悟入實相。開佛知見。故得諸佛護念。二者植衆德本。已得事無碍法界。繁興大用。一事一行。皆名實相德本。三者入正定聚。已得理事無碍法界。寂照不二。故名實相定。四者發救衆生之心。已得事事無碍法界。發起普門事業。救脫衆生。各得證入實相。故得是名。成就此四。爲具實相德也。若論一經所顯。一事一理。一句一字。乃至彈指警欬。無非實相妙法。故此經以實相爲體。

六宗趣通別

已知此經實相爲體。未委宗趣何如。語之所尙曰宗。宗之所歸曰趣。通論佛教以因緣爲宗。所謂因緣故生滅。因緣故卽空。因緣故卽假。因緣故卽中。一正因緣。揀異無因邪因。故因緣攝盡一代聖教。清涼十宗。自我法俱有。至圓融具德。後後前前。次第淺深。詳具華嚴懸談。今觀此經。總顯師弟本迹因果。共爲一經宗趣。但不同他部。局在本經。華嚴但舍那釋迦爲本迹。菩薩亦有本迹。聲聞不聞不解。故無本迹。今經發聲聞有本。本有因果。示爲二乘迹中因果。發佛之迹。王宮生身生道樹法身生。乃至中間生法二身。悉皆

是迹。但取最初先得真應名之爲本。故師弟本因本果。與餘經迥異。別顯十義五對。以明宗趣。一智行一對。謂以智照理爲因。以行成德爲果。二心境一對。謂悟實相心爲因。證實相境爲果。三位號一對。謂授法師位爲因。記法王號爲果。四行德一對。謂三軌四行爲因。二智十如爲果。五體用一對。謂開迹妙用爲因。顯本真體爲果。已上皆因爲宗。果爲趣。一經始終不離因果。故以一乘因果爲此經宗趣也。

七部類品會

已知此經宗趣沖深。未委部類品會。凡有幾幾。言部

品者。一經三譯。故成三部。一正法華。十卷二十八品。二添品法華。八卷二十七品。今妙法蓮華經。文成七軸。二十八品。言類者。不同其部。而同其類。如世昆弟。不同其父。而同其祖。亦名比肩。相爲等夷。此經與華嚴同宗。是其類也。如華嚴遮那品。有四遮那佛出世。是引古證今。與此序品。大同小異。諸聖寄位一周。與此三周授記大同。世主妙嚴品。顯遮那自性因果。與此經如來自敘往昔行因得果同。如來壽量。阿僧祇品。與此開迹顯本同。入法界善財一生圓證。與此龍女嚴王。一生親證同。離世間。是諸佛道後普賢行門。

與此經普賢勸發四行大同也。會者說此經兩處三會。一處在靈鷲山。一會也。二處在寶塢中。接大眾在虛空。二會也。三復至鷲峯。三會也。

八傳譯感通

已知此經部類品會。不同他部。未委此經譯自何時。讀誦受持。有何感通。傳譯如下序明。言感通者。李山龍。日誦兩卷。死見閻君。請讀一題。免衆囚苦。則七日而甦。釋道裕。生讀千遍。終告慧廓。埋地十年。舌根不壞。則起塢供養。嚴法華。贖龜放生。烏客五十。送錢還家。尼法信。寫經精誠。法師請講。不見一字。窻雞聽法。

立脫毛羽之狀。山牛躡經。坐亡戴角之形。若夫誦一行而消山嶽之罪。聞一句而得菩提之果。事跡昭彰。備於傳記。茲不繁引。

九總釋名題

妙法蓮華經

發秘密之奧藏。稱之爲妙。示權實之正軌。故號爲法。指久遠之本果。喻之以蓮。會不二之圓道。譬之以華。聲爲佛事。目之爲經。乃如來自命之題也。按七種立題法。妙法是法。蓮華是喻。是以法喻爲名。今釋。先判通別。次釋題目。判通別者。妙法蓮華名

異衆典。謂之別。稱之爲經。謂之通。若約教行理而判者。夫教本應機。機宜不同。故教部各別。是教別。一音演唱。同是佛說。是教通。又昔稟化他權實。四時設教。四味不同。是教別。今稟自行權實。開前四味。同入佛乘。是教通。此教之通別也。一音說法。隨機得解。依解起行。故三艸二木之行位不同。是行別。同入法性。是行通。又如五百比丘。各說身因。是行別。三十二士。入不二門。是行通。今經乘是寶乘。遊於四方。是行別。直至道場。是行通。此行之通別也。理則不二。是爲通。名字各異。謂之別。故智度論

云。般若是一法。佛說種種名。或言實相。或言寶所。或言實事。或言知見。大乘家業。平等大慧等。是爲別。同是一法。謂之通。此理之通別也。次釋題目者。若從義便。當先法次妙。故曰我法妙難思。若從名便。則先妙次法。故曰妙法蓮華。如美其人。曰妙人。若無其人。何所稱妙。必先有人而後稱妙也。題從名便。故先云妙。釋從義便。故先解法字。法卽十界十如權實之法。不出三種。一衆生法。二佛法。三心法。如是三法。元是一心。本無衆生及於諸佛。只因迷悟有差。所以生佛有異。妙字是能讚之辭。讚上

三法皆妙法也。衆生法者。因迷有故。以不了真如法一。妄受五蘊色。心雖爲垢衣所纏。其性本來淨妙。且如孩提之童。唯愛乎親。若見餘人。發聲啼哭。及其長也。外受五欲。內馳一心。隨念攀緣。心生形取。如眼見色。心馳乎色。乃至行住坐卧。折旋俯仰。無不隨心運轉。其見聞覺知。真實妙性。本來不生不滅。衆生迷而不知。如來出世。原爲開示衆生本妙知見。知見一開。則一切色是佛色。一切聲是佛聲。此衆生法。何其妙哉。佛法者。佛乃大覺聖人。覺世出世法。本來寂滅。性相常住。循業發現。十界差

殊而十法界。九界皆權。佛界爲實。如造上品惡因。報在地獄。中品惡因。報在餓鬼。下品惡因。報在畜生。修下品善因。感人趣。中品善因。感修羅趣。上品善因。感天趣。說四諦法。證聲聞果。說因緣法。證辟支果。說六度法。證菩薩果。此九皆權。不得云妙。唯一佛界。方始云妙。以證窮果。海無有與等。唯佛乃能究盡諸法實相。所謂諸法。有如是相如是性等。窮十法之源底。盡十法之邊際。明識衆生種非種。芽非芽。熟不熟。可度不可度。如實知之。此佛法何其妙哉。心法者。以十法界千差萬別。唯一心造。此

心能相能性。能凡能聖。能善能惡。能佛能衆生。故曰心如畫工師。作種種五蘊。特人不自觀心。若能修攝其心。觀一切法。本來不動不退不轉。如虛空無所有性。觀心無心。法不住法。當下了悟。當下解脫。如大圓鏡。普照十方。此心法何其妙哉。佛無別法。卽心是佛心。不自心卽衆生心。心佛與衆生。是三無差別。此三非三。卽一非一。非三非一。卽三卽一。以此三法。不可心思。不可言議。故稱爲妙。文云。是法不可示。言辭相寂滅。又云。止止不須說。我法妙難思。是也。約本迹二門。皆具十妙。迹門十妙者。

一境妙。境有多種。有十如是境。十二因緣境。四諦境。二諦境。三諦境。一諦境。無諦境。如上諸境。是諸佛之所證。文云。難解難入之法。唯佛與佛乃能究盡諸法實相者。境妙也。二智妙。有世間智。出世間智。皆自一切種智之所出。諸佛智慧無上。一切所不能及。文云。甚深微妙法。難見難可了。唯我知是相。十方佛亦然者。智妙也。三行妙。一行一切行。一了一切了。方爲妙行。文云。無量諸佛所。而行深妙道。又云。盡行諸佛無量道法者。行妙也。四位妙。位者。行之階。進之級也。但有權實。布在衆經。今經圓

位不落階級。文云。乘此寶乘。直至道場者。位妙也。
五三法妙。三法卽三軌。一真性軌。二觀照軌。三資
成軌。名雖有三。其實一大乘法耳。文云。如其所得
法。定慧力莊嚴者。三法妙也。六感應妙。感是衆生
之機。感應是如來之赴應。有四句感應。三十六句
感應。二十五句感應。四句者。冥機冥應。冥機顯應。
顯機顯應。顯機冥應。一句復開四句。謂冥機。顯機。
亦冥機。亦顯機。非冥機。非顯機。四四十六。機有十
六。則應亦有十六。爲三十二。加根本四句。故成三
十六句。二十五者。以二十五王三昧。應於三界二

十五有也。有有皆有三十六句。如一月在天。影含衆水。水不上升。月不下降。一月一時。普現衆水。諸佛不來。衆生不往。慈善根力。法爾如然。文云。脫珍着樊。師資道交。此感應妙也。七神通妙。神謂難測。通謂無碍。如來天心慧性。難測無碍故。文云。入於無量義處三昧者。神通妙也。八說法妙。諸法寂滅相。不可以言宣。有因緣故。亦可得說。所以四十年前。隨他意語。皆屬權巧。今經隨自意語。廢權立實。文云。正直捨方便。但說無上道者。說法妙也。九眷屬妙。說法被機。成法眷屬有五。一理性眷屬。一切

衆生皆有佛性。理性相關。皆是子義。二業生眷屬。自大通時覆講。結大乘父子之緣。或現在得度。未來成熟者是也。三願生眷屬。先世結緣。未得斷苦。發願生於佛世。或作內眷。因之受道。若得度者。成法眷屬。未得度者。法外眷屬是也。四神通眷屬。先世值佛。發真見諦。生猶未盡。或在上界。或在他方。以神通力。來生此界。爲寃爲親。輔佛行化者是也。五應生眷屬。華嚴云。佛初托胎。諸法身大士。侍衛下生。散降餘胎。作親中寃。引諸業者。如淨飯摩夜。乃千佛父母。羅云。是千佛之子。調達是善知識。諸

聲聞等內秘外現者是也。如是眷屬前後圍繞。羣臣豪族。剎利居士。如雲籠月者。眷屬妙也。十功德利益妙。三周得記。諸品獲益。見光聞法。皆不唐捐。文云。不令人獨得滅度。皆以如來滅度而滅度之者。功德利益妙也。本門十妙者。一本因妙。我成佛來。復過於此百千萬億那由他阿僧祇劫。如此證果之時。遡而推之。至於本初發心之時。必修圓妙之因。爲本因妙。二本果妙。本初所行圓妙之因。證得常樂我淨之妙果。因旣久遠。果亦稱之。故塵劫已來。磨古磨今。而本無移易。爲本果妙。三本國

土妙。自從是來。我常在此說法教化。昔日之娑婆。卽今日之忍土。衆生之穢邦。卽諸佛之淨域。故曰。我淨土不毀。我此土安隱。昔本非古。今亦非今。無古無今。而家山常在。是本國土妙。四本感應妙。古今旣常在此說法教化。必有能感之機。當知今之機。由昔之機。昔之應。卽今之應。是本感應妙。五本神通妙。神謂天心。通謂無碍。天然之性。通古通今。通自通他。塵點剗前。宛同今日。無邊刹海。不隔毛端。所以彈指欬聲。動大千界。爲本神通妙。六本說法妙。旣曰。我常在此說法。不惟水流風動。塵說刹

說。乃至盡未來際。虛空口。大地舌。莫非本地之說。法爲本說法妙。七本眷屬妙。下方之來。補處不識一人。亦不知其數目。多衆成少。少衆成多。數尙不知。況其人耶。又下方弟子尙不知。況上方耶。況八方耶。是本眷屬妙。八本涅槃妙。從本以來。處處現生。本實非生。數數現滅。本亦非滅。非生現生。本何益焉。非滅現滅。本何損焉。昔本不生。今本不滅。不滅不生。而現生滅。是本涅槃妙。九本壽量妙。佛無壽者相。所以壽無量。法性之身。超出劫濁。誰論壽命。方便爲說。本行菩薩道時。所成壽命。今猶未盡。

是本壽量妙。十本利益妙。如今之成熟者。由於大通時覆講之益。然六百八十萬億恒沙之衆獲益。豈無先世之緣哉。若非有益。安得覆講而得度。當知今世之得益。又待後世之成熟。況後世之得益。豈無成熟之時哉。如是諸佛三世益物。化化不絕。是本利益妙。妙義無窮。難以盡演。約教則機應妙。但以一乘法教化諸菩薩。約理則性相妙。觀十法界。一界十如。十界百如。百界千如。約行則因果妙。但有聞法者。無一不成佛。以是題名。故曰妙法蓮華者。以妙法幽微。假喻易彰。諸有智者。以譬喻得

解。故借物以明法也。問。通部七喻。皆有開權顯實之義。當喻妙法。何獨取蓮華而立題耶。答。蓮華爲總。七喻爲別。以總攝別。法喻爲名也。有云。蓮華非喻。當體得名。例如刳初萬物無名。聖人觀理準則立名。今蓮華之稱。卽是法華三昧當體之名。謂此法華法門。清淨無染。因果微妙。故名妙法爲蓮華耳。今作法喻。爲釋以蓮華喻上妙法。不可求其幽玄。如扇喻月。不可求其明暗。如月喻面。不可求其眉目。是不得已。而借喻以顯妙法也。問。華有各種。必取喻蓮華者何也。答。有麤妙故。如狂華無果。喻

外道法。空修無獲。或一華多果。喻凡夫之獨奉其親。而報在梵世。或多華一果。喻聲聞修種種行。止得涅槃。或一華一果。喻緣覺一遠離行。亦得涅槃。或前果後華。喻初果却後修道。或前華後果。喻菩薩先借緣修。生後真修。此皆麤華麤果。不堪喻妙法。唯此蓮華。在淤泥而不染。出水清香遠徹。喻實相在纏。其體本淨。出纏圓明。則名聞十方。又爲蓮故華。喻爲實施權。文云。思唯是事已。卽趣波羅柰等華。開蓮現。喻開權顯實。文云。十方佛土中。唯有一乘法。無二亦無三。唯此一事實。餘二則非眞等。

華落蓮成。喻廢權立實。文云。正直捨方便。但說無上道等。又爲蓮故。華喻從本垂迹。文云。我實成佛已來。久遠若斯。但以方便教化衆生。令入佛道。作如是說。華開蓮現。喻開迹顯本。文云。皆謂今佛出釋氏宮。去伽耶城。坐道場。成菩提。我實成佛已來。無量無邊等。華落蓮成。喻廢迹立本。文云。諸佛法皆如是。爲度衆生。皆實不虛。如上麤妙。權實本迹。種種義便。故以蓮華喻上妙法。所云妙法。非去麤取妙。蓋卽麤以顯妙也。所云一乘。非離三說一。蓋會三而歸一也。卽麤顯妙。猶蓮之卽染而淨。會三

歸一。猶蓮之自華而實。法喻雙彰。名實並顯。故名
妙法蓮華焉。經是能詮之文。具貫攝常法四義。貫
如線貫華。乃貫穿所應知義。攝如經持緯。乃攝持
所化衆生。常者不變義。三世不易爲常。法者軌持
義。十界同軌曰法。廣如前釋。能所合成。故曰妙法
蓮華經。

序文分三。初序題。二人題。三序文。且初釋序題。
弘傳序

弘傳二字。卽序之名題。大師先作此序。無弘傳二
字。疑是宋元時方添。或是祥師安此名目。意謂大

師作序。意在流布此經。以廣人人之妙法也。弘推廣也。傳轉授也。序綜提也。南山雅契此經之旨。洞見如來之心。欲報護念之恩。乃當付囑之託。故述此序也。弘則鼓揚聖道。自狹而廣。自今而後。等法界而無遺。衍塵劫而不滯。傳則授受此道。自我而人。自少而多。轉相傳受。凡有識者。同登長者之室。秉爨者。共受王髻之寶。序則綜諸佛出興之志。列三朝翻譯之由。提要義於博文。伸己情於聖化。故云弘傳序。又三義釋弘傳。一約時。貫古貫今。那畔目前。大而塵劫。小而剎那。一切時流通故。二約處。

徹上徹下。此界他方。龍宮海藏。窮蒼闕里。遍微塵處。流通故。三約人。則是凡是聖。貫貴賤。通人神。一賢愚。總善惡。凡具血氣者。皆可流通。作利益故。蓋妙法無盡。而流通此經之心。必蘄如此。方是大師弘傳之意。弘傳二字。卽序末弘讚永貽二句。

二釋人題

終南山釋道宣述

終南山名。距長安城南八十里。在扶風武功縣。東連太華。西接太白。以形脉發自西北。勢盡於南故。名終南。關中記云。一名中南。在天之中。居都之南。

故名中南。此地有崇山峻嶺，茂林修竹，多產百嘉。遠離囂塵，藏修養靜，遺世觀心者，無不隱居求志。於此標此者，以大師栖真此山，示不忘本也。釋者，靈山之法胤也。梵語釋迦，此云能仁，佛之姓也。凡出家者，皆以佛爲姓故。阿含云，四河入海，同一鹹味。四姓出家，皆名爲釋是也。此則出自金口，創於彌天。大師標此，以示紹隆佛種故。道宣序主之名也。師湖州長城人，溯其閥閼，遠爲上古彭祖之後。近是隋朝吏部尙書錢申之子，生於開皇之代。始生時，母夢日輪貫懷而孕。又夢梵僧曰，所孕者梁

之僧祐律師也。天性卓特。九歲遍覽羣書。十二善文墨。十五師日嚴頽公。十六誦法華兩旬而徹。十七落髮。二十依律宗八祖弘福智首律師。學律。三衣唯布。常坐一食。唐高祖武德七年。徙住終南。常修般舟三昧於清宮精舍。前後總二十會。常感天人送饌侍衛。後在西明寺行道。中夜臨砌。足蹶且仆。有年少介冑擁衛之。師問爲誰。答曰。弟子乃博义。天王子張瓊也。以師戒德。故來給衛。因以佛牙授師。夜捧行道。晝藏地穴。又授餌方。卽天王補心丹也。師問世尊在世滅後事。瓊一一爲說。隨問隨

錄爲感天侍衛傳一卷。在藏。曾隨英師譯經。推爲上座。坐夏有功。庭生芝艸。隱居之地。水涌白泉。外通百氏。內洞三學。操觚續傳。則鴻儒服膺。築土封壇。則梵僧稱讚。存護法城。著述無輟。故有弘明僧傳內典錄等百餘卷。在藏。曾撰法華義苑。唯此序在。師於乾封二年。入滅於長安西明寺。一衆皆聞。天人請師歸彌勒院。諡號澄照大師。穆宗讚曰。代有覺人。爲如來使。龍魔歸依。嶽神奉侍。聲飛五天。辭驚萬古。金烏西沉。佛日東舉。稽首歸依。肇律宗主。述者揀非作故。文則始起名作。理則本有名述。

樂記云。知禮樂之情者能作。識禮樂之文者能述。大師謙退之辭。卽述而不作之意。初作此序。以法華尊尙。未易冠言。稟告十方諸佛。護法稱善告報。故慈照云。南山大師最幽玄。撮成樞要在經前。韋馱天將親垂報。十方諸佛許師言。

三釋序文。分五。初牒經標本。二序經緣起。三序經詮旨。四讚較祈願。五結歸序題。且初牒經標本。

妙法蓮華經者。統諸佛降靈之本致也。

例法界觀序云。法界者。一切衆生身心之本體也。蓋是大開全提。明今經之大本。顯諸佛之能事。彰

出世之本懷。揀教法之都會焉。上句牒經。下句標本。謂總括收攝。該盡無餘。曰統。三覺圓明。萬法徹照。曰佛。出真兆聖。涉俗益物。曰降靈。心願同然。儀規一定。曰本致。蓋此妙法。諸佛出興。獨此一事。干聖本意。無有餘乘。由此佛佛。不得不出興同。亦不得不出興爲此一事同也。如二萬燈明。盛烈弘於往劫。爲此說此也。然燈妙光。遺芳纂於末代。助此續此也。遡而推之。過塵點劫之大通說畢。而王子各爲覆宣。窮那畔之威音說竟。而不輕重爲開演者。亦爲此也。是故吾佛世尊。雖已分乘隨語。然開

顯會歸。尙在此經。而本意又與佛佛同也。不然何故三周纔竟。忽現多寶佛塿。能來分身諸佛。圓證於靈山勝會哉。知此則過現未來一切諸佛。爲說此經。同一本意明矣。經云。唯佛與佛乃能究盡諸法實相。此諸佛開權顯實之理。致根本同也。又云。諸佛唯以一大事等。此諸佛之爲一事同也。又云。過去諸佛以種種因緣等。此諸佛爲實施權之本意同也。又云。十方佛土中。唯有一乘法。此諸佛出興功畢。開權顯實之本意大同也。古云。此經爲諸佛之心宗。千聖之韜韞。乃深見諸佛本致全同。可

謂知言哉。

二序經緣起分三。初序兩土出處。二序三朝翻譯。三明獨宗秦譯。且初序兩土出處。

蘊結大夏。出彼千齡。東傳震旦。三百餘載。

蓋標本中。既云此經統諸佛本致。未審此經從西傳東。出自何時。故此云爾。上二句。明處時。蘊結猶停積也。大夏稱西域。以此地多聞解脫。凡聖叢集。如九夏時。生物榮盛。故此句卽此經西藏之處。下句明此經西出之時。序主意謂此經自衆聖結集之後。停止天竺。唯傳一隅。經歷此方。周秦漢晉之

朝。千有餘年。在於西域。故云千齡。延及惠帝時。法
護東來。創傳此經。出彼西域。到於東土。故云出彼
下二句。明出時。按佛滅度後。千年之外。聖教仗聖
力顯現。始傳東土。時漢永平三年。四月八日。明帝
寢於南宮。夢一金人。身長丈六。項佩圓光。飛至殿
庭。至旦。大集羣臣。以占所夢。通事舍人傅毅奏曰。
臣讀周書異記。昭王二十四年甲寅。四月八日。西
域有聖人出。祥光遠臨中夏。有十二道白光。貫於
太微。太史蘇由原其事。千年之後。像教傳於我國。
立石碑記之。至穆王壬申五十二年。示滅。詳考曆

數。正當千年。陛下所夢。必是其由。帝命太子博士
王遵。中郎將秦景。定遠將軍蔡愔等。十八人。賫旨
往西求法。經歷殊方。期及五年。入南天竺國。一日
途中逢摩騰法蘭二僧。因而相問。愔以明帝夢中
事告之。二僧歎曰。佛法流行。皆由聖力。因緣合會。
於此相值。隨出優闐王畫像。及四十二章等經。愔
以白馬馱來。永平十年七月十八日。始至洛陽。奏
上大悅。館二僧於鴻臚寺。勅內宮供養。後於雍門
外立寺。以白馬馱經故。曰白馬寺。當時佛法始至。
人未盡知。十四年五嶽道士。褚善信等。議曰。帝尙

佛法必輕我道。衆推善信。堪爲奏首。表文不錄。帝覽畢。宣諸道士。曰。朕遠求佛法。福國祐民。何言邪法。善信等奏曰。巧拙真僞。乞試驗之。帝勅有司。於白馬寺。敷陳道場。選正月十五日。定二教優劣。二教書置二壇。帝親臨。合國人民。奔赴道場。觀其得失。時道士飛符走印。二僧一事不爲。帝問二僧。佛家有何神變。二僧曰。龍吟霧起。非蚯蚓之所爲。虎嘯風生。豈跛驢之所及。僧遠持佛法。流通濟世。請用火焚。真僞可知。舉火時。二僧西望泣曰。佛滅度後。聖教付囑國王大臣。次及弟子。我輩賫至於此。

今日火中燒驗。願佛威靈。冥加護持。當時烈火亘天。浮烟蔽日。道經火燒。佛經不壞。帝異之。人民稱歎。善信哽咽而死。道士宰官。人民出家者無數。由是二僧習漢言。久之。譯四十二章十地斷結等經。自此佛法始興於世。時此經未至。今東傳二句。單明此經傳東土之時也。震旦卽我國之名。按八卦東方屬震。爲羣動之首。故曰震。以震爲雷。一陽初動。義故旦者。日出之始也。以此方乃日初出之處。故詩云。旭日始旦。二義和合。故曰震旦。東傳對西。停而言。上句此經所傳之處。下句此經東傳已過。

之時。諸疏不一。有云自明帝至惠帝。二百餘年。有云自漢至秦。三百餘年。有云自晉至隋。三百餘年。皆不合序意。序主意謂此經自西晉之代。創傳此方。歷南北朝。洎隋至唐初時。凡經三譯。僅過三百餘載。蓋取自西晉至唐初作序之時而言也。按東西二晉。共十五主。一百五十六年。南朝。宋有八主。六十年。齊有五主。二十四年。梁有四主。五十四年。陳有五主。二十二年。北朝。魏十二主。東魏一主。北齊六主。西魏三主。後周五主。爲楊堅所篡。有隋。歷三主。三十八年。歸唐。自西晉至唐初。共三百五十

四年除武帝在位二十五年止三百二十九年故曰三百餘載。載者年也。唐虞曰載。取物終更始之義。

(二)序三朝翻譯。又三。初西晉譯。(二)東晉譯。(三)隋朝譯。初西晉譯。又四。初譯經時。(一)譯經處。(三)譯經主。四初譯名。且初譯經時。

西晉。惠帝永康年中。

西晉乃司馬氏有天下之稱。國號晉。都洛陽。次遷長安。對下元帝江東建都。故云西晉。惠帝名衷。字正度。武帝次子。爲第二帝。永康是惠帝年號。惠帝

是庚戌四月卽位。立永熙年號。一年改元康。三年改永平。六年改永康。止一年。法護譯經。在永康年中。此初譯之時也。

二譯經處

長安青門

長安卽關中都邑。以周秦漢唐歷代建都此地。古稱咸陽。漢高祖建都改爲長安。取子孫千秋百世可長久安樂。以山河百二。地險兵強。甲天下。故青門乃長安東壩城門。俗呼爲青門。以極目來青望故。卽邵平種瓜之處。然譯主於此門外。立寺行道。

故今序總別處焉。此初譯之處也。

三譯經主。

燉煌菩薩竺法護者。

燉煌卽今甘肅沙州路。古流沙地。禹貢雍州之域也。漢爲燉煌郡。菩薩者。以師有上求下化之德故。竺法護三藏之名也。梵語曇摩羅刹。此云法護。月氏人。師八歲出家。依外國竺高座爲師。依郡立名。故云燉煌菩薩。連師爲號。故云竺法護者。大師善究三十六國道術。兼通其語。日記萬言。篤志於學。萬里尋師。博達古今。世務毀譽。未曾懷抱。泰始二

年。自天竺達玉門關。徙居燉煌。以師譯經弘道。光揚象教。一衆傾心。故嘉此美名。卽初譯之主也。

四初譯名。

初翻此經名。正法華。

譯主以沖深之識。通方之才。傳道五天。不滯一隅。遂於西晉之代。來化洛陽。後在青門外。設像立刹。開覺生靈。初翻此經。名正法華。蓋取此經。楷定權實。會歸一乘。無他道也。的指演說正法。文成十卷。二十八品。其真言文字。皆作晉言。囑累在末。

二東晉譯。分三。初譯經時。二譯經主。三二譯名。準

前後亦應有四。今三處則義該之。且初譯經時。

東晉安帝。隆安年中。後秦弘始。

言東晉者。五胡亂華之時。西晉懷愷二帝。被劉氏所弒。洛陽大亂。元帝渡江。建都江東。對洛陽故號東晉。共十一主。安帝是東晉第十主。乃孝武之子。諱德宗。隆安卽安帝年號。繼孝武卽位。初改隆安。凡五年。什師於弘始三年入洛陽。當晉隆安五年也。後秦對前秦而言。姓姚。名萇。前秦苻堅字永固。有雄師十萬。自稱秦王。後僭位都長安。爲前秦也。姚萇初仕苻堅。爲兖州刺史。後擢龍驤將軍。討慕

容泓等兵敗懼奔。時渭北馬牧等糾扇羗衆。率其戶口。歸萇者五萬餘家。推萇爲盟主。萇自陝西入長安。弒苻堅。僭帝位。亦號秦王。因別前秦。故云後秦。萇卒。子姚興立。弘始是姚興年號。晉居正位。秦爲傍僭。什師譯經於秦境。必先晉而後秦者。存正統也。此二譯之時代。

二譯經主。

龜茲沙門鳩摩羅什。

龜茲國名。是什師之梓里。非譯經之處所。沙門。此云勤息。有四。一聖道沙門。卽佛菩薩等。二說道沙

門。卽說正法者。三活道沙門。卽修善品者。四汙道沙門。卽諸邪行者。鳩摩羅什。譯主之名也。具云鳩摩羅耆婆。此云童壽。以童年而有耆德故。什者。深善此方文字之什也。華梵兼舉。故名鳩摩羅什。師七歲。隨母入寺。見鐵鉢舉之。俄念鉢重。卽不勝重。遂悟萬法唯心之旨。是故出家。父卒。母亦出家。得證三果。初携師訪道於北印土。有一羅漢謂曰。此子非常。過三十不毀戒。度人不減掬多。若破戒。只爲聰明法師耳。母常謂曰。汝學解足爲人師。但自道未成。奈何。師曰。菩薩之行。利物忘軀。大化必行。

鑪鑊無恨。母臨滅。識曰。方等深教。應聞秦都。但於
自身。少有不和。師於內外諸典。無所不知。西域諸
王。請師說法。必長跪座側。命蹋而登焉。其後前秦
苻堅西討。太史奏曰。異星現於西域分野。當有大
德智人入輔中國。堅曰。朕聞龜茲有羅什。襄陽有
道安。得非此二人耶。卽遣驍騎將軍呂光。率兵七
萬。伐龜茲。迎什師。至涼州。聞苻堅爲姚萇所害。呂
光據涼州。卽三河王位。國號大涼。師亦止之。萇聞
師之名。屢請。而呂光不允。萇卒。子興立。復請不允。
興怒。加兵伐之。時涼州呂隆在位。上表出降。弘始

三年。方得迎師入關。秦王奉爲國師。此二譯之主也。

三二譯名。

次翻此經。名妙法蓮華。

譯主以簪纓之裔。作法門之胤。德星現於外國。聲名溢於前秦。雖有西涼鈍滯。厥後教化大行。秦主敬奉如佛。以弘始四年。於艸堂寺。廣集義學沙門。譯大品等經論。共三百九十餘卷。此經是一次者。次西晉也。名妙法者。取此經觸處明真。卽權顯實。故也。的指止止不須說。我法妙難思。故云妙法。文

成七卷。二十八品。卽今經。師入滅於弘始十五年。四月十三日。臨終自誓。吾所譯之經。果不謬佛意。當焚身之後。舌根不壞。後果如之。師舌與諸佛廣長舌。讚歎此經不二故也。

三隋朝譯。分四。初譯經時。二譯經處。三譯經主。四三譯名。且初譯經時。

隋氏仁壽。

隋卽楊氏建國之號也。高祖文皇帝。姓楊。名堅。弘農華陰人。父楊忠。仕周有功。封爲隋國公。忠卒。堅襲爵。後受周禪。都長安。國號大隋。自東晉瓜分。至

文帝方合一統。共三主。計三十八年。以國號大隋。故曰隋氏。仁壽卽文帝年號。文帝在位二十四年。有二號。初開皇。次仁壽。此三譯之時代。

二譯經處。

大興善寺。

卽文帝所建。此譯經之處也。

三譯經主。

北天竺沙門闍那笈多。

北天者。五天之一也。天竺總名印土。此云月邦。以此土賢聖繼化。導凡御物。如月之臨照。故闍那笈

多。二譯師之名也。闍那半梵語。具云闍那岷多。此云志德。刹利帝種。笈多。具云達摩笈多。此云法密。二師皆北天竺人。此譯經之主也。

四三譯名。

後所翻者。同名妙法。

然二師誓志弘通。來遊此土。躡霜雪以前跡。冒烟霞而進影。遂際明時。得面聖君。於時樹刹懸旛。誠建此寺。頒衣賜食。以示優寵。闍那爲主譯。笈多爲輔佐。凡有潤色。以二師爲準。後者對前故。義符秦本。但加添品二字。以添合改。移有五。一於秦晉二

本添普門品後偈。二於秦本藥王品後補日光喻之全文。三合天授品於寶塢品內。四移囑累品於普賢品後。五回陀羅尼品於神力品後。文成八卷。二十七品。與正法華俱未流通。存於大藏。問。三朝聖師。同譯一經。何取名並卷品各不同耶。答。兩晉一隋。時代不同。月氏龜茲。風土又隔。譯主各隨處沿時。闡揚聖教而已。名題之別。品卷之殊。如眼目之稱。何足異哉。當求三譯宗旨同處可也。三朝翻譯竟。

三朝獨尊秦譯。

三經重沓。文旨互陳。時所宗尚。皆弘秦本。自餘支品。別偈。不無其流。具如序曆。故所非述。

初句明雜糅。二句明影畧。三譯曰重。四譯曰沓。載道不紊曰文。趣味有準曰旨。彼此隱顯曰互陳。謂文詞旨趣。交互陳述。如十如。晉本無。秦譯則有。藥艸喻後半品。晉隋兩譯則有。秦本則無。故云文旨互陳。宗者觸言。崇尚故。弘者開張闡明故。以此經雖有三譯。然古今所宗尚者。皆弘傳秦朝羅什所譯之本也。獨尊有三義。一約影響。以什師七佛已來。譯經一人故。二約投機。以什師約義翻經。契合

此方機益故。三約感通。以什師譯經願力殊勝。秦主信力超絕故。有此三義。故得家喻戶曉。流傳誦持。天上人間。實相不泯。喻之三光亘天。杲日獨明。秦本之視二譯。亦猶是矣。自餘下結指品偈不述。上序三經名題。惟明綱領。若不略指條目。未委差別何似。大師爲此。故又詳細如此。意謂除此三經名題之外。自餘三經分品多少不定。別偈全缺。有異品偈。依經皆有等流義類相從。毫不紊亂。具如次序。歷然明白。但非經之大綱。故不詳述。然此四句。疑者多矣。今再解之。的指經文支取分義。別目

差別。則品偈卽指經中品偈也。分品者。如隋本則天授一品合入寶增品內。而秦本分爲兩品。此分品開合不定也。移囑累於經末。而秦本則置神力品後。此分品前後不定也。別偈者。如晉本不輕品中偈云。五百清信士。五百清信女。而秦本此偈不分。止言尼思佛等。如隋本普門品中有偈。而秦本則後來方添。此則三經偈頌差別不同也。序經緣起竟。

三序經詮旨。分二。初泛序一化始終。以明機教差別。二的序本經詮旨。以顯權實正理。初泛序。又二

初序義。

夫以靈嶽降靈。非大聖無由開化。適化所及。非昔緣無以導心。所以仙苑告成。機分小大之別。金河顧命。道殊牛滿之科。豈非教被乘時。無足覈其高會。

云泛序者。以機教約一代明故。夫以二字。乃文之造端起首處。如未雨先雲。未火先烟。爲前相故。故五峯師云。油雲知雨流。金電覺雷奔。理勢然也。靈嶽指鷲峯。卽經中耆闍崛山。以古佛所處。今佛說法在此。故云降靈。問靈嶽降靈一句。古謂山蘊英靈之秀。生此靈明之聖人。此則降靈之靈。指佛鍾

嶽靈而生明矣。故引詩意證成於理無爽。今子以降靈之靈屬佛。不屬山。何申甫憑地靈而人傑。而佛反不借地靈而降神耶。答此亦有理。今正其說。大雅嵩高八章。每章八句。第一章云。嵩高唯嶽。駿極於天。唯嶽降神。生甫及申。維申及甫。維周之翰。四國於蕃。四方於宣。此詩乃周宣王中興。申伯出封於謝尹。吉甫作此詩以送之。以美申伯之降生。實鍾靈嶽而生也。此地靈人傑之常談耳。此意在申伯則可。在如來則不可。當知佛之示跡。以修證圓極現化自在。無始悲願度生力故。故佛之心。卽

法界圓明之心。佛之身。亦法界圓明之身。但應機有隱顯耳。而謂此身憑靈嶽而降生者非也。又當知降靈之靈。卽以佛之臨蒞於此。敷演今經。謂降靈也。大師借文不借意耳。慧日高昇。朗萬法之幽邃。性海圓湛。超四大以獨尊。故稱大聖。開化有二。一現形。二說法。開者抉膜剖執。決斷情塵。化者點凡成聖。鎔冶幻妄。此則佛爲能開化。機爲所開化也。此二句。序主意。謂此山乃古佛所處。如來在此。事非唐捐。蓋謂開佛知見。會權歸實。顯示一乘法耳。然此法不有大聖。何能開化三乘哉。況靈山接

武。無非聖賢。或積深厚養。內秘外現。如身子富那等。或道全德備。隣功極高。如文殊彌勒等。如此偉人。不有大聖。又何以開化。受此法哉。所以能開化者。以如來色心殊勝。理量超絕。鑿機無差。施行有準。故由此今經三乘。普得釋滯開蒙。俱能祛迷獲記。故反顯云。非大聖無由開化。適化二句。序感藉緣。合適者稱也。及也。當也。謂無緣必不受化。緣淺亦不革心。故神化相投之處。必是昔有大緣。且緣而深者也。佛雖大聖。必不能化無緣之人。以靈山所化之機。皆昔於大通時。聽王子覆講。已下一乘。

緣種。故反顯云。當教化所及之處。非昔緣。無以導心。謂之導心者。以機勝感深。非止結種得益增長信心。亦各明解圓滿。終到佛地故。如大通法衆。威音三乘。昔蒙化者。今在靈山。或得受記。或沾利益。皆由有緣在昔。今方有分。不有昔緣。而今何能得度哉。問。大聖開化。意在普及。今何止有緣耶。既在有緣。何謂普及一切耶。答。佛心普及。亦普及有緣也。舍衛九億家。不其然乎。三億見佛聞法。則昔緣可導心也。三億特結種而已。三億不見不聞。無緣障之矣。古謂狐貉不能煖無氣之人。扁鵲不能醫

必死之病。天雨不潤無根之艸。黃金不富命窮之人。知此則佛法不能度無緣之人。信矣。昔緣時義大矣哉。所以二句。序如來始成佛時。半滿無心而機自差別也。雖言初時。實序一代法被之機。故所以二字。承前因昔緣之深淺。所以今根有大小。故仙苑卽古仙人修道。染塵受墮之處也。佛於此告成者。泛明有四意。一得四無畏故。二警覺羣迷令知故。三有緣五人在此應度故。四真心直說警增上慢故。的指告成有二處意。一爲五人三轉四諦法輪時。作證轉云。此是苦。我已知等。此告成者。卽

舉果勸樂。激勵義也。二今經藥艸品云。我是如來
應供等。此告成者。卽宏開度門。普覺義也。告成豈
我慢自伐云乎哉。然此告成。雖拘法華末時。其意
實序佛初坐道場。宣度生事。知出與意也。機分小
大者。小如二乘及事行菩薩。以知見偏枯。不了自
心故。大機如圓教菩薩等。以解行圓明。徹悟真源
故。故阿含云。如來初轉四諦法時。諸聞法者。有證
大乘位者。有證小乘果者。據此則知諦緣一而機
自異者。則生滅無量攸分。例六度一而機自殊者。
則事修理修兩別。佛初無是心也。如莊生不龜手

之藥。用者各別。知此。則五時設化。機之大小。可以類推。問。仙苑轉法時。卽頓演華嚴時。仙苑現丈六。覺場現千丈。二始同時。圓遍可爾。雙垂兩像。優劣昭然。卽說大小法之前。相著矣。是則被機大小。在佛有心。何云機分。佛無是心也。答。一月而千江普現。雖有晦明。水也。月無異心。一雨而萬卉均沾。雖有豐瘠。物也。雨焉有別。仙苑覺場。丈六千丈。亦機之大小。彼此不定。見耳。法界身雲。豈住思議境中。有意如是哉。大師敘此二句。恐人謂法華之前。在佛宜當說實。便了一期大事。却不自省權實兩分。

而今復用開顯會歸一番。何也。序主謂佛初成道。已鑑機宜。故不得已而權實之。今則純熟。亦不得已而開顯之。始終爲機故耳。若唯說實。何以逐機哉。此意含隱。智者詳之。金河二句。序一化云終。因機大小。而教分偏圓也。上句是分教之時處。以金河卽處。顧命卽時故。梵語阿利羅跋提。此云有金河。此河卽出尸那城之屬境。以河水迅速。表生死不常。金沙不動。表一眞常恒故。河畔有娑羅樹。乃佛世力士生處。往昔古佛所居。其林四雙八株。四榮四枯。如來於此般涅槃。表本末二四倒已斷故。

極證常樂我淨四德故。願命者。臨終出命謂之願。將去意也。以彼成王將終。作願命之誓誥。今言如來化緣將終。說涅槃經。拈拾五時之教。此是最後遺囑。究竟垂範也。下句道字。指一代教法。小乘九部。不盡法義。故曰半字。大乘十二部。圓極心性。故曰滿字。如來於涅槃經中。說半滿二字。分大小兩乘。故彼經云。譬如長者。唯有一子。懼不速成。晝夜殷勤。教其半字。而不教其毘伽羅論。以其幼稚。力未堪故。科字取楷定義。言如來於涅槃經內。以半滿二字。楷定一代大小乘。俾不紊亂也。然前後四

句。機舉初時大小。教舉最後偏圓。以二文影綺。故機教互言。俱通一代也。又前後二義。遞爲由藉。以機分則教殊。教殊則機分。序主序此。蓋謂法華開顯之所以也。豈非二句承前二義。以序法華時至方可說也。豈非二字。猶言若不是也。教被等者。指法華已前。教法被於三乘者。教則至此已極。機則至此已熟。此可乘之時也。無足豈非。俱反顯意。亦序主謙退不敢直云耳。覈者。考究也。質明也。約義取之。卽見聞緣起義也。高會。指法華會上。意謂若不是教被乘時。難得見聞高會。若順明。應云。因教

被乘時。方得考覈高會。蓋此高會興起。良由教到。機熟。時至。緣勝。勢可乘耳。若非機熟。教到之時。雖過百千生。高會無緣興起。我等豈能考究權實之正理。質明開顯之通軌。亦豈得普得記前。獲殊勝見聞之利益乎。然法華一會。特言高者。畧有十意。一此經諸佛同說故。如大通威音燈明等。二時而後說故。三權實正印故。上二初卷意。四投記普遍故。如三周投記等。五諸佛圓證故。如多寶分身等。六需此成佛故。如聞解修習必得菩提等。七法力上妙故。如釋迦資以爲因。龍女借以證果等。八本

迹甚深故。如本迹開顯之說。九功德無盡故。如隨喜之福德。持誦之功德等。十智行雙顯故。如正宗以智起行流通。以行契智等。有此十意。故稱高會。況超出五教。迥異餘經。雖華嚴圓極。若非法華。則開顯不成。必權終權實終實矣。

二釋疑。

是知五千退席。爲進增慢之儔。五百授記。俱崇密化之迹。

恐疑云。上云高會。則時至緣熟。如旃檀林內無有凡材。據今經身子三請。如來許說。五千禮佛而退。

者。何也。故釋云。當知五千退席。乃大權示現。深生
慈愍。憐其會中。未證謂證。滯濡化城。迷棄寶所者。
令進其空心。濡滯。深信一乘之法。故序主作此舉
也。影響之衆。如此益明法華爲高會矣。五百。卽富
樓那等。授記。事通因記果記。如後文說。上云退席
是權。其致叵測。今云授記是權。益顯前義。隱勝現
劣。故云密化。五百同然。故曰俱崇。意謂因緣一周。
雖指屬下根。言授記之事。其實五百聖衆。皆多劫
熏修。本大迹小。權現以輔法化。啟迪未信者也。故
下文云。內秘外現等。上泛序竟。

二的序本經詮旨。以顯權實正理。分二。初畧序三周開顯。

所以放光現瑞。開發請之教源。出定揚德。暢佛慧之宏畧。朽宅。通入大之文軌。化城。引昔緣之不墜。繫珠。明理性之常在。鑿井。顯示悟之多方。

言的序者。此中依經法喻序故。所以二字。通承前義。以時至緣熟。方現相表彰。興起法會故。上句。序大覺標本圓發。以光瑞全顯妙法體用故。佛表實相體。光表實相用。從眉間白毫發揮。表此理超乎二邊。具四德故。瑞有六。謂說經。入定。雨華。地動。衆

喜放光。此六言瑞者。約時。則世間方覩。約處。則塵刹罕遇。約人。唯證極乃能。皆希有之瑞也。下句。序大士承流助發。以問答援引。實爲起予故。開通能所。能開卽光瑞。所開卽二士問答。以光瑞不興。助發不起故。教源亦指光瑞。以光瑞卽起教之源頭。故以佛不放光現瑞。則無以開發請之端。此會歸大教不得興故。故云放光等。出定二句。序法說一周全提之文。言出定者。卽出無量義處定也。在佛無不定時。前後言出入者。爲物示軌。實無出入。義言出入也。揚德者。揚卽稱揚讚歎意。德指權實二

智之德也。如來知見廣大等。歎實智證法德也。如來種種分別等。歎權智說法德也。蓋實雖證理。不妨涉俗。權雖導俗。豈碍證真。若二偏枯。則非唯實難涉俗。權亦不能達本故。故佛特讚揚之。下句暢字。以宣演開敷爲義。佛慧卽諸佛權實二智也。下文諸佛智慧甚深無量等。此宣暢佛慧之大畧也。大畧猶言大綱。佛如此歎者。將欲引權入實。會三歸一。欲發二乘之願慕耳。朽宅下。序喻說一周開顯之文。朽宅二字。直序喻名。通入六字。序喻說開顯大意。宅卽火宅。今言朽者。以衆苦煎逼故。多緣

速壞故。文云。三界無安。猶如火宅。是朽故宅。屬於一人是也。言通者。疏通義。文卽文言。軌卽軌轍。意謂火宅喻中。疏通入大乘之文。以改中根人昔三之轍。良以法說一周。示多方便。上根身子聞已。疑惑冰消。故悔責領解。如來與之述成授記。但中根聞旨。猶墮疑網。冰炭交懷。無能開解。身子悲他未悟。重爲請決。乃開喻說一周之旨。文云。我今無復疑悔。親於佛前得授記等。此上根領悟無疑也。又云。是千二百心自在者。昔住學地。乃至聞所未聞。皆墮疑惑。此中根有疑未決也。又云。願爲四衆說。

其因緣。令離疑悔。此則請決其疑也。故佛重爲開
喻云。我先不言諸佛世尊以種種因緣。乃至今當
復以譬喻。更明斯義。諸有智者。以譬喻得解。自下
乃說火宅一喻。以三車一車之淺。比況三乘一道
之深。使知長者許三賜一。不涉虛妄。則知吾佛始
權而終實。全是眞慈。至此則三一之文言會通。開
顯之軌轍一致。而中根根心之疑。從此拔盡無餘
蘊矣。窮子一喻。四子領解。感佛深恩。藥艸一喻。如
來重爲述成。而授記一品。四聖方受記蒞。良在喻
說權實。中根疑惑。決通者焉。此則雖序火宅一語。

實四品卷半經文。皆在其中矣。文軌出中庸。借其
文勢耳。化城下。序因緣一周。開顯之文。其化城二
字。非單指喻。蓋指化城一品之文。若單釋喻。無而
忽有曰化。防非禦侮曰城。以喻二乘涅槃權果。非
實而防見思之非。究竟必廢。會入一乘寶所。故古
德云。化城本無而權設。以濟阻修願息之人。而進
之令至寶所。喻小果非實而權設。以濟要小求證
之人。而引之令入佛慧也。若連下六字釋。應云化
城喻品中。引昔緣之不墜。昔緣指大通佛時。佛爲
十六王子。代闡妙法結緣之事。故後文云。我等爲

沙彌時。教化無量百千萬億恒河沙數衆生。乃至爾時所化無量恒河沙衆生者。汝等及我滅度後。未來世中聲聞弟子是也。次後開化城寶所喻文。據此則知昔日之緣。猶在不失耳。然此引昔緣之意。蓋爲下根人。開權顯實也。何者。以前喻說一周之旨。統言法一機異。恐下根怯弱。不達此旨。謂已定二地。難近佛慧。故佛引昔緣之後。乃設化城一喻。令知汝所住地。近於佛慧。庶幾昔三化城。不勞旨繁。而可達一乘之寶所矣。繫珠下。序五百領解得記之文。蓋往因已明。下根滯權之疑斷。故富羅

等感悟頌解。如來述成與記。決知前失今得。由自迷自悟也。故五百千二說此一喻。以明昔因今緣。一乘猶在。不曾遺失。亦感佛深恩意也。珠喻一乘。因種繫沉悲願任持。親友繫珠。喻佛在十六時說此經結大乘因也。醉不覺知。喻無明未破。廢忘大心。資生艱難。喻動被法縛。悲智不失。喻衣珠現在。故下文云。譬如有人。乃至我今。乃知實是菩薩。得受阿耨菩提等。是知今日之得。乃昔緣結種在懷也。豈今日爲然哉。然此句。或可云繫珠明悲願之常在。以理乃本具。性以習成故。蓋能繫者。卽吾佛

之悲願。所繫者。卽一乘之理性。序主從所繫邊爲言。無他異說。鑿井下。序法師品廣記之文。以此喻是三周法竟。三根記圓。廣記文後說故。夫妙法玄源。澄湛圓滿。誰人不具。喻水於地中。無處不遍也。然水雖遍舍。須鑿井而顯。法雖同有。必依經而明。經之信解有無。則果之遠近天壤。井之穿鑿巧拙。則水之隱顯懸殊。故經云。藥王多有在家出家行菩薩道。乃至未善行菩薩道。此如濟渴而不知須水也。若有聞是經者。乃善行菩薩道。此如渴時知須水也。其有衆生求佛道者。若見若聞是法華經。

者。當知是人得近阿耨等。此如人鑿井已近泉源也。又喻云。譬如有人渴乏須水。乃至知水尙遠。此如前行菩薩道不見是經。不得其要也。施功不已。轉見濕土。此如前聞是經。乃善行菩薩道也。遂漸至泥。知水必近。此如前得聞是經。得近阿耨等也。又云。所以者何。一切菩薩阿耨菩提。皆屬此經。釋曰。佛果菩提。皆屬此經。未聞未解。安可得到。又曰。此經開方便門。示真實相。乃至無人能到。今佛教化菩薩而爲開示。釋曰。開方便門。猶鑿井也。示真實相。猶見水也。無人能到。唯菩薩可以開示也。以

法映喻。以喻顯法。多方開示。令人悟入。足顯此經之妙也。喻之多方開示。則井之乾土濕泥。水之遠近是也。法之多方開示。則善行不善行。及供養讀誦。見聞思惟信解修習能否。果之遠近是也。故云。顯示悟之多方。問。此經據文二十八品。三周七喻。序文何不具述。止序四喻十品者。何也。答。說三周法。授三根記。罄盡如來出世本懷故。大師止序三周之文。縱有後義。以該攝故。

二總結全經幽深。

詞義宛然。喻陳惟遠。

上句謂七軸之文言。全經之義理。乍觀之。如指掌。目前可見可知。下句謂三周之開曉。九喻之鋪陳。徐行也。如雲光天表。難聞難到。所謂此經也。一念萬年。今時劫外。泛泛端如五兩輕。堆堆何啻千鈞重。大哉教乎。蓋無得而思議者焉。

四讚較祈願。分二。初讚較。明三寶殊勝。二祈願。申作序之意。初讚較又三。初讚佛慈悲。二讚法較勝。三讚機因深。且初讚佛慈悲。

自非大哀曠濟。拔滯溺之沉流。一極悲心。拯昏迷之失性。

初二句。能拔所拔。次二句。能拯所拯。憐憫一切。曰
大哀。慈航普渡。曰曠濟。二乘鈍滯化城。遠視菩提
非分。凡夫沉溺苦海。求出生死無期。淪有淪無。總
名沉流。佛爲此等。故說此經。會衆善之小行。同歸
佛道。開二乘之漸門。並入一極。況未兆之機。亦爲
懸記。大哀曠濟。利益圓遍。莫此加矣。故序主反顯。
若此無上無等。曰一極。觀生拔苦。曰悲心。昏言識
情汨沒。罔明實理。迷言苦樂漂沉。不達自心。二者
均之失性一也。故佛悲門浚切。度門宏開。拔拯於
識情之場。提挈於苦樂之域。俾明權真正理。擴徹

靈明自心而後已。不然則迤邐苦集之域者。終處長夜。結縛蓋纏之內者。亦竟難出頭。佛心如此。得不謂之一極乎。

二讚法較勝。

自漢至唐。六百餘載。總歷羣籍。四千餘軸。受持盛者。無出此經。

前四句能較。後二句所較。佛法自漢明帝永平年間始來。故曰自漢。歷東西晉。南北朝。隋氏。故曰至唐。六百餘載。約時代而言。明羣籍經歷時之久也。總歷者。前後翻譯。合集融攝。故羣籍有三義。約部

帙則多少不等。故約宗旨。則偏圓殊致。故約藏乘。則三藏各別。故四千餘軸。約唐時大數而言。此明所來之經多也。受持二句。謂今經約時。則西晉始傳。時不久也。約部。則諸經中一卷不多也。雖時近卷少。而在處流通。人天捧持。反過於諸經者。何也。蓋此經也。諸經中王。如優曇鉢華。時一現耳。約體。卽當人本覺之真心。約用。卽一乘實相之妙法。如藥王本事品較量。一切江河海爲第一等。然一品較量。如此之勝。況全經較量。難以盡言。據此益信。此而不持。無可持者。此而不受。無可受者。此經一

部。敵羣籍之四千。亦猶持觀音之名。勝持六十二億恒河沙菩薩名矣。

三讚機因深。

將非機教相扣。並智勝之遺塵。聞而深敬。俱威王之餘勳。

機有五種。權爲影響開化。遠爲有緣結種。現爲法會廣記。兼爲有學歡喜。正爲二乘受記。教指此經。蓋此經顯實。法門同歸。一乘教故。云相扣者。機被教而機緣得益。教扣機也。教逐機而教化大行。機扣教也。下句。明扣者有昔緣也。謂大通說此經於

塵劫之前。十六王子代佛開闡。則此法之入人深。結緣勝也。久矣。今之得蒙記莂。見聞法化者。孰非當時之遺芳哉。故曰。並智勝之遺塵。將非二字反明。或序主不定意。聞而下。讚機之信心有因也。法音達耳曰聞。身心歸命曰深敬。以身敬非深故。下句。卽經中二萬億威音王佛俱說此經。不輕菩薩先以佛性遍記四衆。復聞此經教化三乘是已。然法流塵劫。至今隆盛不絕。故云。俱威王之餘勩。夫子期云喪。伯牙絕絃。蓋悲無知音者也。今聞此經而慶幸捧持。亦曾蒙古佛教化。知音之人也。念其

昔則酌其今。感其恩則戴其德。而聞而深敬。不爲過也。

二祈願。申作序之意。

輒於經首。序而綜之。庶得早淨六根。仰慈尊之嘉會。速成四德。趣樂土之玄猷。

輒於下。明作序意。意謂此經。三譯綺互。意趣多端。文言浩瀚。非提綱挈領。無以究其旨歸。故擅於此經之初。專總意焉。如經之有緯。絲之有緒者矣。綜有二意。一綜文。二綜義。以能所兩詮。互相隨故。綜文如朽宅等言。綜義如喻說一周義等。問。據上釋。

則輒字是專義擅義。大師何故作此說耶。答。大師以法華尊尙。未易冠言。故安此輒字。雙含二義。擅則大師謙退之心也。專則大師敬謹之心也。豈無味而然哉。庶得下發願普益。庶得二字。希慕祈請。仗願意也。一念相應。或現生圓備。故云早淨。六根。卽眼等六也。下文云。善男子。女人。若讀若誦。若解說。若書寫。眼得八百功德等。謂之淨者。以父母所生常眼常耳。無雜無壞。而能徹見洞聞。故慈尊指彌勒。以慈隆卽世。悲臻後劫。故此名之。嘉會。卽龍華三會。序主意謂。此根一淨。不但見靈山一會儼

然目前亦可仗今經之妙緣。憑慈氏之願力。當來龍華會上。得預記蒞耳。故上句云庶得。下句云仰也。上約下生經釋。若約當經。亦可指第四天內院。故如勸發品云。若有受持讀誦。是人命終。爲千佛授手。令不恐怖。不墮惡趣。卽往兜率天上。彌勒菩薩所。菩薩有三十二相。大菩薩衆所共圍繞。有百千萬億天女眷屬。而於中生。有如是等功德利益。據此。則知大師作序流通。此經蓋欲現生兜率。當遇龍華。臨終請入內院者。是其驗也。嘉會二字。出周易。亨者嘉之會也。不涉躐等。行願滿足。曰速成。

四德。古謂常等四德。然此極果。所證非今序意。今指勸發品中。一者諸佛護念。二者植衆德本。三者入正定聚。四者發救一切衆生之心。以此四乃普賢勸發之切要處。又大師作序。欲真得是經。以成普賢常行。必求諸佛護念。乃至發救一切衆生之心故。樂土指極樂世界。以藥王本事品云。若如來滅後。後五百歲。若有聞是經典。如說修行。於此命終。卽往安樂世界。阿彌陀佛。大菩薩衆。圍繞住處。生蓮花中寶座之上等。趣字有向往求生意。序主謂述此序功德。普願速成四德。同生安養。直到彼

岸。不涉迂曲。故又云玄猷也。此二字。如心經序。妙道玄猷。猷卽道也。道卽能通之義。謂因此玄妙之道。卽能通至樂邦也。

五結歸序題。

弘讚莫窮。永貽諸後云爾。

魯史成。而游夏不能贊一辭。蓋夫子之文章。不可窮也。況法華經藏深固幽遠。無人能到哉。卽辯擬天女。智似菩薩。以一人而生無量口。以一口而生無量舌。以一舌而出無量音聲。以一音而讚無量功德。其於此經。殆如管窺耳。如斯經者。唯佛能知。

信矣。永貽一句。卽利澤萬方無盡之意。蓋妙法無盡。則此經此序流通亦無盡也。猶滴水入海。同海俱永者焉。凡吾人遇此經。當以無盡心流通。斯善矣哉。爲述此序。故云云爾。

妙法蓮華經大成懸談終

提綱

菩提場中。悟此法已。卽欲以此惠施衆生。柰何根器不堪。雖知根鈍。且稱本懷。演大華嚴。獨被上根。中下在座。如聾若瘖。不得已。而爲實施權。說四阿含小教。諸子保證偏空。次以方等彈斥。又以般若淘汰。四十年內。東語西話。牽藤引蔓。循循善誘。節節調停。只至於今。時至機熟。靈山高會。人天百萬。三乘賢聖。八部該羅。若萬派以朝宗。似羣星而拱北。世尊欲令轉新條。掀翻舊案。但說法旣久。慮不尊重。故現種種瑞相。駭變常情。先說經。次入定。天雨四華。地搖六動。大衆

一心觀佛。如來眉際分輝。放白毫相光。照東方萬八
千世界。上至有頂。下至無間。一方既爾。方方皆然。於
一光中。圓現十法界。生佛事相始終。將一卷離言法
華。不啟唇皮。呈現諸人面前。無柰大眾。只知兩華者
天。震動者地。不肯回頭轉腦。何孤負如來這番鼓動
矣。由是彌勒騰疑。覩光中瑞相。而請問文殊。文殊領
答。引燈明事蹟。證今佛瑞相。二大士隱明示暗。曲唱
傍通。佛未出定。法未出口。引例攀條。將今佛出世本
懷。罄盡無餘。及佛出定。又何有別法之可說哉。此品
爲序。分自方便。至不輕十九品。爲正宗。然如來出世

本懷爲一大事因緣。所謂一大事因緣者。開示悟入一切衆生佛知佛見故也。正宗就分四章。自方便至法師九品。爲開佛知見。寶塿天授二品。爲示佛知見。持品至壽量四品。爲悟佛知見。分別至常不輕。爲入佛知見。第一開佛知見之中。文分三周。由前入定放光。直欲會衆目覩。親證默契。不言之表。柰何根鈍頭迷。不達離言之道。故我世尊出定。稱歎諸佛權實二智。歎到恰好處。乃云。止。舍利弗。不須復說。所以者何。諸佛所得之法。是爲甚深微妙難解。第一希有無上無等之法。一切聲聞所不能知。唯佛與佛。乃能究盡。

諸法實相。隨又拈轉話頭。乃云。諸佛法久後。要當說
眞實。言中有響。鉤頭着餌。由是千二百聲聞。興疑作
念。當機三番。申請如來。許以分別解說。向下廣開三
顯一。若過去未來現在一切諸佛。出現於世。唯爲一
大事因緣。更無餘事。實不先三後一。只因鈍根。將一
乘道。分別說三。蓋爲小智樂小法。不自信作佛。是故
以方便。分別說諸果。正明三乘是假。又云。今我喜無
畏。正直捨方便。但說無上道。正顯一乘是實。佛佛道
同。先佛旣爾。今佛亦然。先三後一。率由舊章而已。約
人。但教化菩薩。無聲聞緣覺。約理。唯此一事。實餘二

則非真約教。十方佛土中。唯有一乘法。約行諸有所作。常爲一事。長行偈頌。發揮已竟。當機言下知歸。出班領解。序昔年疑悔。顯今日解悟。如來與之述成。證以領解不虛。授以刳國莊嚴之記。是爲法說一周。被上根也。柰中下之機。抱迷未遣。身子自解已圓。悲他未悟。代爲啟請。世尊不免動樹訓風。舉扇類月。故有譬喻之談。將世間長者。比出世如來。三界喻家。一乘教理喻門。五道衆生喻五百人。五濁八苦喻火。三十子喻三乘。長者見大火從四面起。卽大驚怖。愴惶無措。思惟救子之方。先以身手几案救之不得。然後巧

設門外三車。誘引諸子。得出火宅。不與三車。各賜諸子等一大車。問其當機。審定不虛。正合如來在法身理地。以佛眼觀見衆生。爲五濁八苦之所燒煮。戀着戲處。不求出離。向今時門頭。應化三界。先以微妙大法。擬宜根器。不堪。然後巧說三乘。逗會時機。只至今經。開三乘之權顯。一乘之實。等賜諸子。不令有人獨得滅度。其猶長者先三車。而後一車。了無虛妄之咎也。然此一喻。是如來縱無碍之辯。明三界生死之苦狀。令人極生厭離。長行偈頌已竟。四子異口同音。說窮子一喻。始自父子相失相見。終至領付家業。序如

來一代時教。始自華嚴。終至法華。序事有條。序理按時。縱散之談。極盡精詳。故如來以藥艸述成。先歎四子善說。謂窮子一喻。將如來一化。始末發揮。殆盡可謂善說矣。然如來功德不特此也。復有無量無邊。如一相一味。教法等施。大千有教無類。差別在機。若一雲一雨。三艸二木。不隔枯榮。豈一窮子喻。而罄盡如來功德哉。雖然。汝等亦甚希有。以能解得四十年中。隨宜說法。故也。四子得記。是爲喻說一周。被中根也。向下無問自說。於偈中先開宿世因緣之談。我諸弟子威德具足。其數五百。皆當授記。於未來世咸得成。

佛。我及汝等有宿世因緣。今當說之。故有化城喻品。爲下根說因緣也。結緣之由。由於塵點劫前。大通成道。王子諸天雲集。智佛酌機說法。然後入定禪寂。王子默契佛意。各升法座。覆講妙法。各各得度。六百萬億恒沙之衆。自爾已來。結緣之衆。世世相值。有先世成熟者。有今世成熟者。如漁人捕魚。前網前獲。後網後獲。只至今日四十年後。法華高會。開權顯實。會三歸一。結大通時未了之公案。暢此番降靈之本懷。故說化城虛設。爲止息疲勞之衆。以明三乘是假。寶處在近。令諸子欣樂前進。以明一乘是實。由是五百弟

子得記。歡喜說鬘珠一喻。以酹因緣之開示。千二百聲聞。二千學無學。各蒙授記。是爲因緣一周被下根也。三周授記已竟。猶恐收機不盡。又於法師品。廣記懸記。四衆八部。歡喜踊躍。識心作佛。故此九品爲開佛知見也。第二示佛知見者。由前諸子得記。唯恐染淨生滅等執不除。故假多寶。願墀。涌現其前。墀中出大音聲。歎言善哉。釋迦能以平等大慧。教菩薩法。佛所護念。妙法華經。爲大衆說。如是如是。樂說請問。因緣。如來與之雲集分身。三變淨土。除染淨之執。開寶墀門。示眞實之相。入墀就座。無去來生滅之見。唱滅

募人。要以斯文不墜。又說天授一品。達多通經。釋迦
資之成道。文殊弘經。龍女因之成佛。正顯妙法神功。
無冤無親。不論男女。人畜平等。大慧人人本有。故此
二品。爲示佛知見也。第三悟佛知見者。由前寶塿品
募人通經。以妙法付囑。有在。故持品藥王與二萬大
士。發願在此娑婆世界。弘通此經。一萬二千新記之
聲聞。自知道力未充。畏娑婆之難調難伏。發願於他
方世界。弘通此經。若此土若他方。分籌定欵。不愜聖
意。故世尊以青蓮目顧盼。八十萬億那由他菩薩諸
大士。默契佛心。願在此土他方。周旋往返。弘通此經。

住於忍辱之地。縱有惡世比丘。誣曲不實。假名練若。好出我等過。數數見擯出。如是之輕賤毀謗。念佛忍受。然忍難弘經。固爲盡善。不若以無難爲美。忍諸難於已然之後。不若杜諸難於未然之先。所以文殊忍俊不禁。請問世尊。於惡世中。云何能說此經。謂得何法。而遠離一切諸難事也。如來示以四安樂行。身安樂。住忍辱地。遠離一切惡人。口安樂。不說他人好惡長短。意安樂。平等說法教化衆生。誓願安樂隨衆生。住於何地。皆以神力慧力。引之令得住。是一乘之中。弘經法師。果能三軌自持。四行自守。則無入而不自

得焉。向下廣讚此經神妙。如王頂上明珠。不妄與人。先所未說。而今說之。求佛道者。欲得安隱。當親近如是四法。轉三種障。八相成道。有此利益。故他土菩薩。數過八恒河沙。啟白於佛。願在此土。廣說此經。如來止而不許。以既是他方菩薩。此土結緣事淺。若住此教化。失本利益。我娑婆自有六萬恒沙菩薩。一一各有六萬恒沙眷屬。是諸人等。能於此土。護持廣說此經。所謂是我弟子。應弘我道。善繼善述。子承父業。必然之理也。如來一命。當爾之時。三千大千世界。地皆振裂。有無量無數菩薩。同時涌出。各詣虛空。禮二世

尊種種讚法而讚於佛。四導師出班問訊如來。歎云善哉。汝等能於如來發隨喜心。由是彌勒率八萬恒沙菩薩。騰疑致問。是諸菩薩修習何道。何因緣集。師爲是誰。誰之弟子。我於此衆中。乃不識一人。佛告彌勒。是諸菩薩修習佛慧。悉是我化。是我弟子。向下動其執近之情。乃云。我於伽耶城菩提樹下坐。得成佛道。乃教化之。又云。我今說實語。汝等一心信。我從久遠來。教化是等衆。彌勒再疑。說父少子老一喻。執近迹而疑遠本。故有壽量之談。開師門之近迹。顯佛地之遠本。三誠令其誠聽。三請極盡殷勤。乃告之言。汝

等一切天人阿修羅皆謂今佛出釋氏宮去伽耶城不遠坐於道場得成菩提。然善男子。我實成佛已來。經無數無邊塵點劫。自從是來。常在此界說法教化。名字不同。形聲二益。教化衆生。非生現生。非滅現滅。諸所言說皆實不虛。如世良醫爲治狂子。方便現生。方便現滅。無非令諸衆生入無上慧。成就佛身也。如是開顯法會。大衆悟得毘盧性海。佛地遠本。三世益物。法身常住。無古無今。空劫已前未爲始。盡未來際猶未終。佛之知見極盡窮源。故此四品爲悟佛知見也。第四入佛知見者。由前說壽命長遠三世益物。

化化不絕。法會大衆。證得法身真理。深信解相。妙悟已極。個個人佛知見。有證人解入之不同。故如來分別功德。或得生忍。或得總持。或得辯才無碍等。或一念信解。或深心信解。有直起隨喜者。有加受持者。勸人受持者。兼行六度者。備行六度者。所得功德。一一格量已竟。未盡其極。又以一念隨喜。隨其所聞喜爲人說。展轉相傳。至第五十人。得六根清淨。何況受持讀誦等。其功德愈校。愈不可窮矣。又以五種法師持說此經。會旨情忘。根塵兩淨。五種功備。六千德圓。六根互用之妙。功德豈可涯量。不輕一品。如來引自往。

昔之事。虛心弘道。忘己利物。一聲佛號。遍記四衆。見人則拜。逢瞋不怒。打罵謗毀。歡喜忍受。非入佛知見。深達實相。人法兩空者。不能故此四品爲入佛知見之文。正宗已竟。向下八品。爲流通分。以正宗旣竟。本懷已彰。故如來現大神力。嘉讚經德。發起羣心。將此一卷妙法。遍空遍界。顯說密說。塵塵刹刹。一切大衆。見聞信解。大喜充身。故有神力之談。嘉讚已竟。應當付囑。使道統相傳。斯文不泯。當知末世之下。陞堂據座。弘通大法者。是諸佛一片慈悲之禍。祖禰不了。殃及兒孫。遞代相續。故也。付囑已竟。猶恐新得記者。自

恃天真。怠於進修。故以藥王之苦行。妙音之弘宣。觀音之普門。神咒之護魔。嚴王之轉邪。普賢之四行。勗大衆。爲法當如藥王苦行。弘法當如妙音觀音護法。當如神咒之降魔。修行當如嚴王之轉邪。勸發必如普賢要祈。四行成就。審如是則妙法流傳。無有窮已。而今而後。宣演大法者。孰非法華之付囑哉。夫妙法絕待。本無言象。智行差別。故多注述。旣有多注。安逃取捨。欲會旨趣。須究其槩。輒錄其要。以提其綱云爾。

皆

卷之二

康熙歲次乙亥四月十八日中州榮澤樸村大義識



妙法蓮華經大成卷第一

金臺卽山居後學大義集。

人題

姚秦三藏法師鳩摩羅什譯。

三譯斯經。世宗秦本。什師出處。已具於前。三藏法師顯二利德。經契一心。律規三業。論甄邪正。法義軌持。師彰模範。約自利。以三藏聖法爲自宗。師約利他。卽傳三藏道法爲天人師也。譯者易也。易梵成華故。周禮掌四方之語。各有其官。北方曰譯。今經自西來。而云譯者。漢之北官兼善西語。摩騰始

至。遂稱爲譯。今仍之也。

妙法蓮華經序品第一。

舉經題而立品題者。經爲總。品爲別也。以品雖各取類聚。總屬妙法經故。序者。庠序也。謂階位賓主。問答。悉庠序也。又爾雅云。東西墻曰序。所以別內外也。謂見墻別宅舍之內外。觀序知一經之由致也。若從義釋。謂次序由序。述序如是等。冠於經首。次序也。放光現瑞。發起之端。由序也。問答釋疑。正說。弄引。述序也。梵語跋渠。此云品。以義類同者。聚在一段。故名爲品。諸經品名。或佛自唱。或結集所。

置。或譯人添足。今經藥王天授二品。是佛自唱。其餘皆是經家譯人所置。陳教起之。因由詳法興之緣始。雖爲一經之發起。實括全經之始終。故直名序品。序則引興正宗。品則總別名理。第則節目。有次。一則貫數之始。故云序品第一。

十別解文義。大章分三。初序分。二正宗分。三流通分。初序分。有通序。別序。經後序。經前序。證信序。發起序。從如是我聞。至退坐一面。爲通序。通於諸經。故通中有別。以處衆歎德之不同。故亦名經後序。佛滅後結集所置。故亦名證信序。以說聽時處。一

一。分明證其非謬。令物生信故。從爾時世尊至品盡。爲別序。別在本經故。亦名經前序。未說此經以六瑞發起故。亦名發起序。以事相表示。爲正宗之前導故。初通序有三。初明建立之由。二明建立之意。三正解經文。

初明建立由者。謂如是等。因何而立於經首。按龍勝論云。佛將入滅。阿難愁惱。阿尼樓豆告阿難言。汝是持佛法人。且須裁抑。當詣佛所。咨問後事。難曰。云何後事。豆曰。汝問世尊在日。以佛爲師。滅後以誰爲師。世尊在日。依之而住。滅後。依何而住。惡

性比丘佛在世自能調伏滅後如何調伏遐益末世理宜結集一切經首置何等言阿難承教一一咨問世尊一一答之依四念處住以戒爲師默摈惡性比丘一切經首當安如是我聞一時佛在某處與某大衆若干等以是因由凡佛經首皆有如是。是我聞等語無此語者悉僞造故。

二明建立意者謂安如是等語其意有三一斷疑二息諍三異邪斷疑者智度論云佛滅後諸天王等請迦葉言法城欲頽法幢欲倒當以大悲建立佛法葉受請往須彌山頂擊大槌槌諸聖弟子得

神通者。皆來集會。葉告衆言。佛法欲滅。衆生可憫。待結集已竟。隨汝入滅。諸來聖者。受教而住。畢波羅窟。葉入定。觀察衆中有煩惱者。應逐去之。惟有阿難。煩惱未盡。葉出定。於衆中牽阿難言。清淨衆中。結集法藏。汝結未盡。不應住此。是時阿難羞慚。悲泣告言。我能有力。久可得道。但爲侍佛。故畱殘結不盡。斷耳。葉言。汝更有六種突吉羅罪。應於僧中懺悔。阿難如法懺悔。復牽出窟。語言。汝漏盡可來。言訖。自閉窟門。阿難是時。靡不精誠。至於後夜。頭未着枕。朗然大悟。三明六通。得大羅漢。來扣窟。

門。葉言。汝若漏盡。可縱神通於戶鑰孔中而入。阿難騰身入來。禮拜僧足。迦葉以手摩頂言。我欲令汝速得道果。汝勿嫌恨。是時大眾請阿難昇座。結集法藏。既登座已。感身相好如佛。大眾隨起三疑。一疑佛重起說法。二疑他方佛來。三疑阿難成佛。阿難唱言。如是我聞。則知非佛重起。非他方佛。非阿難成佛。故云。斷疑息諍者。同爲羅漢。德業頗齊。若不推尊從佛。言自制作。則諍論生焉。既言從佛。則授受有源。非胸臆之談。故云。息諍異邪者。不同外道經。初安阿憂故。阿者言無憂者。言有意謂萬

法雖異。不出有無。置之經首。以之爲吉。初吉中後亦吉。今佛經不爾。故云異邪。

三正解經文。六種成就。謂信。聞。時。主。處。衆也。如是者。舉所聞之法體。我聞者。能持之人。一時者。聞持和合。非異其時。佛者。時從佛聞。王城。崛山。聞持之處。與大比丘等。聞持之伴。此則因緣和合。次第相成。六緣不具。大教不興。故云成就。六爲能成。教爲所成。故且初信成就。

如是

佛法大海。信爲能入。故劈首明信。信者言是事如

是不信者言是事不如是也。所以佛法無量。信爲入法之初基。若無信心。則不肯修習。故五根以信爲首。十一善法居先。信心之前。更無善法。依信爲本。然後與解起行。乃至證入。大經云。信爲道元功。德母。長養一切諸善法。故云能入。約法釋。如是者。衆生如隱。故沉三界。欲絕三界。只要顯如。聖人說法。但爲顯如。除如之外。皆是虛妄。惟如爲是。故稱如是。約本經釋者。因果實相。不異爲如。心境諸法。無非爲是。又一乘因果曰如。無二無三曰是。二聞成就。

我聞。

我有四。一凡夫遍計我。二外道神我。三二乘假我。四法身眞我。今是隨世流布五蘊假我也。阿難已達我空。實不計我。故名爲假。要揀賓主。乃稱爲我。達耳曰聞。大論云。耳根不壞。聲在可聞處。作心欲聞。以率爾耳識。與同時意識。衆緣和合。故得有聞。問。耳根發識。故聞。應云耳聞。何言我聞。答。耳是五官之別。我乃一身之總。廢別從總。故曰我聞。又六根中必用耳聞者。此方教體故。問。阿難是佛成道之夜始生。至二十年方爲侍者。二十年前所說之

法。並皆不聞。何結集時。通稱我聞耶。答。有三義。一佛命爲侍者時。阿難從佛乞願。不着退衣。不隨受請。二十年前未聞之法。重爲說過。世尊許之。故未聞之法。亦得聞也。二金剛華經云。阿難得法性覺。自在三昧力故。故未聞之法。皆能憶持。與聞無異。今經亦云。世尊甚希有。令我念過去等。三不思議境界經云。復有百千萬億菩薩現聲聞形。其名曰舍利佛。乃至阿難。據此則是大權示現。何法不通。而言我聞。不亦宜乎。今經圓頓大教。無我真我。生佛同一法身。能聞所聞。心境不二。實相。卽今經之

一法蓮ノ方糸一
二一
我聞也。合上謂如是之法。我阿難親從佛聞。顯祖述有據。憲章得成。非私淑讀古之徒也。

三時成就。

一時。

世事合會。尚待昌期。大法弘宣。豈違嘉運。故須良時。方能成就。蓋取師資合會。說聽究竟之良時也。不云年月日。而但云一者。以佛之說法。殊方紀曆。不可對同。舉一會始末之期。收六甲盈縮之數。天地延促。東西時際。包盡無餘。故總云一時。約理心境。一泯。理智一融。凡聖一如。本始一會之時也。約

本經卽正說法華之時。化畢機熟之時。如日卓午。無所不照之時。一切聲聞受記成佛之時也。
四主成就。

佛

德位相稱。垂文作則。爲百世師。作衆生父也。具云
佛陀耶。此云覺者。亦云知者。知三世常無常法故。
覺謂覺察。覺悟。悟卽照。真本有。察則了。妄本空。妄
本空則不逐於妄。真本有則不迷於真。真妄旣明。
唯一覺耳。佛獨稱之。又自覺。覺他。覺行圓滿故。涅槃
云。自覺自知有佛性。覺他衆生悉有佛性。圓滿

自他無二佛性。又自覺揀凡夫。覺他揀二乘。圓滿
揀菩薩。約人卽高會教主。中天竺。迦毘羅國。淨飯
王太子。出家成道。別號釋迦牟尼。非此大聖。孰能
演此一乘大法哉。故云。主成就。又爲六種成就之
主故。望前則際主之會成時。聆主之語成聞。受主
之教成信。望後則主之所居成處。主之所化成衆。
六種共成。歸重於佛也。

五處成就。

住王舍城耆闍崛山中。

謂能住住所住。佛爲能住。卽首楞嚴三昧。所住者。

卽忍土王城。梵語羅閱祇伽羅。此云王舍城。國名
摩竭陀。此云不害。言無刑殺也。亦云摩竭提。此云
天羅。卽國王名也。此王卽駁足之父。昔因王巡山
中。值狩師子。衆人迸散。師共王交。後月滿。來殿前
生子。王知是己子。僞言因我無兒。此乃天賜。遂養
爲太子。足下有駁紋。時人號爲駁足。後紹王位。喜
噉肉。每食甚多。偶一時缺。庖人取新死小兒爲膳。
王食大美。勅令常辦此肉。庖人日捕一兒。供王膳。
舉國愁歎。後于小國謀兵討伐。置於崛山中。山中
羅刹尊爲鬼王。因與山神誓。取于王以祭山。捕得

九百九十九王。唯普明王次後捕之。王啼泣不已。告鬼王曰。我生來實語。而今乖信。願我國建無遮會。未完。駮足放之。還國作大惠施。委政太子。仍歸山就死。形悅心安。駮足問之。答曰。得聞聖法故耳。駮足令說之。普明王廣讚慈悲。毀訾殺害。又說四無常偈。天地及日月。時至皆歸盡。未曾有一法。不被無常吞。駮足乃大權示現。一聞卽證初地。于王各取一滴血。三根髮。寶山神願。駮足與于王共立舍宅。都五山中。爲大國。各以小國委子。百姓在五山中。作舍七度被燒。王舍不燒。民云。排我屋爲王。

舍。庶免其焚。故云。王舍城。又舍字。亦可作赦字。以王赦于王不殺故。梵語耆闍崛。此云靈鷲。亦云鷲頭。又云山南有屍陀林。鷲鳥食屍竟。栖止其山。時人呼爲鷲山。此山近城不遠。山有五穴。佛居中穴。餘穴諸弟子居之。又前佛今佛。皆居此山。若佛滅。羅漢居之。法滅。支佛居之。無支佛。鬼神住之。皆是聖靈所居。因呼爲靈鷲山。其城其山。衆見不一。或見土木艸石。或見七寶莊嚴。或見諸佛遊行。乃不思議聖境。所住旣爾。能住亦然。中者佛好中道。升中天。降中國。中日生。中夜滅。皆表中道。今處山中。

說中道義也。

六衆成就。座無知音。說將誰聽。機感盈前。不得不說。所謂英才滿座。可信吾德之不孤。羽翼多人。轉見斯道之有託。故云衆成就也。文分二。初列衆。二總結。初又三。初聲聞衆。二菩薩衆。三八部衆。初又二。初比丘衆。二比丘尼衆。初又二。初無學衆。二有學衆。初又三。初舉類標數。

與大比丘衆萬二千人俱。

與者共義。釋論以七一解共。謂一時一戒一處一心。一見一道一解脫也。大者多義勝義。器量尊重。

爲天王等大人所敬。故言大。超出九十六種外道。故言勝。遍知內外經書。故言多。又道大用大知大。道勝用勝知勝。道多用多知多。總之數目多。名望重。德業隆。故云大也。比丘名舍三義。一破惡。二怖魔。三乞士。破惡者。出家持戒。因戒生定。因定發慧。戒防形非。定除心亂。慧悟想虛。三學能破身口七支。及三界見思之惡。故怖魔者。旣破惡。必出三界。展轉化度。損滅眷屬。乖於魔意。故驚怖。出家從因。至果。凡三度。魔怖。謂出家時。發大心時。成正覺時。前二但怖。後一乃與戈。爲佛所摧。莫不降伏。乞士。

者。乞法資道。乞食資身。士外形骸。以理自勝。故然。必乞食者。在家人。以田商士。三種如法。用養身命。出家人。佛不許此。惟乞食自濟。身安道存。福利檀越。故亦云除饑。因衆生福薄。前世無法自資。今生常受饑饉。出家戒行。能生物善。除因果之饑乏。故梵語僧伽。此云和合衆。一人不名和合。四人已上。乃名和合。有二。一理和。同證擇滅無爲。二事和。謂戒和同修。見和同解。利和同均。身和同住。口和無諍。意和同悅。又僧有四。不依淨命。破戒僧也。不解法律。愚癡僧也。行五方便。慚愧僧也。若法忍。真實

僧也。今是真實氣類如是。數至一萬二千。皆是影響大化本迹未定。

二明位歎德。

皆是阿羅漢。諸漏已盡。無復煩惱。逮得己利。盡諸有結。心得自在。

皆是一句。明位。阿羅漢。義翻殺賊。不生應供。三義。殺賊者。殺九十八使煩惱之賊。今經亦殺不賊。謂離小涅槃。不生者。無明糠脫後。不受生死果報。今經不生。不生謂離無漏。應供者。具智斷功德。堪爲人天福田。今經亦供應。謂道供。定供。上比丘爲因。

今羅漢是果。始托鉢乞食。福利衆生。今證道果。理應受供。應供乃乞士果也。始修三學。破見思惑。今賊已殺。慧命得安。殺賊乃破惡果也。始發大心。魔王恐怖。今證無生。不受後有。不生乃怖魔果也。諸漏下。正歎上三德。諸漏二句。歎殺賊德。諸漏者。謂欲漏有漏無明漏也。成論云。失道名漏。律云。癡人造業。開諸漏門。毘曇云。漏落生死。論通因果。律專在因。毘曇在果。煩惱者。畧卽根隨二十六。廣卽九十八使。能造惡業。致生死苦。忘法身。失慧命。喪重寶。傷惱行人。皆由此也。因果俱亡。曰已盡。見思已

滅曰無復。煩惱是能潤。諸漏是所潤。能所俱盡。殺賊義也。逮得一句。歎應供德。逮及也。由智斷功德。證無爲理。故云己利。己利成就。方受人天供養。應供義也。律云。忤己德行。忤己利也。如苦身而作。端坐而食。擎跏而拜。逆立而受。苟無己利之德。其害非細。法王座前。知音少。長者園內。樹耳多。學者慎之。盡諸一句。歎不生德。因果不亡。曰有。有爲受生之處。云諸者。卽三有等。結卽惑習之業。爲諸有之生因。今智斷不受後有。故云盡結。因盡果亡。不生義也。心得一句。總上見思惑盡。不染塵累。故云心

自在。定具足。名心自在。慧具足。名慧自在。慧自在。未必心自在。心自在。必慧自在。云心自在者。顯定慧具足也。此經要授聲聞成佛之記。故歎德中。寓有抑揚。以己利揀無利他。自在揀無法自在。又天親論。此五句爲上上起門。逆次可知。

三列名總結。

其名曰。阿若憍陳如。摩訶迦葉。優樓頻螺迦葉。伽耶迦葉。那提迦葉。舍利弗。大目犍連。摩訶迦旃延。阿菟樓駄。刳賓那。憍梵波提。離婆多。畢陵伽婆蹉。薄拘羅。摩訶拘絺羅。難陀。孫陀羅難陀。富樓那。彌多羅尼子。

須菩提。阿難。羅睺羅。如是衆所知識。大阿羅漢等。前是所證之法。此是能證之人。萬二千不勝其多。今畧舉有名望者。二十一人。其名曰三字。乃指證之辭。名者實之賓也。要知諸聖皆備諸行。隱能則各具一德。引偏好故。如陳如共上座有大德者相隨。舍利共智慧者相隨。目連共神通者相隨。皆執一法。引諸偏好。若欲消名。須識其行。從德立名。無往不可。憍陳如姓也。此云火器。先人事火。因命族焉。又火照也。燒也。照暗不生。燒物不生。以不生爲姓故。阿若名也。此云已知。或云無知。已知者。最初

知也無知者非無所知乃知無耳若依二諦卽知
眞以無生智爲名也乃摩夜夫人之弟并十力迦
葉爲母族二人父族三人者一阿濕波二拔提三
摩訶男拘利五人承王命入山侍佛修道不耐苦
遂捨佛往鹿苑修異道佛成道已先往度之初轉
卽悟客塵故往因佛爲赤目大魚五人爲木匠先
取魚肉者阿含云我佛法中寬仁博識初受法味
者拘鄰如比丘爲第一 摩訶迦葉此云大龜氏
先人學道感靈龜負圖而應因命族焉曾於毘婆
尸佛法中爲金師有貧女得一金珠欲補塿中佛

像金師不求價。與治之。因誓爲夫妻。自爾已來。九
十一劫身皆金色。人天受樂。其後生梵天。命終生
摩竭國。具律陀婆羅門家。身紫金色。其家巨富。勝
於瓶沙王。王有金犁千具。爲避王故。唯少一犁。時
他國富家有一女。身亦金色。乃昔施金女也。娉爲
姻室。作無緣夫婦。後夫婦投佛出家。行頭陀行。末
後多子塢前。拈花示衆。尊者破顏微笑。乃付金縷
袈裟。佛入滅已。結集已竟。持衣入雞足山。入寂滅
定。待慈氏下生。交衣方取滅。阿含云。我佛法中。行
十二頭陀。難行苦行。大迦葉爲第一。三迦葉同

前優樓頻羅。此云木瓜林。近此林故。又云木瓜癘。胸前有癘如木瓜故。又云禱。禱此林神而生故。伽耶山名。卽象頭山。住此山故。又城名。近此城故。那提河名。依河住故。毘婆佛時。三人共樹剎柱。緣爲弟兄。兄爲瓶沙王師。先事火龍。度五百弟子。二弟各度二百五十。共行兄法。佛作十種神變。度之。優樓雖覩神變。邪執未改。而言。瞿曇雖神變。不如我道真。佛言。汝非羅漢。亦不得道。豁然開悟。領五百弟子歸佛。二弟見水中漂下火具。往視之。其兄已作沙門。亦歸於佛。共成千羅漢。阿含云。優樓頻羅。

將護四衆。供給四事。令無所乏。最爲第一。伽耶比丘。觀了諸法。都無所着。善能教化。最爲第一。那提比丘。心意寂然。降伏諸結。精進第一。舍利弗。具云。舍利弗羅。此云身子。其母好身形。身之所生。故云身子。王舍城有難陀跋難陀二龍王。降雨以時。國無饑年。王及大臣。歲設大會。置三高座。王太子論師座焉。身子八歲時。步歷會中。問曰。三座何爲。人具告之。卽越衆登論床。羣儒皆恥。不肖與之論議。謂若勝此兒。無足顯譽。脫其不如。屈辱大矣。皆遣侍者問之。身子俱荅。問者盡墮。無敢當者。王及

臣民咸謂我國慶幸。有大智人出焉。十六博覽古今。大國論議無雙。五天稱爲第一。以沙然梵志爲師。志之道術。身子盡得。沙然臨死。欣然大咲。身子問之。志云。世俗無眼。爲恩愛所親。我見金地國王死。夫人願生一處。投火而死。後見金地商人。問之。果然。身子追悔未盡師術。師不授我此法。爲我非其人。師故秘耳。自知未達。更求勝法。而無師可師。雖不知此一法。餘法皆通。外道羣中。最爲第一。與目連爲友。相約。誰得好師。卽隨師之。路遇馬勝。威儀庠序。因問師法。荅曰。諸法從緣生。亦復從緣滅。

吾師大沙門。常作如是說。隨詣佛所。出家七日。遍
通佛法。十五日證無學果。爲羅云和尚。論梵作師。
阿舍云。我佛法中。智慧無窮。決了諸疑者。舍利弗
爲第一。大目連。此云讚誦。姓也。名拘律陀。乃樹
名。禱此樹而生故。又云胡豆。古仙人山居豆食。因
命族焉。此尊者焚得勝之殿。止耆婆之車。攝調達
五百之徒。而歸正法。取迦毘五百之釋。藏於梵天。
阿舍云。我弟子中。神通輕舉。飛到十方者。大目連
爲第一。迦旃延。此云剪剃種。上古多仙居山。無
人剃髮。一仙人有二子。往省其父。次子爲諸仙剃

髮因立族焉。尊者是其族。又云文飾善論議故。阿舍云善分別義。敷演道教者。迦旃延爲第一。阿菴樓駄亦云阿那律陀。亦云阿尼盧豆。此云無貧。亦云如意。乃白飯之子。淨飯之姪。世尊之堂弟。阿難之從兄。羅云之叔父。非聊爾人也。如周公曰。我是文王之子。武王之弟。成王之叔。非卑賤人也。此尊者因施稗飯。獲金人而致富。箭剔昏燈。感天眼以證果。阿舍云。我佛法中。天眼徹視者。阿那律爲第一。刳賓那。此云房宿。因禱此星宿而生故。又與佛同房宿故。尊者初出家時。往佛處。值雨。借宿。

陶師家。以艸爲座。至晚。一比丘入。卽佛也。乃推艸讓之。自坐地上。佛爲說法。證羅漢果。又善知星宿。明識圖像。從解得名。阿含云。我佛法中。善知星宿。日月者。刳賓那爲第一。憍梵波提。此云牛呖病。昔作沙彌時。輕弄老比丘。如牛哨。自爾已來。五百生中。爲牛。次出爲人。五百生常有牛呖病。今雖成道。餘習猶在。佛恐人謗。招過與一數珠。人見虛哨。爲其念佛。恐人不知。是聖人。故常在天上受供。佛入滅時。尊者聞之。乃云。憍梵波提。頭面禮妙衆第一。大德僧。聞佛滅度。我隨去。如象王去。象子隨。阿

舍云。樂在天上。不樂人間者。牛跡比丘爲第一。
離婆多。此云假和合。智論云。尊者夜宿空亭。有一
鬼携屍而至。復一鬼隨來。諍之。各言我持來。共決
於尊者。自思依理。枉理俱不免害。寧實荅之。一鬼
怒。拔尊者手足而食。一鬼取屍人手足補之。等二
鬼相食而去。天明自思。不測誰身。若我自身。眼見
鬼食。若是他身。却隨我行住。逢人則問。見我身否。
時衆僧疑問其故。知其易度。謂曰。汝身乃他人遺
體。非已有也。卽悟此身假和合而有。由此漏盡得
道。阿舍云。坐禪入定。心不倒亂者。離婆多爲第一。

畢陵伽婆蹉。此云餘習。昔五百世爲婆羅門。性多憍慢。今雖成道。餘習未亡。每過恒河。喚河神云。小婢止流。令我過去。神白於佛。令向神懺悔。卽合掌云。小婢莫瞋。大衆皆咲。佛言。實無慢心。乃習氣也。阿含云。樹下苦坐。不避風雨者。婆蹉比丘爲第一。薄拘羅。此云善容。色貌端莊。故又云重姓。付法藏經云。昔於毘婆尸佛法中。以一果施病僧。感九十一劫人天受福。今生婆羅門家。年一百六十六歲。無病無夭。感五不死報。一繼母置火爐中不死。二從母索肉。置沸湯中不死。三隨母至河邊。推落

水中不死。四大魚吞之不死。五魚被人網剖之不傷。其人遂以爲子。其父聞之去爭。不與。後議兩家爲子。故云重姓。阿含云。壽命極長。終不中天。端莊不苟。常樂閒居者。薄拘羅爲第一。摩訶拘絺羅。此云大膝。乃舍利弗之舅。從來論勝於姊。姊孕則論不勝。知懷智人。寄辨母口。況出胎乎。卽棄家往南天竺。讀十八經。時人咲之。累世難通。遂喟然歎曰。在家爲姊所勝。出外爲人所輕。誓不輟學。無暇剪爪。時人呼爲長爪梵志。十八年學訖。回家問甥所在。告云。爲佛弟子。卽大憍慢。我甥八歲。聲震五

天彼沙門者。有何道術。誘我姊妹。遂往佛所。思惟
良久。不得一法入心。佛問。汝意以何爲宗。志曰。一
切法不忍。忍卽安義。言一切法我皆能破。使不得
安故。佛問。汝見是忍否。志拂袖而去。至中路乃省。
歎曰。我義兩處負墮。若我見是忍。前已云一切不
忍。若我見不忍。無以勝佛。一切二乘不知。唯佛菩
薩知之。於是歸佛出家。阿含云。得四辨才。觸難能
答。拘絺羅爲第一。難陀卽牧牛難陀。此云善歡
喜。乃牧牛子也。飯王偈十萬出家。此其一也。性極
聰敏。音聲絕倫。以欣道而立名。孫陀羅難陀。上

三字。此云好愛。亦云端正。妻名也。尊者四月九日
生。短佛四指。儀容挺特。若入衆。有不識者。謂是佛
來。揀牧牛難陀。故連妻稱之。乃佛之親弟。與妻食
息常隨。不肯少離。佛與阿難乞食到門。正共妻在
樓上食。卽起迎佛。妻與之期待。君還。乃共食耳。陀
見佛云。轉輪王子。何得自辱。持鉢取飯。佛卽還園。
持飯鉢至園。奉佛。佛令人剃髮。握拳語曰。誰敢持
刀臨閻浮提王頂上。逼不得止。乃剃髮。明日佛應
請。求住守寺。意欲逃去。佛令關門掃地。逝回隱樹
等。佛將到天宮。見嬋娥而欣樂。復入地獄。覩鑊湯

而休心。欲念乃止。得無漏道。富樓那彌多羅尼子。此云滿慈子。從父母立名。七佛人中。說法爲最。具四辯才。一切經史。無不閑覽。有大智慧。阿含云。善能廣說。分別義理。滿慈子爲第一。須菩提。此云空生。以初生時。其家寶藏。忽空故。表解空之祥。又名善現。以食器皆空。所欲皆滿故。占相曰。旣善且吉。又名善吉。常好遊止山林石窟寂靜之處。所修行業。以空爲本。常入定。住無諍三昧。如嫉立故坐。嫉坐故立。以善物心。不與諍也。真諦曰。東方青龍陀佛。解空第一。阿難。此云慶喜佛之堂弟。斛

飯之次子。調達之弟。世尊成道。阿難始生。故名慶喜。又云無染。出家已來。見女子不起染心。故初出家。得入流果。楞嚴得二果。結集時。方證四果。後入滅遺舍利。四處起塔。拘多指塔示育。王曰。傳佛聲教。此尊者一人而已。王喜以十萬錢供之。阿含云。知時明物。所至無疑。所憶不忘。多聞廣達。堪任奉持者。阿難爲第一。羅睺羅。此云覆障。昔因塞鼠穴。不看婆羅門六日。故世尊始求出家。父王不許。殷勤乞求不已。王言。汝若有子。聽汝出家。遂指如腹曰。却後六年。汝當生子。因在胎中六年。故曰覆

障。佛出家後。耶輸有妊。諸釋咸瞋。欲得欲殺。惡聲載道。因焚火坑。發大誓願。我若爲非。母子俱焚。若眞遺體。天當爲證。言訖投火。變一蓮花。捧體。王及國人。始復不疑。時佛還國。耶輸令羅云奉歡喜丸。與佛。父子天性。自然於大衆中。持以上佛。耶輸以息謗。謗由有子。故言覆障。祖王歡喜。雖失其子。而獲其孫。孫爲輪王。吾何恨焉。佛令出家。父王不許。耶輸將上高樓。目連飛空取之。佛度出家。付舍利弗爲弟子。旣出家已。王位已失。故言覆障。佛法中密行第一。如是衆所知識者。總結上二十一人。

才德兼備。爲人宗仰。故知識者。師友之稱。又聞名曰知。見面曰識。又識以明解爲義。知以決了爲義。謂解達事理。決擇宗乘。故大阿羅漢等者。大拔羣賢。等該同類。如是二字。指諸尊者。衆指天人八部。所知識者。結名也。阿羅漢。結位也。等其一萬二千人。皆具如是之德之名之美也。要知阿難乃有學人。亦列於此者。是應生眷屬故。又是羅漢非知識。如萬二千未列名者。是知識非羅漢。如阿難羅云。亦羅漢亦知識。如此列名者。是非羅漢非知識。卽下二千是也。

二有學衆。

復有學無學。二千人。

上萬二千是無學。此二千是有學也。以見修所作未辦。研真斷惑爲有學。以智斷修證皆完。真窮惑盡爲無學。諸教不同。或六地無學。五地有學。佛地無學。九地有學等。二千標數也。此二千乃業生眷屬。大通時下種者也。比丘衆竟。

二比丘尼衆。

摩訶波闍波提比丘尼。與眷屬六千人俱。羅睺羅母。耶輸陀羅比丘尼。亦與眷屬俱。

摩訶波闍波提。此云大愛道。以有知故。方能愛道。亦云憍曇彌。此云衆主。爲衆尼之主故。尼者天竺女人通稱。乃佛姨母。始求出家。佛不許可。阿難爲之三請。佛令行八敬。方聽出家。八敬者。一。百歲尼當禮。初夏比丘足。二。不得罵比丘。三。不得舉比丘過。四。於僧中求受戒。五。若犯僧殘。應半月向僧中行摩那埵。六。當於僧中求教授人。七。不應在無比丘處安居。八。夏訖詣僧中求自恣人。六千數也。羅睺羅母等者。以子標母也。此云華色。以顏貌美色故。亦云名聞。謂在家具三從四德。溫良恭儉。德齊。

太子位至小君。爲菩薩妻。羅漢母。尼衆主。天人知識。豈無名聞人耶。二聖母爲尼衆之主。故列其名。而統其屬也。眷屬者。天性親愛。謂之眷。夏相臣順。故名屬。法眷屬亦然。說諸法門。轉入他心。得知法性。由法得親。故名眷。親信臣順。故名屬。前比丘中。以列名不列名分業應。此中以標數不標數定優劣。是什師之筆法也。又萬二千及二千。爲三周得記之案。尼衆爲授學無學記品之案。聲聞衆竟。

二菩薩衆。論云。菩薩爲在家出家四衆中攝。何故別列。答。有菩薩墮四衆者。隨類應現故。有四衆不

隨菩薩衆者。不發大心作佛故。今舉同發心作佛者。名菩薩衆。文分爲三。初舉類標數。

菩薩摩訶薩八萬人。

具云菩提薩多摩訶薩埵。菩提此云道。薩埵云心。摩訶云大。合云道心大。應云大道心。以有大根。具大智。信大法。解大理。修大行。立大因。成大果故。亦云覺有情。約自行。菩薩是一分能覺悟之有情。非餘。凡夫不自覺故。約利他。菩薩又能開覺法界之有情。非餘。二乘不覺他故。覺是佛地正覺之智。情是迷執諸情生。菩薩上求佛覺。下化有情。非餘悲。

智全無。或一故。約教有五教。約位有五十五位。下文菩薩聞是法等。約前四教說也。又云。不聞是經。不善行菩薩道。若聞是經。乃善行菩薩道。約圓教發心說也。此衆菩薩。本地難測。或居等覺。或齊法王。如觀音文殊。皆果後大人。三輪益物。迹輔釋迦。可以意知。八萬人標數也。餘經集衆甚多。此經八萬。何其少耶。或者但語大數。如下地湧雲集。豈止八萬。

二明位歎德。

皆於阿耨多羅三藐三菩提不退轉。皆得陀羅尼樂。

說辯才。轉不退轉法輪。供養無量百千諸佛。於諸佛所。植衆德本。常爲諸佛之所稱歎。以慈修身。善入佛慧。通達大智。到於彼岸。名稱普聞。無量世界。能度無數百千衆生。

皆於不退轉者。明位。皆得下。歎德阿耨等。此云無上正等正覺。卽如來應供正遍知之三號。餘七兼收。具含萬德。以諸佛皆從眞如實際中來。示成正覺。十界稱尊。無相匹者。無過上者。故云無上。又能順應四諦二諦道供。法養法身。故云正等。又善知一切諸法之所歸趣。明照一切衆生心行差別。不

墮偏邪。故云正覺。亦卽三身三德三大。乃證窮極果之稱。皆於二字。總上八萬不退轉者。破見思惑。名位不退。永不失超凡之位。故破塵沙惑。名行不退。永不失菩薩之行。故破無明惑。名念不退。永不失中道正念。故又般若位不退。離二死。故解脫行不退。具諸行。故法身念不退。證實境。故以此八萬本地難測。無功用道。任運流入薩婆若海。故云不退轉也。皆得陀三句。約三業而歎三輪應物之德。皆得二字貫下。陀羅尼一句。歎意業輪。此云總持。於一字能通無量法門。於一門能攝無量義理。如

觀一花開能知天下之春。一葉落能知天下之秋。所謂總一切法。持無量義也。畧說卽普賢品三名。廣說有無量。如萬億旋陀羅尼是也。樂說一句。歎語業輪。樂說乃四辯之一。一法無碍。於世出世法說不謬故。二義無碍。於爲無爲權實等義。所說盡理故。三詞無碍。於一切文義。瓶瀉成章故。四樂說無碍。四悉應機。誨人不倦故。以四辯弘宣。稱令物聞。如風吹萬籟也。華嚴九地中。有四十種辯才。今畧也。轉不退一句。歎身業輪。輪者有運轉推碾二義。喻大法能轉入他心。摧破無明故。謂得十身靈

相現身塵刹。在物同類。若權若實之說。皆令衆生入一切種智。故云轉不退轉法輪。菩薩得是道以處己。運是道以利人。不似小乘不說法以自守也。供養無量三句。約因緣而歎福慧深廣之德。供養佛外爲勝友攝護。卽緣具足。植德本。內修萬行爲資。卽因具足。然有橫豎。豎論之。從無量劫。供無量佛。修無量德。卽福深。橫論之。於一念頃。遍至十方世界。供佛修行。卽慧廣。又深則一一行皆與實相相應。廣則一一門攝一切門故。德本者。含正道。助道。教道。證道。一行具足。則成一德。無量行具足。則

成無量德。故云德本。具此因緣。深廣之德。堪灌頂受職。故爲諸佛稱歎。不似小乘。喝爲焦芽敗種也。以慈二句。約悲智而歎。隨相離相之德。以慈者。以悲導智。卽隨相德。慈兼四無量。卽空涉有。純以四心。適化衆生。以利物之行。而成己德。故云修身。觀音品。慈眼視衆生。華嚴大悲爲門。大悲爲首等。善入者。以智導悲。卽離相德。慧乃般若。涉有不碍。觀空。卽諸法而證實相。以無得而證。故云善入。華嚴有破塵出經喻。世典有罔象得珠說。卽斯義也。菩薩以三界爲家。四生爲子。借度生入佛慧。不似小

乘視三界如牢獄。四生如怨賊也。通達下。約本迹而歎。伊梵三點之德。智卽智德。轉八識成四智。證大菩提。故云通達大智。彼岸喻斷德。四相無明滅已。證無住涅槃。故云到於彼岸。以超生死此岸。度煩惱中流。到涅槃彼岸。不似小乘得人空智在中流也。上二屬本。名稱下。卽迹中恩德。自本垂迹。稱實相之理。彰弘化之業。如日照蒼穹。有目皆覩。無目則聞。故云名稱普聞等。不似小乘獨善其身。名在一國也。其道神無方。易無體。如摩尼天鼓。無私成事。既能曲濟無遺。則必受化者廣。故云能度等。

華嚴入法界品。文殊在福城東。說普照法界修多羅。一時海中無量諸龍。捨身在人天中。萬龍於菩提得不退轉。復有無量衆生。於三乘各得調伏。此經陀羅尼品。藥王說咒。六萬八千人得無生法忍。淨藏淨眼現神力時。其父等八萬四千人。皆堪持經。觀此卽知諸大士益物之盛。不似小乘成就衆生。心不喜樂也。此下諸菩薩。證此種種功德。因果該徹。本迹圓融。豈可以地位局判。法華論分上支門。下支門。總相歎。別相歎。初皆於阿耨一句。是總上支門也。其餘諸句。是別下支門也。有十種不退

轉。陀羅尼一句。示現聞法不退轉也。樂說一句。樂說不退轉也。轉不退一句。說法不退轉也。供佛植本。依善知識不退轉也。諸佛稱歎。斷疑不退轉也。以慈一句。入事不退轉也。善入一句。入一切智如寶鏡不退轉也。通達一句。依我法二空不退轉也。到於一句。如實境不退轉也。名稱二句。應作所作不退轉也。

三列名總結。

其名曰。文殊師利菩薩。觀世音菩薩。得大勢菩薩。常精進菩薩。不休息菩薩。寶掌菩薩。藥王菩薩。勇施菩

薩寶月菩薩。月光菩薩。滿月菩薩。大力菩薩。無量力菩薩。越三界菩薩。跋陀婆羅菩薩。彌勒菩薩。寶積菩薩。導師菩薩。如是等菩薩。摩訶薩八萬人俱。

其名曰下列名也。大士大名。或從法門。或從德行。或從本願。雖是一名。備無量義。今依經論。銷十八菩薩名。各就其一焉。文殊師利。此云妙德。大經云。了了見佛性。猶如妙德等。亦云妙吉祥。生時有祥光滿室之兆。故華嚴以菩薩表智。又主信門。故問明品爲會主。法界品爲善財師。今經一乘實相。亦彼宗也。非信不悟。非智不證。故首標其名。所謂

化滿塵方用周三際。道成先刦。名龍種尊王。現證菩提。名摩尼寶積。未來成佛。名曰普現。在因爲八王師。在果爲七佛祖。談般若之玄致。屢質本師。說權實之雙行。頻驚小聖。乃影響大化。迹爲菩薩耳。

觀世音者。天竺云。婆婁吉低稅。一名有二義。一觀是能觀之實智。世音卽所觀之聲塵。從聞思修。入三摩地。解六結。越三空。了塵性。而證入圓通故。二觀是能觀之權智。世音卽悲仰之時機。以慈悲二用。救七難。應二求。十九說法。十四無畏等。於十方稱名之機。圓觀普應。無苦不救。無樂不與。故過。

去爲正法明。現在爲彌陀輔翼。當來在西方補普光功德佛。得大勢者。卽大勢至。以念佛三昧輔翼聖化。不動而遊。不分而應。化用不息。復無化功。其力用大之至也。常精進者。內發三心。外修萬行。於己不足。於物不倦。故不休息者。在因不自爲圓。在果不自爲滿。唯乾乾不息。功就在乎不就。至極在乎不極。故寶掌者。寶位也。聖人之大寶。故自因至果。四十二位。皆聖人所踐之地。大士寄此諸位。掌握化機。接物利生。故又掌中出寶。普濟衆生。故藥王者。在因爲世良醫。在果能以法藥。

救衆生身心二病。因病與藥。無疾不瘳。應機說法。無機不度故。勇施者。三檀不恪。果敢勇爲故。又施以帥萬行破諸着。如梟將力破重圍故。寶月者。月能隨數盈虧。自無損益。菩薩之道。隨機隱顯。自無增減。故以喻名之。月光者。光能破暗。猶智破愚也。滿月者。自覺聖智圓滿。如十五之月故。大力者。有神變之力用。一多無碍。大小相容。迥出思議之表。超乎權小之上故。無量力者。有二。一者。三明六通十八不共等法。校塵沙不能喻。歷僧祇不能及。故數量不可得也。二者。一一業用。貫

三際而無始終。遍十方而無涯畔。故無分際量也。

越三界者。於三界中。不出不在。得大自在故。

跋陀婆羅。此云善守。謂守護三業故。又衆賢之首故。彌勒者。具云彌帝利。此云慈氏。姓也。又阿逸多。此云無勝名也。上生經云。在波利村沒。上生兜率。閻浮提。歲經五十六億萬年。下生成佛。凡在釋迦末法中。精進修諸功德。掃捨塗地。以名香妙花。供養。或稱名禮拜。除百億劫之罪。命終上生內院。當來隨彌勒下生。要值賢劫千佛授記。寶積者。如來藏有恒沙功德如寶。由曠劫積因而證故。

導師者。導卽引導。入鄺垂手。爲人天之師。弘範三界。導愚迷之衆。故如是下總結。如是者。指上有名也。等該無名也。八萬乃上首之數。眷屬在數之外。以上諸菩薩。皆果上大人。影響輔化。不可局定位。次菩薩衆竟。

三八部衆。古云。凡夫衆。却有聖人。又云。俗衆。却有道者。又云。天人衆。却有鬼神。八部又少二部。今依本經。具列八部。故云八部衆。以夜叉攝在四天王部下。摩睺羅伽攝在八龍王部下。又此八部。類雖異。生理兼權實。況諸天王。多是寄位菩薩。華嚴諸

世間主。各證毘盧一德。豈異生而若是乎。故知此衆亦同彼也。夫三乘賢聖。既仰德而歸。八部該羅。豈不虛心而衛。由是繼菩薩而列八部衆焉。文分七。初天衆。

爾時釋提桓因。與其眷屬二萬天子俱。復有明月天子。普香天子。寶光天子。四大天王。與其眷屬萬天子俱。自在天子。大自在天子。與其眷屬三萬天子俱。娑婆世界主。梵天王。尸棄大梵。光明大梵等。與其眷屬萬二千天子俱。

梵語提婆。此云天。天者自然也。皆自然身勝樂勝。

諸天轉上轉勝。故論云。清淨光明。最勝最尊者天也。釋提桓因。忉利天主也。釋卽釋迦。姓也。提桓因。此云主。以能爲諸天主故。忉利。此云三十三。四面各八城。中善見城。合三十三。居須彌頂。乃欲界天主。故列在前。此天住處。縱廣八萬由旬。七寶城壁。善見廣六萬由旬。人身長一由旬。衣二由旬。重六銖。人間一百年。此天一晝夜。諸天身形時數。轉上轉增。轉下轉減。皆以倍言。唯服轉上轉輕。轉下轉重耳。雜阿含云。本爲人時。行於頻施。堪能作主。故總有一百八名。今一耳。因中迦葉佛時。爲女人發。

心修佛塲有三十二人助成。今爲天主。三十二人爲列辟。小乘中說是須陀洹。清涼疏云。是權而非實。二萬等。卽部屬。明月者。月天子也。梵語蘇摩。此云月神。月缺也。以滿而復缺。故此與日宮四天王。皆住須彌山腰。離地四萬二千由旬。人間五十年。此天一晝夜。身長半由旬。衣重十二銖。長一由旬。起世經云。月宮縱廣四十九由旬。城是七寶莊成。以二分天銀。一分青琉璃成就。有千光明。五百下照。五百傍照。其光清冷。遙看似圓。其實正方。月中樹影。乃人間閻浮樹。照映月中有影。非實有桂樹。

也。普香者。星宿天子。卽紫微也。爲羣星之主。統領二十八宿。九曜星官等。由人心善惡。感現吉凶等象。各星宮殿。大小有別。所司各有分野宰治之殊。寶光者。日天子也。梵語蘇犁耶。此云日神。日寶也。起世云。日宮縱廣五十一由旬。二分天金。一分頗黎成就。光照同上。此三乃帝釋內臣。又劫初光音天來人間。因食地肥。身滅光明。世間黑暗。菩薩化作三辰。寶吉祥作月天子。寶光作星天子。卽普香。寶意作日天子。卽寶光。四天王者。外臣也。居四寶山高半須彌。廣二十四萬里。東提頭賴吒。此云持

國居黃金山。領二部。一乾達婆。二富單那。南毘留
勒叉。此云增長。居琉璃山。領二部。一薜荔多。二鳩
槃荼。西毘留博叉。此云廣目。居白銀山。亦二部。一
羅刹。二夜叉。北毘沙門。此云多聞。居水晶山。亦二
部。一毒龍。二毘舍闍。不令惱人。風調雨順。故稱四
天王護世者。自在。大自在。卽欲界五六天。自化五
欲。他化五欲也。娑婆。此云堪忍。其土衆生。安於十
惡。不肯出離。從人立名。故稱爲忍。亦名爲雜。以九
道雜居故。梵者。此云離繫。除下界繫。上升色界故。
亦名高淨。尸棄。此云頂髻。因習火光定。破欲界惑。

從德立名。然經標梵王。復舉尸棄。似如兩人。釋論中。正以尸棄爲王。今舉位顯名耳。此天居初禪中間。內有覺觀。外有言說。故得主領爲王。毘曇論云。二禪以上。無言語法。不得爲王。故光明者。二禪天也。等三四禪。并十八梵天也。

二龍王衆。

有八龍王。難陀龍王。跋難陀龍王。娑伽羅龍王。和修吉龍王。德叉迦龍王。阿那婆達多龍王。摩那斯龍王。優鉢羅龍王等。各與若干百千眷屬俱。

梵語那伽。此云龍。龍者鱗蟲之長。能幽能顯。能大

能小。春分登天。秋分入地。有鱗蛟龍。有翼應龍。有角虬龍。無角螭龍。未升天曰蟠龍。難陀此云歡喜。跋此云善。兄弟二龍常護摩竭提國。風不鳴條。雨不破塊。五穀豐熟。善應人心。瓶沙王每歲設會賽之。百姓聞皆歡喜。從此得名。卽目連所降者也。本住歡喜地。迹合世間歡喜。娑伽羅。此云鹹海。從海立名本。住智度大海。迹處滄溟深水。和修吉。此云多頭。亦云寶稱。本住普現色身三昧。迹示多頭。德义迦。此云現毒。亦云多舌。本住樂說辯才。迹示多舌。阿那婆達多。此云無熱。雪出頂有池。名阿耨達。

池中有五柱堂。龍王常處其內。從池立名。閻浮諸龍有三患。一熱風熱沙着身。燒皮肉骨髓。以爲苦惱。二惡風暴起。吹其宮殿。失寶飾衣等。龍身自現。以爲苦惱。三諸龍娛樂時。有金翅鳥入海。搏取始生龍子食之。以爲苦惱。此池無此三患。故云無熱。本住常樂我淨。迹處此池。摩那斯。此云大身大力等。修羅排海滄善見城。此龍縈身以遏海水者。本住無邊身。迹爲大身。優鉢羅。此云黛色蓮華。從池立名。本住法華三昧。迹居此池。

三緊那羅衆。

有四緊那羅王。法緊那羅王。妙法緊那羅王。大法緊那羅王。持法緊那羅王。各與若干百千眷屬俱。

梵語真陀羅。亦云緊那羅。此云疑神。似人而有一角。人見之曰。人耶。非人耶。乃帝釋法樂神。居十寶山。若身有異相。卽上奏樂。佛說法時。諸天弦歌而誦法門者。卽此神也。法奏四諦也。妙法奏十二因緣也。大法奏六度也。持法總前三也。本住不思議不起滅定。以千萬偈讚諸法王。迹寄弦管歌詠十力。

四乾闥婆衆。

有四乾闥婆王。樂乾闥婆王。樂音乾闥婆王。美乾闥婆王。美音乾闥婆王。各與若干百千眷屬俱。

梵語乾陀羅。亦云乾闥婆。此云嗅香。以香爲食。亦云香陰。其身出香。故乃帝釋俗樂神樂者。緣幢倒擲之技。樂音者。鼓節弦管之流。美者。幢倒之勝。美音者。弦管之勝。

五阿修羅衆。

有四阿修羅王。婆稚阿修羅王。佉羅騫馱阿修羅王。毘摩質多羅阿修羅王。羅睺阿修羅王。各與若干百千眷屬俱。

梵語阿素洛。亦云阿修羅。此云無端正。以男醜女
端故。又云非天。有天福無天德故。又云無酒。探四
天下花醞於大海。龍魚業力。其味不變。曠妬誓斷
不飲。故云無酒。婆稚。此云被縛。因與天帝戰。曾被
縛故。佉羅騫馱。此云廣肩。擁海水滄城者。毘摩質
多。此云淨心。亦云種種疑。卽舍支父也。羅曠。此云
障持。謂障持。日月故。起世經云。有四修羅王。在須
彌四面大海下住。因作福生曠。故感一日一夜三
時受樂。三時受苦也。

六迦樓羅衆。

有四迦樓羅王。大威德迦樓羅王。大身迦樓羅王。大滿迦樓羅王。如意迦樓羅王。各與若干百千眷屬俱。梵語迦樓羅。此云金翅鳥。其翅金色。兩翅相去三百六十萬里。以龍爲食。莊生云。垂天之翼。水擊三千里。擬此也。大威德者。德勝羣輩。威攝諸龍故。大身者。身勝羣輩故。大滿者。所噉之龍。恒充足己意故。如意者。頸有如意珠故。此鳥以食龍業力。命終身爲業火所燒。投入海底。至金輪際。復出至金剛山。住山樹上。燒然復入海。如是七度。力盡死於樹下。頸有如意珠。龍爲護珠。降雨。諸龍爭珠。故名如

意。此上爲後慶讚及法師品廣記之案。

七人衆。

韋提希子。阿闍世王。與若干百千眷屬俱。

舉韋提顯子。舉王該民。韋提乃頻婆羅王之夫人。闍王之母。此云思惟。以子害父。故思善國。不樂闍浮。佛爲說彌陀觀經。令得法忍。其子阿闍世王。此云未生怨。又云無指。以未生時。相占曰。必害其父。及生。父欲擲死。唯損一指。故內宮將護。呼爲善見。此王爲太子時。信調達新王。新佛之謀。故幽父於獄中。絕食。母帶炒蜜而入。闍王知之。以鍊汁治門。

母不能入。父遙望靈山禮佛哀救。佛令目連來爲說法。使無退心。正說法日。闍王與母共食。闍王之子。携犬而戲。凡飲食。共犬而食。王愛子故。欲子食。將犬同食。謂母曰。兒爲一國之王。由愛子故。共犬而食。母懷然曰。汝父初因汝足有瘡。恐汝疼痛。以口含指。唇角流膿。猶不嫌穢。王聞慚曰。誤信惡人之言。造此逆罪。速令開獄。請父王。時王爲饑所逼。問目連。諸天飲食。目連將說。梵天禪思爲食。先說四天王飲食。超勝人中。王聞生着。忽聽門外請王出。驚曰。吾兒取吾。必見殺之。怖懼而死。生四天王。

宮中。以久證初果。當生兜率。因着食故不果也。王
聞父死。自悔無奈。以殺逆故。身感重疾。其弟勸詣
佛所求懺。文殊與之懺悔。得柔順忍。命終入賓吒
羅地獄。卽入卽出。生上方佛土。得無生忍。下生作
不動菩薩。後經多劫作佛。號淨界如來。其迹旣爾。
本豈可量。父子因緣。出涅槃經。要知說法華時。預
清淨衆。至涅槃時。引其逆罪。何異迦葉於法華受
記。涅槃不堪付囑。不可迷迹而惑於本也。列衆竟。
二總結。

各禮佛足。退坐一面。

總上四衆。八部各禮退坐。以待說法。一面者佛在衆中說法。無前後左右。俱見佛面。故云一面。問佛在人中說法。列人衆何少耶。答。文畧不載。人實不少。下文及諸小王轉輪聖王等。准無量義中。列四輪王。國王國臣國民王女。其廣可知。問。天人龍神。皆見佛聞法。地獄一道無色一界。何不列耶。答。有四句。一戒乘俱急。二戒緩乘急。三戒急乘緩。四戒乘俱緩。戒急乘緩者。爲諸天眷屬。乘急戒緩者。爲餘七部眷屬。乘戒俱急者。爲諸菩薩。乘戒俱緩者。則墮三途。無色無有身形。地獄受苦不暇。俱緩之

流不預高會上通序竟。

二別序文分五段。一衆集序。二現瑞序。三疑念序。四發問序。五荅問序。且初衆集序。

爾時世尊。四衆圍繞。供養恭敬。尊重讚歎。

上二句明威儀。下二句明供養。世尊者。圓收十號。爲物欽重。天上人間所共尊仰。故舊以在家二衆出家。二衆爲四衆。此名局意狹。今約一衆。要開爲四。一發起衆。權謀智鑒。知機知時。擊揚發動。成辦利益。如二大士等。二當機衆。宿植德本。緣合時熟。不起於座。聞卽得道。如身子等。三影響衆。往古諸

佛。法身大士。隱其圓極。由輔法王。如觀音等。四結緣衆。力無引導。擊動之能。德非伏物。鎮嚴之用。過去根淺。現在不解。但作未來得度之因緣。如授記等。比丘既爾。餘三亦然。四四共十六衆。以聖凡交。聚尊卑忘懷。據迹則品類實繁。約機則不出此四。故云四衆也。圍繞者。佛初出世。人未知法淨居天人。化爲人像。到已右旋。旋已禮敬。禮已坐聽。因於天敬。人以爲楷。由是凡見佛。必先繞後禮。然一乘海會。諒無凡材。觀四衆之威儀森肅。猶列星之環拱北辰。故云圍繞也。供養者。通論三業皆是供養。

別論施其依報名供養。卑謹虔禮名恭敬。至念專
注名尊重。發言稱美名讚歎。又供養者。表來儀之
享。恭敬者。隆矜式之風。來儀則香花羅列。玉帛交
陳。矜式則踧踖與。與嚴畏心情。尊重者。莊肅容儀。
讚歎者。頌稱德業。肅儀則進止安詳。而不縱肆。頌
德則韵曲流暢。比興合宜。猶華嚴歎德。各據一門
也。此中畧無量義。經中廣供養。如天香天衣等。恭
敬。如合掌叉手等。尊重。如一心瞻仰等。讚歎。如彼
偈云。大哉大悟大聖主。無垢無染無所着。天人象
馬調御師。道德香風熏一切。

二現瑞序。夫瑞相之由。以諸佛出世。本爲佛乘。四十餘年。抑之在懷。圓音將興。慮不尊重。先以瑞相。駭變常情。令生渴仰。故其瑞有六。初說法瑞。二入定瑞。三雨華瑞。四地動瑞。五衆喜瑞。六放光瑞。有三對。說經入定。定慧一對。天華地動。因果一對。大乘機發。大光普照。感應一對。佛說經已。時衆不散。佛入定已。猶待後聞。天華悅眼。地搖震心。衆喜觀佛。眉際分輝。種種奇特。萃於一時。故稱爲瑞也。且初說法瑞。

爲諸菩薩說大乘經。名無量義。教菩薩法。佛所護念。

菩薩乃大乘之機。大乘乃菩薩之道。斯教斯機。如
時雨降。故云爲諸菩薩也。大者揀小義。乘者運載。
義善戒經。有七大。一法大。十二部也。二心大。求菩
提也。三解大。解菩薩藏也。四淨大。見道心淨也。五
莊嚴大。福德智慧也。六時大。三祇行行也。七具足
大。以相好自嚴。得大菩提也。前六因大。第七果大。
大因大果。合爲大乘經也。此是舉其通名。以大乘
所攝。部帙不同。有悲華雜華之異。楞伽楞嚴之別。
名無量義者。舉其別目。條然自揀。然名隨義顯。義
借名彰。羅大品八十餘門。收楞伽百八之間。理量

超乎思議。教量含乎衆妙。故以無量義爲名。自覺
場已來。衆生根基不同。如來說種種教法。以方便
引導。一爲無量也。今說無量義者。收無量爲一也。
當知卽是法華之別名。法華論有十七異名。無量
義是一。今申論義。佛直說此名。而入此定。故知爲
法華之序也。大品光明涅槃。皆先唱名於序。今經
引古云。經名無量義。又云。當說大乘經。名妙法蓮
華。此亦序中唱名。與論意同也。按彼經釋無量義
者。經云。大莊嚴菩薩。並八萬大士。同白佛言。菩薩
欲速成菩提。修行何等法門。佛言。有一法門。名無

量義。欲學此法門者。當觀察一切諸法。從本已來。性相寂滅。猶若虛空。無有二法。乃至無量義者。從一法生。其一法者。謂無相。無相。不相。名爲實相。從此實相生無量法。所謂二法。三道。四果也。今釋無相者。無生死相也。不相者。不涅槃相也。涅槃亦無。故言無相。不相。指中道爲實相也。二法。卽頓漸也。頓謂華嚴頓中一切法也。漸謂三藏般若方等一切法也。三道卽三乘也。四果卽羅漢支佛菩薩佛也。此等諸法。名爲無量。實相爲義。從一義出無量法。收無量入一義故。今經一乘實相。會四十年諸

經之權。是此也。教菩薩法者。用無量義教諸菩薩。以大教應大機也。下文云。普令一切衆。亦同得此道。又云。若我遇衆生。盡教以佛道。卽此意焉。佛所護念者。無量義處。是佛所自證得。是故如來之所護念。下文云。佛自住大乘是也。雖欲開示衆生根。鈍久默斯要。不務速說。故云護念。

二入定瑞。

佛說此經已。結跏趺坐。入於無量義處三昧。身心不動。

趺坐者。以左壓右。半坐。要跏右以壓左。全坐也。如

龍蟠結。故云雙趺。往古諸佛及弟子衆。盡行此法。跏趺而起惡覺。尙生他敬心。況入深境界。而不適悅天人耶。又非世間受用法。不與外道共。能破諸魔軍故。又具四悉故。入無量三昧者。三昧此云調直定。又云正定。三昧名多。無量義揀之。然那伽常定。云何有入。蓋未得定者。見似有入耳。其實無入。可入亦無不入。無入不入無定。不定無處。不處深徹諸法之源底。了達實相之本根。於無住而住。住於秘密藏中。謂之無量義處者。此處唯佛與佛。乃能究盡。卽諸法實相之體也。從體起用。故說無量。

義經攝用歸體。故入無量義處定。下文安詳而起。自此起也。殷勤稱歎。歎此處也。法說說此處也。喻說。喻此處也。宿世因緣。說此處也。聞法領解。得蒙受記。卽不無。究竟不知此處也。此處微妙難測。思量分別之所不到。故曰。止止不須說。我法妙難思。絕言絕思。還入此處。故知法華一經。唯談此處。不談餘處。故於未說此經之先。現此難思之相。以爲說法之徵。故入無量義處三昧。然說已入定者。定慧相成也。非禪不智。故先入定。非智不禪。故先說法。卽智而定。卽定而智。先後出入。無有隔碍也。說

已入定。出定又說。法華之前相著矣。若作次第。先入無量義三昧。應入法華三昧。若此則明文彰顯。時衆自知。何待慈氏殷勤。文殊靳固。故知作序。其義轉明。身心不動者。與所緣之處相應也。身之本源。湛若虛空。心之理性。畢竟常寂。文云。身體及手足。寂然安不動。其心常恬怕。未會有散亂是也。又身若金剛。不可動轉。心若虛空。無有分別。無量義處。三昧持於身心。故不動也。問。瑞相本論奇異之事。說法入定。佛之恒儀。何得爲瑞。答。說法雖竟時。衆不散。肅有所待。不罷法座。就入禪定。此事奇特。

與常有異。何意非瑞。又文殊引古六瑞。皆有此事。若昔非瑞相。何以證今。今古同然。稱之瑞相。不亦宜乎。

三雨華瑞。

是時天雨曼陀羅華。摩訶曼陀羅華。曼殊沙華。摩訶曼殊沙華。而散佛上。及諸大衆。

四種華。舊翻小白大白。小赤大赤。小適意大適意。小柔軟大柔軟。今以適意柔軟釋之。四十年前。方便引導。各證小果。小適意。故今經演唱一乘實相。適悅諸佛本意。大適意。故諸天以小大適意華。

以表之。此經既是教菩薩柔軟之法。不比剛強衆生不柔軟也。四十年各各調伏。小柔軟也。今日各各授記。行菩薩道。恒順衆生。大柔軟也。故諸天以小大柔軟華以表之。適意在佛。下文如我昔所願。今者已滿足是也。柔軟在機。下文學無學二千人。其意柔軟。寂然清淨是也。散佛上者。上契佛意也。及諸大衆者。下合機心也。

四地動瑞。

普佛世界六種震動。

普佛世界。一佛化境。准下答偈。一切佛土皆震動。

也。六種者。動起踊。震吼擊。經畧標二。搖颺不安名。動。自下升高名起。塤壠凹凸名踊。此三形也。隱隱有聲名震。砰磕發響名吼。令物覺悟名擊。此三聲也。一一中有三。謂動。遍動。等遍動。直動。爲動。四天。下動。爲遍動。大千動。爲等遍動。餘五可知。表圓家。六番破無明惑。無明礮礮。未曾侵毀。如地相堅固。方將破壞。故動地以表之。

五衆喜瑞。

爾時會中比丘比丘尼。優婆塞。優婆夷。天龍夜叉。乾闥婆。阿修羅。迦樓羅。緊那羅。摩睺羅伽。人非人。及諸

小王轉輪聖王。是諸大衆得未曾有歡喜合掌。一心觀佛。

天。三界諸天也。龍有四種。一守天宮龍。持令不落者。二興雲致雨。益人間者。三地龍。決江開瀆者。四守伏藏龍。守輪王大福德人藏者。夜叉。捷疾鬼也。乾闥婆。俗樂神也。阿修羅。非天也。迦樓羅。金翅鳥也。緊那羅。法樂神也。摩睺羅伽。大蟒神也。人。卽人民。非人。卽鬼神類。小王粟散王也。轉輪王有四。人壽二萬歲。鍤輪王出。治一天下。四萬歲。銅輪王出。治二天下。六萬歲。銀輪王出。治三天下。八萬歲。金

輪王出治四天下。云轉輪者。金輪王出世。有七寶輪。自現於前。隨輪而轉。王四天下。故曰轉輪聖王。四衆欣其嘉瑞。八部瞻其聖容。今日之所得。從昔未曾有。故各各歡喜合掌。一心觀佛。問喜怒人之常情。何得爲瑞。答。天華悅眼。地動震心。大經云。動時能令衆生心動。非常之喜。而不爲喜所動。又能一心觀佛。何得非瑞也。華地是外瑞。心喜是內瑞。故法會大衆。只知說經入定是佛。雨華者天。地動者地。何不同頭轉腦乎。

六放光瑞。

爾時佛放眉間白毫相光。照東方萬八千世界。靡不周遍。下至阿鼻地獄。上至阿迦尼吒天。於此世界。盡見彼土六趣衆生。又見彼土現在諸佛。及聞諸佛所說經法。并見彼諸比丘。比丘尼。優婆塞。優婆夷。諸修行得道者。復見諸菩薩摩訶薩。種種因緣。種種信解。種種相貌。行菩薩道。復見諸佛般涅槃者。復見諸佛般涅槃後。以佛舍利。起七寶塔。

觀佛海三昧經云。白毫相光。佛初生時。牽長五尺。苦行時。長一丈四尺。得佛時。長一丈五尺。其毫中表俱空。如白琉璃筒。內外清淨。從初發心。中間行

行種種相貌。乃至入涅槃。一切功德皆現毫中。在兩眉中間。表中道常也。其相柔軟樂也。卷舒自在。我也。其色潔白淨也。由多生忍辱孝敬等。感此相好。三十二相之一也。光表一乘中道之智。照萬大千境界也。以境智圓融。理遍十方故。本智瑩然。洞徹無遺。故云照。東方乃動境。表生滅門。以真如隨緣。能生十界一切諸法。諸法雖動。其體寂滅。欲即動而證不動之理也。靡不周遍者。以寂而常照之。智光無處不照。無物不燭也。橫遍之。則方方萬八千之寬廣。無不周遍。豎窮之。則上下天堂地獄之

高厚無不周遍。阿鼻此云無間。成論明趣果受苦時。命形五皆無間故。地獄者從義立名。謂地下之獄。名爲地獄。婆沙云。瞻洲下過五百踰繕那。乃有其獄。是最下也。阿迦尼吒。此云質碍究竟。乃色究竟天。過此卽四空天故。是最上也。中間鬼畜人修依正之報。雖別善惡之形有殊。於一光中悉皆見之。無不周遍者此也。於此世界等。是明他土法界生佛事相始終。於一光中悉見也。於此忍土不移脚步。開眼卽見彼萬八千六趣衆生。趣向也。隨因招果。趣向各別。類分爲六也。五陰妄想和合有生。

故名衆生。卽下頌中。六道衆生受報好醜等。盡見與并見。又見復見。是換其字面。然有二義。一者三乘見量有限。云盡見者。承如來白毫相光力故。二者大衆得未曾有。一心觀佛。由攝念一處。山河大地。應念化成。無上知覺。何限之有哉。又見彼土等。卽下聖主師子演說正法等。諸佛名號化儀國土。種種不一。聞其說法者。諸土機緣不一。權實法門。設立有殊。不離此處。眼見諸佛形像。耳聞說法音聲也。並見彼諸等。卽下若人遭苦等。修六度諦緣之行。得菩薩緣覺聲聞之道。是小始二教之三乘。

也。復見諸菩薩等。是終頓圓之大菩薩也。卽下頌中。次第問不次第問。三十一行半頌文。種種因緣等。是一串事。如人信解行布施。是菩薩道。則闔城妻子等。皆歡喜布施。而布施就是入道之因緣。內有如是布施心。外有如是歡喜相。信解持淨戒。是菩薩道。則大乘等戒。皆清潔受持。而持戒就是入道之因緣。內有如是不動心。外有如是持戒相。信解行忍辱。是菩薩道。則惡罵捶打。皆柔和忍受。而忍辱就是入道之因緣。內有如是忍受心。外有如是柔和相。信解行精進。是菩薩道。則逆順等境。皆

勇猛果決。而精進。就是入道之因緣。內有如是勇
猛心。外有如是雄毅相。信解修禪定。是菩薩道。則
深禪大定。皆修習不怠。而禪定。就是入道之因緣。
內有如是專注心。外有如是枯木相。信解智慧。是
菩薩道。則博覽羣典。皆通達明了。而智慧。就是入
道之因緣。內有如是明利心。外有如是活潑相。因
緣相貌。信解。多多不一。故言種種。復見諸佛般涅槃
槃等。卽下頌中。佛滅後。供舍利造塿廟之文。般涅槃
槃。梵言畧也。具云摩訶般涅槃那。此云大滅度。大
卽法身滅。卽解脫。度卽般若。卽三德秘密藏也。又

云圓寂。以化緣既盡。化法無施。化身遂隱。故舍利具云室利羅。此云靈骨。而有五色。是三無漏學。凝聚而成。故梵語塿婆。此云方墳。亦云高顯處。安置靈骨之處也。碎身舍利。是佛末後遺教。令一切有情造塿修福。故總前一見六趣。二見諸佛。聖凡一對。三聞佛說法。四見四眾得道。人法一對。五見菩薩行。行六見佛般涅槃。始終一對。又是一串事。既有可化之衆生。卽有能化之佛。有佛卽有說法。說法卽有弟子。弟子卽行始。行始必致終也。諸見字要悟得透徹。卽知萬八千土。皆是本地風光。從這

裏流出。古德云。盡大地是自己光明。無一人不在自己光明裏。上來一光橫該。豎窮。是何等之高厚。何等之廣大。其間法界生佛事相。始終善惡好醜。許多差別境界。只一光一時頓現於此土四衆目前。了無障礙。人人有此光明。特衆生不自知耳。若本明洞徹。本智現前。妙體實相。昭然心目。與佛何殊。文殊曰。今佛放光明。助發實相義。則此光是一卷離言法華。柰何法衆不解。又勞二大士旁通。世尊出定歎揚。全經文言顯此旨也。現瑞序竟。

三疑念序分二。初彌勒疑念。

爾時彌勒菩薩作是念。今者世尊現神變相。以何因緣而有此瑞。今佛世尊入於三昧。是不可思議。現希有事。當以問誰。誰能答者。復作此念。是文殊師利法王子。已曾親近供養過去無量諸佛。必應見此希有之相。我今當問。

此有三念。一正念六瑞。二念問誰。三念文殊。文殊念起第二念消。唯存初念。但成一疑。初念六瑞。作是念三字。是經家模寫彌勒口不言而自忖也。作何等念。謂今者世尊現神變相。以何因緣而有此瑞。神變相者。總指此土他土之事。夫聖人發一言

爲天下則行一事爲天下法。時措合宜。必不徒施。今者現其神通。變其界相。豈無故而妄施哉。但不測以何等因緣。而有如是鼓動。不知其所以然而然也。二念問誰。既不測其所爲之因緣。則當請決於佛。柰何。今佛入於三昧。然此三昧。是佛自覺聖智之境。理出希夷。妙超情路。是不可思議。詳此境相。事非常途。必是希有之事。若是尋常之事。我以補處智。罔象其懷。雖不盡知。亦可彷彿於二三。我既不知。佛又入定。欲決此疑。當以問誰。若問必是才智兼備。可以消我之疑。若不能決疑。徒問何益。

當是時。彌勒左顧右盼。用目循歷。衆中求人。歷觀
聖賢交錯。龍象相參。以我例諸。無不疑者。當問何
人以釋其事。故云當以問誰。誰是能答之人。三念
文殊。復作二字。緊隨誰能二字。以彌勒左右尋察。
正念誰是能答之人。忽擡頭看見文殊。故復作念。
是文殊。乃法王之長子。衆中之白眉。經劫供佛。奉
法行道。所謂欲知山上路。須問過來人。事佛既多。
經目者廣。必應見此希有之相。故云。我今當問請
決其疑。必應者。果決之辭。却被道着。下文文殊畧
會見荅云。我於過去諸佛會見此瑞。當問一句。番

上當以誰能二句。此中以何當以誰能復作已曾。必應我今等。皆字法相生之妙。又神者內也。變者外也。神明天心。卽天然內慧。變名變動。卽六瑞外彰。彌勒不測外變。亦不知內慧。故興疑作念有如此者。若夫庸人不知術者。散人不知定者。凡人不知聖者。小聖不知身子。身子不知菩薩。菩薩不知補處。補處不知尊極。此就極處彌勒亦不知也。問。彌勒值佛植善既多。何容不彷彿知。答。隱明示暗。權不知也。正欲興起大教。向無疑中生疑。無念中作念。無非鼓動人心。令他生疑起信耳。

二大衆疑念。

爾時比丘比丘尼。優婆塞。優婆夷。及諸天龍鬼神等。咸作此念。是佛光明神通之相。今當問誰。

法會大衆咸作此念。謂佛放一光照見彼土。此土有如許之神化。通變之境相。是希有事。今當問誰。經家恐繁。故不序耳。此念有二。無念文殊疑。偈云。四衆欣仰。瞻仁及我。若無三念。何事瞻仁。當知偈出彌勒。因問文殊。大衆方瞻文殊。未發問時。無視文殊之文。此海衆同疑。卽一乘之悟機。若汗下庸流。必無竦情之觀。今困於心。橫於慮。仰求知者。則

啐啄之應可知。時雨之會有以也。此段經家敘置。什師巧筆。自疑他疑。亦描寫當時之形容盡矣。

四發問序。有長行偈頌。且初長行。

爾時彌勒菩薩。欲自決疑。又觀四衆比丘。比丘尼。優婆塞。優婆夷。及諸天龍鬼神等。衆會之心。而問文殊師利言。以何因緣。而有此瑞神通之相。放大光明。照於東方萬八千土。悉見彼佛國界莊嚴。

欲自決疑者。將說未說之貌。此事希奇。我疑大衆。又疑衆中。若有酌唱發問者。消彼疑。我疑自消。所以語到口邊。再三踟躕。不肯發問。又觀四衆之心。

有瞪睛直視光相者。有低頭疑念發悶者。有彼此相顧瞻視者。只無一個能問之人。故彌勒忍俊不禁。請問文殊。決自疑以消衆疑也。觀衆會之心者。他人有心。予忖度之也。以何因緣。與下此非小緣。必是一大事。因緣照應。六瑞之文。此中二十四字。該盡。然此疑字最重。以有疑始有信悟。故問文殊。彌勒德位相亞。何故一問一答也。答位雖齊等。賓主宜異故。又法門有權實。權應問。實應答。又迹有久近。近應問。久應答也。又今經授聲聞當來成佛。非當來成佛之人不能問。故彌勒大慈以問之。非

過去已成之佛不能答。故文殊大智以答之。又文殊表大智。彌勒修唯識。意顯此境唯智能入。非識可知。有此多義。故彌勒問而文殊答也。

二偈頌。偈者梵本畧也。或云偈他。梵音訛也。梵語阿菟卒都波。此云讚誦。不論長行偈頌。但滿三十二字爲一偈。祇夜。此云應頌。應上長行故。伽陀。此云孤起。不應長行故。唄陀喃。此云集施頌。以少言攝多義。施人誦持故。長行後又說偈者。按龍樹婆沙論云。有四義。一隨國土故。有散華貫華之說。如此方序後銘也。二隨樂欲不同故。有樂散華。有樂

章句者。三隨生解不同故。或於散華得解者。或於章句得解者。四隨根利鈍故。利者一聞卽解。鈍者再說方解故。又表佛殷勤慈誨故。又爲衆集前後故。故有偈頌也。又長行偈頌有五雙十隻之義。有無前後隱顯廣畧開合達此。則於超頌追頌等義不迷矣。偈有六十二行。分二。初五十四行頌上問。二八行請答。初又分二。初四行問此土。

於是彌勒菩薩欲重宣此義。以偈問曰。文殊師利。導師何故。眉間白毫。大光普照。雨曼陀羅。曼殊沙華。梅檀香風。悅可衆心。以是因緣。地皆嚴淨。而此世界。六

種震動。時四部衆咸皆歡喜。身意快然。得未曾有。
文殊下一行。頌放光瑞。導師稱佛。以說法開導於
人故。雨曼下一行半。頌雨華。梵語梅檀。或云此方
無故不翻。或義翻與藥。能除病故。香風者。風本無
香。而香爲奇特。香本屬華。華香如檀。天華至妙。豈
有色而無香。風香因華。所謂風從華裏過來香也。
天華繽紛亂墜。香風陣陣襲人。適悅人心。無不欣
忭。故云悅可衆心。以是風送華香。華落集地。之因
緣。而地皆因華而嚴。因風而淨矣。此表因若趣果。
而果則嚴淨也。而此二句。頌地動瑞。時四一行。頌

衆喜瑞。長行總問此土六瑞。今偈中長有香風地淨。無說法入定。觀文似缺。義則兼之。

二五十行。問他土。分六。初三行。問六趣衆生。二四行。問見諸佛及聞說法。三三行。問他土四衆得道。四一行半。結前起後。五三十一行半。問種種因緣等。六七行。問供舍利起塔。且初三行。問六趣衆生。眉間光明。照於東方。萬八千土。皆如金色。從阿鼻獄上至有頂。諸世界中。六道衆生。生死所趣。善惡業緣。受報好醜。於此悉見。

土非金色。因佛光明。變爲金色。衆生是能趣之人。

生死是所趣之處。善惡一句。是能趣之因。受報一句。是所趣之果。天堂人間。是善是好。地獄三途。是惡是醜。

二四行。問見諸佛及聞說法。

又觀諸佛。聖主師子。演說經典。微妙第一。其聲清淨。出柔軟音。教諸菩薩。無數億萬。梵音深妙。令人樂聞。各於世界。講說正法。種種因緣。以無量喻。照明佛法。開悟衆生。

上只云。見佛聞法。此廣明說法之相。聖主師子者。聖卽是主。主謂主伴。是諸菩薩伴中之主故。言聖

主者。以道尊四大。德邁十地。以聖道自居。聖德惠物。有斯稱也。梵語鄔波僧訶。此云師子。又云狻猊。大經云。師子發聲震吼。爲壞詐師子。爲欲試自力等。喻佛能摧伏魔軍。示衆十力等。以其功出有漏。道證無極。無常醉象。害不能逐。如師子無畏也。永嘉云。師子吼無畏說。百獸聞之皆膽裂。一音說法。稱機圓應。故云微妙。玉轉璣旋。籠罩羣說。故云第一。迦陵仙音。不滯名相。故云清淨。赴機普遍。言不激抗。曰柔軟。大根大機。受化者廣。曰無數。四悉說法。不泥文字。曰梵音。權實不同。會旨則一。曰深妙。

凡聞法者不厭其言。曰樂聞。諸佛所御。各控一方。故云各於世界。其所說法。千聖同軫。故云說正法。或引興之以種種因緣。比況之以無量譬喻。以至小而引至大。以至易而況至難。無非發揮佛法妙道。以方便開悟衆生。令其解入也。照明二字取喻。佛法卽吾人之心。以佛之正法眼藏。隱於衆生藏。識如寶在暗室。無燈不見。假燈方見。人有至理。不聞法不知。必賴如來開示。衆生方悟也。此中聖主。卽舍那相。演說第一。如日照高山說華嚴也。教諸菩薩。七處九會也。照明二句。卽始見佛身入如來。

慧也。

三三行問他土四衆得道。

若人遭苦。厭老病死。爲說涅槃。盡諸苦際。若人有福。曾供養佛。志求勝法。爲說緣覺。若有佛子。修種種行。求無上慧。爲說淨道。

若人一行。聲聞乘也。具明四諦。苦含因果。卽苦集二諦。厭老死卽道諦。說涅槃卽滅諦。亦可二句作集。四句作道。若小機遭苦所逼。厭三界生死如桎梏。爲說偏空有餘涅槃。修三十七品道法。斷盡九十八使苦之分際。令知苦斷集慕滅修道得聲聞。

乘也。際字對上遭字。諺云遭際也。盡字有修行工夫。對上厭字。以遭際雖有分限。能厭之。則始能盡斷之。又若人遭苦而造惡業。苦不得盡。若人遭苦而造善業。苦亦不得盡。若人遭於外道法中而求解脫。但增見長非。苦亦不得盡。若人遭苦復厭生老病死。感佛爲說涅槃。則能盡諸苦之分際也。有福一行。緣覺乘也。若供佛少。遭苦而致惱。供佛多。雖遭苦而有福。故云。聲聞三生種福。支佛百劫種福。形彼聲聞。故言有福。是修福多也。曾供養佛。供佛多也。有福卽今世之果。供佛乃前世之因。志求

勝法者。深求緣起勝妙之理。聞法多也。望聲聞法。故言勝緣覺者。因觀十二因緣。覺真諦理。故云緣覺。別行記云。支佛修行。不立分果。深觀緣起。久種三多。福慧既隆。預侵二習。居聲聞上。佛子一行。菩薩乘也。真慈大悲。紹隆佛種。故云佛子。恒修六度。故云種種。無上慧佛慧也。佛子大機也。六度大因也。無上慧大果也。以大機大因而求大果。故佛爲說清淨六度之道。六度無六蔽。如藥中無病。三輪體空。不住於相。故云淨道。

四一行半。結前起後。

文殊師利。我住於此。見聞若斯。及千億事。如是衆多。今當畧說。

於此悉見等。卽見演說經法等。卽聞大綱畧足。故云若斯。是結前也。及千億事。開後也。如是衆多。指下所陳。續後而說。故云今當畧說。

五三十一行半。廣問他土菩薩種種因緣相貌等。分三。初一行總問。二十五行次第問。三十五行半不次第問。且初一行總問。

我見彼土。恒沙菩薩。種種因緣。而求佛道。

總問彼土行道之大士。數如恒沙之多。故以種種

因緣一句牒醒。其信解相貌在其中矣。恒卽恒河。亦云旻伽河。此云天堂來。沙卽此河中沙。雪山頂有池。名阿耨達。此云無熱惱。縱廣五十由旬。八功德水。充滿其中。池有四口。各一由旬。四口出四河。各繞池一匝。四種寶色。不相雜亂。湍流入海。各分二萬五千道大河。流灌四洲。東銀牛口。出旻伽河。銀沙混流。入東南海。南金象口。出信度河。金沙混流。入西南海。西琉璃馬口。出縛芻河。琉璃沙混流。入西北海。北頗肢師子口。出徙多河。頗肢沙混流。入東北海。此卽黃河之源。惟恒河沙細如麵。外人

計爲福河。入洗滅罪。佛順俗故。常指爲喻。但取其沙之多。此以人數之多。喻以恒沙故。憑藉不一。故言種種。或布施持戒等因緣而求佛道也。

二十五行次第問。分六。初六行問檀。二二行問戒。三一行問忍。四一行問精進。五二行問禪。六三行問般若。且初六行問檀。

或有行施。金銀珊瑚。眞珠摩尼。硨磲碼碯。金剛諸珍。奴婢車乘。寶飾輦輿。歡喜布施。回向佛道。願得是乘。三界第一。諸佛所歎。或有菩薩。駟馬寶車。欄楯華蓋。軒飾布施。復見菩薩。身肉手足。及妻子施。求無上道。

又見菩薩頭目身體欣樂施與求佛智慧。

金銀從鑛出。珊瑚出海。多方取之。色赤似鹿角。古云長鯨一吸海水盡。森森露出珊瑚枝也。眞珠出蚌蛤等。摩尼此云無垢。亦云如意。碑磔出石。以形有渠故。碼碯出石。似馬腦故。此二似玉。金剛最堅利者。輦乃君王所乘。輿乃公卿所乘。駟馬者四馬共乘也。詩云四匹在首。又良駟也。橫曰欄。豎曰楯。華蓋卽傘蓋。以彩帛爲之。黃帝戰蚩尤於涿鹿。虛空有祥雲罩之。後人作傘蓋。本此也。軒卽車廂。馬援傳居前不輕。居後不軒。此中有三意。寶珍奴婢。

貴賤共能此施。駟馬寶車。豪俠者所施。手足身命。達人乃能耳。妻子寶珍。身外之物。財施也。身肉頭目。身內之物。無畏施也。不言法施。讓後般若也。以妻財者。身之餘。身命者。道之餘。菩薩視金帛如糞土。觀妻妾如畫瓶。見形骸如桎梏。五欲如刀頭之蜜。一命如井上懸藤。於是隨順法性。將此行施。以破慳貪之惑。而求妙覺之果也。夫愛身命者。天下之情。外形骸者。遺世之志。二者天壤。然寐者不覺。藏舟夜負之急。故愛之悟者。深達瓶穿雀飛之理。故外之也。或云父母遺體。不敢毀傷。不聞捨魚而

取熊掌乎。父母遺其體。是遺其道也。苟離道狗身。謂之愛遺體可乎。達人以道愛身。不以身愛身也。二二行問戒。

文殊師利。我見諸王。往詣佛所。問無上道。便捨樂土。宮殿臣妾。剃除鬚髮。而被法服。

往佛所。表往非餘。專意來故。所問尊極。故云無上。屈九五之尊。尚一乘之道。故曰問道。捨窮域之珍。所棄不輕。故曰捨樂土。畫棟雕梁。曰宮殿。率土之。賓曰臣。嬪妃侍媛。曰妾。身心俱離。曰剃除鬚髮。剃鬚髮絕世諦之容儀。被法服。整出塵之風度。去髮

染衣。乃比丘相貌也。約比丘而論戒。以在家施易戒難。出家施難。戒易也。詣佛問道。攝善法戒。捨其臣妾。攝衆生戒。剃髮染衣。攝律儀戒。又持三戒而證三身。律儀者。無惡不斷。起正道行。是斷德因。修成法身。善法者。無善不積。起助道行。是智德因。修成報身。衆生者。無生不度。起不住行。是恩德因。修成化身。有此利益。所以諸王出家而作比丘也。五王經云。昔佛在世。有五國王。常宴一處。一日大國王設宴。臨行。遠送郭門。謂四王曰。盍各言志。一曰。當此春光交媚之際。馳馬試劍。飛鷹走犬。可以爲

樂一曰媛女左侍。姬妾右隨。可以爲樂。一曰統御
邦甸。四海來貢。一曰父母康健。子孫長聚。大國王
曰春去秋來。時不待人。此樂不常。風月之交。倏焉
異世。徒增苦本。控御四方。雖爲一世之尊。來生未
必何道。父母子孫。恩愛牽纏。累劫難出。四王曰。願
聞大王之志。曰。我願不生不滅等法。四王曰。云何
可得。隨引入精舍。世尊爲說苦空等法。五王卽悟。
出家而作比丘。此約義引也。

三一行問忍。

或見菩薩。而作比丘。獨處閑靜。樂誦經典。

忍有三種。閑林幽谷。惡人惡獸。忍耐無瞋。生忍也。自節守志。艸衣木食。苦行忍也。爲求佛道。不樂小果。第一義忍也。作比丘。苦行也。獨處閑靜。生忍也。樂誦經典。第一義忍也。宋徽宗時。歐陽修。客洛陽。遊嵩山。自至一寺。入殿。見一僧誦經。修舉手欲語。僧毫不顧視。修異之。少頃經歇。問曰。何經。曰。法華。又曰。住山久乎。曰。甚久。又問。古之高僧。臨終自在。何道致之耶。曰。定慧力耳。曰。今時何得寂寥。曰。古之人。念念在定慧。臨終安得散亂。今之人。念念散亂。臨終安得自在。修不覺跪地矣。此靜處誦經服。

人者如此。

四一行問精進。

又見菩薩勇猛精進。入於深山。思惟佛道。

捍勞不怯。曰勇猛。精純不雜。曰精進。夫深山可畏。非麻怯者可居。惟勇進者能之。所謂柳栗橫肩不顧人。直入千峯萬峯去。思惟佛道者。窮壑邃谷。深山曠島。白雲留意。鹿猿忘機。思惟實相。念念不休。進求佛果菩提也。苟心馳魏闕。山居何益焉。

五二行問禪。

又見離欲常處空閑。深修禪定。得五神通。又見菩薩。

安禪合掌。以千萬偈讚諸法王。

五欲爲神足之累。故須離之。仙人見王女起染心。卽失神足是也。空閑乃無欲之地。故常處之。飯糗茹艸。若終身焉。禪定乃神足之體。故深修之。一念萬年。如枯木耳。大疏云。神足自體。卽三摩地。云深修者。從一禪入一禪。從一定入一定。乃至九品。轉轉爲深。轉變自在。能發諸通。故云得神通也。纓絡云。神名天心。通名慧性。天心者。天然之心也。慧性者。通達無碍也。有六。謂天眼。天耳。他心。宿命。如意。身。無漏通也。當知天然慧性。與此六法相應。故名

神通。今云五者。未得究竟漏盡也。上一偈世間禪。下一偈。明出世上上禪。智辯讚佛者。由禪定生智。慧由智慧生。辯才故。安禪靜思佛德。合掌措言成頌。或擬三身而頌果。或撮萬行以美因。比與不同。吟咏各異。諸佛之聖德無盡。菩薩之讚誦何窮。故曰。以千萬偈讚諸法王也。問。旣安禪。何言以偈讚佛。答。此圓教之禪。非八背九次之所比也。靜散不相妨碍。不起寂滅定。而現諸威儀。如修羅之琴。不拊而韻。無緣無慮。有感則形。故能安於禪定。以千萬偈而讚於佛。卽說時默。默時說意也。

六三行問般若。

復見菩薩。智深志固。能問諸佛。聞悉受持。又見佛子。定慧具足。以無量喻。爲衆講法。欣樂說法。化諸菩薩。破魔兵衆。而擊法鼓。

決疑請問。神悟秀援。理窮性相。教擇權實。故曰智深發三心。滿四願。戴鏡輪而不退。盡刮石以無疲。故云志固。扣關擊節。善咨心要。故能問聲入心通。文義雙持。故曰受持。由智之深。所以能問諸佛之妙法。由志之固。所以聞悉受持而不遺。此具能問能持二嚴。乃自利也。下二行利他。有定無慧。曰癡。

定有慧無定。曰狂慧。由深修禪定。則定具足。是正定也。由智深志固。則慧具足。是正慧也。正定具足。自性宗通。正慧具足。稟受有據。以此定慧之自利。方能近取諸譬。以無量喻。爲衆講法。以利人也。爲衆一句。約中下根說。化諸一句。約上根說。遇中下。則循循善誘。故云無量喻。遇上根。則直明大法。故云說法。觀機說法。度生爲事。故欣樂之。破魔擊鼓者。以正道摧邪。如擊鼓以破敵也。云破魔者。空觀破四魔。假觀破八魔。中觀破一切魔。梵語魔羅。此云奪命。如死魔實能奪命。餘煩惱五陰。天主能作。

奪命因緣。又此四魔能奪智慧命故。既破魔已。應轉法輪。云擊法鼓者。初發心住。便成正覺。百佛世界。以真妙梵音。警悟羣生。卽是圓擊梵輪法鼓也。次第問已竟。

三十五行半。不次第問。問。上次第問六度。自收萬行。何須更問太煩雜耶。答。次第漸一途也。不次第者。不定一途也。既言種種因緣相貌。何止二途而言煩雜耶。詳此頌文。慈氏善問。井井有條。什師善譯。運斤成風。不然。經文纔言布施。又言布施等。纔云見諸菩薩。又云。又見佛子等。只覺文字重疊。錯

雜顛倒。今准長行。詳察頌文。始知妙哉。聖經無一字之多。無一語不善。當知不次第者。乃隨見隨問也。以萬八千土中。菩薩無數。此處行布施。彼處行布施者。這裏坐禪定。那裏又坐禪定等。彌勒不暇次第。隨見卽問。急急促促。方見不次第之妙。文分七段。初二行問禪。二一行問精進。三一行問戒。四一行半問忍。五二行問禪。六五行問檀。七三行問般若。且初二行問禪。

又見菩薩寂然冥默。天龍恭敬。不以爲喜。又見菩薩處林放光。濟地獄苦。令人佛道。

初行入捨禪。自行也。寂則心境不累。宴離喧雜。默
絕言象。坐破蒲團。覷穿鏡壁。白醜生於嘴邊。百鳥
都無尋處。即使佛來讚歎。尙不顧視。何況天龍恭
敬而遂動其心乎。如空生林間入定。帝釋空中稱
讚是也。二行入悲禪。利他也。山間林下。深入禪定。
緣地獄苦煎。放月愛光明。不但濟其苦惱。亦令入
於佛道矣。如華嚴菩薩放光。八難衆生。觸光頓超
十地是也。

二一行問精進。

又見佛子。未嘗睡眠。經行林中。勤求佛道。

不睡常行。卽般舟念佛三昧也。睡眠乃四不定之一。令身心不自在。昧畧爲性。障觀爲業。心極暗劣。唯內門轉。昧揀在定。畧別寤時。心神昏重。不能修觀。故經行以遣之。所謂晝三夜三決。志不移。古德云。惺惺着。莫受人瞞是也。

三一行問戒。

又見具戒。威儀無缺。淨如寶珠。以求佛道。

無缺。律儀戒也。戒性如寶珠。不受塵故。具戒則篇聚無虧。止持合宜。威儀則防護嚴肅。蕩諸染垢。幽溪未足比其清。飛雪無以方其素。故云淨如寶珠。

如鵝珠艸繫之類。

四一行半問忍。

又見佛子。住忍辱力。增上慢人。惡罵捶打。皆悉能忍。以求佛道。

忍辱者。內心能安。忍外所辱故。有生法二忍。生忍有二。一於恭敬供養。能忍不着。不生憍逸。一於瞋罵打害及蚊蚋等。能忍不生煩惱。法忍有二。一者非心法。謂寒暑風雨饑渴老病等。二者心法。謂瞋憂欲慢諸邪見等。於此二法能忍不動。是名法忍。力有六種。小兒啼爲力。女人瞋爲力。國王憍爲力。

羅漢進爲力。諸佛慈爲力。比丘忍爲力。以物亂打。曰捶。以杖直刺曰打。遺教云。若不能忍受惡罵之毒。如飲甘露者。不名入道智慧人也。僧以忍爲尙。古云。有人打老儂。老儂便睡倒。儒云。小不忍則亂大謀。內外教中。皆貴於忍也。如常不輕。忍辱仙人之類。

五二行問禪。

又見菩薩。離諸戲笑。及癡眷屬。親近智者。一心除亂。攝念山林。億千萬歲。以求佛道。

戲笑防正業。癡屬增煩惱。近智識見廣。一心不雜。

念攝念。置一處。離戲除三業。掉悔蓋。離癡除瞋蓋。近智除疑蓋。一心除貪蓋。攝念除睡蓋。以諸教禪。皆離五蓋故。寶積云。有四法當急走捨離。百由旬外。一利養。二惡友。三惡衆。四同住鬪爭戲咲等。又攝念卽心寂。定力深而智光發。山林是境寂。喧囂絕而寧靜生。疾雷烈風。不驚不動。一念萬年。萬年一念。故云億千萬歲求佛道也。

六五行問檀。

或見菩薩。肴膳飲食。百種湯藥。施佛及僧。名衣上服。價直千萬。或無價衣。施佛及僧。千萬億種。栴檀寶舍。

衆妙臥具。施佛及僧。清淨園林。華果茂盛。流泉浴池。施佛及僧。如是等施。種種微妙。歡喜無厭。求無上道。盛饌百味。美食以充其腹。丸散百種。妙藥以療其疾。暑須絺綌。寒須裘貉。或有價之名衣。或無價之上服。施之榮身。以禦寒暑。起居須舍。坐臥須床。以栴檀之寶舍。揀非凡材。衆妙之臥具。揀非麤惡。供佛及僧。以便栖止。四事具備。若無園池。遊戲三昧之地。則亦不爲如意之施。故菩薩又施華果茂盛之園林。蓊蓊鬱鬱。有徘徊瀟灑之趣。流泉清淨之浴池。蕩蕩漾漾。有沂水濯纓之歌。如是種種。務在

精潔。故曰微妙。不含吝惜。歡喜而施。故曰無厭。不求人天因果。但求無上菩提。故曰求無上道。

七三行問般若。

或有菩薩說寂滅法。種種教詔。無數衆生。或見菩薩觀諸法性。無有二相。猶如虛空。又見佛子。心無所着。以此妙慧。求無上道。

至理寂滅。本不可說。有因緣故。亦可得說。故以種種方便。教詔衆生。此不可說而說般若也。諸法性空。本不可觀。順性而修。故可觀也。觀是能緣智。法性。是所緣境。智則三觀圓修。境則三諦齊照。以此

而修則諸法無二相之性。猶若虛空之廣大而無相。此不可觀而觀般若也。心無所着。卽心行處滅。心不着故。必離言說。卽是言語道斷。由言語斷。泯却不可說而說也。心行滅。泯却不可觀而觀也。雖則雙泯。不妨而說而照。念念成佛。不見有佛可成。時時說法。不見有法可說。常常度生。不見有生可度。外不循緣。內不住定。智窮法性。行備理圓。是名妙慧。以此妙慧成佛必矣。此說不可說觀不可觀而論般若也。問。光中事相多端。彌勒申問。獨將菩薩因相。種種廣序。一一詳問者。何也。答。此正爲聲

聞說大乘經故。名妙法蓮華教菩薩法也。欲令凡小。恥小慕大。引權入實之旨也。故知七卷經文。一光托出。更無餘蘊矣。上問種種因緣等竟。

六七行問供舍利起塿。

文殊師利。又有菩薩。佛滅度後。供養舍利。又見佛子。造諸塿廟。無數恒沙。嚴飾國界。寶塿高妙。五千由旬。縱廣正等。二千由旬。一一塿廟。各千幢旛。珠交露幔。寶鈴和鳴。諸天龍神。人及非人。香華技樂。常以供養。文殊師利。諸佛子等。爲供舍利。嚴飾塿廟。國界自然。殊特妙好。如天樹王。其華開敷。

滅後爲供舍利造塿廟。無數恒沙。此塿之數也。高五干由旬者。一由旬四十里。則有二十萬里之高。直曰縱。橫曰廣。正等橫直。四方一樣。二千由旬。則有八萬里之寬大。此塿之量也。恒沙塿廟各有千種幢旛者。表摧邪輔正也。露幔珠網交羅。寶鈴節湊和鳴。此塿之莊嚴也。天龍伎樂。此塿之供養也。文殊下結。莊嚴塿廟。其土自然妙好。天樹王者。大經云。三十三天有樹。名圓生。根深五十由旬。高五十由旬。枝葉布五十由旬。華香五十由旬。光照五十由旬。此樹爲帝釋鍾愛。故稱天樹王。其華開時。

諸天遊樂其下。叢集團繞故。當知此中。佛遺舍利。以作佛事。菩薩奉之用。求佛道。塲供舍利。廟供聖容。梵刹櫛比。幢旛鱗次。故託喻於恒沙之多。雕梁畫宇。藻稅奇節。故嚴飾於國界之中。式樣巍峩。巧奪輪奐。旛騰天上。鈴響雲間。珠交星燦。幔鎖烟霞。不唯崇敬之殊勝。亦乃宇宙之大觀。故有天龍雨華。人神奏樂。庶得正法興隆。善人增盛。其猶天樹華開艷麗。故令天宮皎潔。香風微動。天人得其怡樂。故曰。如天樹王其華開敷也。頌上問已竟。

二八行請答。

佛放一光。我及衆會。見此國界。種種殊妙。諸佛神力。智慧希有。放一淨光。照無量國。我等見此。得未曾有。佛子。文殊。願決衆疑。四衆欣仰。瞻仁及我。世尊何故。放斯光明。佛子時答。決疑令喜。何所饒益。演斯光明。佛坐道場。所得妙法。爲欲說此。爲當投記。示諸佛土。衆寶嚴淨。及見諸佛。此非小緣。文殊當知。四衆龍神。瞻察仁者。爲說何等。

佛放一光。能照也。我及衆會。依光能見之入也。國界。法會所見之境也。只此一光。見有如許種種殊特妙好之事。問。彼東方萬八千世界。去靈山不知

多少遠近。不曰見彼。而曰見此者。何也。答。因佛光照。卽遠卽近。如在目前。忘其彼此也。神力智慧希有者。謂世界廣大高厚。計萬八千。以凡聖因果情器。劫時久近始終。因緣相貌信解之多彙。而無量無邊。不移此而見彼。無遠近也。不移一時而見多劫。無過現也。聖凡隱顯。因果彼此。畧無毫忽不見。畧無些須錯雜。非諸佛神通智慧力。安能如是。故曰希有。放一淨光者。能照有分限也。照無量國者。所照事無量也。自初說頌。沿至前節。皆申彌勒一己之疑。應長行爾時彌勒作是念。至我今當問之。

文。此下爲法會大衆申疑。應長行爾時比丘至悉見彼土國界莊嚴之文。故前頌曰。我住於此。我見彼土。我見諸王。皆以我爲稱。此則將欲求答。以除其疑。故兼大衆。而云我及衆會。我等見此。始以己兼人而稱。到此則專主衆會而請。故曰願決衆疑。四衆欣仰者。承上文而言。謂所現之瑞。若是一向曾有之事。則衆人不疑。卽疑我彌勒亦能爲衆決之。因向未有。今忽見之。四衆欣然欽仰。各生其疑。瞻察仁者。仍視我身。疑念世尊何故放此眉間光明。照見生佛事相始終。我旣不能爲衆決疑。衆又

不敢請問仁者。故我雖爲衆請。實爲自請。仁者解我疑。則衆疑自解矣。故云佛子時答決疑令喜。時答者。乃求應時速答之意。何所饒益等。正出其疑。謂佛尋常說經。則不入定。入定則不雨華。雨華則不動地動地。則不放光。放光則光中未曾見許多事相。今佛如此。果何所饒益衆生之事。而先演暢此光明也耶。佛坐下。謂佛今暢此光明。還是爲發明佛初坐道場所。得妙法耶。還是爲諸菩薩授阿耨菩提記耶。示諸下。謂若說妙法。往昔已說。若謂授記。往昔已授。並不見佛眉間光明。示萬八千世。

界之佛土。衆寶莊嚴而清淨。亦不曾見佛土中有許多之諸佛。今者示土現佛。故我定知此非小因緣。必是爲一大事因緣也。只此說法授記二句。彌勒已將一部法華經說畢了也。向下文殊廣引。世尊出定讚揚。無非此也。彌勒果不知乎。古人於此一段立四伏難言。伏難者。文殊內心構難不肯時答。其意有三。一此瑞希奇。不可倉卒輕爾有判。二智衆如海。謙光推高。三靳固前却。生衆渴仰。故以伏難潛而拒之。彌勒彰灼釋難。意亦有三。一瑞大疑大。若不爲釋。憂兇在懷。妨聞正法。二海衆雖多。

機在仁者。三闖衆瞻仁。故知注誠殷重。所以彰言
釋難。請令時荅。初伏難。因彌勒云。佛子。文殊願決
衆疑。文殊起伏難云。汝云衆疑。衆未曾疑。若疑應
問。今衆不問。是不疑也。衆旣不疑。我何所決。彌勒
以偈釋云。四衆欣仰。瞻仁及我。及我欲我問。瞻仁
欲仁答。文殊卽起。二伏難云。衆同有疑。不易可荅。
待佛出定。然後決疑。彌勒以偈釋云。佛子。時荅。決
疑令喜。有疑在懷。憂兇不泰。應以時荅。復知如來
何時出定。文殊起。三伏難云。我與仁者。同居學地。
欲測佛意。微共籌量。獨令我荅。於理不可。彌勒以

偈釋云。佛坐道場等。我亦微心下思。踟躕兩楹。爲說妙法耶。爲當投記耶。文殊起四伏難云。若如汝說。卽是釋疑。何煩我答。彌勒以偈釋云。示諸佛土。此非小緣。安得以我猶豫之心。而判如來一大事。因緣耶。文殊伏難旣窮。謙光亦止。故末偈結請。彌勒意謂。予罔象其懷。難決聖意。子爲法門冠蓋。幸流三峽之辯。蕩滌塵滯。願垂長虹之手。以發覆盆。勿負我及四衆龍神。瞻察仁者之心。於此說法。授記之事。爲說何等。問辭鏗鏘。意亦綢繆。靈山一會。賓主酌酢。宛然目前也。發問序已竟。

五答問序。有長行偈頌。長行有四。一惟忖答。二畧會見答。三廣會見答。四分明判答。夫以下測上。止可罔象卜度。惟昔傳今。不可頓決。所以初從彷彿。次引畧見。畧見未周。更引廣見。以多證一。爾乃分明判答也。且初惟忖答。

爾時文殊師利語彌勒菩薩摩訶薩。及諸大士。善男子等。如我惟忖。今佛世尊欲說大法。雨大法雨。吹大法螺。擊大法鼓。演大法義。

爾時下標章。語者觀面相告也。面對慈氏聲及衆耳。大士者。菩薩有三名。或云大士。大道心之士故。

或云開士。開衆生信心故。或云高士。昇出凡夫小
乘故。如我下。正惟忖也。如我一句。是文殊發露佛
道之真機。故假思惟以弄引。非實不知而惟忖也。
然二大老。既爲影響權現。不復行實。若不假思惟。
明明道破。則簣鼓之儀不成。所以下文明引燈明
之事迹。暗透釋迦之作畧。輕敲響賣。實權內之玄
機。暗做明瞞。乃權中之巧思耳。前疑念中云。當以
問誰誰能答者。誰能二字。有暗指文殊之意。彌勒
既有暗指之權。文殊豈無明彰之巧。故曰如我惟
忖。如我者。不如彼也。惟者。思惟也。忖者。忖量也。意

謂諸佛蘊奧。理不易測。彼此同科。誰不疑者。然目
覩而心思。意沉而默想。引例攀條。忖度聖意。不出
仁者兩疑之問。如我思惟忖度。將欲說大法等。欲
者將說未說也。大法者妙法也。意謂四十年前。將
此妙法。開爲三乘五乘七方便之教。逐機之談。曲
順衆生。隨他意語。巧逗時機。不名大法。今日放光
現相。欲說此一乘大法。隨自意語。稟自行權實也。
又大卽包羅義。開三顯一。會權歸實。包羅三五七
等。兩者滋潤義。四十年前所說之法。如東山起雲
東山雨。西山起雲。西山雨。三草二木。隨分受潤。不

法華經疏卷第一
三

名大雨。今日欲以平等一味大法之雨。充潤一切
枯槁衆生。是大法雨也。如油然作雲。沛然下雨。下
文一雲普覆等。螺以號令爲義。四十年前。以種種
因緣譬喻。循循善誘。如號令前隊。則前隊吹螺。號
令左哨。則左哨吹螺。各隨隊伍排兵布陣。不名大
法螺。今日欲改三乘之號令。歸一實之圓道。以一
音普告大衆。是大法螺也。如中軍帳吹螺。則前後
左右皆號令之。下文云。若有聞法者。無一不成佛
等。鼓者策進義。四十年前。或擊天鼓。使人種善戒
惡。引諸童蒙。依教修行。得二乘小果。如兵不前進。

以鼓策之。不名大法鼓。今日欲擊塗毒大鼓。策進
懈怠小乘。令至寶所。是大法鼓也。如將臺大鼓一
擊。則一切將卒無不勇進。下文云。今爲汝等說最
實事。諸聲聞衆非實滅度等。演者宣布也。義者義
理也。四十年前。但演生住異滅。無常苦空。六度差
別之義。皆以實相爲體。不名大法義。今日欲發揮
實相不二之義理。諸法差別之本根。故曰演大法
義。又欲說大法一句。應法說一周。開三顯一之旨。
雨大法雨。應喻說一周。洒火宅之乾燄。令諸子得
清涼。三艸二木不隔枯榮。吹大法螺。應因緣一周。

蕩化城之小教。廢艸庵之滯情。廣記現在。懸記未來。擊大法鼓。應法師功德。至安樂行。募人弘經。行菩薩道。是鼓舞意。演大法義。應涌出至經終。開師門之近迹。顯佛地之遠本。並諸菩薩奉命通經。以終普賢大行。如是則全經旨。要被文殊一惟忖而說盡了也。

二畧會見答。

諸善男子。我於過去諸佛。曾見此瑞。放斯光已。卽說大法。是故當知。今佛現光。亦復如是。欲令衆生。咸得聞知。一切世間難信之法。故現斯瑞。

我於過去曾見等。應彌勒疑中曾親近至必應見之文。何以知佛欲說大法也。以我曾見過去諸佛說經入定後便放光。放光後卽說大法。今見如昔。昔祇如今。以是之故。當知今佛現光亦欲說大法也。欲令二字。是諸佛本懷。難信之法。卽一乘實相。難信而曰一切世間者。是不但惡道難信。而人天猶然疑之。不但凡夫難信。而二乘猶然疑之。不但二乘難信。而菩薩猶然疑之。故曰一切世間也。昔日所說乘是三乘性。有五性人之易信也。今欲說三乘是一乘。五性是一性。人之難信也。尋常但說

唯佛一人獨得正覺。今日不令獨得滅度。皆以如來滅度度之。人之難信也。要開示悟入佛之知見。普令一切衆生。個個聞知。卽心卽佛。無二無三之旨。故現斯瑞耳。此中欲說卽說難信等。是文殊不肯直說妙法。微婉其辭。以敦信耳。令衆會舊疑既消。新疑又生。至判荅中方分明說破。又難信一句最重。下文出定雙歎。干二騰疑。開近顯遠。彌勒騰疑。皆難信也。

三廣會見荅。此中要分明於畧見。前彌勒因光橫見東方以爲問。此文殊引古豎見而爲荅。橫豎顯

諸佛道同也。文分三。初引一佛同。二引二萬佛同。三最後一佛同。今初引一佛同。

諸善男子。如過去無量無邊不可思議阿僧祇劫。爾時有佛。號日月燈明如來。應供。正遍知。明行足。善逝。世間解。無上士。調御丈夫。天人師。佛。世尊。演說正法。初善。中善。後善。其義深遠。其語巧妙。純一無雜。具足清白梵行之相。爲求聲聞者。說應四諦法。度生老病死。究竟涅槃。爲求辟支佛者。說應十二因緣法。爲諸菩薩。說應六波羅密。令得阿耨多羅三藐三菩提。成一切種智。

過去下。明時節。梵語僧祇。此云無數。劫波。此云長時。無量等。言劫數之遠。表一乘之道。超諸羣數也。有佛下。標名號別號。日月燈明。玄贊云。日有二能。一導明。二成熟。月有二能。一除熱。二清涼。燈有二能。一破暗。二傳照。顯佛有導迷至覺。成器熟根。除煩惱之熱。得涅槃之涼。化生傳法。破愚癡暗。有此功能。故立其名。亦三德圓滿之稱。別號云何同。當以名別義同釋之。日是慧。月是定。定慧自行也。燈明化他德也。能仁能定慧。能自他。諸佛之號。隨緣稱別。義不殊。故如來下。通號。如來者。倣同先德號。

今佛倣同先佛之再來故。不動本覺之理名如觀。察照了始覺之智名來。謂從凡夫起智斷惑。惑盡智亡。妙契如理。始本不二。名如來。又無所從來。亦無所去。故名如來。又諸法如義。卽法身德也。應供者。堪爲福田。號福慧雙具。道證圓覺。堪爲人天種福之因。故云應供。後文云。普於其中應受供養。卽解脫德也。正遍知者。遍知法界。號正揀外道之邪。遍揀小乘之偏。現前松直棘曲。鵠白烏玄。皆了元因。乃至恒沙界外。一滴之雨。亦知頭數。卽般若德也。明行足者。果顯因德。號明是慧。行是福。以果德

成就賴福慧故。由奉持正法故。明足。供養諸佛故。行足。福慧雙隆。果感萬德。故云。明行足。善逝者。妙往。菩提號。五住究盡。行道圓滿。窮盡妙覺。然後倒駕慈航。向今時門頭。示成正覺。故云。妙往。世間解者。達僞通真號。三世間內。色心諸法。無不淨。故卽以權實二智。了達幻僞。通一眞實也。一器世間。謂山林等。如器而盛。有情故。二有情世間。謂四生六道。各有分別情故。三智正覺世間。謂三乘賢聖。各有所覺之正道。故無上士調御丈夫者。攝化從道號。五住究盡。二死永亡。果德圓成。超世出世間。獨

稱無上。若人天三乘等覺。皆名有上。故調理控御。能說能行。故云丈夫。一切衆生不悟佛之知見。輪迴六道。無有休息。故我世尊以三乘法調理控御。使其自凡至聖。悟佛知見。故天人師者。應機說法。號模範人天。應機說法。三根普被。令歸一寂。故佛者。三覺圓明。號自覺。揀凡夫覺。他揀二乘圓滿。揀菩薩。故世尊者。出世獨尊。號世出世間。唯佛獨尊。故演說下。明說法。揀四圍等典。曰正法。卽一切法。曰大離。一切相。曰正。不卽不離。是卽非。卽曰妙。皆一實相法也。謂日月燈佛出現於世。爲諸衆生宣

演正法。令悉到於智地。此句總標一代時教。無非正法。初善下一段。古今註各不同。天台獨釋華嚴。合頓教序正流通。如是則其語巧妙一句不合。稱性之談。實無巧妙之語。溫陵釋此開三乘爲三善。皆應時契善故。如是則其義深遠一句相違。今釋三善者。凡諸佛出世。所說一代時教。總分三時。如西域一年三際。一日三分義同。此三善字乃至善之善。指一乘實相之至理也。言三時者。初時說華嚴大教。先被上根利智之機。中時說人天三乘等教。被三根之機。後時說一乘實相平等之法。總被

三乘五性之機。雖三時說法不同。機自差別。而如
來所說之理。本一實相流出。元非有二。故皆稱善。
無非歸於至善之地。此文殊大智巧談。先總標一
代之理同。下釋三時之義別。其義深遠者。釋上初
善。說華嚴也。乃佛自修自證之道。經曠劫而修。歷
三祇而證。人天不知。二乘莫測。故曰深遠。其語巧
妙者。釋上中善。說三乘也。一乘實相之法。隨衆生
性欲。隱實施權。分別說三。卽阿含等教。隨他意語
曰巧。藉權顯實曰妙。純一具足等者。釋上後善。說
法華涅槃等教也。純談實相之理。會歸一乘之道。

曰純一。無二亦無三。唯此一事實。曰無雜。具修六度廣被萬行。一塵不染。性相雙融。曰具足等。上句法華。下句涅槃。爲求下。詳明說三乘之意。因隨機宜而說三乘。佛意唯爲一乘。元無二三。謂有求聲聞者說四諦法以應之。令斷惑而度生死。入道而證涅槃。聞佛音教。曰聲聞。四皆審諦不虛。曰諦。苦集世間因果。滅道出世因果。有餘涅槃。那言究竟。令彼欣樂取證。方便說故。有求支佛者。說因緣法以應之。應對求言。隨樂欲故。一無明。無所明了故。二行。有造作故。三妄念投胎。名識。四胎中心色。爲

名色。五胎中六根。根有入塵之義。曰入。六觸。出胎已後根對塵故。七領納前境名受。八貪於五欲名愛。九追逐塵境名取。十因果不亡曰有。十一還受五衆之身爲生。十二身有熟壞曰老死。展轉感果爲因。互相由藉爲緣。因觀十二覺眞諦理。故名緣覺。爲菩薩大根者。說六度法以應之。令德圓滿。佛果。三乘之教法雖別。世尊之本意無殊。無非令彼得無上菩提。成一切種智也。一切種智者。謂能以一種智。知一切諸佛道法。知一切衆生因種。一相寂滅相。種種行類。能知能解。名一切種智。卽佛智。

也。文殊巧談。令法會二乘。自思自惟。四十年前。欣樂小法。執守偏空。孤負世尊。普令衆生成一切種智之意。久矣。

二引二萬佛同

次復有佛。亦名日月。燈明。次復有佛。亦名日月。燈明。如是二萬佛。皆同一字。號日月燈明。又同一姓。姓頗羅墮。彌勒當知。初佛後佛。皆同一字。名日月燈明。十號具足。所可說法。初中後善。

二萬佛。名號說法皆同。頗羅墮者。此云捷疾。亦云利根。以根利。捷疾不違物情。故亦云滿語。所言不

二滿衆心故。初中後善。若准天台。此二萬佛但說華嚴。不說三乘法華。若准溫陵。此二萬佛但說三乘。無華嚴法華。故知前科三善攝統一代無疑。不然。文殊序二萬佛。但云三善何也。又二萬佛始末七十餘言敘盡。乃什師譯手之妙也。

三最後一佛同。分三。初曾見事與今已同。二曾見事與今同。三曾見事與今當同。取久遠爲會。小近爲已。六瑞爲今。出定去爲當也。今初曾見事與今已同。

其最後佛未出家時。有八王子。一名有意。二名善意。

三名無量意。四名寶意。五名增意。六名除疑意。七名響意。八名法意。是八王子。威德自在。各領四天下。是諸王子。聞父出家。得阿耨多羅三藐三菩提。悉捨王位。亦隨出家。發大乘意。常修梵行。皆爲法師。已於千萬佛所。植諸善本。

事論。燈明在俗爲輪王。實有八子。雖明有子事同。其實下文要出成第八子成佛。號曰然燈。約法八子表八識。佛表心王。在俗八子。喻心王在纏轉變。八識八子皆名意者。意乃心之用也。元是一心之體。分成八識之用。用雖有別。其體是一故。有意者。

眼識見色。有見能別。有生死苦。有涅槃樂故。善者。耳識聞聲。善惡分明。善超諸有。善入六塵故。無量者。鼻識嗅香。無形無量。無壞無雜故。寶者。舌識了味。資身命寶。又辯才無碍。宣出世法寶故。增者。身識覺觸。增減在身。增有爲苦。減無爲樂故。除疑者。意識知法。除疑了達。除事理疑。了達生死惑故。響者。七識相應我癡等四。恒審緣八爲自內我。如響隨聲故。法者。八識含藏有漏無漏善惡邪正一切諸法故。威德自在二句。八識功能任運自在故。八識在纏被四大所拘故。王出家成佛者。心王離妄。

證真也。捨王位者。厭三界有漏之榮。欣一乘無爲之道。亦隨出家者。八識轉染成淨也。所謂有是父。必有是子。迷則同迷。悟則同悟。燈明本也。八子迹中。八相也。父生八子。從本垂迹也。隨父出家。會迹歸本也。大乘意者。直等三心。四弘誓願。所行無汗。具足清白。曰梵行。心無懈怠。念茲在茲。曰常修。各以道備於己。垂範於世。曰法師。已於二句。明因深。今入聖位。非無因而至。亦非邪因而至。不於一二佛種諸善根也。內因外緣。爲衆善之本。故云善本。問。昔佛八子。今佛一子。云何同也。答。數雖不等。一

八赴緣各別。並出同居之土。八表八正道。一表一道清淨也。今取有子事同。昔八子出家發大乘意。今佛一子住小乘果。云何言同。昔化道已竟。顯本事彰。故言發大乘意。今未發迹。猶言羅漢。至後顯本。卽是菩薩。其義則同。

二曾見事於今。今同。又二。初現相同。

是時日月燈明佛說大乘經。名無量義教菩薩法。佛所護念。說是經已。卽於大衆中。結跏趺坐。入於無量義處。三昧。身心不動。是時天雨曼陀羅華。摩訶曼陀羅華。曼殊沙華。摩訶曼殊沙華。而散佛上。及諸大衆。

普佛世界。六種震動。爾時會中比丘比丘尼優婆塞。優婆夷。天龍夜叉乾闥婆阿修羅迦樓羅緊那羅摩睺羅伽人非人及諸小王轉輪聖王等。是諸大衆。得未曾有。歡喜合掌。一心觀佛。爾時如來放眉間白毫相光。照東方萬八千佛土。靡不周遍。如今所見。是諸佛土。

六瑞次第如文。如今所見二句。攝盡下至阿鼻乃至起七寶壇一段。經家恐繁文耳。

二疑念同。

彌勒當知。爾時會中有二十億菩薩。樂欲聽法。是諸

菩薩見此光明普照佛土。得未曾有。欲知此光所爲因緣。

准前當有爾時某菩薩作念一段文。今總舉法衆。故以二十億樂欲聽法數句該之。欲知此光所爲因緣。正疑念也。問。旣言現相疑念。而無衆集發問。答問者何也。答。義推則有。旣說法必集衆。旣疑念必有問。有問必有答。若言昔日某菩薩問。某菩薩答。則不待文殊費辭矣。旣不言答。亦不出問。

三會見事與今當同。又分六。初因人同。二說法同。三時節同。四唱滅同。五授記同。六通經同。且初因

人同。

時有菩薩名曰妙光。有八百弟子。

聖人無名。因德以彰。神通莫測。曰妙。朗照羣昏。曰光。又此菩薩深達權實。卽離爲妙。二智開覺羣生。爲光。昔佛八子師妙光。佛起定爲妙。光說法華經。今佛羅雲師身子。下出定爲身子。說此經。是因人同也。或曰。妙光是菩薩。身子是聲聞。云何同也。比及發迹。身子亦是菩薩。妙光垂迹。未必不是聲聞。文殊巧說。方便隱顯耳。有八百弟子一句。按下。後文好出彌勒。乃八百之一。淨名疏云。師有作成之。

能學有資稟之德。資則捨父從師。敬師如父。師之謙讓。處資如弟。

二說法同。

是時日月燈明佛從三昧起。因妙光菩薩說大乘經。名妙法蓮華。教菩薩法。佛所護念。

必因妙光者。燈佛表本覺理也。妙光表始覺智也。以此理非智不能契入。故因妙光說經。又此妙光。人人本具。亘古常恒。燈燈相續。光光圓融。所以說法華必因無斷續之妙光也。經名妙法。在前文殊云。欲說大法。又云難信之法。費盡微婉曲折。至此

隱諱不住。始唱出經名。

三時節同。

六十小劫。不起於座。時會聽者。亦坐一處。六十小劫。身心不動。聽佛所說。謂如食頃。是時衆中。無有一人。若身若心。而生懈倦。

六十小劫如食頃。今經五十小劫如半日。是其同也。經文非虛。聞法之誠。佛威難測。一坐經劫。忘其久耳。如世黃梁一夢。山中七日。即可類推。又則大覺設教。有神變莫測之力。能延一日爲一劫。促一劫爲一時。不可以六十小劫如食頃爲荒唐之言。

也就增減言。人壽十歲時。子年倍父年。如是增至八萬四千歲。後百年減一歲。如是減至十歲。一增一減爲一小劫。二十番增減爲一中劫。成住壞空各二十番增減爲一大劫。今釋迦出世。正當二十小劫中。第九減劫也。

四唱滅同。

日月燈明佛於六十小劫說是經已。卽於梵。魔。沙門。婆羅門。及天人。阿修羅。衆中。而宣此言。如來於今日中夜。當入無餘涅槃。

梵色界主也。魔欲界主也。婆羅門云淨行。在家修

行者中夜表無爲正位。昔佛說法華竟。卽唱滅。今經寶增品云。如來不久當入涅槃。化道已足。唱滅事同也。涅槃此云圓寂。衆德皆圓。諸妄永寂。故又云滅度。滅二障度二死故。又云無爲。離生滅故。又云安隱。最寂靜故。總之一眞理也。小乘亦有無餘。子縛已盡。果縛尙在。爲有餘。身智灰泯。爲無餘。大乘以五住究盡。二死永亡。爲無餘。一往釋耳。統論有三。一性淨。凡聖平等。法身也。二圓淨。出障圓明。般若也。三方便淨。現生現滅。解脫也。大論開四。一自性清淨。涅槃。卽眞如理。本來不生滅。雖爲客障。

所覆。其性本自寂然。衆生等有不關修得。二有餘依。見思已寂。眞如出煩惱障。猶餘最後身智。分段生死苦依。三乘證無學道所得。三無餘依。以煩惱既盡。餘依亦滅。衆苦永寂。無有餘依。三乘無學身智盡時所證。四無住處。謂眞如復出所知障。悲智相應。不住生死。不住涅槃。盡未來際。寂而常照。利益衆生。此四凡夫唯一。聖人有三。唯佛具四。

五授記同。

時有菩薩名曰德藏。日月燈明佛卽授其記。告諸比丘。是德藏菩薩。次當作佛。號曰淨身。多陀阿伽度。阿

羅訶三藐三佛陀。

言德藏者。恒沙功德無不具足。含藏義。自利也。以此德遍施衆生。出生義。利他也。聖言說與曰授。果與心期曰記。淨身者。以相好嚴身。其體明淨故。多陀等。卽如來應供正遍知之三號。問昔佛說經授菩薩。今經授聲聞。何言同也。答昔事已成。故言菩薩。今正會歸。故言聲聞。問何故爲妙光說經而授德藏記也。答妙光爲當機。必有遠記。意謂往事不遑序故。又一燈分二燄。一傳妙光。弘法利生。化化無盡。斯道不泯故。一傳德藏。爲人天依止。燈燈有

續故。

六通經同。又三。初滅後通經。二教化弟子。三結會古今。且初滅後通經。

佛授記已。便於中夜。入無餘涅槃。佛滅度後。妙光菩薩持妙法蓮華經。滿八十小劫。爲人演說。

授記已入滅者。斯道有賴故。本願已暢故。化緣已畢故。故於中夜便般涅槃。入於常寂光中。今經有唱滅之言。無涅槃之事。當知說此經已。卽詣雙林說涅槃而入滅矣。滅後妙光持經者。燈明因妙光而說經。則囑累在妙光矣。妙光受遺囑而持經。是

行法師事。所以燈明一燈。分作二燈。一燈投德藏。爲法王。一燈付妙光爲法師。此法王法師之位。是如來道統之傳。出世本懷正爲此也。言法王者。道無不傳。德無不備。功無不圓。行無不滿。位無不極也。言法師者。學法王道。修法王德。行法王行。傳法王法。遵法王戒。入法王定。得法王慧。如是經無量劫。功圓行滿。然後紹法王之位。法師乃法王之基本。所以妙光持經演說。自利利他。作大法師也。弟子弘經多師。二十劫。青出於藍。智過於師。顯佛鑑機。無差也。

二明教化弟子。

日月燈明佛八子。皆師妙光。妙光教化。令其堅固。阿耨多羅三藐三菩提。是諸王子。供養無量百千萬億佛。已皆成佛道。其最後成佛者。名曰然燈。八百弟子中。有一人。號曰求名。貪着利養。雖復讀誦衆經。而不通利。多所忘失。故號求名。是人亦以種諸善根。因緣故。得值無量百千萬億諸佛。供養恭敬。尊重讚歎。燈明八子。不以父爲師。以妙光爲師者。古人易子而教。故羅雲以身子爲師。尊師道也。語云。父以生之。燈明有焉。師以成之。妙光有焉。八子師妙光。妙

光教化令其堅固菩提。復近佛多。因圓果滿。皆成佛道。所謂堅固精進者。早已成佛。然燈者。大論云。太子生時。一切身光如燈。故以至成佛。亦名然燈。是釋迦第二僧祇授記之本師。又增一云。十方一切諸佛。八萬四千法門皆同。唯有精進一門不同。精進者。得早成佛。懈怠者。雖有成佛之日。亦遲劫數矣。八百弟子下。明懈怠者。猶待當來。前云八百弟子。正謂此處顯彌勒。是八百中之一人耳。號求名者。抑其名利役心。志分神耗。種諸善根。值多諸佛者。揚其因深緣勝。方成聖果。所以引八百八子。

者。近則釋疑。密開壽量。釋疑者。或謂彌勒補處爲大。文殊非補處爲小。小不應答。大不應問。故舉彌勒是昔日妙光八百弟子中之一人。意謂妙光是我文殊彌勒是妙光弟子。弟子應問。師應答。故今釋疑非謬。密開壽量者。八子相繼成佛。最後號然燈。然燈又是釋迦授記之本師。八子皆師妙光。則妙光是釋迦九世師翁。九代孫今成佛。師祖尙爲弟子。師弟無定。密顯生非生滅。非滅之意。又釋迦受妙法於然燈。然燈續繼於七兄。八子皆行妙光教道。迭相致果。妙光又受囑於燈明。二萬逆之於

最初燈明唯此傳此秉此續此也乃至二萬億威
音纂芳烈燄者不過此妙法而已顯此妙法非今
日始有之妙法其來久矣可見文殊上受於威音
燈明下傳於八王後代祖述有據從毘可準名稱
於實當決衆疑也

三結會古今

彌勒當知爾時妙光菩薩豈異人乎。我身是也。求名
菩薩汝身是也。

今日之文殊昔日之妙光昔日之求名今日之彌
勒也。上廣曾見答竟。

四分明判答。

今見此瑞。與本無異。是故惟忖。今日如來當說大乘經。名妙法蓮華。教菩薩法。佛所護念。

言今日所現之瑞相。與本昔日燈明所現之瑞相。無有異也。妙光是我文殊。求名是汝彌勒。彼此眼見耳聞。今日迦文所爲。不異昔日燈明故事。故曰是故惟忖等。今經題目。佛未出定。法未出口。文殊預先說之。可見三世一切諸佛所說皆名妙法蓮華經也。詳上彌勒善問。文殊善答。縱散之談。收放自如。波瀾浩瀚。若吞舟之巨浪。首尾跌宕。似斷弦。

之復續妙哉。此經無以尙矣。

二偈頌。有四十五行。分二。前四十三行。頌上長行。後二行。結勸待聞。初中不頌。惟忖畧見二答。於廣見中。但頌前後。不頌中間二萬佛。分二。初四十一行。頌廣會見答。二二行。頌分明判答。初又二。初二行。頌引一佛同。

爾時文殊師利於大眾中。欲重宣此義。而說偈言。我念過去世。無量無數劫。有佛人中尊。號日月燈明。世尊演說法。度無量衆生。無數億菩薩。命入佛智慧。

念卽宿命通也。過去劫數。頌時節。有佛二句。頌名

號世尊下。頌說法利生。人中者。諸佛現相人中。以
整心慮。趣菩提。唯人道乃能耳。

二三十九行。頌最後佛同。又三。初一行。頌曾見已
同。二十五行半。頌曾見今同。三二十二行半。頌曾
見當同。且初一行。頌曾見已同。

佛未出家時。所生八王子。見大聖出家。亦隨修梵行。
二十五行半。頌曾見今同。又三。初四行。頌此土瑞
相。二十行。頌光照他土。三一行半。頌疑念。且初四
行。頌此土瑞相同。

時佛說大乘。經名無量義。於諸大衆中。而爲廣分別。

佛說此經已。卽於法座上。加趺坐三昧。名無量義處。天雨曼陀華。天鼓自然鳴。諸天龍鬼神。供養人中尊。一切諸佛土。卽時大震動。佛放眉間光。現諸希有事。六瑞如文。長出天鼓自鳴。表無問自說也。此鼓在妙法堂上。正諸天娛樂之時。其鼓自鳴。爲諸天衆說苦空不淨等法。希有事總結六瑞。

二十行頌光照他土同。

此光照東方。萬八千佛土。示一切衆生。生死業報處。有見諸佛土。以衆寶莊嚴。琉璃玻瓈色。斯由佛光照。及見諸天人。龍神夜叉衆。乾闥緊那羅。各供養其佛。

又見諸如來。自然成佛道。身色如金山。端嚴甚微妙。
如淨琉璃中。內現真金像。世尊在大衆。敷演深法義。
一一諸佛土。聲聞衆無數。因佛光所照。悉見彼大衆。
或有諸比丘。在於山林中。精進持淨戒。猶如護明珠。
又見諸菩薩。行施忍辱等。其數如恒沙。斯由佛光照。
又見諸菩薩。深入諸禪定。身心寂不動。以求無上道。
又見諸菩薩。知法寂滅相。各於其國土。說法求佛道。
長行但云如今所見是諸佛土文畧。此中廣出。應
上光中所見他土事相。示一切二句。頌六趣衆生。
業明生死之因。報明生死之果。處卽二十五有也。

有見下。長出佛土莊嚴。玻瓈水玉也。琉璃具云。吠琉璃。此云青色寶。亦云不遠。西域有山去波羅柰城不遠。山中出此寶。故名。及見下。長出八部供養。又見下。長出諸佛成道三身圓滿。自然成道者。七地以前方便道。加功修習。八地以上發真道。無功用行。卽自然任運流入果海也。甚微妙者。以金山正報之佛身。坐於衆寶依報之光土。如琉璃內現金像耳。自然成佛法身也。金山報身也。端嚴化身也。世尊在大衆下。明說法深法義者。將法顯人法。旣深玄。必逗大機。卽上光中見佛聞法。一一下將。

人顯法。人既二乘。法必諦緣。卽上光中四衆修行。又見下卽上光中種種相貌等。此一行總明六度。又見深入別明禪定。又見知法別明般若。

三一行半頌疑念同。

爾時四部衆見日月燈佛現大神通力。其心皆歡喜。各各自相問。是事何因緣。

自相問正疑念也。言人人自己忖量自言自語。共相咨問。一光所現之事。不知有何因緣。

三二十二行半頌會見當同。分六初二行半頌因人同。二一句頌說法同。三一行一句頌時節同。四

五行頌唱滅同。五行半頌授記同。六十二行頌滅後通經同。且初二行半頌因人同。

天人所奉尊。適從三昧起。讚妙光菩薩。汝爲世間眼。一切所歸信。能奉持法藏。如我所說法。唯汝能證知。世尊既讚歎。令妙光歡喜。

聖人出世。人天奉敬尊崇。故云所奉尊也。世間眼者。人天眼目。七衆歸依也。所以然者。能奉持法藏。故令妙光歡喜。後乃因之說經。例今出定告舍利弗也。

二一句頌說經同。

說是法華經。

三一行一句頌時節同。

滿六十小劫不起於此座。所說上妙法。是妙光法師。悉皆能受持。

妙光受持燈明之法。如身子受佛付囑也。

四五行頌唱滅同。

佛說是法華。令衆歡喜已。尋卽於是日。告於天人衆。諸法實相義。已爲汝等說。我今於中夜。當入於涅槃。汝一心精進。當離於放逸。諸佛甚難值。億劫時一遇。世尊諸子等。聞佛入涅槃。各各懷悲惱。佛滅一何速。

聖主法之王。安慰無量衆。我若滅度時。汝等勿憂怖。
初二行唱滅燈。明出世本懷。已暢衆生知見。已開
各各歡喜也。尋卽下告衆唱滅。汝一心一行。昔佛
付囑亦與今同。如遺教經云。汝等比丘。我滅度後。
當珍重波羅提木叉。如暗遇明。如貧得寶等。世尊
下。昔日大衆聞佛入滅。而生悲仰也。亦與今同。如
大經云。涕泪盈目。遍身血流。如波羅奢華。卽重法
慕人之誠也。世尊諸子等者。是燈明世尊法會三
乘諸子等也。聖主一行。昔佛慰喻時衆。亦與今同。
如遺教云。汝等比丘。勿懷悲惱。若我住世一劫二

劫會亦應滅。會而不離。終不可得。自利利人。法皆具足。若我久住。更無所益。

五行半頌授記同。

是德藏菩薩。於無漏實相。心已得通達。其次當作佛。號曰爲淨身。亦度無量衆。

無漏實相者。以離虛妄分別之相。名爲實相。卽無相之相也。內證無漏實相理。外感光明清淨身。故佛號淨身。

六十二行頌滅後通經同。又三初三行頌滅後通經。二八行頌教化弟子。三一行頌結會古今。且初

三行頌滅後通經。

佛此夜滅度。如薪盡火滅。分布諸舍利。而起無量塔。
比丘比丘尼。其數如恒沙。倍復加精進。以求無上道。
是妙光法師。奉持佛法藏。八十小劫中。廣宣法華經。
薪盡火滅者。小乘佛以果報身為薪。智慧為火。慧
依報身身滅。智亡。故云薪盡火滅。大乘以機為薪。
逗應為火。眾生機盡。應形亦滅。故云薪盡火滅。莊
生云。指窮於為薪。火傳也。不知其盡。眾生機薪無
盡。如來應火不滅。故倍精進者。遵佛勿放逸之命。
各自努力。以求佛果。唯妙光受囑。廣演妙法。

二八行頌教化弟子。

是諸八王子。妙光所開化。堅固無上道。當見無數佛。
供養諸佛已。隨順行大道。相繼得成佛。轉次而投記。
最後天中天。號曰然燈佛。諸仙之導師。度脫無量衆。
是妙光法師。時有一弟子。心常懷懈怠。貪着於名利。
求名利無厭。多遊族姓家。棄捨所習誦。廢忘不通利。
以是因緣故。號之爲求名。亦行衆善業。得見無數佛。
供養於諸佛。隨順行大道。具六波羅蜜。今見釋師子。
其後當作佛。號名曰彌勒。廣度諸衆生。其數無有量。
天中天者。涅槃有四種天。一世間天。如諸國王。

二生天從四王至非非想三淨天四果支佛四義
天謂十住菩薩見一切法。是空義。故今佛超出四
天名。天中天。仙乃大覺金仙。有神化莫測之能。故
名仙。上明八子行圓。久已成佛。是妙光下。明一人
方成。今住補處。此中文殊稟師家作畧。作大老腔
調。將個彌勒。抑其貪利求名。揚其因深成佛。說得
非凡非聖。亦凡亦聖。令人不識。所謂彌勒真彌勒。
化身千百億。時時示時人。時人真不識也。

三一行頌結會古今。

彼佛滅度後。懈怠者。汝是妙光法師者。今則我身是。

二二行頌分明判答。

我見燈明佛。本光瑞如此。以是知今佛。欲說法華經。
今相如本瑞。是諸佛方便。今佛放光明。助發實相義。
本昔燈明。放光現瑞。而說法華。今日世尊。現相如。
本昔無異。故知欲說法華。但放光現瑞。是諸佛方。
便。助顯發明實相義耳。

末二行結勸待聞。

諸人今當知。合掌一心待。佛當雨法雨。充足求道者。
諸求三乘人。若有疑悔者。佛當爲除斷。令盡無有餘。
文殊前來廣引證。今瑞相已竟。故結勸以待聞也。

充足求道者。謂昔日未滿足者。今日充滿之。若三乘有疑惑者。有悔責者。今日爲除之。斷之盡無餘也。又除斷一句。文殊將干劬擔子推在佛身。入海弘經以脫不退之斥。大智先見之明如是。又此二行。是文殊提醒二乘之言。辭甚鋒鋷。宛然諸佛之師。吐聲發氣。自是本色作家。充足二字。爲下身子等得記之案。疑悔二言。悔字爲下身子追悔之案。疑字爲下陳如等疑念之案。天台於此立四伏疑。由前彌勒釋四伏難。使文殊必答。此中文殊斷四伏疑。使彌勒不復更問。第一疑。因文殊廣引先佛

會說法華。彌勒卽潛疑欲問。諸佛赴緣。人時各異。古佛雖說法華。今佛何必如是。文殊以偈斷云。我見燈明佛等。昔佛旣說法華。今佛亦然。此斷疑名之問。彌勒卽潛二疑欲問。自有名同義同。亦有名同義異。此名何所顯召。文殊以偈斷云。今相如本瑞等。此斷疑體之問。彌勒卽潛三疑欲問。實相無相。何人會之。文殊以偈斷云。諸人今當知等。此斷疑宗之問。彌勒卽潛四疑欲問。佛雨法雨。止洽菩薩。亦潤二乘耶。文殊以偈斷云。諸求三乘人等。此斷疑用之問。彌勒聯翻構疑。文殊頻煩爲斷。旣事

法華二天卷一

三

窮理盡卽得之於懷不復再疑矣序分已竟

妙法蓮華經大成卷第一終



妙法蓮華經大成卷第二

金臺卽山居後學大義集

妙法蓮華經方便品第二

今品名方便者。一品之中。方便文字。共有三十三處。經家據若干文義。因而詔品。大意是指昔日三乘方便。至今法華開捨方便。顯會真實。亦只名方便耳。方便字面。雖同權小。方便義意。迥然言外。問。最上一乘。究竟圓滿。何於正宗分首。便云方便。與昔三乘方便。何所揀別。答。經不云乎。正直捨方便。但說無上道。又云。開方便門。示真實相。今名方便。

者。意含前後權實二義。前權方便者。乃於一佛乘。分別說三。後實方便者。乃開權顯實。會三歸一之。第一方便也。問。何不名真實品。答。此經大義。開顯會歸之旨。若盡廢昔日之方便。却將何等會顯真實。所以仍標方便。先分後合。卽權卽實。圓融活潑。善巧無加。故名方便品。方便者。法用也。法有方圓。用有差會。蓋隨衆生樂欲。非佛本懷。文云。令離諸着。出三界苦。是故如來稱歎方便。非今品意。以是體外方便。化物之權。隨他意語故。又方便者。門也。門名能通。通於所通。方便權畧。皆是弄引。爲真實。

作門。文云。開方便門。示真實相。非今品意。亦是體外方便。自行化他之權。隨自他意語故。又方便者。秘妙也。妙達於方。卽是真秘。點內衣裏無價珠。與王頂上唯有一珠。無二無別。指客作人是長者子。亦無二無別。如斯之言。是秘是妙。文云。唯我知是相。十方佛亦然。止止不須說。我法妙難思。正是今品之意。是同體方便。自行之權。隨自意語故。以自文殊答彌勒。今相如本瑞。是諸佛方便。則說經入定放光動地。皆方便矣。經云。吾從成佛已來。種種因緣。譬喻廣演。言教無數。方便則方便。不止於今。

經放光動地。乃從成佛已來種種言教皆方便也。文云。過去無數劫。無量滅度佛。種種緣譬喻。無數方便力。則方便又不止於釋迦一佛。乃十方三世諸佛出世說法皆方便也。又云。夏以異方便助顯第一義。則方便又不止於三乘六度萬行之正經。乃至舉手低頭。沙爲塿。爪畫像。或出於誠敬。或出於戲樂。無非一大事因緣之方便也。如此則降迹皇宮。六年苦行。多子塿前拈華。雙樹林中入滅。以及德山棒。臨濟喝。無往而非方便也。正宗分首置此二言。則知七卷經文。無非方便。一切衆生本有。

佛知佛見故也。

第二正宗分。文有十九品。以本經綱要。分爲四段。此品至法師品。爲開佛知見寶塲天授二品。爲示佛知見持品。至壽量四品。爲悟佛知見。分別功德。至常不輕四品。爲入佛知見。且初開佛知見。文有九品。分二。初八品。說三周法授三根記。二法師品。歎持經人與所持法。初又二。初畧開三顯一。動執生疑。二廣開三顯一。斷疑生信。初中又二。初畧開三顯一。二騰疑致請。初中有長行偈頌。長行分二。初寄言歎二智。二絕言歎二智。初中分二。初明諸

佛權實。二明釋迦權實。初又分二。初經家提起。

爾時世尊從三昧安詳而起。告舍利弗。

爾時者。文殊答彌勒已竟之時也。安詳者。申申天
天從容自得之貌。佛常在定。何故言起。此有所示。
往古諸佛說此經時。必入無量義定。今佛亦爾。對
入言起。世界悉檀。故從定起。歷履法緣。二俱審諦。
說必不謬。增長物信。爲人悉檀。故從定起。佛寂而
常照。尚須入定。方乃說法。況復散心妄有所說。對
治悉檀。故從定起。入定緣理。安心實相。出定令他
安心實相。第一義悉檀。故從定起。告舍利者。身子

爲法說得記之當機。乃小乘中智慧第一之人。故告之首標萬二千。而獨告身子者。必有所因也。法說後。身子自述頌解。則曰。我昔從佛聞如是法。見諸菩薩授記作佛。而我等不預斯事等。四大弟子則曰。我等居僧之首。年並朽邁。乃至不生一念好樂之心。則身子願學菩薩授記作佛。唯恐不得久矣。故因而告之。問與大品方等阿含有同異否。答各處不同。阿含發起生滅法輪。故告方等。彈斥大品。加被。今經開顯。故告也。論云。告身子不告別者。智深故。不告菩薩者。有五。一爲聲聞所作事故。二

回向大菩提故。三令無怯弱故。四爲發餘人善思念故。五令不起所作已辦心故。

二正歎權實。分三。初雙歎。二雙釋。三雙結。且初雙歎二智。

諸佛智慧甚深無量。其智慧門難解難入。一切聲聞辟支佛所不能知。

諸佛一句標實智也。諸佛有二。一是十方三世諸佛。卽下十方三世佛。佛道同之義。二是釋迦一佛。卽下分身諸佛。現在說法者。是一往智。卽慧。慧卽智分之智能。分別事理。慧能決斷精蘊。智慧之體。

卽一心三智。是諸佛自覺聖智之境。在佛爲阿耨
菩提涅槃妙心。正法眼藏。在衆生爲佛知見。常住
真心。元湛妙性。今經云。一乘實相。家業寶所等。甚
深無量者。稱歎之辭。諸佛實智。豎徹如理之底。故
甚深。橫窮法界之邊。故無量。無量甚深。深高橫廣。
如根深枝茂。源遠流長。實智旣爾。權智亦然。其智
一句。標權智也。以道前方便有進趣之力。故名爲
門。從門入到道中。道中稱實。道前爲權也。難解難
入者。稱歎之辭。由無量故難解。由甚深故難入。不
謀而了。無方大用。七種方便。不能測度。又智慧門。

者自有方便智慧爲門。得入佛智慧。如纓絡經云。二觀爲方便道。得入中道第一義諦是也。自有佛智慧爲門。得入佛智。應卽今經所歎其智慧門是也。又權智稱門者。以實智寂滅離言。固不可說。今用權智。曲唱傍通。開方便門。示眞實相。故權智名門。卽方便門也。清涼疏云。方便門有二。一遠窮之。四十年前所說諸法。爲今經方便權門。故云雖示種種道。其實爲佛乘。近言之。入定放光等事。爲此會方便權門。故云今佛放光明。助發實相義。一切二乘所不能知。故言難解難入也。別舉二乘不知。

者爲執重故。華嚴頓照如聾若啞。故言不知。方等
彈斥。保住艸庵。故言不知。般若轉教。無心希取。故
云不知。今大機啟發。放光動地。彼此今古。佛佛道
同。猶懷疑惑。故云不知。利根菩薩。節節能知。鈍根
二乘。是亦不知也。正是激發二乘之言。

二雙釋二智。

所以者何。佛曾親近百千萬億無數諸佛。盡行諸佛
無量道法。勇猛精進。名稱普聞。

先雙徵二智。佛曾等。釋實智也。良由諸佛往昔因
中。劫劫生生。未曾離佛。以佛爲師。常隨佛學。所近

之佛非一佛二佛。曾經百千萬億無數諸佛。如此則外值佛多。稟承至要。故實智甚深。若事其師而不學。猶勿師也。學其道而不行。猶不學也。由是事一佛。盡行一佛。無量道法。事無數佛。盡行無數佛。無量道法。所積者深。所造者廣。如此則內行純厚。躬行實踐。故實智無量。勇猛等。釋權智也。勇猛者。果敢直前。難行能行。故精進者。志無退屈。長劫無厭。故名稱者。十號具足。舉事得宜。故普聞者。圓彰法界。聲名遠著。故良由諸佛勇猛精進。能入難入之門。既入門已。澤被無疆。物欽勝德。故名稱普聞。

勇猛一句。釋權智深。名稱一句。釋權智廣。權智雖無深廣之語。例實智此義得成。

三雙結二智。

成就甚深。未會有法。隨宜所說。意趣難解。

稱理究竟。圓滿果德。曰成就。覺盡心源。到彼岸底。曰甚深。昔所未說。故未會有。此結實智。稱機所說。故言隨宜。非七方便所知。故言難解。此結權智。又成就等。結自行權實。隨宜等。結化他權實。自行權實。俱名爲實。化他權實。俱名爲權。此中親近二言。案至化城天授。以親則智佛與佛。及十方佛。皆父

子兄弟之親。近則提漚爲師。佛爲弟子。奉事千歲。爲近故。盡行二言。案至不輕品。以惡罵捶打。尙致禮讚。爲盡行故。名稱一句。案至藥艸品。以大音聲。普告天人等。神力品。諸天於虛空中。唱言。有國名娑婆。佛名釋迦。皆佛之名稱。普聞也。又成就等。案至寶塿品。去涌塿變土。集分身出眷屬。談壽量。分別功德。乃至提婆得記。龍女成佛。皆是佛所成就。未會有法。一向不與二乘人說。今經說之。所以難信難解也。又親近一句。所學之深也。盡行一句。所造之深也。勇猛一句。建志之深也。名稱一句。積德

之深也。成就一句。所證之深也。隨宜一句。方便之深也。如此歎者。顯二乘人所學所造。建志積德。所證方便。皆不深也。正發二乘之願慕。使其內心自慊。諸佛如是勤學深造。名稱普聞。我等云何於佛法中心。生疲惫。果能如是思惟。庶幾進入一乘。所謂風之積也不厚。則負大翼也無力。小知不及大知。宜乎二乘不知。如來智慧也。上歎諸佛權實二智竟。

二歎釋迦權實二智分三。初歎權釋權。二歎實釋實。三結權結實對上科。凡有三意。一者前諸佛二

智合歎。明二智體同也。釋迦二智開歎者。表二智功用有異故。二者明垂迹之本。故諸佛先歎實。明顯本之能。故釋迦先歎權。三者諸佛顯自行。故先實。釋迦明化他。故先權。初歎權。釋權。又二。初歎權。智。

舍利弗。吾從成佛已來。種種因緣。種種譬喻。廣演言教。無數方便。引導衆生。令離諸着。

成佛已來。近指菩提場。遠指塵點劫。以三種化他之權。逗會衆生。故言種種因緣也。譬喻者。小乘中以芭蕉水沫爲喻。大乘中以乾城鏡幻爲喻。廣演

者能於一法出無量義也。無數方便者。卽七種方便也。離諸着者。說散十善。令離三途着。說淨十善。令離欲界着。說諦緣法令離見思着。說菩薩法令離涅槃着。說佛法令離順道法愛着。

二釋權智

所以者何。如來方便知見波羅蜜。皆已具足。

由於方便善巧。故能種種因緣等。知卽三智之知。見卽五眼之見。悉到事理邊底。故悉名波羅蜜。皆具足者。權實悉究竟之謂。此中知見卽實智。由證此實智。故能種種行權。此歎權釋權竟。

二歎實釋實。又二初歎實智。

舍利弗。如來知見廣大深遠。

廣大一句稱歎也。廣大明橫。卽前無量深遠明豎。卽前甚深實智本非橫豎。寄言往歎論其橫豎。照無限極。如函大蓋大也。

二釋實智。

無量無碍力。無所畏。禪定解脫三昧。深入無際成就一切未曾有法。

無量。四無量心也。無碍。四無碍辯才也。力。十力也。一。是處非處力。二。業智力。三。定力。四。根力。五。欲力。

六性力。七至處道力。八宿命力。九天眼力。十漏盡力。佛悉遍知。無能勝。無能壞。故名力也。無所畏。四無所畏也。一一切智無所畏。二漏盡無所畏。三說障道無所畏。四說苦盡道無所畏。通名無畏者。於大衆中。廣說自他智斷。既決無失。則無微致恐懼之相也。禪。卽實相之禪。定。卽楞嚴大定。解脫者。佛地位中。諸解脫門也。三昧者。二十五王三昧也。深入釋深。遠無際。釋廣大。成就等。總攝佛地所具一切功德。歎實釋實竟。

三結權結實。又二。初結權智。

舍利弗。如來能種種分別。巧說諸法。言辭柔軟。悅可衆心。

種種巧說。卽上種種廣演也。言辭柔軟者。巧法逗機而不暴戾也。悅可衆心者。隨衆生樂欲也。由具足方便知見。故能種種巧說。令人悅可也。

二結實智

舍利弗。取要言之。無量無邊。未會有法。佛悉成就。

取要者。大畧言也。未會有法。卽結上成就一切等。以佛地不共功德。無量無邊。深入無際。皆未會有之法也。要知諸佛之權。卽釋迦之方便。釋迦知見。

卽諸佛智慧。非權無以導實。非實無以開權。有實無權。則沉埋中下。有權無實。則屈枉大根。權實並行。方能曲成小大。而不遺出定。雙歎蓋爲此也。寄言歎二智竟。

二絕言歎二智。分三。初正絕言歎。二徵釋絕言。三釋權實相。且初正絕言歎。

止舍利弗。不須復說。

歎到恰好處而止者。欲杜口不說也。滿心要說。且示絕言。敦機令信。故止而歎之。不須復說者。以此法深寂。是絕相門。口談詞喪。心緣慮忘。故止而不

說以自覺境界。非餘所知。故止而不說。設慈悲爲說。聞不能解。恐傷善根。故止而不說。

二徵釋絕言。

所以者何。佛所成就第一希有難解之法。唯佛與佛。乃能究盡諸法實相。

成就者。圓滿具足義。以果對因。諸佛所證。權實不二。是第一法。所得微妙。故是希有法。如優曇華。故是難解法。所不能知。故降斯已還。所證之法。皆非第一希有難解也。唯佛等者。唯佛與十方諸佛。究竟實相。邊底如十五之月。體無不圓。光無不遍。故

諸法權也。實相實也。諸法卽實之權也。實相卽權之實也。卽實而權。權外無實。卽權而實。實外無權。斯爲同體妙權妙實。法華開顯。如點鍊成金。妙在此也。此四字。是法華之大本。諸教之端首。釋義之關鍵。衆生之依止。發心之憑仗。權謀之用體。迷悟之根源。果德之理本。一化之周窮。五時之終卒。佛所成就者。正目此也。唯佛證極窮源。所以止而不說。

三釋權實相。

所謂諸法。如是相。如是性。如是體。如是力。如是作。如

是因。如是緣。如是果。如是報。如是本末究竟等。

南嶽大師讀此文。皆云如。故呼十如。智者大師依義讀文。凡有三轉。謂如是相。是相如。相如是等。諸法者。總指世出世間法。凡拈一法。卽具十如。如是者。隨事指法之辭。謂諸法有如是之相等。相以據外。覽而可別名相。性以據內。自分不改名性。主質名體。功能名力。構造名作。習因爲因。助因爲緣。習果爲果。報果爲報。初相爲本。後報爲末。諸法歸趣爲究竟平等。如一人有形相。心性。身體。力用。作爲。過去因。現在緣。爲人是果。窮富延促。根身全缺。是

報。生爲本。死爲末。研究平等。又如是二字。直指當體之詞。以此諸法。若言其相。相卽無相。故云如是相。若言其性。妙性天然。若言其體。體自眞常。若言其力。力用稱眞。若言其作。作而無作。若言其因。生本無生。若言其緣。性空成事。若言其果。果不離因。若言其報。業性昭然。若言其本末。始終一際。故云如是本末。以上諸法。一一皆是如是之法。故云究竟平等。寂滅無二。此諸法之實相也。權實之法。不可思議。是三世諸佛所證之境。唯佛與佛乃能究竟者。此也。

二偈頌有二十一行。分二。初十七行半。頌上長行。
二有三行半。畧開三顯一。初又分二。初四行。頌寄
言歎二智。二十三行半。頌絕言歎二智。初又二。初
二行。合頌二佛二智。

爾時世尊欲重宣此義而說偈言。世雄不可量。諸天
及世人。一切衆生類。無能知佛者。佛力無所畏。解脫
諸三昧。及佛諸餘法。無能測量者。

長行權實各歎。表化緣異故。頌中二智合歎。示二
智體同故。世雄者。乃雄猛絕世之稱。以難行能行
難斷能斷。難捨能捨。難證能證故。古云。出家乃大

丈夫事。非將相所能爲。能證之人。出子其類。所證之法。豈住思議。此頌上諸佛智慧也。不可量。頌上甚深無量也。亦該權智。以實智不可量。權智亦爾。次三句。推廣上不知之人。此中與長行有三異。一上舉人又標法。故云諸佛智慧。今但頌人。將人以美法。故云世雄。二上開歎。今合頌。以法別。故須開人總。故須合。三上云一切二乘不知。今言一切衆生類不知耳。佛力下。頌釋迦二智。佛力等實智也。諸餘法權智也。云餘者。指化他之權。是實智之餘助耳。卽以自行而爲化他。從一法中開出無量種。

種因緣。種種譬喻。所有方便。無不卽權卽實。故亦無能測量。

二二行合頌二佛釋歎結歎。

本從無數佛。具足行諸道。甚深微妙法。難見難可了。於無量億劫。行此諸道已。道場得成果。我已悉知見。此頌上二章釋結之意。而文字變化。不必一一拘配。由甚深故難見。微妙故難了。無量劫行道。權智滿也。道場得果。實智滿也。所得之果。卽法界海慧。曠劫修因所感之果也。蓋謂甚深微妙之權實。最爲難見難了。由我與諸佛。本從無量佛所具足盡。

行無量道法。於無量劫行此道已。乃坐道場。得成佛果。故能悉知悉見此權實法也。頌寄言歎竟。
二十三行半。頌絕言歎。分五。初半行。頌釋權實相。
二半行。頌徵釋絕言。三半行。頌正絕言歎。四十行。
半。頌不知之人。五行。半。頌第一希有之法。唯佛能知。且初半行。頌釋權實相。

如是大果報。種種性相義。

大卽妙也。種種卽十如差別不同。義卽究竟等。先舉果報。次舉性相。中間可知。顯逆順觀法無拘也。又大在果前。卽不變隨緣。義在相後。卽隨緣不變。

義。

二半行頌徵釋絕言。

我及十方佛乃能知是事。

是事。即諸法實相也。唯佛與佛乃能究盡諸法實

相。深造自得。乃能知之。

三半行頌正絕言歎。

是法不可示。言辭相寂滅。

實相非方所。故不可示。非言語道。故言辭寂滅。古

德云。佛法太繁有。只是舌頭短。是此意也。又前云。

大果報者。自證境界。正指華藏世界。無量莊嚴。圓

融果海。交徹無碍。故云種種性相義。佛與諸佛。乃知是事。以果海離言。故言辭寂滅。此離言之道。非思量分別之境。豈二乘所堪哉。故止而不說。正顯究竟一實之地。爲今日所歸之極致。長行未盡。偈中發明也。

四十行半頌不知之人。分七。初一行許信力能解。二一行半揀二乘不知。三一行揀身子不知。四一行半揀大弟子不知。五二行揀辟支佛不知。六二行半揀發心菩薩不知。七一行揀不退菩薩不知。且初一行許信力能解。

諸餘衆生類。無有能得解。除諸菩薩衆。信力堅固者。
此下十行半。推廣一切衆生類。無能知佛者。申明
諸佛二智。甚深無量。難解難入也。然人則一層高
一層。義則一句緊一句。只要發揮一切聲聞支佛
所不能知。唯佛與佛。乃能究盡之義。初二句。總揀
七方便人不知。次二句。許信力菩薩能入。此菩薩
卽圓教十信滿心也。若此妙法。除佛之外。究竟無
人能解者。說之何益。故許以信得入。言堅固者。圓
教菩薩。是過量大人。一聞此法。直下承當。卽以自
性不動智。以立信體。信得自心。與佛無二。心境一

如卽契實相。如將重擔肩荷直前。亦若香象渡河。截流而過。如此方名信力堅固也。

二一行半揀二乘不知。

諸佛弟子衆。曾供養諸佛。一切漏已盡。住是最後身。如是諸人等。其力所不堪。

一切漏。三界見思也。最後身。二乘極果也。不堪者。以二乘是寒灰枯木之人。力量淺薄。不堪重任。古德云。若欲擔荷大法。須是枯木搯華。寒灰發燄。始得。

三一行揀身子不知。

假使滿世間。皆如舍利弗。盡思共度量。不能測佛智。
謂上佛弟子雖多。或少智慧。容有不知。卽如一身
子之智慧。聲振五天。假使滿世間人。皆如身子之
智慧。盡其思量忖度。亦不能測。則甚深無量難解
難入。可知矣。

四一行半揀大弟子不知。

正使滿十方。皆如舍利弗。及餘諸弟子。亦滿十方刹。
盡思共度量。亦復不能知。

謂不但滿世間人。如一身子。正使滿十方世界人。
皆如身子之智慧。更加神通如目連。頭陀如迦葉。

說法如滿慈。多聞如阿難。密行如羅雲等。亦滿十方刹土。盡其神思。忖度測量。亦所不知。

五二行揀辟支佛不知。

辟支佛利智無漏最後身。亦滿十方界。其數如竹林。斯等共一心。於億無量劫。欲思佛實智。莫能知少分。逆順觀緣。故名利智。自行權實。俱名爲實。謂不但聲聞不知。卽利智如支佛。遍十方界。數如竹林。如此人衆心一。時長且久。亦莫能知佛智之少分耳。則二智甚深無量。又可知矣。

六二行半揀發心菩薩不知。

新發意菩薩供養無數佛了達諸義趣又能善說法如稻麻竹葦充滿十方刹一心以妙智於恒河沙劫咸皆共思量不能知佛智

或指六度三祇未斷惑者或指小始教中發心之人彼於當教各能了達四諦義趣依之發於四弘誓願各能敷演當教道法展轉望前皆稱妙智謂不但緣覺卽新發大乘意之菩薩供佛無數有福超二乘矣了義說法自利利人有慧超二乘矣其多不但如竹林且如稻麻竹葦之多又充遍十方刹土又非散心小智乃一心妙智又非少時少劫

如恒沙之多劫。咸共思量。亦復不知。則二智之甚深無量。又可知矣。

七一行揀不退菩薩不知。

不退諸菩薩。其數如恒沙。一心共思求。亦復不能知。不知圓理。具一切法。卽一切法。故云不知。又視佛菩提。如隔羅縠觀月。故謂新發心。雖是大乘。皆有退息。固不能知。卽八地已上。不退地位諸大菩薩。數如恒沙。一心思求。亦復不知。則二智之甚深無量。愈可知矣。頌不知之人已竟。

五一行半頌第一希有唯佛能知。

又告舍利弗。無漏不思議甚深微妙法。我今已具得。
唯我知是相。十方佛亦然。

此法稱無漏者。純一實相。實相之外無餘法故。不
思議者。卽權卽實。卽實卽權。離過絕非。心言斷故。
甚深微妙者。唯佛所契證故。唯我二句。頌上可知。
此頌長行。權實二智竟。

二三行半。畧開三顯一分二。初一行半。明諸佛顯
實。

舍利弗當知。諸佛語無異。於佛所說法。當生大信力。
世尊法久後。要當說眞實。

諸佛語無異者。顯諸佛化道是同也。於佛二句勸信。法久二句顯實。久後說實。可見從前所說皆非眞實。此破昔之執。生今之疑。下文將非魔作佛。由聞此語也。

二二行明釋迦開三。

告諸聲聞衆。及求緣覺。乘我令脫苦縛。逮得涅槃者。佛以方便力。示以三乘教。衆生處處着。引之令得出。上明顯實。今明開三。顯實必開三。開三必顯實。佛道同互現。一邊耳。告諸下。正明昔日所示之三。聲聞爲小乘。緣覺爲中乘。我令二句。卽擬六度。菩

薩大乘也。何以知之。修六度卽免四趣苦縛。未能入滅度。三祇百劫。乃得涅槃。逮之言遠。乃及耳。佛以二句正斥三乘。皆是方便。一總非實。後二句出示三之意。引令出着。不得已而說三。非爲真實。但是方便門耳。上畧開三顯一竟。

二騰疑致請分二。初經家敘疑。

爾時大衆中有諸聲聞。漏盡阿羅漢。阿若憍陳如等。千二百人。及發聲聞辟支佛心比丘。比丘尼。優婆塞。優婆夷。各作是念。今者世尊。何故殷勤稱歎方便。而作是言。佛所得法。甚深難解。有所言說。意趣難知。一

切聲聞辟支佛所不能及。佛說一解脫義。我等亦得此法。到於涅槃。而今不知是義所趣。

由聞三僞一真。執動疑生也。有諸下敘千二百疑聲聞。從因稱也。羅漢從果稱也。獨標陳如爲疑首者。以佛最初成道。聞四諦法得解脫者。故下疑佛說一解脫義爲言。成道一年度五人。二年度耶舍長者五十人。三年度三迦葉一千人。五年度身子目連各一百人。故有千二百五十五人爲常隨衆耳。及發下敘四衆疑。卽有學衆也。上斥三乘皆是方便敘疑。但在二乘者。以執重疑深。故偏舉耳。下

文云求佛諸菩薩大數有八萬亦皆有疑故知三乘僉疑偏舉二乘也何故殷勤等者謂今者世尊何故出定之後殷勤稱歎方便前云無數方便引導衆生又云佛以方便力示以三乘教若然則四十年來所說皆方便權巧耶我等所證亦方便耶此疑方便佛所得法甚深難解者謂今世尊何故而作是言佛所得法甚深難解前云諸佛智慧廣大深遠成就希有難解之法若論佛所得法三乘大小之別諦緣始終之理窮神盡奧諒無餘蘊今日何故又言甚深若然則今日難解之法非昔日

之法乎。今日甚深之法。深於昔日之深乎。此疑實智有所言說。意趣難知者。謂今者世尊何故又言有所言說。意趣難知。四十年來親見如來色心業勝耳提面命。有所言說。我等已知之矣。何故今日言難解難知。若然。則昔日之所解。更有未解之旨乎。昔日之所知。更有不知之意趣乎。此疑權智。今日何故又言一切聲聞所不能及。於三乘人獨說我等不及。我等既不知。而菩薩能及之乎。抑菩薩不知之乎。此疑已等不知。又佛一代所說唯一解脫義耳。昔日讚歎三乘是真出要。此佛說一解脫

義也我等依而行之亦得此解脫之法遂出生死
證得涅槃師資之分尊卑有別師資之道解脫則
同何故如來成就我等不知將非解脫之名同而
理有異乎豈如來之所證證於我等未證乎我等
之所證證於如來之不證乎若爾何故同出生死
不爾何故見斥我等此疑已所證三乘既皆方便
不知何爲真實言既異常理必神怪及門之徒蹶
然有疑故云我等不知是義所趣

二當機正請分五文有三請二止合前爲三止初
止爲理深難解一初請爲自他求決二二止爲驚

疑不信。三二請爲久植必解。四三止爲謗必墮苦。
五三請爲利根得益。且初請有長行偈頌。長行又
二初陳疑。

爾時舍利弗知四衆心疑。自亦未了。而白佛言。世尊。
何因何緣。殷勤稱歎諸佛第一方便。甚深微妙難解
之法。

心疑者。根心之疑也。一光圓現。二士酌酢。其疑猶
緩。出定歎斥。三乘方便。久後說真。動彼昔執。搖蕩
其心。憂咒不泰。所疑者急也。身子以盡智無生智。
知四衆心疑。自亦未了。然矣。諸佛下疑權甚深下

疑實

二陳請

我自昔來未曾從佛聞如是說。今者四眾咸皆有疑。惟願世尊敷演斯事。世尊何故殷勤稱歎甚深微妙難解之法。

我自下陳已請。今者下陳眾請。何因何緣。應下大事。因緣身子疑爲法說得記之案。阿若四眾等疑爲後二周得記之案。疑乃悟之關也。不疑則不開悟。不開悟則不得記。疑有淺深。根有利鈍。所以法有三周記有先後矣。

二偈頌。偈有十一行。分五。初三行半。頌疑二智。二
三行總頌三乘四衆疑。三一行半別頌自己疑。四
一行別頌三乘疑。五二行總明同疑致請。且初三
行半。頌疑二智。

爾時舍利弗欲重宣此義。而說偈言。慧日大聖尊。久
乃說是法。自說得如是。力無畏。三昧禪定。解脫等。不
可思議法。道場所得法。無能發問者。我意難可測。亦
無能問者。無問而自說。稱歎所行道。智慧甚微妙。諸
佛之所得。

三智圓明。能破癡暗。故云慧日。又天無日不見。四

時運化之功。佛無慧不見。三乘修證之道。故以慧喻日。久乃之久。應上久後言。是法指上說真實道場所。得指自行權實。應上道場得果。無能發問。應上諸佛弟子衆。乃至不退菩薩。不能測佛智。我意難測者。應上假使如舍利。亦復不能測佛智。亦無能問者。謂不退菩薩及我身子。既不能問。則亦無有能問者矣。出定稱歎所行道。自行權也。佛所得智慧。自行實也。

二。三行。總頌三乘四衆疑。

無漏諸羅漢。及求涅槃者。今皆墮疑網。佛何故說是。

其求緣覺者。比丘。比丘尼。諸天龍鬼神。及乾闥婆等。相視懷猶豫。瞻仰兩足尊。是事爲云何。願佛爲解說。及求一句。卽六度菩薩。猶獸名。性多疑。聞有聲。則豫上樹。是事。指久後眞實。三乘方便。

三一行半。別頌自己疑。

於諸聲聞衆。佛說我第一。我今自於智。疑惑不能了。爲是究竟法。爲是所行道。

究竟法果也。所行道因也。此二句兩向。若就不能測佛智言。謂爲是佛究竟果法耶。爲是佛因修所行道法耶。若就斥三乘皆方便言。疑三乘各有因。

果若云方便非眞實者。爲是所證果非眞實耶。爲是所行因非眞實耶。

四一行別頌三乘疑。

佛口所生子。合掌瞻仰待。願出微妙音。時爲如實說。聞佛說法。法身得生。故云佛口所生。以三乘學人皆傾誠仰待。願出妙音如實說也。

五二行總明同疑致請。

諸天龍神等。其數如恒沙。求佛諸菩薩。大數有八萬。又諸萬億國。轉輪聖王至。合掌以敬心。欲聞具足道。數如恒沙。其人多也。求佛菩薩。其根大也。萬億國。

土其來遠也。合掌敬待其心誠也。欲聞具足道者。言此多衆大根之人。皆從遠方而來。至誠之極。非求半珠。在獲全璧。應上我今已具得身子。求心切而請辭迫。故一聞法說。卽領解得記。亦有由矣。二二止爲驚疑不信。

爾時佛告舍利弗。止止。不須復說。若說是事。一切世間諸天及人。皆當驚疑。

連言止止。不屑之嚴也。天人驚疑者。驚爲怪誕。疑必不信。不信必起謗法之愆。說之無益。不說無損。不若止之。

三二請爲久植必解。

舍利弗。重白佛言。世尊。惟願說之。惟願說之。所以者何。是會無數百千萬億阿僧祇衆生。曾見諸佛。諸根猛利。智慧明了。聞佛所說。則能敬信。爾時舍利弗欲重宣此義。而說偈言。法王無上尊。惟說願勿慮。是會無量衆。有能敬信者。

重言惟願者。因止之愈嚴。而請之愈切。足見悟機之熟也。然日光不爲無目而隱。佛法豈爲癡者而默。況今會中無數衆生。曾見諸佛。宿種非淺善根。成熟一聞大道。擔當不怯。智慧超拔。入耳卽信。勿

以人天驚疑爲慮。不疑者多。而敬信者廣。當爲信者說。則損者少。益者多。何得不說乎。縱有不信。以結信受之緣。無慈之慈。慈之大矣。說則兩益。止則雙傷。豈可因少疑而害多信。缺其慈悲矣。

四三止爲謗。必墮苦。佛復止舍利弗。若說是事。一切世間天人。阿修羅。皆當驚疑。增上慢比丘。將墜於大坑。爾時世尊重說。偈言。止止不須說。我法妙難思。諸增上慢者。聞必不敬信。

佛法常儀。一請便說。況今無問自說。反再請而不

許者。正爲增上慢輩耳。上以天人不信爲辭。此以增上慢爲辭。言緩意迫。輕重漸及。佛慈而威。又可見矣。大坑卽地獄。凡人不信佛言。則墮地獄。豈可說法令人招苦。驚疑不毀。其障猶輕。增慢之流。望望而去。若將挽焉。怨於心。謗於口。必墮地獄深坑。萬苦不反。不惟無益。而且有損。是以辭之深而絕之至也。

五三請爲利根得益。

爾時舍利弗重白佛言。世尊。惟願說之。惟願說之。今此會中。如我等比。百千萬億。世世已曾從佛受化。如

此人等必能敬信。長夜安隱。多所饒益。爾時舍利弗欲重宣此義。而說偈言。無上兩足尊。願說第一法。我爲佛長子。惟垂分別說。是會無量衆。能敬信此法。佛已曾世世。教化如是等。皆一心合掌。欲聽受佛語。我等千二百。及餘求佛者。願爲此衆故。惟垂分別說。是等聞此法。則生大歡喜。

此身子又以類己多者爲請。生死無明爲長夜。涅槃果德爲安隱。從佛受化必能敬信。永別生死長夜。得大安隱之樂。所益多矣。偈中初四句爲己求願說等者。由前斥三乘是僞。又聞久後說眞實。在

二乘未知法華是實。但摠斥三非真。三外必要有法。故云第一法。是會下爲八部求。文殊謂諸人今當知等是也。我等下爲同道者求。所謂諸求三乘人等是也。文淡義濃。求之深而語益該矣。則會中雖有不信之人。佛亦不能顧其難而欲慈悲矣。上畧開三顯一動執生疑已竟。

二廣開三顯一斷疑生信。文分三周一法說一周被上根。二喻說一周被中根。三因緣一周被下根。初法說一周分五。一正法說。二身子領解。三如來述成。四與之授記。五四衆歡喜。且初正法說有長

行偈頌長行分三。初許說。二受旨。三正說。且初許說。

爾時世尊告舍利弗。汝已殷勤三請。豈得不說。汝今諦聽。善思念之。吾當爲汝分別解說。說此語時。會中有比丘比丘尼。優婆塞。優婆夷。五千人等。卽從座起。禮佛而退。所以者何。此輩罪根深重。及增上慢。未得謂得。未證謂證。有如此失。是以不住。世尊默然而不制止。爾時佛告舍利弗。我今此衆。無復枝葉。純有貞實。舍利弗。如是增上慢人。退亦佳矣。汝今善聽。當爲汝說。

汝已二句。順許也。洪鐘在架。扣無不應。殷勤三請。豈得不說。雖欲無言。不可得也。汝今下。誠許也。諦聽是聞。慧善思是思。慧念之是修。慧大經明四善法。爲涅槃因。一親近善友。二聽聞正法。三思惟其義。四如說修行。惟此四法。是涅槃因。善友卽如來。餘三卽三慧也。分別解說四字。按品題。正是方便。論文義。則爲一經。應前啟後之大關鍵。初佛止云。止不須復說。身子請云。是事爲云何。願佛爲解說。第三止云。止止不須說。身子請云。惟垂分別說。則分別解說四字。元是身子請辭。佛今允可。但加吾。

當爲汝四字。此論文勢相承之妙。若論所詮義者。前云是法不可示。言辭相寂滅。可容分別乎。又云無漏難思議。甚深微妙法。可容解說乎。則知佛所得法。元不可分別解說。今云吾當等者。是爲身子等無有能得解者。不得已而以言語爲方便。將諸佛所知不可示者而分別之。將佛所證不可思議者而解說之。下文自如是妙法以去。皆爲二乘人分別解說也。說此語時。下揀許也。五千在座。如來三止。今將許說。威神遣去。故禮佛而退。五濁障多名罪重。執小翳大名根深。未得三果。謂得三果未

證無學。謂證無學名。增上慢。有如此失者。謂有障
執慢三種之失。所謂黃流不注。瓦缶福澤不降。淫
人諸佛心印。豈薄德所堪。是以不住也。不制止者。
佛法常儀。默爲應允。制如天子稱制之制。勅命也。
上聞開三顯一。言約義隱。猶未生謗。足作繫珠。因
緣去則有益。若聞廣說。乖情起謗。住則有損。是故
不制止也。問。五千在座。既不蒙益。去有何益。答。此
非當機。是結緣人耳。昔大通時。亦有無量衆生。心
生疑惑。世世與師俱生。今皆得度。乃至如來滅後。
猶故未盡。此五千亦爾。爾時下。佛自述不制止之

意。乃佛自慰之辭。後文今我喜無畏者是也。枝葉細末。不任器用。斥五千非載道之器。尋常在語言上做工夫。鬼窟裏作活計。摘葉尋枝。莫窮其本。大品云。攀附枝葉。棄於根本。是人爲不黠。卽此義也。貞本榦也。對枝末言。實果實也。對華葉言。凡物有榦實。不愁無枝葉。若有枝葉而無榦實。則何益也。此句美在會之衆爲大器也。退亦佳矣者。應知上慢不全無法。但以淺位自謂增上。名增上慢。旣以小自翳。復妨他大光。今退無謗法之愆。復無障他之過。故云佳矣。上枝末未去。故如來三止。真實願。

聞故下身子四請師弟鑒機。非徒靳固也。此五千慢流乃金口所唱。序中爲權云。何通耶。大師必有洞見如來心宗之處。不然。何故諸佛許之。今有三義。知是權現。一者燈明六十小劫說經會中無有一人身心懈倦。則知高會如梅檀林。豈有凡材。此五千於未出定前。已契離言之旨。今聞許說。故禮佛而退。二者若實慢人。則望望然而去。今旣禮佛而退。默契此理。以此法離言。今許分別解說。乃落二落三之談。故三者尊佛語。故由前云。若說是事等。此五千假飾慢流。爲進會中增慢之儔耳。不然。

序文大違經文。汝今下結許善聽者。誠其詳審而聽。不可鹵莽。莫着名相。果能句下翻身。言中得意。脫體而會。方不徒說。

二受旨。

舍利弗言。唯然。世尊。願樂欲聞。

唯諾也。唯聲速而質。諾辭緩而文。禮記云。父命唯而起。師命亦然。樂聞者如渴思飲等。

三正說分二。一明四佛章。廣上諸佛權實二智。二明釋迦章。廣上釋迦權實二智。上句逗少是文畧。總云諸佛是人畧。但開三顯一。是義畧。此下章句

多是文廣。明五佛是人廣。明六義是義廣。六義者。一歎法希有。二說無虛妄。三開方便。四示真實。五舉五濁釋權。六揀僞敦實。歎法令生尊重。無虛謬。止其誹謗。開方便。使莫執小。示真實。使其悟大。舉五濁。示必施三。揀虛僞。要必真實。於五章中。一一應備六義。前後互出不具足者。蓋如來巧說不煩文耳。且初四佛章。分二。初總明諸佛。二別列三世。初總明諸佛中。應有六義。今但四義。一歎法希有。二說無虛妄。三開方便。四示真實。缺二指後文耳。且初歎法希有。

佛告舍利弗。如是妙法。諸佛如來。時乃說之。如優曇鉢華。時一現耳。

法喻雙舉。卽出題名。時乃說之者。諸佛同出五濁。必前開三。如今世尊。四十餘年。始顯真實。久默斯要。不務速說。故久不說者。爲人不堪。故時未至。故五千未遣。故今人已堪。時已至。五千已去。決定說大乘。故又向上一乘。聖人存而不論。論而不議者。待時也。非時而說者。失言也。時而不說者。失人也。時而後說者。人不厭其所以言。言不失其所以人。機會兩得。故云時乃說之。優曇鉢華者。此云靈瑞。亦

云瑞應三千年一現。現則金輪王出。表三乘調熟。已後方說妙法。授法王記。般泥洹經云。閻浮提內。有尊樹王名優曇鉢。有實無華。若金華生者。世乃有佛。乃佛之兆也。施設論云。繞瞻部洲。有輪王路。廣一踰繕那。無輪王時。海水所覆。無能見者。若輪王出。海水減少。金沙路現。此華乃生。作金輪之先兆也。問如是之法。時說時現。夫一時字有何義耶。答。一是從漸說。頓以最後爲一時。一是因頓說。頓三際平等。是無時之時。名爲一時。如蓮華無始無終。以明一相一味之旨。問有以青白論蓮色。是非

莫決可得義否。答佛在處以蓮瑞表圓行開敷之相。初無五色之云。若以色論。則是隨機隨教而見。今法華一相一味之教。但取喻蓮華。那論青白。問一相一味。權實互徹。請以義示。答三乘之權。是分證之真。一乘之實。是對待之真。皆是接引之辭。只須權實互融。大小迹忘。如太虛空。無內外相。如一蓮華。無同異相。法喻雙舉。理固如是。

二說無虛妄。

舍利弗。汝等當信佛之所說。言不虛妄。

汝等當信者。勸信無虛妄人。說無虛妄法也。此理

至深理與昔異。此言至妙言與昔反。此行至普行與昔乖。此人至勝勝於昔劣。恐物生謗故勸信也。
三開方便

舍利弗。諸佛隨宜說法。意趣難解。所以者何。我以無數方便。種種因緣譬喻言辭。演說諸法。是法非思量分別之所能解。唯有諸佛乃能知之。

諸佛下開三隨宜等者。文承於前。義釋於上。謂諸佛法妙。以時而說。如優曇華。以時而現。而不虛妄者。是何法也。有何妙也。法者。卽我出定所歎諸佛隨宜所說。方便權法。妙者。其間隨宜所說。而佛意

在實物莫能解。故言意趣難解。所以下釋。舉今佛之權能。釋諸佛之方便。巧慧同故。借此釋彼。謂諸佛隨宜說法。意趣難解者。何也。且勿論諸佛隨宜難解爲妙。卽我成道已來。以種種等。演說諸法。諸佛方便亦如我也。是法下結。二乘用七識思量。六識分別。不知諸法妙義。非思量分別也。佛意難知。唯佛與佛能了。稟教者謂三。諸佛知一耳。

四示真實分四。初標出世意。二重徵出世意。三正明出世意。四結成出世意。且初標出世意。

所以者何。諸佛世尊。唯以一大事因緣故。出現於世。

出對入言現對隱言一者一實相也非三乘五性
七方便故言一大者其性廣博博三乘五性七方
便故言大諸佛出世之儀式故名事衆生機感名
因佛乘機而應名緣又佛知見爲大事生佛無二
名一衆生性具爲因善友開發爲緣四十年前權
說此知見今但實說此知見謂諸佛證此如實之
相乘此實道出現於世只要衆生得此實相惟爲
此事曾無他事

二重徵出世意

舍利弗云何名諸佛世尊唯以一大事因緣故出現

於世。

將欲分別更重提起。以爲言端。又此大事。佛所尊重。故重示之。如釋論明父王欲多聞太子名數。數說之。無有厭足。

三正明出世意。又分二。初明大事因緣。

諸佛世尊。欲令衆生開佛知見。使得清淨。故出現於世。欲示衆生佛之知見。故出現於世。欲令衆生悟佛知見。故出現於世。欲令衆生入佛知見。道故出現於世。舍利弗。是爲諸佛以一大事因緣。故出現於世。

法華論作三番釋。一無上義。除一切智。更無餘事。

二同義聲聞辟支佛性法身平等故。三不知義。謂
二乘人不知究竟。唯有一佛乘故。四爲令證不退
轉地。現與無量智業等論言次第。初開佛知見爲
無上次。示三乘同有佛性法身。雖明佛智無上。但
恐佛獨有。故次明三乘同有。雖三乘同有。而二乘
不知。示其令悟。雖知而不得不退。故第四令得不
退。二番約菩薩。開如上說。示者。諸菩薩有疑。令知
如實修行。故悟者。未發菩提心。令發心。故入者。已
發菩提心。入法故。三番約凡夫。開亦如上。示其有
佛性故。悟令外道衆生覺悟。故入令入大菩提故。

嘉祥云。開示約能化。悟入約所化。能化有大開之
與曲示。但說有性爲大開。言此是凡夫性。此是聖
人性。因果理行。卽曲示也。所化有始悟之與終入。
豁然了知。故名爲悟。修行契證。目之爲入。卽始淺
終深也。欲令二字。是佛本懷。衆生指九界衆生。故
字應上因緣。清淨二字。從開字顯。啟閉曰開。佛知
見三字。應指性具本有知見。佛卽知見。持業釋也。
清涼云。性卽知見。圭峯云。知見卽本覺靈源。的指
六根中性。諸經詮顯不一。古德稱謂不同。智者知
是佛性。愚人喚作精魂。皆目此也。但爲二障迷倒。

法華方名
三十一

封閉故開令顯現。使得清淨者。顯是在纏之體。如眼被色染。乃至意被法擾。不開未卽清淨。一開卽遠離迷倒。封閉色是佛色。聲是佛聲。內之身心。外之世界。皆如來藏妙真如性。是爲清淨矣。出告曰。示。謂出己所有。以昭告於人也。佛之知見。卽諸佛修證已成果德之知見。依主釋也。衆生有性具知見。而未逮修成。若但開其性具。而不示修成。如鑽金璞玉。終無究竟。故就已修證而告示焉。自惺曰。悟承上開示本有。而自惺悟性具之知見也。親到曰。入知見道者。修證果上知見之門路也。例如道。

諦承上告示修成而親到修證境界也。前二在教。後二在機。一三屬性具。二四屬修成。又當知衆生是九界別用之名。佛是一界同體之號。九界差別名衆生知見。十界十如名佛知見。衆生知見者。迷妄有故。覆眞失性。有所不知。有所不見。遇緣住着。有知而貪。有見而求。故曰妄知見。楞嚴云。知見立知。卽無明本也。佛知見者。徹了實相。萬派根源。悟妙明體。無所不知。無所不見。如日照世。似鏡現相。無心而應。無念而現。故曰眞知見。今經云。如來觀知一切諸法之所歸趣。亦知一切衆生之所心念。

也舍利下結。

二明會權歸實。

佛告舍利弗。諸佛如來。但教化菩薩。諸有所作。常爲一事。唯以佛之知見。示悟衆生。舍利弗。如來但以一佛乘故。爲衆生說法。無有餘乘。若二。若三。

昔日方便教化三乘。理實而言。但化菩薩。如彼窮子。自謂客作。長者觀之。是真子也。三乘衆行名之爲諸。爲圓。故諸卽是一事。一事云何。唯以佛之知見。開悟衆生也。圓頓之教。名一佛乘。降斯已還。皆名有餘之說。卽不了義。今言但以一佛乘者。純說

佛乘也。無有二三。以二三非本懷故。諸佛以此大事而教菩薩。以此而說法。以此而所作。以此而教化衆生。二三之談。豈真實哉。

四總結出世意。

舍利弗。一切十方諸佛法亦如是。

結文義長。序中因光橫見萬八千土。引古豎明二萬諸佛。無不爲實施權。會權歸實。至於一切十方刹海無盡。世界淨穢差別無盡。諸佛出世亦無不先權後實。大事因緣如此而已。故云法亦如是。上總明諸佛竟。

二別列三世佛。分二。初別明三佛開權顯實。二總結諸佛出現大事。初又分三。初明過去佛。二明未來佛。三明現在佛。應具六義。但出二義。四准前後。具初明過去佛。

舍利弗。過去諸佛。以無量無數方便。種種因緣。譬喻言辭。而爲衆生演說諸法。是法皆爲一佛乘故。是諸衆生。從諸佛聞法。究竟皆得一切種智。

過去諸佛者。卽莊嚴劫諸佛。逆推卽日月燈明。大通威音。雷音。雲自在等。無數方便。下開權。是法下顯實。是法二字。及釋迦章如此二字。皆指權爲實。

述其施權。意在顯實。過去衆生。從過去佛聞法得果。仍呼衆生者。乃因名。何佛不從衆生中而成哉。
二明未來佛。

舍利弗。未來諸佛。當出於世。亦以無量無數方便。種種因緣。譬喻言辭。而爲衆生演說諸法。是法皆爲一佛乘故。是諸衆生。從佛聞法。究竟皆得一切種智。

未來佛者。卽彌勒等。星宿劫諸佛。華光山。海慧自在。蹈七寶華等。皆未來佛也。開顯可知。

三明現在佛。

舍利弗。現在十方無量百千萬億佛土。中諸佛世尊。

多所饒益。安樂衆生。是諸佛亦以無量無數方便。種種因緣。譬喻言辭。而爲衆生演說諸法。是法皆爲一佛乘故。是諸衆生從佛聞法。究竟皆得一切種智。

現在諸佛者。卽賢劫中諸佛。亦卽三變所集分身佛。妙音品淨華宿王智勸發寶威德上王等。是與釋迦同時之教主。現在說法。國土之名各各不同。諸佛之號尊尊有別。立言設教。先權後實。無不同也。故曰雖說百千億無數諸法門。其實爲一乘也。初標出世意。次明開顯可知。

二總結諸佛出現大事。

舍利弗。是諸佛。但教化菩薩。欲以佛之知見。示衆生。故。欲以佛之知見。悟衆生。故。欲令衆生入佛之知見。故。

上明四佛章。廣上諸佛權實二智已竟。

二明釋迦章。廣前釋迦權實二智。於六義中無歎。法希有。就分五。初開方便。二顯真實。三舉五濁釋。權。四揀偽敦信。五說無虛妄。且初開方便。

舍利弗。我今亦復如是。知諸衆生有種種欲。深心所。着。隨其本性。以種種因緣。譬喻言辭。方便力。而爲說。法。

先權後實。與諸佛不異。故云亦復如是。知諸下開權。種種欲者。卽五乘根性樂欲也。過去名根。能生爲義。現在名欲。取境爲義。未來名性。不改爲義。深心所着。卽根也。方便力者。卽隨宜開三乘權法也。二顯眞實。

舍利弗。如此皆爲得一佛乘。一切種智故。舍利弗。十方世界中。尙無二乘。何況有三。

如此二字。承前開方便。意在於實。古德云。鵝鳩樹上啼。意在麻畚裏。十方下稱實而顯。十方世界無非法界眞如妙理。湛一如空。尙無二乘之名。何況

有三哉。但隨根性。投其好樂。不得已而隱一實施
三權耳。

三舉五濁釋權。分二。初標名顯相。

舍利弗。諸佛出於五濁惡世。所謂劫濁。煩惱濁。衆生
濁。見濁。命濁。如是。

世本非惡。因濁故惡。濁者如土投水。水失清潔。土
亡畱碍。容貌汨然。名之爲濁。此經五濁。與楞嚴不
同。彼自晦昧已來。九界俱濁。唯佛爲清。欲示澄濁
頓入涅槃義。乃窮源也。今經局在穢土滅劫。明諸
佛隱實施三。由於五濁惡世。正顯善權方便。不可

思議乃截流也。人壽八萬減至三萬未名爲濁。至二萬歲爲五濁始。釋迦出世正值百歲時也。劫濁無別體。四濁熾盛假立此名。衆生濁亦無別體。攬見慢果報三法假立。煩惱以五鈍使爲體。見濁以五利使爲體。命濁以連持色心。壽煖識三法爲體。四濁增劇。聚在此時。瞋恚增劇。刀兵起。貪欲增劇。饑饉起。愚癡增劇。疾疫起。三災起。故煩惱倍隆。諸見轉盛。麤弊色心。惡名穢稱。摧年減壽。衆濁交湊。如水奔昏。風波鼓努。魚龍攪擾。無一慘賴。時使之然。此劫濁相也。當此之時。世衰道喪。人事雜亂。求

其上古無爲清淨之世不可得矣。貪海納流未嘗飽足。未得患得。既得患失是也。瞋虺吸毒。撓諸世間。狐假虎威是也。癡暗頑嚚。過於漆墨。世之造黑業是也。慢高下視。凌忽無度。恃才勢技巧是也。疑網無信。不可告實。世之不真實是也。若此則心煩惱熱。貪瞋互起。空華翳眼。狡詐橫生。此煩惱濁相也。當此時。舉天下求一不識不知。守純抱朴者。不可得矣。攬於色心。立一主宰。喻如羈膠。無物不着。流宕六道。處處受生。此衆生濁相也。如此衆業相。生不奔命於名勢。卽匿心於財貨。不淹沒於色聲。

卽羈縻於情識。求其果腹而嬉。擊壤而歌者。不可得矣。無人謂有人。有道謂無道。十六知見。六十二等。如羅網稠林。纏縛屈曲。不能得出。此見濁相也。如此邪知妄見。淳風彫削。道德澆漓。情竇日開。渾沌日死。執斷執常。計因計果。求其真知真見。不可得矣。朝生暮死。晝出夕沒。波轉烟迴。瞬息不住。此命濁相也。如此短年促壽。嗜欲愈深。天機愈淺。風雲氣少。兒女情多。求其了達自然慧命者。不可得矣。五濁體相。如此而已。若論五濁次第。煩惱見爲根本。從此二濁成於衆生。從衆生有連持命。此四

經時爲刳濁。今不次。義勿錯。

二乘時開三。

舍利弗。刳濁亂時。衆生垢重。慳貪嫉妬。成就諸不善根故。諸佛以方便力。於一佛乘。分別說三。

如來出世。正值此五濁雜亂之時也。以良心喪滅。澆漓非常。人不遂生。物不安理。故云亂時。舉刳濁四濁全該。衆生罪垢深重。縱貪瞋癡。在已者拔一毛而利天下。不爲。在他者縱貪婪而不厭。嫉人之賢。妒人之能。三途苦本。衆惡根基。五濁障重。智淺根劣。至愚至癡。難調難伏。若不隨其所好。投以大

法難矣。故諸佛不得已而於一佛乘分別說三。止啼黃葉。豈真金錢哉。

四。揀偽敦信。分二。初。揀別真偽。二。開除釋疑。初。又二。初。不聞不知非真弟子。

舍利弗若我弟子。自謂阿羅漢。辟支佛者。不聞不知諸佛如來。但教化菩薩事。此非佛弟子。非阿羅漢。非辟支佛。

弟子與師。神交氣聚。命脉相關。隨順師法。繼續傳燈。有所言說。諦信無疑。羅漢具智斷之能。辟支有覺悟之智。舉一三反。聞卽解了。法王法中。雖有二

乘之名。而無二乘之實。如來出世。但教化菩薩而已。那有二乘。不過假立以引之耳。昔三之權。今一之實。傳此乃真弟子。悟此乃真羅漢。覺此乃真辟支。今我弟子。自謂羅漢辟支。不聞不知。但教菩薩事。無二無三之旨。此非佛弟子。非阿羅漢。非辟支佛。

二聞不信。受成增上慢。

又舍利弗。是諸比丘比丘尼。自謂已得阿羅漢。是最後身。究竟涅槃。便不復志求阿耨多羅三藐三菩提。當知此輩皆是增上慢人。所以者何。若有比丘。實得

阿羅漢。若不信此法。無有是處。

此敦逼時衆令信受也。五濁障重。暫令息苦。故說見思斷盡。名爲羅漢。不復受生。名最後身。出同居分段苦輪。名爲涅槃。無明別惑尙在。何得名羅漢。變易生死浩然。何得名最後身。化城未是寶所。何得名究竟涅槃。倘自以爲足。不復進求。無上菩提。皆是增上慢人耳。所以下反顯。若實得阿羅漢者。今聞此經。即便信受。進求菩提。不信此法者。未之有也。此輩未得羅漢。而謂羅漢。未得最後身。而謂最後身。未得涅槃。而謂究竟。豈不是增上慢哉。

二開除釋疑。

除佛滅度後。現前無佛。所以者何。佛滅度後。如是等經。受持讀誦解義者。是人難得。若遇餘佛。於此法中。便得決了。

承上若佛在世說此經。不信不受。成增上慢。卽開云。除佛滅後。現前無佛。許此一類偏執權經。不信圓法。聽許非增上慢。是無佛處。容可稱尊也。聽許者何。以滅後雖有此經。求其受持及解義者。難得其人。人既難遇。致此輩不信不受。不聞不知。所以聽許非慢也。若遇下釋疑。恐疑曰。若滅後羅漢不

遇此經。不遇誦持之人。則當永滯小果。終不聞耶。故釋云。是人雖生滅度之想。捨命已後。便生有餘之國。值遇餘佛。於此大法。一言之下。便得決了。又餘佛者。四依菩薩也。羅漢遇之聞經決了。又修念佛定。見十方佛爲說決了。又行人苦到懺悔。見佛爲說。亦得決了。揀僞敦信竟。

五說無虛妄

舍利弗。汝等當一心信解受持佛語。諸佛如來言無虛妄。無有餘乘。唯一佛乘。

先勸信迦文實說。次勸信諸佛誠言。所以止疑謗。

也。然此勉勵當機者。上來三請之篤。故世尊婆心
大切。一縱一奪。乍抑乍揚。展轉至此。無上妙理。八
字打開。滿盤托出。只欠當機一信解耳。故結勸云。
汝等當一心等。若待思而後知。見而後信。當面錯
過。不知幾千里矣。惟在句下承當。直信不疑。便能
通身顯露。脫體全彰。諸佛稱性而說。言不虛妄。但
發肯心。必不相賺。此而不信。吾末如之何也已矣。
上長行已竟。

二偈頌。共有一百二十一行。分二。初四行一句。頌
上請答。二有一百一十六行三句。頌上正法說。且

初四行一句。頌上許答。

爾時世尊欲重宣此義。而說偈言。比丘比丘尼。有懷
增上慢。優婆塞我慢。優婆夷不信。如是四衆等。其數
有五千。不自見其過。於戒有缺漏。護惜其瑕疵。是小
智已出。衆中之糟糠。佛威德故去。斯人尠福德。不堪
受是法。此衆無枝葉。唯有諸貞實。舍利弗善聽。

上慢我慢不信。四衆通有。但出家修道得禪。謬謂
聖果。偏起上慢故。近事男挾財勢等。多起我慢故。
近事女智淺偏僻。多起不信故。不自見過者。三失
覆心。藏疵揚德。不自省察。是無慚人也。若自見過。

是有智人也。缺漏者。律儀有失名缺。定共道共有。失爲漏。無道定故。內起惡覺。如玉含瑕。無律儀故。外動身口。如玉露疵。護惜卽覆藏也。覆罪者。恐彰已短。護惜者。恐失利養。小智者。不得學無學智。而有世間小慧。糟酒之滓也。糠米之皮也。五千但有世間禪。而無無漏禪。定潤如糟。但有文字解。而無理慧之實。如糠。喻此衆內。無實智。一向空腹高心。執着聲教。如糟糠之濫於五穀也。今佛開大機顯大用。不向語言中作活計。正欲篩簸糠粃。獨存實仁。彼等見如此之威德。故禮佛而退。故云佛威德。

故去若斯人者。薄福少德。不堪受是一乘之大法也。此衆二句。頌佛自慰。舍利一句。頌許答也。此中缺漏以破器責之。瑕疵以玷病責之。糟糠以不醇粹責之。小智以無大智責之。枝葉以不貞實責之。惟有過故缺漏。缺漏故護惜。護惜是小智。小智是尠福德。尠福德故不堪受大法也。

二有一百一十六行三句。頌上正法說。分二。初七十三行一句。頌四佛章。二四十三行半。頌釋迦章。初四。佛章分四。初三十四行三句。頌諸佛。二二十七行半。頌過去佛。三六行半。頌未來佛。四四行半。

頌現在佛。且初三十四行三句。頌諸佛。然與長行有三異。一彼此互無。長行有歎法無五濁。今頌有五濁無歎法。二前後間出。長行先歎法次不虛開權顯實。今頌先開權顯實後明不虛。三開合不同。長行勸信不虛合說。今分勸信隔於不虛。又長行以釋迦方便。釋諸佛之權。今頌中以釋迦顯一。釋諸佛之實。正顯佛佛道同故也。文分爲五。初五行三句。頌諸佛開權。二十三行。頌諸佛顯實。三五行半。頌諸佛勸信。四九行半。頌諸佛五濁開三。五二行。頌諸佛不虛。且初五行三句。頌諸佛開權。

諸佛所得法。無量方便力。而爲衆生說。衆生心所念。種種所行道。若干諸欲性。先世善惡業。佛悉知是已。以諸緣譬喻。言辭方便力。令一切歡喜。或說修多羅。伽陀。及本事。本生。未會有。亦說於因緣。譬喻。并祇夜。優波提舍經。鈍根樂小法。貪着於生死。於諸無量佛。不行深妙道。衆苦所惱亂。爲是說涅槃。

所得法。卽道場所得權實法也。方便逗機。故言無量。照九法界機。說七方便教。九是所被。教不出七。說七被九。漸令人實。隨何等機。說何等法。遇機便逗。無有一定。故云無量方便力。而爲衆生說。現起。

希望名念。法門不同名種種。心念存於中。事業彰於外也。過去所習名性。現在樂欲名欲。心念不一。事業不一。故云若干。善惡業者。七方便人。傳迭論善惡。先世善惡若干差別。非一緣一喻一方便所能度脫。唯佛權智照了。隨其機宜。說九部法。投其念欲。令其歡喜也。修多羅契經也。伽陀云。孤起不重頌也。本事者。說本昔世界事也。本生者。說本昔受生事也。未曾有者。種種神力。衆生怪未有也。因緣者。一切佛語緣起事。皆名因緣也。譬喻者。月隱重山。舉扇類之。風息太虛。動樹訓之。祇夜云重頌。

優波提舍云論議如上九部言昔施權爲七方便人說也。若十二部。要加方廣。授記無問自說。鈍根下結施權意。前世根鈍。今世無機。不堪聞大。故言不行深等。前世貪着障重。今世衆苦所惱。故唯可聞小。故言爲是說涅槃也。

二十三行。頌諸佛顯實。分二。初三行。頌大事因緣。我設是方便。令得入佛慧。未曾說汝等。當得成佛道。所以未曾說。說時未至。故今正是其時。決定說大乘。我此九部法。隨順衆生說。入大乘爲本。以故說是經。長行先明出世大事因緣。開示悟入佛知佛見。次

明會權歸實。但一佛乘無有餘乘。若二若三。今願會歸之意明顯。開示悟入總以佛說大乘攝之。承上謂此涅槃。是一時權設。非決定說。非真實說。其實潛巧密誘。令人佛之智慧。但不曾說汝等當成佛道。所以未曾說者。根未熟。故時未至。故今之根器既熟。說時已至。乃決定說。真實說。撤去籬籬。直授大乘平等實相妙法。故云決定說大乘也。又當知往昔所說九部之法。皆是隨他意語。非我本懷。九部隨順衆生。入大乘是佛本懷。以是之故。先說此九部經也。

二十行頌會權歸實。

有佛子心淨。柔軟亦利根。無量諸佛所。而行深妙道。
爲此諸佛子。說是大乘經。我記如是人。來世成佛道。
以深心念佛。修持淨戒。故此等聞得佛。大喜充遍身。
佛知彼心行。故爲說大乘。聲聞若菩薩。聞我所說法。
乃至於一偈。皆成佛無疑。十方佛土中。唯有一乘法。
無二亦無三。除佛方便說。但以假名字。引導於衆生。
說佛智慧故。諸佛出於世。唯此一事實。餘二則非眞。
終不以小乘。濟度於衆生。佛自住大乘。如其所得法。
定慧力莊嚴。以此度衆生。自證無上道。大乘平等法。

若以小乘化。乃至於一人。我則墮慳貪。此事爲不可。有佛子下。頌但教化菩薩也。心淨者。不與萬法爲侶。諸塵作對。非若貪着五欲。如癡蠅粘喃。不肯放捨也。柔軟者。調伏柔和。易受化度。非若剛強麤獷。如狂象難調。難伏也。利根者。見鞭影而卽行。非若樂着小法。如駑駘策之不進也。近佛行道。因深緣勝。非若遇佛。不求勝法。當面錯過也。如斯方是大根。方稱佛子。堪受大法。不獨爲說大法。亦復授記成佛。疑云。如此佛子。爲說大法。宜矣。何故又授記耶。答。以深心故。樂修一切善法。念佛故。志求無上。

菩提持戒。故具足清白梵行。若此人者。一聞投記。大喜充身。一肩擔荷。由彼發心。既深念佛。又切持戒。又淨。佛知其心。又知其行。是故爲說大乘。聲聞下。正明會歸。然此大乘平等之法。不說則已。若說此法。無論三乘人。天但得一偈染神。皆得成佛。如伽陀藥。但得沾唇。無疾不瘳。不可有一毫疑慮。存於胸中也。無疑二字。乃喚醒之辭。問佛道懸曠。經劫積行。一偈成佛。何其易耶。答佛性在纏。如神珠之在衣。小向外求。故甚大艱難。今經直指當體。故不求自得。一偈成佛。庸何疑焉。十方下。正頌但以

一佛乘爲衆生說。無有餘乘。若二若三也。諸佛下。頌上諸有所作。常爲一事也。唯此一事。不以小度者。常爲一事之意也。佛自住下。釋上不以小度之意。平等之理。生佛共同。以斯道覺斯民。聖人之任也。不以斯道覺以餘道。豈平等乎。夫道非一人之道。乃天下人之道。欲天下之人。共道於天下之道。斯則以道公人。方稱聖心。豈可獨善而不及他哉。故云。若以小乘法等。

三四行半。頌諸佛勸信。分二。初二行半。舉果勸。若人信歸佛。如來不欺誑。亦無貪嫉意。斷諸法中惡。

故佛於十方而獨無所畏。我以相嚴身。光明照世間。無量衆所尊。爲說實相印。

信根成就。歸敬於佛。載道之良器也。如來二句。謂若信歸我。我則待之以誠。不欺小機。不誑未學。不貪法利。不嫉物勝也。佛心清淨。無明慳垢。衆惡已斷。淨心中說。內心可信也。無畏者。圓證三大位。極四天。萬靈仰德。羣魔歸化。何所畏乎。相嚴等者。卽他受用身。畧說有九十六種大人相。廣說有十蓮華藏微塵數相好莊嚴。洞然無碍。所謂十方世界一時開現也。衆尊者。卽華嚴中諸世間主。有四十

二衆踞足而禮。袒誠致敬。或雨華奏樂。香蓋彌空。稱功誦德。辭流若海。身相炳著。光相端嚴。內無暗惑。外有光明。爲衆所尊。外色可信也。釋論云。諸小乘經。若有無常無我涅槃三印。印之。卽是佛說。修之得道。無三法印。卽是魔說。大乘但有一法印。卽諸法實相。名了義經。能得大道。若無實相印。是魔所說。又一乘實相心印。如世國璽。代代相禪。得此爲眞天子。又將相之權。以印攝事。得者上承王命。下服兆姓。一時無權。法無所施。于佛授受。唯傳心印。得此心已。爲眞佛子。紹佛位。行佛事。威德無畏。

不爲魔壞。未得不爲魔壞者。難矣。

二二行舉因勸。

舍利弗當知。我本立誓願。欲令一切衆。如我等無異。如我昔所願。今者已滿足。化一切衆生。皆令入佛道。本願卽寶藏。佛時所發五百大願也。我昔誓願。非但自誓。菩提亦誓衆生。同入佛慧。今酌誓故說。是亦可信。此舉昔誓。如我下明願滿。問佛初立誓。誓度一切。今衆生尙多。願云何滿。答三世益物。無有窮已。且約一期機熟得度而言。卽名願滿也。

四九行半頌。諸佛五濁開三分。四初一行總明五

濁障大。二六行別明五濁障大。三一行明爲五濁
故說小。四一行半明爲大故施小。且初一行總明
五濁障大。

若我遇衆生。盡教以佛道。無智者錯亂。迷惑不受教。
中含云。劫初光音天下。生世間。無男女尊卑。衆共
生。故言衆生。據最初說也。若攬衆陰而有假名
衆生。據一期受報說也。若言處處受生。故名衆生。
據業力五道流轉說也。正法念經有十種衆生。謂
長短方圓三角青黃赤白紫也。長者在地獄時。身
受無邊苦。心念無邊惡。畜生時。身相吞噉。心相逼

惱鬼時。身若燒山。心如沸鑊。人時。身作不饒益事。心念不饒益事。天時。縱逸嬉戲。不聞正法。是生死長也。短者。在地獄能一念寂靜心取戒。畜能一念靜心歸三寶。鬼能一念心淨諸根。人修六度孝養等。天時捨天樂修梵行。是名短也。方者。如鬱單越於一切物。無我我所。捨身上天。從天又上昇。唯向善處。方楞也。圓者。唯在三途四趣。團圞圓轉。如旋火輪也。三角者。善惡無記三性。在生死中不脫也。青者。恒在黑暗地獄也。黃者。餓鬼饑羸萎黃也。赤者。畜生相噉。遞相流血。赭然也。白者。人天白業善

道如天死。餘天語言。汝生人道去。人死。知識語言。汝向天上去也。紫乃修羅。謂天鬼畜。如紫間色也。衆生以苦惱自煎。諸佛以大悲濟物。悲與苦對。故云相遇。又佛如。衆生如。一如無二如。天性相關。故若遇衆生。教以人天四諦六度等法。我則墮闇惑。慳貪偏僻。止免三途青黃等生死。止出二十五有。非教佛道也。皆令衆生同得實相妙慧。是出世本懷。故云盡教佛道。無智則錯亂修習。迷惑則不受大法。遇則盡教佛道。故五濁不能障大。無智不受。故云障大。

二六行。別明五濁障大。分五。初二行明衆生濁。二
一行明命濁。三一行明見濁。四一行明煩惱濁。五
一行明劫濁。且初二行明衆生濁。

我知此衆生。未曾修善本。堅着於五欲。癡愛故生惱。
以諸欲因緣。墜墮三惡道。輪迴六趣中。備受諸苦毒。
善本者。眞如實相也。不依此種善根。故不感大善。
根劣也。五欲者。色如熱金丸。執之則燒。聲如塗毒。
鼓。聞之必死。香如慙龍氣。嗅之則病。味如蜜塗刀。
舐之則傷。觸如臥師子。近之則噬也。此五能生行。
人樂欲之心。故名五欲。卽諸惡之本。惡業強也。癡。

卽無明愛卽貪愛。從癡有愛。故現生苦惱。後墮三途。衆生沉於六趣者。不出善惡。五戒人。十善天。慳貪鬼。抵突畜生。十惡地獄。瞋恚修羅也。經歷六道。備受苦毒。衆生濁也。

二一行明命濁。

受胎之微形。世世常增長。薄德少福人。衆苦所逼迫。微形有二。一攬四微所成故。二妄認蕞爾之軀故。處胎經云。五位增長。初七羯羅藍。此云凝滑。狀如凝酥。二七遏浦曇。此云疱。狀如瘡。三七蔽屍。此云凝結。狀如就血。四七健男。此云硬肉。漸堅硬故。

五七鉢羅奢佉。此云形位。具諸根形。故經三十八
七日出胎。從生至老死。故云世世增長。薄德二句。
明命濁相也。大福德人。住胎如畫字。香風觸之。漸
漸增長。少福人。臭風觸之。衆苦逼迫。如胎經中說。
又微形者。非胎中微小之形。乃中陰隱微之形。以
生生投胎不斷。故云世世增長也。

三一行明見濁。

入邪見稠林。若有若無等。依止此諸見。具足六十二。
五見交加。如稠林密茂。若有是常見。若無是斷見。
因此二見。生六十二。如外道計。我有四句。謂色卽

是我離色是我色。大我小我在色中。我大色小色在我中。四陰亦然。是爲二十。三世爲六十。并根本斷常。共六十二見。五見中單舉邪者。末世之下。此見多故。今之不禮壇寺。誹謗正法。撥無因果者。是也。

四一行煩惱濁。

深着虛妄法。堅受不可捨。我慢自矜高。諂曲心不實。浮名幻利。認爲真實。故云深着。堅受卽貪也。根本舉貪慢。小隨舉諂。以攝其餘。打自大鼓。豎我慢幢。故云矜高。搖尾乞憐。心意屈曲。故云不實。

五行明劫濁。

於千萬億劫不聞佛名字。亦不聞正法。如是人難度。長時無佛法。人事雜亂。四濁聚時。名劫濁。難度者。五濁障重。不信一乘。則不可度也。別明五濁障大竟。

三一行明爲五濁故說小。

是故舍利弗。我爲設方便。說諸盡苦道。示之以涅槃。此說四諦法也。謂五濁障重。大法難投。不得已而說四諦。方便以漸引之。苦卽苦諦。義合集諦。道卽道諦。涅槃卽滅諦也。

四一行半。明爲大故施小。

我雖說涅槃。是亦非真滅。諸法從本來。常自寂滅相。佛子行道已。來世得作佛。

五濁障大。故說三界惑盡。爲得涅槃。但是方便。則非真滅。無明別惑尚在。變易生死。浩然豈真滅耶。若了諸法從本以來。未曾動着一毫。性自真常。體自寂滅。則爲真滅矣。法雖本寂。若不修道。無由契會。故云佛子行道已。來世得作佛。上諸佛五濁開三竟。

五二行。頌諸佛不虛。

我有方便力。開示三乘法。一切諸世尊。皆說一乘道。
今此諸大衆。皆應除疑惑。諸佛語無異。唯一無二乘。
先明釋迦開三。次明諸佛顯實。今此下正明不虛。
前權後實。巧爲五濁。施此方便。誠言不虛。勿生疑
也。初頌諸佛章已竟。

二有二十七行半。頌過去佛章。此章廣明微因小
善。皆成佛道。正顯一言一句。無非一乘之緣。一香
一華。無非菩提正因。二乘何不自省。又未來未至。
現在始行。構之虛言。不若驗之實事。故於過去廣
明。只要二乘自信作佛耳。分二。初三行。畧頌開顯。

過去無數劫。無量滅度佛。百千萬億種。其數不可量。如是諸世尊。種種緣。譬喻。無數方便力。演說諸法相。是諸世尊等。皆說一乘法。化無量衆生。令入於佛道。初二行開。三人時各異。氏族不等。不可以數量思量。能知之者。是諸下顯一。

二二十四行半。廣頌開顯。分二。初一行半。總明方便助顯。

又諸大聖主。知一切世間。天人羣生類。深心之所欲。更以異方便。助顯第一義。

正因佛性。卽第一義。若用圓妙正觀。則是實相方

便不稱爲異。今用五乘七方便而助顯之名異方便。卽下六度小善稱名供像等。六度乃正行云。何爲異。以第一義中。卽佛之一字以爲異耳。良由衆生樂欲不同。故諸佛方便有異。然方便雖異。助顯則同。旣顯實已。此異非異。殷勤稱歎。正由於此。二有二十三行。別明開顯之相。分二。初二十二行。約衆善顯緣因功德。二一行。約聞經顯了因功德。初分七。初二行約六度明開顯。二一行約悲戀心明開顯。三四行半約供舍利明開顯。四三行約造佛像明開顯。五三行半約畫佛像明開顯。六七行

約供塲像明開顯。七一行約稱佛名明開顯。且初二行約六度明開顯。

若有衆生類。值諸過去佛。若聞法布施。或持戒忍辱。精進禪智等。種種修福慧。如是諸人等。皆已成佛道。正因佛性。生佛體同。幻障若深。永不值佛。得值佛者。則是內因力強。得感出世之緣。然其深心所欲不同。所以諸佛說法亦異。在彼一時。或聞頓法。或聞漸法。或修布施等。或單修一法一行。或兼修餘法餘行。或專或助。種種不同。故云種種修福慧。前五爲福。後一爲慧。如是下開顯。由今觀之。皆已成

佛矣。此中聞法智慧。似宜屬於了因。讓後聞法華。故但屬緣因也。

二一行約悲戀心明開顯。

諸佛滅度後。若人善軟心。如是諸衆生。皆已成佛道。承上不但值佛聞法修行者成佛也。卽諸佛滅後。能於如來起悲戀心。一念之間。捨惡從善。化剛爲柔。在彼一時。似屬人天二乘。由今觀之。已成佛矣。三四行半。約供舍利明開顯。

諸佛滅度已。供養舍利者。起萬億種塿。金銀及玻璃。磗礫與碼碯。玫瑰琉璃珠。清淨廣嚴飾。莊校於諸塿。

或有起石廟。栴檀及沉水。木栴并餘材。磚瓦泥土等。若於曠野中。積土成佛廟。乃至童子戲。聚沙爲佛塿。如是諸人等。皆已成佛道。

文中先造七珍八寶塿。次造香木凡材廟。承上不。但悲戀心者成佛。卽諸佛滅後。碎身若干。是諸人等。爲供舍利而起塿。爲供肖像而起廟。隨人力之大小不等。其嚴飾有精麤。文質不同。如金銀以至木栴。玫瑰以至磚瓦。差別不可盡言。事業則殊。敬心則同。乃至積土爲廟。聚沙爲塿。童戲無心。功不唐捐。在彼一時。則謂功德。或大或小。或有或無。由

今觀之。資一簣之因。成嶒嵯之勢。皆已成佛矣。玻
瓈。西方水玉也。玫瑰石珠也。說文火齊珠也。徐氏
曰。火齊象珠赤色。起之層層各異。長安有木名櫛。
亦任造像。情鬪未開。純和未喪。曰童子。乃未冠之
稱。如牛無角。山無艸。亦名童。按佛示滅。既荼毘後。
大迦葉言。如來舍利非我等事。自有國王大臣長
者居士等。樂福田者。廣修供養。我等事者。宜應結
集三藏。勿令正法速滅。由此觀之。迦葉傳佛心印。
以先務爲急。人天樂種福田。以供養爲先。就彼修
供養時。所發三乘五乘之心願不同。而過去佛之

方便力故。久久之後。未有不歸於佛道者。又經中造塏之法。如來十三級。支佛五級。四果如位。輪王無級。級者輪相也。今時人動輒起塏。以凡濫聖。爲戾不輕。語云。君子愛人以德。縱合弟子敬師。豈可陷師於濫聖之罪。又縱令死者冥冥。寧不顯生者之碌碌耶。

四三行約造佛像明開顯。

若人爲佛故。建立諸形像。刻雕成衆相。皆已成佛道。或以七寶成。鍮鈿赤白銅。白蠟及鉛錫鐵木。及與泥。或以膠漆布。嚴飾作佛像。如是諸人等。皆已成佛道。

承上文不但供舍利起塲廟者成佛。卽隨用何物。建立形像者亦成佛矣。或刻木爲形。雕鉛爲像。或聚寶銅而溶。或搏土泥而塑。成之以膠漆。繪之以衆彩。物有精麤。價有高低。心有誠否。願有遠近。在彼一時。功德似乎有大有小。由今觀之。已皆成佛矣。鍤鉛黃銅似金。膠漆卽脫沙像。優婆塞戒經。造像不許用膠。得失意罪。此經用者。古師云。外國用樹膠耳。有云大豆汁可代膠清。造像功德經。有十。一種功德。一者世世眼目清潔。二者生處無惡。三者常生貴家。四者身如紫摩金色。五者豐饒珍玩。

六者生賢善家。七者生得爲王。八者作金輪王。九者生梵天壽命一劫。十者不墮惡道。十一者後生還尊敬三寶。又云。若人臨終發言造像如麩麥。能除三世八十億劫之罪。

五三行半約畫像明開顯。

彩畫作佛像。百福莊嚴相。自作若使人。皆已成佛道。乃至童子戲。若艸木。及筆。或以指爪甲。而畫作佛像。如是諸人等。漸漸積功德。具足大悲心。皆已成佛道。但化諸菩薩。度脫無量衆。

承上不但造佛像者成佛。卽畫像者亦然。至於肖

影於帛。指畫於地。自作使人。乃至童戲。誠敬不等。皆出作者之妙意。三寶功德。純是諸佛之悲願。在彼一時。則謂功德。或有或無。由今觀之。小善起於衆生之事迹。印於藏識。永爲菩提之果種。已成佛矣。但化二句。明成佛化他事。

六七行約供塏像明開顯。

若人於塏廟。寶像及畫像。以華香。幡蓋。敬心而供養。若使人作樂。擊鼓吹角。貝。簫。笛。琴。箏。篪。琵琶。鐃。銅。鈸。如是衆妙音。盡持以供養。或以歡喜心。歌。頌。佛德。乃至一小音。皆已成佛道。若人散亂心。乃至以一華。

供養於畫像。漸見無數佛。或有人禮拜。或復但合掌。乃至舉一手。或復小低頭。以此供養像。漸見無量佛。自成無上道。廣度無數衆。入無餘涅槃。如薪盡火滅。承上不但起塏廟造像畫像者成佛。卽於塏廟竇像畫像之前。修諸供養。皆得成佛。貝者大螺也。簫者虞舜所造。編小管爲之。參差不齊。象鳳之翼。今謂笙非也。臨川王氏曰。大者二十三管。長一尺四寸。小十六管。長一尺二寸。又有洞簫。無底者之稱。又簫者肅也。其聲肅肅而清也。說文笛七孔。羌笛三孔。武帝時丘仲所作。笛者滌也。滌除邪穢。納之

雅正。長一尺四寸。琴者神農所作。長三尺六寸。象
筭之。日廣六寸。象六合。五絃象五行。腰廣四寸。象
四時。前廣後狹。象尊卑。上圓下方。象天地。十三暉
象十二月。餘一象閏。後文王加文武二絃。亦名少
宮。少商。琴乃禁也。乃制邪淫。正人心之樂也。箏篪
師延所作。靡靡之樂也。後出於桑間濮上之地。蓋
空國候之所存也。其形小似鼓。顛。今太廟有之。琵琶
長三尺五寸。象三才五行。四絃象四時。手前推
曰琵琶。手後推曰琴。頌此云讚頌。卽梵音也。供像功
德。獻以香華。奏以伎樂。頌頌一音之小。散心一華。

之誠。或珍重肅容而禮拜。或倉卒高率而低頭。雖敬有輕重。發心是一。無心之緣而積有心之因。有爲之作階於無漏之果。在彼一時。則謂功德必有差別。由今觀之。已皆成佛。非但自成佛道。亦能化度衆生。人於涅槃。子果縛盡。名無餘。機薪旣盡。應火云亡。故云薪盡火滅。

七一行約稱佛名明開顯。

若人散亂心。入於塔廟中。一稱南無佛。皆已成佛道。承上不但五塵三業供塔像者成佛。卽散心稱名亦成佛矣。南無此云歸命。亦云度我。亦可云敬從。

西國有事天像者。以金爲頭。盜來取之。不能稱南。無佛。便取去。明日衆謂天像失頭。便是無天。天附人曰。盜稱南無佛。諸天驚動。是故失頭。衆曰。天不如佛。隨事佛。盜稱一聲。尙得天頭。況賢者稱佛名乎。如人持一石置水。必沒無疑。若持百石置水。必不沒。有惡人一死。必墮地獄。如石置水。臨終念佛。得生西方。如舡力。故使石不沒。而到彼岸也。又佛世一老人。求五百上座度。觀宿世無善根。不許。佛後度之。證羅漢。上座問言。此人云何度證。佛言。此人於無量劫前。入山採薪。遇虎懼念佛一聲。善根

成熟所以得度。由其別無他善。久流生死。劫數長遠。故非聲聞道眼所知。既證羅漢。必成無上菩提明矣。夫散心稱名。既已成佛。況一心不亂哉。一念相應。一念佛。一日相應。一日佛。是心作佛。是心是佛。信然。上約衆善顯緣。因功德竟。

二一行約聞經顯了因功德。

於諸過去佛。在世或滅後。若有聞是法。皆已成佛道。是法指法華開顯之法也。上來六度乃至像教。供養乃至稱名。並是諸佛以異方便助顯真實。尙得聞之成妙緣因。況復此經正顯真實。若有聞者。卽

了因種。寧不成佛。在世者。及門膾炙其口。滅後者。私淑受學於人。聞廣聞畧。得文得義。至心散心事。非一槩。亦得義論五乘差別。一歷耳根。永爲道種。若遠若近。終因斯脫。未有一人不成佛者。此諸佛眞實語。不可不信。上過去佛竟。

三六行半。頌未來佛章。分二。初一行開三。

未來諸世尊。其數無有量。是諸如來等。亦方便說法。
二五行半顯一。分三。初一行半正明顯一。二一行
明佛本願。三三行重明開顯。且初一行半。正明顯
一。

一切諸如來。以無量方便。度脫諸衆生。入佛無漏智。若有聞法者。無一不成佛。

此中方便。卽該前章緣。因功德聞法。卽攝前章了。因功德。無漏智。卽一切種智也。

二一行明佛本願。

諸佛本誓願。我所行佛道。普欲令衆生。亦同得此道。三三行重明開顯。

未來世諸佛。雖說百千億。無數諸法門。其實爲一乘。諸佛兩足尊。知法常無性。佛種從緣起。是故說一乘。是法住法位。世間相常住。於道場知己。導師方便說。

初一行明開權終歸一實百千等指五乘七方便一切權說其實一句出說權之意說雖在權意本在實次偈釋上說一乘以唯一性故謂若有二性容有兩乘既唯一性故說一乘耳知法常無性者知卽證知法卽所證知法謂色心等一切諸法也常無性者所證理也卽如無性理覺諸法故云何無性謂色心等從本已來性相空寂非自非他非共非離湛然常寂故曰無性而言常者謂有來卽無非推之使無故曰常無性卽無相性無性性也佛種從緣起者有二義一約因種卽正因佛性故

涅槃經云。佛性者。卽是無上菩提中道種子。此種卽前常無性理。涅槃又云。佛性者。卽是第一義空。無性卽空義也。緣卽六度萬行。是緣因佛性。起彼正因。令得成佛。是故說一乘者。唯以佛性起於佛性。更無餘性。故說一乘。稱理說也。體同曰性。相似名種。故關中云。如稻自生稻。不生餘穀。此屬性也。葫榦華粒。其類無差。此屬種也。二果種性。關中云。佛報唯佛。其理不差。卽性義也。說法度人。類皆相似。此種義也。果之種性。緣眞理生。故云從緣起。佛緣理生。理旣無二。是故說一乘耳。意謂證理成佛。

稱理說一也。後偈重釋前偈。言是法者。卽前所知之法。所以常無性者。由住眞如正位故。以緣生無性。緣起卽眞。由卽眞故。上云無性。言法位者。卽眞如正位。故智論說。法性法界法住法位。皆眞如異名。世法卽如。故皆常住。謂因乖常理。成三界無常。若解無常之實。卽無常而成常矣。常與無常。二理不偏。故涅槃況之二鳥。今於道場。證知一切世間無常。卽眞常理。猶懸鏡高堂。萬像斯鑒。二而不二。不可言宣。以方便力。假以言說。一尙假說。況有二三。清涼云。上法字指諸法。下法字指眞如。言一切

諸法皆住眞如正位理中。既住於中。全體卽如。性常相亦常。故云世間相常住。卽諸法如義也。前解依此。肇法師云。皆指諸法。一切諸法。皆住法之自位。以緣生無性。一剎那間。此法生。卽此法滅。無容遷至餘處。昔不至。今不至。昔。此不至。彼。彼不至。此。豈非法住法位乎。上未來佛章竟。

四有四行半。頌現在佛章。分三。初一行半。標出世意。二一行頌顯實。三二行頌開權。且初一行半。標出世意。

天人所供養。現在十方佛。其數如恒沙。出現於世間。

安隱衆生故亦說如是法。

此章應上長行先標出世意現在既爾過未亦然。

二一行頌顯實。

知第一寂滅以方便力故雖示種種道其實爲佛乘。

知卽證也寂滅卽所證理也。

三二行頌開權。

知衆生諸行深心之所念過去所習業欲性精進力及諸根利鈍以種種因緣譬喻亦言辭隨應方便說知衆一句卽種種所行道也深心一句卽衆生心所念也過去一句卽先世善惡業也欲性二句卽

若干諸欲性也。應機隨欲。法門不一。故云種種等。總上七十三行一句。頌四佛章已竟。

二有四十三行半。頌釋迦佛章分二。初二行總頌開權顯實。二四十一行半。別頌開顯六義。初又二。初一行頌顯實。

今我亦如是。安隱衆生故。以種種法門。宣示於佛道。例上四佛。同是先權後實。故云亦如是。安隱者。卽大涅槃常樂住處。此處寂靜。無五濁障。故名安隱。卽對不安隱言。謂三界有五濁障。名不安隱。衆生卽五道受化之徒。五濁八苦。旣不安隱。如來出世。

挽回世道。憂世憂民。安隱此衆耳。種種法門。權也。佛道實也。本以一門利物。事不獲已。施種種法門。施權之意。本在顯實。故云宣示佛道。

二一行願開權。

我以智慧力。知衆生性。欲方便說諸法。皆令得歡喜。智慧力者。卽權智力也。衆生性。欲卽五道根性。有三乘差別。諸法卽三乘法也。知衆生者。鑑小機也。方便說者。正施權也。令得喜者。隨宜稱機也。二偈雖畧。收一代開權顯實。原始要終。罄無不盡。故稱畧願。

二四十一行半。廣頌開顯六義。分六。初四行頌五濁。二十七行半。頌施權。三六行。頌顯實。四五行半。頌歎法希有五。二行半。頌不虛。六六行。頌揀僞。敦信。且初四行。頌五濁。

舍利弗當知。我以佛眼觀。見六道衆生。貧窮無福慧。入生死險道。相續苦不斷。深着於五欲。如犛牛愛尾。以貪愛自蔽。盲瞶無所見。不求大勢佛。及與斷苦法。深入諸邪見。以苦欲捨苦。爲是衆生故。而起大悲心。我以一句。明能見之眼。佛眼觀者。准下文長者。在門外立。應是法身地上。以常寂佛眼。圓照法界也。

又天眼通非碍。肉眼碍非通。法眼能觀俗。慧眼了
真空。佛眼如千日照異體。還同若觀色。法應用天
眼。分別根機。應用法眼。云何言佛眼耶。謂佛眼圓
通。舉勝以該劣耳。又四眼入佛。皆名佛眼。見六下
明所見五濁。見六二句。衆生濁也。貧窮等爲衆生
濁者。貧故由無福。癡故由無慧。癡貧衆生。聚在一
處。故名爲濁。入生死二句。命濁也。生死險道。卽六
道也。衆生踐之。如臨深履薄之險。何以知之。以功
名觀之。朝視廟堂。暮謫海嶺。以身命觀之。昨夜晝
堂。今朝黃壤。以三世觀之。生在人天。死墜惡道。豈

非險乎。世人不思曲突之防。自速焚燹之患。既造有漏之因。必致無常之果。生死相續。如旋火輪。故云苦不斷。深着四句。煩惱濁也。犛牛者。獸如牛。而尾長。眼被毛塞。所見不真。故云盲瞑。說文云。西南夷長犛牛。牛愛其尾。就身護尾。人愛其尾。故殺其身。喻人貪五欲。一味愛着。終害其身。其猶牛之愛尾而墮坑害身也。不求二句。刮濁也。佛有勢力。法能斷苦。不求佛。不聞法。不近僧。亦在其中矣。衆濁交湊。如水奔昏。世衰道喪。人心澆漓。故名爲濁。又終日業識。不求自己天真。禪定脫苦。不求靜慮省。

察也。深入二句見濁也。六十二見故名爲諸塗灰
裸形糞穢先人之遺體牛狗等戒自甘畜生之常
食將此苦行無利勤修欲望捨苦反得苦報行苦
因而希出苦者豈可得哉。爲是二句明大悲赴應
爲五濁衆生大悲熏心應入三界施設方便引趣
佛慧也。

二十七行半。頌施權分二。初六行半。念用大乘擬
宜不得。二十一行。念同諸佛三乘隨宜。初二初
一行半。大乘擬宜。二三行。衆生無機。三二行。念欲
息化。且初一行半。大乘擬宜。

我始坐道場。觀樹亦經行。於三七日中。思惟如是事。我所得智慧。微妙最第一。

至理無時。假時化物。約此番爲化之初。故言始。道場在摩竭提國。去泥連河不遠。佛初在此處修治得道。故言道場。坐此樹下。得成菩提。故名道樹。感樹恩。故觀察念地德。故經行。樹地無有分別。豈須報恩。未會有經云。只以通化傳法爲報恩耳。擬此卽不離菩提樹。上昇忉利天等。塵塵刹刹。皆有盧舍那佛。主伴重重。演大華嚴時也。於三七日下。道成養澤之時。欲以大法擬宜衆生也。過去因果經

云佛成道初。一七日思惟我法妙無能受者。二七
思惟衆生上中下根。三七日思惟誰應先聞法。卽
至波羅柰。爲五人說四諦等。我今所得之智慧。固
非世間聰明之所能知。此是般若之實智實慧。微
妙難入。於世出世間。爲勝爲最勝。爲上爲無上。爲
等爲無等等。是第一希有難解之法。豈以世智辨
聰而能彷彿領畧者哉。教我如何說。問於人也。
二。三行衆生無機。分二。初一行。障重不堪聞大。
衆生諸根鈍。着樂癡所盲。如斯之等類。云何而可度。
諸根卽六根也。若眼根利。卽以色塵發揮而引度。

之。餘五可知。諸根若利。我卽頭頭法法。發揮此理。其柰衆生諸根暗鈍。何貪着世樂。五欲所纏也。癡愛所盲。無明所翳也。以微妙之大法。投鈍根之小機。如方木不逗圓孔。以第一之智慧。訓癡盲之衆生。猶揭鼓而求亡子。法不投機。說置兩難。故曰如斯之等類。云何而可度。云何二字。正世尊思惟擬度也。

二二行梵王請佛說法。

爾時諸梵王。及諸天帝釋。護世四天王。及大自在天。并餘諸天衆。眷屬百千萬。恭敬合掌禮。請我轉法輪。

此中悉准大通時。十方梵王請法之儀。如來自述。故不煩文。若據四天下。只一梵王爲三界天主。今云諸梵王者。如來統御大千。有百億四天下。則有百億梵王。故名爲諸。若論請法。正在初禪三界天主也。諸梵雖請說大。佛知無機。所以不說。如何得知請大。據下佛言。但讚佛乘。故知請大也。上衆生無機竟。

三二行念欲息化。

我卽自思。惟若但讚佛乘。衆生沒在苦。不能信是法。破法不信。故墜於三惡道。我寧不說法。疾入於涅槃。

我卽下明無機。此二七思惟。我若卽轉最上法輪。衆生正沒苦海。順其法則法不應機。順其機則機不達法。無機強毒。聞必不信。起謗破法。墮落三途。是說法無益而反有損也。我寧二句。正欲息化。我寧者。願詞也。如云寧可如此。思惟至此至矣。盡矣。故出此絕歎之辭。已矣乎。我寧不說法乎。我卽速尋入於涅槃乎。我寧捨此衆生不度而息化者乎。如仲尼浮海之歎。此科爲下施權張本。念用大乘擬宜不得竟。

二十一行。念同諸佛三乘隨宜。分二。初十行明化

得。二一行釋疑。初又分四。初一行明三乘擬宜。二
六行半明有小機。三一行半正明施化。四一行明
受行悟入。且初一行明三乘擬宜。

尋念過去佛。所行方便力。我今所得道。亦應說三乘。
非不知開三。欲憲章諸佛。故尋念也。仍念雖無大
機。不容永捨。要以方便濟度。應說三乘教法。

二有六行半明有小機。又分二。初四行半。明諸佛
讚善。

作是思惟時。十方佛皆現。梵音慰喻我。善哉釋迦文。
第一之導師。得是無上法。隨諸一切佛。而用方便力。

我等亦皆得。最妙第一法。爲諸衆生類。分別說三乘。少智樂小法。不自信作佛。是故以方便。分別說諸果。雖復說三乘。但爲教菩薩。

作是思惟三句。是佛自敘佛現也。初七循已所得之法。微妙難投。故諸佛不現。二七循人根鈍難信。諸佛亦不現。三七忘其人已。上循諸佛。下化衆生。佛佛道同。爲實施權。雅合諸佛本懷。故皆現耳。善哉下。是諸佛之言。上欲大化於彼。無機故諸佛不讚。今欲說小。曲會根緣。則始終得度。所以歎善也。釋迦是姓。此云能仁。淨名疏云。天竺語釋迦爲能。

文。文爲儒義。卽名能儒。爲一說。三引入佛慧。卽爲第一導師。無上法。卽寶智微妙第一也。用方便者。隨十方佛。以方便法。巧逗衆生也。此正歎釋迦能隱實施權。我等四句。諸佛明自己。亦隱實施權。所得是一。爲衆生說三也。少智四句。明隱實施權。所以謂衆生少智。不自信作佛。所以隱實爲樂小。所以施權。分別說諸果者。人天三乘果報。皆權巧分別。引諸童蒙耳。雖復二句。結顯本懷。雖復說三。終爲顯一。在機有三乘之別。在佛但教菩薩耳。

二二行明釋迦耐順。

舍利弗當知我聞聖師子深淨微妙音稱南無諸佛復作如是念我出濁惡世如諸佛所說我亦隨順行我聞下發言耐順一聞諸佛歎善卽耐曰南無諸佛此用敬從義復作下念順物機濁惡之世大法難投隨順諸佛方便說三此明不得已而說三非佛本懷也上明有小機竟

三一行半正明施化。

思惟是事已卽趣波羅柰諸法寂滅相不可以言宣以方便力故爲五比丘說。

波羅柰卽鹿野苑之境號婆沙云有河名波羅柰。

去其不遠。造立王城。中印土境。或翻江繞城。亦云鹿苑。諸法寂滅相者。卽中道實相無性之理。以諸法一如。體自寂滅。性自眞常。本不可以言語宣示。今以方便力故。作三乘之談。佛念五人當往先度。故至此爲五人。三轉四諦法輪。五人者。一陳如。二十力迦葉。爲母族二人。三阿濕波。四跋提。五摩訶男。拘利。爲父族三人。往世饑饉。佛爲赤目大魚。五人爲木匠。先取魚肉。故今先度。

四一行明受行悟入。

是名轉法輪。便有涅槃音。及以阿羅漢。法僧差別名。

流演圓滿曰輪。自我至彼曰轉。轉佛心中化他之法。度入他心。名轉法輪。陳如初得初果。卽斷見惑。分證滅諦。亦是分得有餘涅槃。涅槃之音起自於此。由此得成無學。便有羅漢之名。能說者名佛。所說者卽法。初果羅漢名僧。三寶差別之名。於是現於世間也。功成妙智。道登圓覺。佛寶也。玄理幽微。正教精誠。法寶也。禁戒守真。威儀出俗。僧寶也。此三爲四生導首。六趣舟航。故名爲寶。此中是名便有。及以差別名等字面。是世尊提醒二乘。何不自已忖量。從昔已來。所聞之法。所證之果。爲真耶。僞

耶以中道實相。性相湛然。元無差別。若謂有佛頭。上安頭。眼中金屑。若謂有法。好肉剝瘡。虛空釘橛。若謂有僧鉢。孟安柄爲蛇添足。何不改途移轍。造詣於無差無殊。不生不滅。非卽非離。一乘中道之實相乎。上化得竟。

二一行釋疑。

從久遠劫來。讚示涅槃法。生死苦永盡。我常如是說。此一偈釋二疑。恐疑師云。佛初未能鑑機。尋念諸佛。始知根性。卽釋云。非我不知用於方便。特欲引同。故念諸佛。非始念方知。從久遠劫來。見其樂小。

已爲讚示令盡諸苦所以聞小卽得解脫也又疑
弟子云何故衆生一世暫聞卽證羅漢卽釋云從
久遠劫來爲其讚小稱於本習故速得道果也久
遠指大通結緣之後故下云父知諸子先心各有
所好也上頌施權竟

三六行頌顯實分四初二行大乘機動二二行一
句明佛歡喜三三句正明顯實四一行受行悟入
且初二行大乘機動

舍利弗當知我見佛子等志求佛道者無量千萬億
咸以恭敬心皆來至佛所曾從諸佛聞方便所說法

亦名索果。由機發故。索果。索果由於機發。應有四句。自有障除。機未發。如諸羅漢在昔教時。以樂小故。濁障雖除。大機鈍。故妙機未發。自有障未除。大機發。如法華中諸凡夫等。雖未斷結。以大根利。故機發。自有障。卽除機。卽發。如說無量義時。證小果。卽於此座。大機發。自有障未除。機未發。如五千退席等是也。志求佛道。卽索大果。索有三意。一大機有感果之義。機中論索。二情中密索。如身子云。爲得爲不得。三發言索。卽殷勤三請是也。昔教機情。今經發言。咸以恭敬二句。卽四衆圍繞等。如身子

請云。諸天龍神等。乃至合掌以敬心。欲聞具足道也。曾從二句。身子請云。無數衆生。曾見諸佛。又如我等比等。下文二萬億佛。曾受教化。若約一化言。阿含方等般若。具歷諸教。調熟。故云。曾從諸佛聞。方便所說法也。

二二行一句。明佛歡喜。

我卽作是念。如來所以出。爲說佛慧故。今正是其時。舍利弗當知。鈍根小智人。着相憍慢者。不能信是法。今我喜無畏。

作念由求佛道。佛慧卽一切種智。佛知見也。爲佛

慧故出現於世。昔障重無機，不得卽說佛慧。中間障雖除，無機又未得說。今機發求大，正是說時。故云：今正是說大乘之時也。舍利下釋昔未是說時，以昔日根鈍智小，着相凡夫，具大憍慢，不能信受。一乘大法，恐其謗法墮惡，故未是說。時今諸佛子，旣以恭敬會從佛聞，則知根利智大，不着相，不憍慢，能信此法，堪得大乘利益，故喜無畏，喜其方稱本懷，不畏機小，謗大起罪墮惡故。

三三句正明顯實

於諸菩薩中，正直捨方便，但說無上道。

五乘七方便。是曲而非直。是偏而非正。今捨彼曲偏之方便。但說正直一乘無上道也。

四一行受行悟入。

菩薩聞是法。疑網皆已除。千二百羅漢。悉亦當作佛。初聞久後。眞實三乘方便。菩薩羅漢動舊執。起新疑。今菩薩聞法除疑。非獨菩薩羅漢亦爾。二乘投記成佛。菩薩亦爾。未有成佛不除疑者。未有除疑不成佛者。互影耳。聲聞成佛。法華以前未之聞也。始自今日。自出定已來。東語西語。引例攀條。只爲此一語耳。上顯實已竟。

四五行半頌歎法希有

如三世諸佛說法之儀式我今亦如是說無分別法諸佛興出世懸遠值遇難正使出於世說是法復難無量無數劫聞是法亦難能聽是法者斯人亦復難譬如優曇華一切皆愛樂天人所希有時時乃一出聞法歡喜讚乃至發一言則爲已供養一切三世佛是人甚希有過於優曇華

如三世下頌如是妙法如三世者引同諸佛用權權是引物之儀式無分別法者引同諸佛顯實實則言語道斷豈存儀式權實本無分別爲鈍根小

智分別權實名爲儀式。今還悟入一三不二。卽知說三一無分別法也。諸佛皆爾。何獨我耶。又說法儀式卽是先權後實之規模。妙法必待時而說也。我今亦如諸佛先三後一之儀式。說無分別之妙法也。諸佛興下。頌時乃說之。如華時一現耳。諸佛出世。生在前後。值遇甚難。如一眼之龜。值浮木孔。懸遠者。如諸梵王云。一百八十劫空過。無有佛等。又釋迦去後。過五十六萬億歲。彌勒方出世。豈不懸遠乎。久久懸遠。時有佛出。此舉佛難。正使二句。舉法難。縱佛出世。衆生根器不等。未必就說此法。

四十年來久默斯要節節調停至今方說無量二句聞法難法音盈耳五千越席聞法豈不難乎能聽二句能聽人難法會大衆身子先達中下之機雖聽未了猶待後說以上四難舉華喻之此華非時不現現則維其時也時時猶久久也又此法待時而說此華待時而現故云時時乃法喻雙舉聞法下舉聞法之人合喻此中一言讚歎過於曇華之希有下文謗斯經者三途苦報可不慎諸

五二行半頌不虛

汝等勿有疑我爲諸法王普告諸大衆但以一乘道

教化諸菩薩。無聲聞弟子。汝等舍利弗。聲聞及菩薩。當知是妙法諸佛之秘要。

初六句。勿於可信人生疑。夫爲人王者。言則不二。佛爲法王。豈容虛說方便。可是權假。真實寧應是妄。聞法王說法。勿生疑也。次四句。勿於可信法生疑。四十餘年。蘊在佛心。他無知者。名之爲秘。一乘直道。總攝萬途。故言要秘要之法。當信勿疑也。

六六行。頌揀僞敦信。分二。初三行。揀僞。

以五濁惡世。但樂着諸欲。如是等衆生。終不求佛道。當來世惡人。聞佛說一乘。迷惑不信。受破法。墮惡道。

有慚愧清淨志求佛道者當爲如是等廣讚一乘道。以五濁下四句頌揀非佛弟子何者若樂諸欲是行魔業故須揀之長行着涅槃尙非弟子此中着生死那是佛弟子互揀非耳不求佛道者頌上揀增上慢未得上法謂得上法是故其人終不求佛道也當來世四句頌如來滅後解義者難得不善之人勿爲說也五濁爲欲所迷聞法多不信受無益有損默之則宜有慚愧四句頌若遇餘佛便得決了志求佛道爲說一乘善人當爲說也慚愧者自咎自責如云我乃堂堂丈夫云何甘爲下劣也。

慚愧清淨之人孳孳求道得此良機理應告示不
失人不失言其庶幾乎

二 三行敦信

舍利弗當知諸佛法如是以萬億方便隨宜而說法
其不習學者不能曉了此汝等既已知諸佛世之師
隨宜方便事無復諸疑惑心生大歡喜自知當作佛
初六句敦信於權諸佛法如是者結上秘要先以
萬億方便然後乃示真實方便之教盡是隨宜而
說一乘之宗却是本懷之旨其或不能習學如來
權實之典必不曉了開權顯實之說故云其不習

學不能曉了。正是惡人聞不信受也。兼對習學者。能曉了。正是慚愧善人志求佛道也。汝等六句。敦信於實方便施權。正爲於實權實無疑。自知作佛下身子云。我定當作佛。蓋領此語也。自放光已來。諄諄至此。無非叮嚀此事。要在當機。自肯一言之下。回頭轉腦。諸佛知見全體現前。其於如來智慧。不勞肯綮矣。何喜如之。自知二字。最爲捷要。卽悟入佛知佛見。若不自知自證。雖佛大慈亦未如之。何上正法說已竟。

妙法蓮華經大成卷第二終

妙法蓮華經大成卷第三

金臺卽山居後學大義集

妙法蓮華經譬喻品第三

此爲中根人說譬喻也。佛云諸有智者以譬喻得解。故立品名。法說五段。未竟今品。安於此者。經家調卷故。譬者比況也。喻者曉訓也。託此比彼。寄淺訓深之謂。前法說作三乘一乘之談。廣明五佛開三顯一之旨。上根利智。圓聞獲悟。中下之流。抱迷未遣。大悲不已。巧智無邊。動樹訓風。舉扇類月。使其悟解。後文以三車一車之淺。比三乘一道之深。

以至易而顯至難以至小而況至大故云譬喻又
以世法比出世法因於曾有聞未會有踊躍歡喜
如經世間父子比出世師弟是世界悉檀以世間
生法比出世間生法使蒙佛音教不失大乘如經
父知諸子先心各有所好珍玩之具是爲人悉檀
世法者資具也故云珍玩出世法卽三乘法生善
中最以世滅法比出世滅法雖得諸無漏聞亦除
憂惱如經我爲其父應拔其苦難令免燒煮是對
治悉檀世滅者火災免也出世滅者斷惑也無漏
指昔除憂指今拔其苦難本在等與大車以世不

生滅比出世不生不滅令其安住實智中。我定當作佛如經乘是寶乘直至道場。是第一義悉壇世不生滅者大車也。父之本有故不生。至處不壞故不滅。出世不生不滅者性德本有故不生。修得常果故不滅。佛以一音說於譬喻。巧令中下得四悉益。故名譬喻品。且道靈山高會。誰爲上中下哉。當知大聖設教。不爲聖賢說也。只緣衆生根有利鈍。惑有厚薄。修有勤怠。種種不同。所以諸尊者或以法領。或以喻解。或以因緣明者。無非簧鼓斯道。利益末世一切衆生也。

二身子領解分二初經家敘置

爾時舍利弗踊躍歡喜卽起合掌瞻仰尊顏而白佛
言

文中內喜外儀持詞白佛三業虔誠也內解在心
名喜喜動於形名踊躍從妙人聞妙法得妙解開
佛知見故踊躍歡喜有不知其所以然而然也文
云今從世尊等內外和合致此歡喜卽世界改小
學大棄貧事艸庵受富豪家業今日乃知真是佛
子是故歡喜卽爲人憂悔雙遣疑難並除內外妨
障廓然大朗文云我已得漏盡聞亦除憂惱是故

歡喜卽對治。又佛子所應得者皆已得之。文云安
住實智中。我定當作佛。是故歡喜。卽第一義。瞻仰
尊顏者。無邪餘思念。眷戀佛恩也。又住後初行初
地。皆名歡喜。身子上根利智。必是超入之歡喜。

二身子自陳。有長行偈頌。長行分五。初總標聞法
得解。二明昔日之失。顯今日之得。三明昔日之疑
顯今日之解。四明昔日疑悔。今日疑悔盡斷。五結
成。領解自肯承當。且初總標聞法得解。

今從世尊聞此法音。心懷踴躍。得未曾有。

今從二字。形昔日之侍從也。從昔已來。或從舍衛

往還或從王舍乞食或山林樹下經行或祇桓精舍行道佛住一乘實相二乘皆住小道之中但從其形未從其心也今者默契實相雅合聖意今日之從從佛心也法音卽聲聞成佛之法音未曾有者喜其得於未得之道也然此理本來固有饑飡渴飲何曾離了片時只因省不得所以棄海認漚及乎悟後瞬目揚眉依然只是這個豈從外來似有所得故以得言之又得者無得之得也於然燈佛時無有一法得菩提始得受記今身子亦然向上一事遍融萬法本無能所喚誰得誰正以無所

得而得之。方契佛心也。

二明昔日之失顯今日之得。

所以者何。我昔從佛聞如是法。見諸菩薩受記作佛。而我等不預斯事。甚自感傷。失於如來無量知見。

昔聞如是法者。方等中大乘實慧。與今不殊。故受記者。方等授菩薩記云。當來作佛。又云得無生忍。而我等不預受記成佛之事。甚自感傷者。淨名歎大褒圓。彈偏斥小。歎菩薩是佛子成佛。斥二乘是焦芽敗種。當爾時內疑而外鄙。自感而自傷。甚自二字。當時就有不安小道之意。以其聞同而得異。

也無量卽甚深無量知見卽如來知見失者在昔
不解雖具猶失昔日感傷將謂失却今日解得自
知作佛。

三明昔日之疑顯今日之解

世尊我常獨處山林樹下若坐若行每作是念我等
同入法性云何如來以小乘法而見濟度是我等咎
非世尊也所以者何若我等待說所因成就阿耨多
羅三藐三菩提者必以大乘而得度脫然我等不解
方便隨宜所說初聞佛法遇便信受思惟取證

我常下述昔自感自傷之意山林樹下乃二乘修

道之所行坐。思念心中不甘爲小乘也。我等下正疑念也。同入法性者。出其執小之過。正由不知小乘法性之外。別有妙理。菩薩得之故也。謂我與菩薩同是及門受化。同聞同得。故云同入一涅槃。無漏之法。三乘共證。故云同入法性。所入旣同。則濟度亦應同也。云何濟菩薩以大乘得無窮之寶藏。度我等以小乘給有限之工價。當時謂佛心不平。愛有偏黨。今聞佛說大乘平等法。等。又云但教化菩薩等。今日乃知是我等自己捨多取少之過。咎非世尊有彼大此小之不平。由我迷權。何關理。

教由我惑實何關佛偏追述昔非仰謝如來引過
自歸故曰是我等咎非世尊也所以下釋非佛咎
一句待說所因有二一不受對待於前二不停待
於後初照高山明三諦之慧是得菩提因以此對
待於我而我不受是失之於前又諸佛久後要說
眞實我不停待是失之於後若待此前後必得大
乘度脫由我等不待前後於此兩楹匆匆取小也
私謂九部之法是入大乘之因也謂佛初說小乘
是入大乘之因但我等不會待得如來說其所因
自爲小乘耳若我等肯待如來說出小法因爲我

等心着弊欲方便說小。雖說小法。元爲成就阿耨
菩提者。而我等亦同菩薩。佛必以大乘之法度脫
我也。今乃知之。非世尊咎。然我下明不待。所以釋
上是我等咎一句。然之一字。有無窮感慨。自慙自
惱之意。然我等本是着於邪見之人。纔歸依佛。不
解如來先以小爲方便。隨宜而說。元爲拔我邪見。
示一小果。我等不解方便。一聞四諦小法。卽便信
受。以六識思惟取證小果。以權爲實。誰知如來要
有一乘之大法哉。信受思惟。舍二乘智斷工夫。
四明昔日疑悔。今日疑悔盡斷。

世尊。我從昔來。終日竟夜。每自剋責。而今從佛。聞所未聞。未會有法。斷諸疑悔。

言我從昔來。見菩薩受記作佛。終於日。竟於夜。無一時不抑損剋剋於心。責備於己。憤憤悻悻。不得同菩薩受記作佛。而今從佛。聞說聲聞菩薩皆成佛無疑。又云。千二百羅漢。悉亦當作佛。今日之聞。乃昔日未聞。未會有之法也。斷諸疑悔者。斷其疑佛之心。取小之悔也。又究竟之理。昔日將謂永絕。及聞舉手低頭。皆成佛道之說。昔因一毫之緣。尚踐菩提。況我六通之士。永絕非分乎。一聞此法。將

四十年來。自剋自責之憂悔。終日竟夜。自感自傷之疑惑。斷盡無餘矣。文殊偈云。諸求三乘人等。此也。

五結成領解。自肯承當。

身意泰然。快得安隱。今日乃知真是佛子。從佛口生。從法化生。得佛法分。

初二句。謂消息撥轉。慶快非常也。今日下。是自肯領解之言。昔日說菩薩是佛子。我等宛似義兒。雖得小果。心實未安。今聞教菩薩法。悉當作佛。乃知真是佛子。非聲聞流也。成佛之言。出於佛口。我信。

佛言。而成佛子。則子從佛口生矣。從法化生者。一乘之法。猶若金丹。化煩惱成菩提。轉生死成涅槃也。又知一切法。卽心自性。成就慧身。不由他悟。故云從法化生。得佛法分者。法謂法身。分謂分證。雖居因地。未至究竟。我真佛子。乃得分證佛之法身也。古德云。三十年來。用意猜。幾度曾把此心灰。而今潦倒逢知己。李白元來是秀才。山林樹下。興疑作念。用意猜也。疑悔。剋責。幾灰心也。今日歡喜。自知作佛。正逢知己也。真是佛子。李白元是秀才也。上根身子。言下知歸矣。

二偈頌有二十五行半。分二。初十六行半。頌上長行。二九行頌。頌前廣畧開顯之文。初頌長行又四。初一行頌總標聞法得解。二一行半頌昔失今得。三六行頌昔疑今解。四八行頌昔悔今斷。皆約義頌之。不必拘配。且自肯承當畧而不頌。且初一行。頌總標聞法得解。

爾時舍利弗欲重宣此義。而說偈言。我聞是法音。得所未曾有。心懷大歡喜。疑網皆已除。

此中疑除者。是身子知四衆心疑。自亦未了之疑也。開三顯一。千二僉疑。廣明五佛。身子疑消。

二一行半頌昔失今得。

昔來蒙佛教。不失於大乘。佛音甚希有。能除衆生惱。我已得漏盡。聞亦除憂惱。

長行明失知見。此中云不失大乘。論失論得。文互現耳。佛教通大小二意。謂方等諸會。同菩薩聞大乘法。昔日感傷。將謂失於如來知見。今日開解。何曾失却此理。故云不失於大乘。但佛音甚爲希有。以小乘法除衆生憂惱。以大乘法除羅漢憂惱。又昔蒙小教。能除我等做凡夫時。五濁八苦之憂惱。我已漏盡。今不失大。又除我等不成佛之憂惱。昔

小今大佛音甚爲希有也。

三六行頌昔疑今解。

我處於山谷。或在林樹下。若坐。若經行。常思惟是事。嗚呼。深自責。云何而自欺。我等亦佛子。同入無漏法。不能於未來。演說無上道。金色三十二。十力。諸解脫。同共一法中。而不得此事。八十種妙好。十八不共法。如是等功德。而我皆已失。我獨經行時。見佛在大衆。名聞滿十方。廣饒益衆生。自惟失此利。我爲自欺誑。是事卽菩薩成佛事。嗚呼。乃感傷之辭。自責乃懊惱之意。深字應上甚字。云何二字。是疑難之辭。自

欺者卽自責意。意謂菩薩云何就成佛。我等怎麼安居小道受斥敗種。豈絕然無分甘心自欺哉。菩薩成佛。未來世中演無上道。我等亦佛子。同入法性。同聞同入。旣不得受記成佛。亦不能未來演說法也。金色等八句。明旣不得受記成佛。則佛地位中種種功德皆無分也。金色佛身金光聚也。三十二相者。相以表德。令人觀德而欽敬。始自足下安平。終至頂上肉髻。共三十二大人相。十力解脫。如前釋。八十種好者。好爲嚴身。令人見相欲歸依。始自無見相。終至手足有德相。此等相好。皆往昔修

一百福感一相好。孝養等之所致也。十八者。一身無失。乃至十八智慧。知現在世。皆佛地位中所具。不與二乘等共。故云不共法也。我獨下。明三失。我則山林樹下。單丁獨行。佛則天人風靡。弟子雲從。行失利也。我之名聞。聞五天竺國。佛之名聞。普遍十方。名失利也。我則自善其一己。佛則廣饒於人。天實失利也。自思自惟。若行若名。若實而不如佛者。豈佛有欺於我哉。乃我不學菩薩。不發大心。自欺自誑。是我等咎也。

四八行頌昔悔今斷。

我常於日夜每思惟是事。欲以問世尊爲失。爲不失。我常見世尊。稱讚諸菩薩。以是於日夜籌量如是事。今聞佛音聲。隨宜而說法。無漏難思議。令衆至道場。我本着邪見。爲諸梵志師。世尊知我心。拔邪說涅槃。我悉除邪見。於空法得證。爾時心自謂得至於滅度。而今乃自覺。非是實滅度。若得作佛時。具三十二相。天人夜叉衆。龍神等恭敬。是時乃可謂永盡滅無餘。佛於大衆中。說我當作佛。聞如是法音。疑悔悉已除。此中義含。領解自肯。兼頌我等不解。方便初聞信。受之文。常於日夜者。念茲在茲。不甘小道。終日竟。

夜思惟不忘之義。爲失不失者。失則於己絕分。不失又不同菩薩。菩薩稱讚我等被斥。由是日夜思惟也。今聞下頌佛逐機說法也。謂佛隨宜說法。皆是方便。無非以大乘無漏難思議法示人。欲令衆生開佛知見。坐道場成正覺而已。我本下頌上不解方便。信受取證。梵志卽婆羅門。其人種類。自計從梵天口生。唯五天竺有餘國。卽無師者。沙然死後。身子領五百徒衆也。空法乃小乘偏空也。爾時二句。是一解脫義。我等同得之意。而今二句。是聞三乘是假非真實也。若得六句。是今聞作佛自慶。

法華下卷三
二
之辭。番昔小果自足之執。昔證是有餘。作佛是無餘。小果斷四住。不名永盡。作佛時乃五住究盡也。佛於下。正明今日之疑。昔日之悔。除斷冰釋也。

二九行頌。頌前廣畧開顯之文。

初聞佛所說。心中大驚疑。將非魔作佛。惱亂我心耶。佛以種種緣。譬喻巧言說。其心安如海。我聞疑網斷。佛說過去世。無量滅度佛。安住方便中。亦皆說是法。現在未來佛。其數無有量。亦以諸方便。演說如是法。如今者世尊。從生及出家。得道轉法輪。亦以方便說。世尊說實道。波旬無此事。以是我定知。非是魔作佛。

我墮疑網故。謂是魔所爲。聞佛柔軟音。深遠甚微妙。演暢清淨法。我心大歡喜。疑悔永已盡。安住寶智中。我定當作佛。爲天人所敬。轉無上法輪。教化諸菩薩。初聞畧開顯。疑佛爲魔。謂魔惱我心。神亂我禪。定耶。今知佛昔巧說爲實。施權權旣卽實。故心安疑斷也。心安如海。應在疑網斷之下方順。以疑斷故。心始安然如海之澄湛而無波也。佛說下。述前三世佛及釋迦佛開權顯實之文。旣聞開權顯實。方知世尊所說是眞實道。波旬此云惡。常有惡意成惡法故。聞佛下。結前頌解歡喜。此法無漏故云清。

淨不可思議。故云深遠。卽權卽實。卽實卽權。故云微妙。安住實智。卽根本智。得此智能。證實相之體。可以成佛。旣得住此智。冥契真如。故云定當作佛。此聊通一線。直下承當之意。上身子領解已竟。三如來述成分。三初昔會教大。二中忘取小。三還爲說大。且初昔會教大。

爾時佛告舍利弗。吾今於天人沙門婆羅門等大衆中說我昔會於二萬億佛所。爲無上道故。常教化汝。汝亦長夜隨我受學。我以方便引導汝。故生我法中。此因身子昔憂今喜。以呈解。故佛述昔教。今忘以

受記也。於大眾中說者一鼓舞中下故。二爲作證明故。三明昔因顯今緣故。二萬億卽常不輕在二萬億威音佛時也。亦卽大通爲王子時也。無上道卽佛果也。長夜受學者無明未破。惑暗心中。故云長夜昔日大化。故云隨我受學。縱然未破見思。所聞一句。成了因種。納種在識。永劫不壞。況今眞悟。寧有虛妄。舉昔會教大正顯身子。領解不謬也。我以方便二句。兩向。若昔以大化。今生大解。故云引導生我法中。此屬昔教大也。若令免惡道。權以小引。故云引導生我法中。此屬下中忘取小也。

二中忘取小

舍利弗我昔教汝志願佛道汝今悉忘而便自謂已得滅度。

汝今悉忘者自有中途廢大習小名中途悉忘若而今自謂已得滅度卽是而今悉忘由汝忘大習小致有憂悔而得聞法不虛也。

三還爲說大

我今還欲令汝憶念本願所行道故爲諸聲聞說是大乘經名妙法蓮華教菩薩法佛所護念。

汝雖善忘我則善憶今不欲汝忘還欲汝憶也先

施權教成其中途小善。後顯眞實。遂其本願大心。一則完汝往昔本願。二則滿我出世本懷。故爲汝聲聞說此大乘妙法。蓮華經教菩薩法。佛所秘要之藏也。是知聲聞元是菩薩。則汝何曾失於如來知見也。如來述成已竟。

四與之授記問。身子領解。自知得佛。何須記之。答。有四意。一昔未記。二乘今須記。故二中下未悟。以記勉勵。故三令聞者結緣。故四滿其本願。故有長行偈頌。長行文分十。初明時節。二明行因。三明得果。四明國土。五明說法。六明劫號。七明衆數。八明

壽量九轉記補處十法住久近且初明時節。

舍利弗。汝於來世。過無量無邊不可思議劫。

佛道長遠如千尋大海。非一勺而涸。九仞重樓。豈一日而就。衆生藏識海浪。曷啻千尋。諸佛妙覺。巍峩不唯九仞。豈可造次而至乎。若以理論悟得實相。全身在裏許。迥出思議之表。超過劫數之外。延促同時。古今一致。有何時節之可論哉。問何故更經若干劫耶。答諸聲聞。未會有淨土之行。得記已後。與物結緣。物機不同。致劫多少。隨機長短。故經若干劫也。

二明行因。

供養若干千萬億佛。奉持正法。具足菩薩所行之道。具足卽圓滿意。菩薩之道。立於身。應於事。時措合宜。不致傷風犯手。豎經五十五位。橫收二千餘門。一一行門。至於理極情盡。絕學無爲之地。方名具足。

三明得果。

當得作佛。號曰華光如來。應供。正遍知。明行足。善逝。世間解。無上士。調御丈夫。天人師。佛世尊。

別號華光者。華能開敷。因行也。光能發明。果智也。

由修權智之因行。得悟實智之果佛也。

四明國土。

國名離垢。其土平正。清淨嚴飾。安隱豐樂。天人熾盛。琉璃爲地。有八交道。黃金爲繩。以界其側。其傍各有七寶行樹。常有華果。

離垢非今雜穢。平正非今坑坎。清淨非今便利。安隱非今旱潦不常。天人非今三惡道。琉璃非今土石。琉璃地滑。金繩界之。以便往來。行樹華果。以便瀟灑。國土嚴淨。皆七科道法之所感也。問。釋迦娑婆如此不淨。身子國土如是美麗。何師不及資乎。

當知在佛分中何嘗不淨。文云我淨土不毀。又三變淨土。其美麗又過於此也。衆生依報。則國名堪忍。劫名五濁。其土坑坎不淨。亦因行所致也。反而求之。離垢清淨之相。皆卽心地安隱豐樂之事。無非性德。染淨轉變。常存乎人。使衆生不爲堪忍苦。不起五濁業。不行邪曲行。則眞離垢安隱豐樂矣。

五明說法

華光如來亦以三乘教化衆生。舍利弗。彼佛出時。雖非惡世。以本願故。說三乘法。

准今佛故云亦以舍利下明說三意。土淨唯應說

一。酌願故爾說三。卽施卽廢也。何知本願說三。准大悲空藏經云。身子於六十劫。行菩薩道。因婆羅門乞眼。唾而踐之。身子動瞋。退作凡夫。願成佛時。開三乘法。故云以本願故說三乘法也。

六明劫號。

其劫名大寶莊嚴。何故名曰大寶莊嚴。其國中以菩薩爲大寶故。

劫名大寶。以菩薩爲名者。不寶珠玉而寶善人也。楚王孫圉。答趙簡子曰。楚國無以爲寶。惟善以爲寶。楚當時有觀射父左史倚相二賢人。能觀光社

稷。故曰善人爲寶。華光出世。多大菩薩。羽翼法化。護正法。其猶干城。濟羣品。乃名善見寶法門之大寶也。

七明衆數。

彼諸菩薩。無量無邊。不可思議。筭數譬喻所不能及。非佛智力無能知者。若欲行時。寶華承足。此諸菩薩。非初發意。皆久植德本。於無量百千萬億佛所。淨修梵行。恒爲諸佛之所稱歎。常修佛慧。具大神通。善知一切諸法之門。質直無僞。志念堅固。如是菩薩。充滿其國。

佛智者一切種智也。數過恒沙。佛智乃知。降斯以還皆不能也。寶華承足者。寶取真實意。華明因行。以菩薩運動作爲。皆成佛真實之因行也。行一行成一德。故云德本。淨行實踐福慧雙隆。堪荷大法。雅契佛心。故常爲佛歎。深入實際。妙徹本源。故云常修佛慧。善知諸法。名通巧用。佛慧名門。質直者不退二邊。無僞者直入中道。以質直之志。深窮理本。以無僞之念。誓願廣大。方名堅固也。如是二句。結其數多。

八明壽量。

舍利弗。華光佛壽十二小劫。除爲王子。未作佛時。其國人民壽八小劫。

除爲王子者。顯華光亦捨王位而出家也。未作佛時。明成佛後而壽十二小劫。爲王子修道時。不預此數也。人民受化。福德殊勝。不惟見佛聞法。亦且享壽八小劫也。

九轉記補處。

華光如來過十二小劫。授堅滿菩薩。阿耨多羅三藐三菩提。記告諸比丘。是堅滿菩薩。次當作佛。號曰華足安行。多陀阿伽度。阿羅訶。三藐三佛陀。其佛國土。

亦復如是。

過十二劫。乃降入滅之時也。堅滿衆數之一也。堅
卽志念堅固。所發之願無一不眞實故。滿卽質直
無僞。所行之行無行不圓滿故。華足安行者。卽寶
華承足。安而行之。因果不謬故。此中轉授堅滿者。
使傳續此妙道也。法華妙道。本於燈明。傳於妙光。
繼於然燈。燈燈相然。佛佛相授。光光相續。身子得
之。號曰華光。發明是道。使有目皆覩。堅滿得之。又
號華足。安行率循是道。使有趾共由。菩薩行時。寶
華承足。則從化者莫不由斯道也。至於華足安行。

帶果行因。寶華承足。借因趨果。因果互爲終始。展轉不離此道。故有轉授補處之佛也。其佛二句。明華足安行佛。所處國土。亦如華光佛之國土也。十法住久近。

舍利弗。是華光佛滅度之後。正法住世三十二小劫。像法住世亦三十二小劫。

法初盛行。人能以現量體悟爲正。去聖逾遠。人惟以比量倣效爲像。正法時教理行果備具。像法時有教理行而無果。故古多聖賢得道。今乃無聞。此正像之異效也。及乎末法。則空騰似量。荒唐無實。

雖有教理無行果矣。身子未來一大事因緣成佛之始。滅度之終。於天人大衆中一一投之。身子一一記之矣。自說經入定出定。到此爲一結局大事。因緣信不虛耳。

二偈頌有十一行半。分二。初十行頌上長行。二一行半結歎。初中文分十。初一行超頌得果。二一行追頌行因。三一句追頌時節。四一句超頌劫號。五行半頌國土。六一行半頌衆數。七半行頌說法。八二行頌壽量。九一行半頌法住久近。十半行明供舍利。畧補處不頌而長出舍利也。且初一行超

頌得果。

爾時世尊欲重宣此義而說偈言。舍利弗來世成佛。普智尊號名曰華光。當度無量衆。

普智卽一切智也。具一切智出世獨尊。故云普智尊。

二一行追頌行因。

供養無數佛。具足菩薩行。十力等功德。證於無上道。菩薩因行圓滿。方證佛地功德。十力等。總指佛地位中百八功德也。

三一句追頌時節。

過無量劫已。

四一句超頌劫號。

劫名大寶嚴。

五行半頌國土。

世界名離垢。清淨無瑕穢。以琉璃爲地。金繩界其道。七寶雜色樹。常有華果實。

六一行半頌衆數。

彼國諸菩薩。志念常堅固。神通波羅密。皆已悉具足。於無數佛所。善學菩薩道。

神通波羅密。卽六神通。六波羅密也。

七半行頌說法。

如是等大士。華光佛所化。

八二行頌壽量。

佛爲王子時。棄國捨世榮。於最末後身。出家成佛道。
華光佛住世。壽十二小劫。其國人民衆。壽命八小劫。
九一行半頌法住久近。

佛滅度之後。正法住於世。三十二小劫。廣度諸衆生。
正法滅盡已。像法三十二。

十半行供養舍利。

舍利廣流布。天人普供養。

法華之方之三
三二
此明華光佛化畢入滅。而天人供養舍利也。如今之禮塔供養等。

二一行半結歎。

華光佛所爲。其事皆如是。其兩足聖尊。最勝無倫匹。彼卽是汝身。宜應自欣慶。

宜應一句。開下四衆慶讚。上與之授記已竟。

五四衆慶讚。亦名領解。問迦葉等諸大聲聞。尙未得解。四衆何人反先獲悟耶。答。四部大衆中。亦具三根。上同身子。中同四子。下同五百也。又身子迦葉等。並是權行。中下未開。故迦葉滿願。示同不解。

淨名云。衆生未愈。菩薩亦未愈也。有長行偈頌長行分二。初經家敘置。二四衆領解。初分二。初敘衆喜。

爾時四部衆。比丘比丘尼。優婆塞。優婆夷。天龍。夜叉。乾闥婆。阿修羅。迦樓羅。緊那羅。摩睺羅伽等。大衆見舍利弗於佛前受阿耨多羅三藐三菩提記。心大歡喜。踴躍無量。

身子得記。八部歡喜。所謂見一華而知天下皆春。記一人而知人人有分也。

二敘供養。

各各脫身所着上衣。以供養佛。釋提桓因。梵天王等。與無數天子。亦以天妙衣。天曼陀羅華。摩訶曼陀羅華。等。供養於佛。所散天衣。住虛空中。而自迴轉。諸天技樂。百千萬種。於虛空中。一時俱作。雨衆天華。

各各脫衣者。語通四衆八部。出家二衆言上衣者。卽大衣也。若論三衣不可捨離。如大品云。三百比丘聞般若已。皆以伽梨而用供養。論云。或亡相爲法。或云當日。更得通說兼俗。論與大品局出家。衣示歸依也。華供佛。因同於果也。虛空迴轉。表聞身子得記。法性自然而轉。回小向大之意。百千天樂。

於空作者。表種種權智方便。皆歸實智第一性空之中也。此中四部雖與身子同聞未同解也。及見尊者受記。始信此理。人人有分。不覺欣抃自發。妙供爭獻。以作當果之緣。故下頌云。我亦如是。必當作佛。

二四衆頌解。

而作是言。佛昔於波羅柰。初轉法輪。今乃復轉無上最大法輪。

先二句開權。次二句顯實。最字顯今經圓中圓故。開權者半字教也。顯實者滿字教也。又小大麤妙。

可知若以方等般若二教對鹿苑則鹿苑麤二教妙以二教帶方便通滿理故若以今經對二教則二教麤今經妙以今經直說無上道顯滿理故

二偈頌有六行半分二初二行頌上長行開顯

爾時諸天子欲重宣此義而說偈言昔於波羅柰轉四諦法輪分別說諸法五衆之生滅今復轉最妙無上大法輪是法甚深奧少有能信者

五衆者乃五陰也。正法華諸天慶讚頌云。於世無雙比。今者轉法輪。爲男女講義。陰衰所從起。卽今經五衆之生滅也。

二四行半。自述得解回向。

我等從昔來。數聞世尊說。未曾聞如是深妙之上法。世尊說是法。我等皆隨喜。大智舍利佛。今得受尊記。我等亦如是。必當得作佛。於一切世間。最尊無有上。佛道叵思議。方便隨宜說。我所有福業。今世若過世。及見佛功德。盡回向佛道。

初一行。自述未聞妙法。世尊下。自慶亦得作佛。亦如是者。如身子領解述成受記成佛也。佛道二句。領隱實施權。我所下明回向。三世所有福業。不爲天人小果。回向無上菩提。以功德回向佛道者。默

領前章微因散善之旨。不以有爲無爲爲期。以趣正覺果海爲究竟而已。上法說一周被上根已竟。第二喻說一周被中根。凡有四品。今品是譬喻開三顯一。信解品四子領解。藥艸品如來述成。授記品明授記也。皆約喻說。故爲譬喻一周。准法說宜應五段。而缺四衆慶讚者。例前後不煩文耳。初正說譬喻開三顯一。分二。初身子代請。二如來垂答。初中又三。初自述得記無疑。二兼述同輩有感。三普爲四衆代請。且初自述得記無疑。

爾時舍利弗白佛言。世尊。我今無復疑悔。親於佛前。

得受阿耨多羅三藐三菩提記。

疑是根本中一。悔是不定中一。昔日疑悔爲不得同菩薩受記耳。今旣蒙記。則諸疑悔盡釋矣。

二兼述同輩有感。

是諸千二百心自在者。昔住學地。佛常教化。言我法能離生老病死。究竟涅槃。是學無學人。亦各自以離我見及有無見等。謂得涅槃。而今於世尊前。聞所未聞。皆墮疑惑。

心自在者。我執旣空。心得自在。法執猶存。未得法自在也。此句舉今果。昔住一句。明昔因。研真斷惑。

煉磨治習。故云學地。佛常三句。是述昔佛誨教。字對上學字。教以真窮。惑盡得果之方。我法指小教中四諦法也。生死涅槃。離字含集諦。必斷集而離生死。涅槃滅諦。究竟含道諦。由修道而證涅槃。是學無下。明昔稟教各證小果。各以者該衆之謂。生死苦果。由我見等爲因。我見卽身見也。有無卽斷常見也。等字總該利鈍十使。見思之麤細惑爲集諦。因集因斷苦果不生。衆等尊佛語以離之。離卽斷也。謂得涅槃者。謂是自計之辭。所謂佛說一解脫義。我等已得也。聞所未聞者。指法說中先權後

實。昔教所未聞。故皆墮疑惑者。昔三說是究竟。今一又是真實。若謂昔日究竟爲是。今日真實爲非。今日真實爲是。昔日究竟爲非。是非莫決。同異不分。觸籬之羊。進退兩難矣。

三普爲四衆代請。

善哉。世尊。願爲四衆說其因緣。令離疑悔。

爲同輩請者。是懷舊故。爲四衆請者。是化境故。今蒙授記。新運大悲。普爲代請也。不請喻而請因緣者。有三。一身子從因緣入道。適口則云因緣故。二者重請一大事。因緣先三後一之旨。故三者請在

因緣。下答譬喻。喻後再說宿世因緣。問一答三。可謂買石饒雲。移華帶蝶矣。問。前法說先三後一。聞既。不悟。今還請於先三後一。與前何別。答。言因緣者。卽前三後一。始末根由。故云因緣。前四佛章畧釋迦章稍廣。唯明五濁用釋於權。始末未明。故中下不曉。今以譬喻。委明六道輪迴之相。具列三車出宅之由。兼敘索三與一之意。廣示等賜等子等心。如此方酌一大事。因緣之請也。此中四衆。於前四中。非但當機結緣。發言領解。卽是發起影響。二如來垂答。分二。初抑揚發起。

爾時佛告舍利弗。我先不言。諸佛世尊。以種種因緣。譬喻言辭。方便說法。皆爲阿耨多羅三藐三菩提耶。是諸所說。皆爲化菩薩故。然舍利弗。今當復以譬喻。要明此義。諸有智者。以譬喻得解。

我先不下。抑其不悟。種種等指上明權。皆爲等指上顯實。皆化菩薩者。若權若實。皆入佛道。上已明言。如何執教。迷暗不解。先不言三字。是抑責之辭。然舍利下。揚其智解。然字當玩。有嗟歎意。又佳身子代請意。又過文勢。前抑責既切。恐鄙懟自沉。今許喻說。揚其智解也。方便品中。已盡分別因緣。只

應領悟不該仍疑。若仍有疑。則應說譬喻。不應再說因緣。既於一大事因緣不明。必以譬喻方能決了。故云。今當復以譬喻。更明此義。若於喻上得了解者。猶稱智者。其或未悟。再說宿世因緣之事。諸有智等。爲下信解藥。艸章本。

二正說譬喻。有長行偈頌。長行分二。初喻說。二法合。初喻說分二。初總喻。二別喻。且初總喻。喻上方便中。今我亦如是。下二行頌。文分六節。初長者喻。二舍宅喻。三一門喻。四五百人喻。五火起喻。六三十子喻。且初長者喻。

舍利弗。若國邑聚落有大長者。其年衰邁。財富無量。多有田宅。及諸僮僕。

長者喻上我字。約名行位號德業明長者。國邑聚落者。處所也。名如賓。行如主。行有親疏。名有遠近。故舉處所以顯名行也。封疆爲國。最遠。宰治爲邑。居中。聚落隣間。最近。長者名行遍於三處。近不見其細陋。遠但挹其高風。口無擇言。身無擇行。意無擇法。名行相稱。眞實之大人也。國喻實報莊嚴土。邑喻方便有餘土。聚落喻凡聖同居土。內合如來三業。隨智慧行。應身三土。稱機施化。名稱普聞。德

周沙界也。有大長者明位號。世間長者備十德。一
姓貴。二位高。三大富。四威猛。五智深。六年耆。七行
淨。八禮備。九上敬。十下歸。姓則三皇五帝之裔。左
貂右插之家。位則輔弼丞相。鹽梅阿衡。富則銅陵
金谷。豐侈奢靡。威則嚴霜隆重。不肅而威。智則胸
如武庫。權奇超拔。年則蒼蒼稜稜。稜物儀所伏。行則
白圭無玷。所行如言。禮則節度庠序。世所式瞻。上
則一人所敬。下則四海所歸也。出世間長者。德備
恒沙。且合十種。姓則三世真如。實際中生。位則功
成道著。十號無極。富則法財萬德。悉皆具足。威則

十力雄猛降伏魔外。智則一心三智。無不通達。年則早成正覺。久遠若斯。行則三業隨智。運動無失。禮則具佛威儀。心大如海。上則十方種覺。所共稱譽。下則七方便人。而來依止。是名出世間大長者。卽我釋迦教主也。其年下四句。明德業。德有內外。內則智畧。外則資財。年高則博達古今。喻佛智德。衰邁則根志純熟。喻佛斷德。此句明內德。財富明外德。無量二字。總喻富有萬德也。多有二句。別喻外德。田能養命。喻禪定可資般若。宅可栖身。喻實境爲實智所託。畧則十八空。廣則無量空門。若論

福德無行不修。若論智慧無境不照。故云多有僮僕者。給侍使人。喻方便知見。皆已具足。和光六道。曲順萬機。權智卽實智之僮僕也。

二舍宅喻。

其家廣大。

家宅喻上安隱對不安隱。不安隱喻三界也。衆生允允皆宅。三界如來應化統而家之。故言廣大。

三一門喻。

唯有一門。

喻上種種法宣示於佛道也。如來本懷唯以一乘

佛道利物事不得已。先以種種法門引導。本意唯有一乘。故言唯有一門。約教唯。一佛乘。約理唯。一知見。問。一乘佛教寬矣。廣矣。大矣。一門既是佛道。下文不應言其狹小。答。欲說一乘無機受化。衆生知見。卽佛知見。凡小不知。因無機與不知。故言狹小。問。下文三車。旣在門外。豈諸子反出一乘知見外耶。答。教是能詮。理是所詮。衆生佛知見。性具也。如來佛知見。究證也。知見本一。有在纏出纏之異。四十年前。覆一乘而說三。就迷教理者說。故假設三車。而在門外。下文以佛教門出三界苦。今日泯

三乘而說一乘。生死卽涅槃。煩惱卽菩提。無明實性卽佛性。幻化空身卽法身。諸子皆住一乘道教之中。豈在外哉。若以門內門外爲難。下文如來從所燒之門安隱得出。窮子行來住立門側。長者又在門內。不知又作何難也。

四五百人喻。

多諸人衆。一百二百乃至五百人。止住其中。

喻上安隱衆生。故的衆生。一百喻天。二百喻人。三百喻畜生。四百喻餓鬼。五百喻地獄。惡道多者。顯修白業者少。而黑業者多也。五百云人者。泛舉五

道羣生。共皆住止三界之中也。

五火起喻。

堂閣朽故。墻壁隕落。柱根腐敗。梁棟傾危。周匝俱時。歟然火起。焚燒舍宅。

堂閣下。明所燒宅相。若以依報論。欲界堂也。上二界閣也。地水火風四大墻壁也。金水風空四輪柱根也。以世界賴此支持。故能所八法梁棟也。若以正報論。身下分堂也。上分閣也。骨涎息煖內四大墻壁也。壽煖識柱根也。意識梁棟也。朽故者。有情無情。皆屬無常。故隕落者。山河滅損。皮肉朽壞。故。

腐敗者。天地之根危殆不安。壽命之元出捨不息。故傾危者外物遷變。人命易終。故周匝下。明能燒火勢。五濁八苦之火。遍在四大四生。故言周匝並皆無常。故言俱時。歛然者無而忽有也。本無此苦。因無明故有。若推其原。依正二報。皆由無明不覺。忽然而有。一分有知覺的無明。而爲有情衆生。一分無知覺的無明。而爲無情世間。卽此無明爲因。境界爲緣。憎愛取捨。三毒猛火。焚燒內外根身器界也。廣上宅相。正明三界無安。猶如火宅也。

六三子喻。

長者諸子。若十。二十。或至三十。在此宅中。

喻上知衆生性欲。佛如衆生如。一如無二如。天性相關。則子義成。性欲不同。故有三十。十是菩薩子。二十三十是二乘子。三十云子。特舉從化。俱得出宅者言。上總喻已竟。

二別喻。喻上我以佛眼觀下。四十一行半偈。偈中六義全具。今喻有四。少歎法希有。揀僞敦信。至後頌中補出。文分四段。初長者見火喻。二捨几用車喻。三等賜大車喻。四長者不虛喻。且初長者見火喻。喻上我以佛眼觀下。四行頌。舉五濁釋權。

長者見是大火從四面起。卽大驚怖。而作是念。我雖能於此所燒之門。安隱得出。而諸子等。於火宅內。樂着嬉戲。不覺不知。不驚不怖。火來逼身。苦痛切己。心不厭患。無求出意。

偈中明如來在法身地上。照見衆生爲五濁八苦所燒。而起悲應救。有能見所見起悲三意。今喻亦三。長者見卽我以佛眼觀見。是標出能見之眼。是大火從四面起。明所見。卽見六道衆生等。火喻五濁八苦。云大者。遍在六道故。四面喻身受心法。下法合爲生老病死。從字重看。大火是果。四面是因。

謂此火非無因而有。以衆生於身起淨倒。於受起樂倒。於心起常倒。於法起我倒。故有五濁八苦如火從四面起也。若知身不淨。受是苦。心無常。法無我。則煩惱火滅。卽大一句。明長者驚怖。喻上爲是衆生二句。由火大故驚怖亦大。念其退大善故驚憂。其將起衆惡故怖。驚卽對慈。念其無樂。怖卽對悲。憂其有苦也。我雖能於等。釋上驚怖。是慈悲憂念之意。雖是未盡之辭。如來慈悲猶爲憂火所熾。故云雖也。能字重看。顯諸子不能以佛雖出生死所燒之門。住於常寂安隱之鄉。不忍捨衆生而自

安隱。故作念如此也。不爲五濁八苦所煎。名安。不爲四倒暴風所動。名隱。蕭然累外。名得出。衆生爲大火所燒。故不安。爲暴風所動。故不隱。業識忙忙。故不得出。又所燒之門者。門有件有空。非件無以標門。非空無以通致。件可燒。空不可燒。喻教有能詮。所詮非能詮。無以爲教。非所詮何以得出。能詮可是無常。所詮非是無常。如來有大智慧。能尋正教。得教所詮。故云安隱得出。能詮磨滅。故云所燒之門。不從所燒之門。何由安隱得出。大經云。因無常。故而果是常。此之謂也。又先安隱而出。出而復

驚。今雖出而須入。入而必救。故以安隱釋驚怖。驚怖卽慈悲。爲是衆生。故而起大悲心者。此也。而諸子下。由前大火燒宅。宅內諸子。不求出離。長者安得坐視。正啟下思惟救子之意。等字該五百人。着見故耽。洎四見名嬉。唐喪其功名戲。又着愛故耽。洎五塵名嬉。空無所獲名戲。由樂着見愛。空生徒死。而無厭離。如小兒嬉戲也。不言有火名不覺。不解火是熱法名不知。不畏火能燒身故不驚。不慮火能斷命故不怖。喻衆生全不覺五濁八苦。不知四倒三毒。不驚惑侵法身。不怖傷於慧命。如是不

覺於苦。不知於集。不驚失道。不怖失滅也。身五識身也。身爲八苦所逼。故云火來逼身。切己者逼迫切近也。以一一苦。皆由五識對於五塵。念念相應。故云苦痛切己。心不厭患者。心意識心也。不厭無常之苦。不患煩惱之集。無求出意者。不修道品之行。不求滅諦之理也。此中嬉喻見濁。戲喻煩惱濁。不覺二句。卽衆生濁。火來二句。卽命濁。心不二句。卽劫濁也。

二捨几用車喻。分二。初捨几。二用車。初捨几喻喻上我始坐道場下。六行半頌。明大法難投。又分爲

三初長者念救。二諸子不聽。三馳戲視父。且初長者念救。喻上我始坐道場。至微妙最第一。明大法擬宜。

舍利弗是長者。作是思惟。我身手有力。當以衣被。若以几案。從舍出之。復更思惟。是舍唯有一門。而復狹小。諸子幼稚。未有所識。戀着戲處。或當墮落。爲火所燒。我當爲說怖畏之事。此舍已燒。宜時疾出。無令爲火之所燒害。作是念已。如所思惟。具告諸子。汝等速出。

作是思惟者。是應現人間。得成道已。思惟所得法

妙也。身喻神通荷負。手喻智慧提拔。依三昧斷德。則有神通。依智慧智德。則有說法。前云其年衰邁。喻智斷。卽身手也。衣。袂。西竺盛華之具。几。香几也。案。書案也。準下法合云。若我但以神通力智慧力。讚如來知見力無所畏者。衆生不能以是得度。衣。袂。喻知見。几。喻四無畏。案。喻十力。畧。說名知見名。畧。義。玄。如衣。袂。一口而多含。處中說名四無畏。用。對四諦。如几於法。小廣於物。小安廣。說名十力。橫。豎該括。如案多足於法。則廣於物。則大安也。此是。思惟念用大化。謂若以神通顯現。智慧宣演。知見。

力無畏等。令衆生出三界宅五蘊舍。故云從舍出之復。要下明法大機小。一門狹小者。若論理教寬矣。廣矣則非狹小。但衆生不能以理教自通。欲談無機。故言狹小。若理教行。一一明一門狹小者。理則純一無雜。故言一。卽理能通。故言門。微妙難知。故言狹小。教則要無餘乘。唯一。佛乘。故言一。此教能通。故言門。此教微妙。與言之二乘少知。奪論之七方便。皆不知也。不能以教自通。將談無機。故言狹小。行則圓。因自行。行大直道。無諸畱難。故言一善行菩薩道。直至道場。故言門。妙行難行。方便無

機。故言狹小。諸子幼稚等者。雖於二萬億佛所教。無上道。大乘善根微弱。故云幼稚。此明善弱也。若聞大乘能生毀謗。故云未有所識。此明惡強也。因時深着愛見。果時深着依正。欲界着五塵。色界着味禪。無色着定。故云戀着戲處。或當墮落有二義。一者幼稚。憶本戲處。故墮落。喻貪着五欲。而墮三途。二者惡強。全然無識。故墮落。喻毀謗大乘。而墮三途。若墮落必爲五濁八苦之所燒煮。故云爲火所燒。我當爲說下。正是思惟。雖知根鈍。且稱本懷也。具告二句。是直說華嚴圓頓大教。擬宜小機。以

一眞法界。演四無碍法界。擴十玄門。直明中道稱性之談。經云。知一切法卽自心性。成就慧身不由他悟。又云。初發心時。卽攝五位成等正覺。能令衆生疾取菩提。故云具告諸子。汝等速出。下文急捉將還。卽汝等速出義。問。如所思惟具告諸子。思惟者怖畏事也。具告旣釋華嚴。何華嚴無怖畏事耶。答。華嚴遣法身大士。說五十五位法門。圓音落落。主伴重重。圓融行布。行布圓融。衆生不堪。如窮子驚愕。稱怨大喚。非怖畏而何哉。問。法說喻說。何不廣明。答。華嚴已過。法華正說。一始一終。二經同旨。

故不廣明。只此二句收攝。

二諸子不聽喻。喻上衆生諸根鈍等。明衆生無機。父雖憐愍。善言誘諭。而諸子等樂着嬉戲。不肯信受。不驚不畏。了無出心。亦復不知何者是火。何者爲舍。云何爲失。

父雖善言。諸子樂着。不聽父言。不求出離。三慧何由而生焉。不驚故無聞慧。不畏故無思慧。不知五濁八苦能燒善根。不知火也。不知陰界入法是諸苦之器。不知舍也。不知喪失法身之由。不知云何爲失也。如此則修慧亦不生矣。諸根暗鈍。三慧不

生亦末如之何。此是中下之根。不堪大法。所謂積行菩薩。上德聲聞是也。

三馳戲視父喻。喻上我寧不說法等。明念欲息化。但東西走戲視父而已。

法中息化在佛。此喻馳戲在機。彼此互明耳。背明向暗爲東西。生死往還爲馳走。於中起愛起見爲嬉戲。所謂東出西入。隨善惡以昇沉。南馳北走。似循環而無已也。雖用大擬。不從大教。故云視父而已。捨几一科。喻法中我始坐道場。至入於涅槃。六行半頌。在下窮子喻。爾時窮子。傭賃展轉。至卽遣

傍人強牽將還一段。上捨几喻已竟。

二用車喻。喻上尋念過去佛。至我常如是說。十一行頌。侵大施小。卽雙垂兩相。二始同時。不動寂場。化遊鹿苑也。分四。初擬宜三車。二知子先心。三歎美三車。四適子所願。且初擬宜三車。喻上尋念過去佛等。亦作三乘化度。

爾時長者卽作是念。此舍已爲大火所燒。我及諸子。若不時出。必爲所焚。我今當設方便。合諸子等得免斯害。

前云大火四面起。今云此舍已爲所燒。前云苦痛

切已。猶是未死。今必爲所焚。卽有死義。我及諸子必爲所焚者。以大乘法功爲父命。衆生大善爲子命。大善若盡。卽子命斷。子命斷則化功亦廢。卽父命斷。故云若不時出必爲所焚。上云所燒之門安隱得出。今云若不時出必爲所焚。此義云何。須知前出者。約法身說也。今言若不時出者。卽是應身示同衆生有疾。若衆生有善。成機受化。則與應身時出。若衆生善斷。無機不受。則不與應身時出。卽俱爲所焚也。當設方便等者。實相一乘。本不可言。曲爲中下。巧示方便。說三乘之權。令諸子得免五

濁八苦之害也。

二知子先心喻。喻上作是思惟時。十方佛皆現等。明小乘得度之機。

父知諸子。先心各有所好。種種珍玩奇異之物。情必樂着。

昔曾習小。是知先心性欲不同。是知各有所好。既知習小。故以小接。既知性欲不同。故開一爲三。又知本曾習大。名知先心中厭生死。名各有所好。種種珍玩。卽諦緣六度等法。三界所無。故云奇異。情必一句。正投其所好也。

三歎美三車喻。喻上思惟是事已。卽趣波羅柰等。明正施三乘。又分三。初勸修轉。二示相轉。三作證轉。且初勸修轉。

而告之言。汝等所可玩好。希有難得。汝若不取。後必憂悔。

此勸其令修也。謂此是苦。汝應知。集應斷。滅應證。道應修也。希有難得。卽珍玩奇異也。約三人說。玩好二字。當聲聞道滅二諦。緣覺還滅門。菩薩六度法。憂悔二字。當苦集流轉門。六蔽法。

二示相轉。

如此種種羊車鹿車牛車。今在門外。可以遊戲。

此示其相狀也。謂此是苦逼迫性。集招感性。滅可證性。道可修性也。羊車鹿車牛車。喻三乘也。許在門外者。以見思惑盡。出三界外。方得此車。又門卽一乘寶相門。如來巧智。於一乘之外。分別說三。故云門外。可以遊戲者。謂可以縱任六通。遊戲自在也。

三作證轉。

汝等於此火宅。宜速出來。隨汝所欲。皆當與汝。

此引已證彼也。謂此苦我已知。不復更知。集已斷。

不復更斷。滅已證。不復更證。道已修。不復更修也。皆當與汝者。皆與之言。正當已證。亦令他證。故下文云。爲汝保任此事。終不虛也。示勸證。乃次第。今隨經先勸後示。義亦無失。

四。適子所願。喻。喻。上是名轉法輪一行。頌。明受行。悟入。

爾時諸子聞父所說珍玩之物。適其願。故心各勇銳。互相推排。競共馳走。爭出火宅。

前偈畧。今喻廣明。修因至果。適願者。機教相扣。卽聞慧。勇銳者。心思動慮。卽思慧。此二句。卽三資糧。

外凡位。謂五停心。別相念。總相念也。互相下。卽修
慧。推四諦理。排伏見惑。邪正未決。名互相。卽四加
行中煖頂二位。競者。競取勝理。初則遍觀上下八
諦。歷十六行相。競趣真道。後則縮觀至欲界苦諦
下。趣苦法忍。此卽內凡忍位。共者。卽第四世第一
位。同觀欲界苦諦與忍位不別。故云共。馳走者。入
見道十五心。速疾取理。故云馳走。卽斷見惑盡。分
得涅槃。預入聖位。初果也。爭出。卽修道位。二三果
也。出了火宅。斷思惑盡。證無學道。卽四果也。若作
三人合論。一四諦法。聲聞人以苦諦爲初門。緣覺

人以集諦爲初門。菩薩人以道諦爲初門。三人共乘。三人同修。三人各證。故云心各互相競共爭出。皆約三乘智斷而說。準下法合別論者。聲聞聞四諦法。適其願樂。勇猛精進。推四諦理。排見思惑。欲速出三界。得證涅槃。是聲聞爭出火宅也。緣覺聞因緣法。投其願樂。勇猛精進。流轉還滅。爲推雙侵。二習爲排。深知諸法。因緣得證涅槃。是緣覺爭出火宅也。菩薩聞六度法。適其好樂。勤修精進。推求真諦。排伏塵沙。慈悲化物。度脫一切。是菩薩人爭出火宅也。上捨几用車已竟。

三等賜大車喻。喻上我見佛子等。志求佛道。六行偈。顯示真實。分四。初。父見子免難歡喜。二。諸子索車。三。等賜諸子大車。四。諸子得車歡喜。且初。父見子免難歡喜。喻上我。卽作是念。如來所以出。二行一句。頌明佛喜無畏。

是時長者見諸子等安隱得出。皆於四衢道中。露地而坐。無復障礙。其心泰然。歡喜踊躍。

前偈明父歡喜。今明子歡喜。以子喜其父亦喜。謂免難歡喜者。若子未免難。父則憂念。若得離火。心卽泰然。故免難歡喜。得爲一喻。四衢者。喻四諦也。

三乘同證四真諦理。未破塵沙。猶在中途。故云道中。三界見思惑盡。名露地。卽有餘涅槃也。涅槃謂之露地者。以較火宅則清涼有餘。較寶車之莊嚴全無。所以名偏空小果。住果不進。故云而坐。見思既盡。真諦理顯。故云無復障礙。不爲見思所局。故云泰然。生已度想。生安隱想。故言歡喜。

二諸子索車喻。喻上我見佛子等二行頌。明大乘機發。

時諸子等各白父言。父先所許玩好之具。羊車。鹿車。牛車。願時賜與。

此明索車。文無索字。依此請辭明索車耳。索有三。一機索。鹿苑證小之後。至方等。冥有大益。被斥不。謗。理有求大之義。名機索。二情索。至般若會上。領。知大法。樂大心起。縱不彰言。索義漸切。名爲情索。三口索。來至法華。因方便品初。聞佛畧說。動宿疑。情。是故發言三請。名爲口索。問。仍索三車。大機何在。答。名同義異。實大機動耳。但二乘不知三車之外。別有一乘也。三請殷勤。惟垂分別。願說第一。則大乘機動明矣。又法說中。先明機發。次說除障。佛喜無畏。今喻先明免難。次明機發。具論有四句。有。

先障除後大機發。如四大弟子諸聲聞等。於小乘教中障除。大品法華初大機始發。二障未除大機發。如華嚴法華諸凡夫得入佛慧者。三大機先動後障除。如方便品所說。四先障除後機發。如今喻所說。機動障除互現共成一意耳。

三等賜諸子大車喻。喻上於諸菩薩中三句頌。正顯真實。分三。初雙標子等車。等二廣明車。等三廣明心等。且初雙標子等車等。

舍利弗。爾時長者各賜諸子等一大車。

各賜諸子者。明子等也。一切衆生等有佛性。佛性

同故等皆是子也。等一大車者。明車等也。以子等故則心等。以法等故無非佛法。喻一切法皆摩訶衍。言各賜者。各隨本習。四諦六度無量諸法。開示真實。舊習不同。故言各皆摩訶衍。故言大車。下文凡有聞法。無不成佛。是等賜意。

二廣明車等。又二初明車之體相。

其車高廣。衆寶莊校。周匝欄楯。四面懸鈴。又於其上。張設幃蓋。亦以珍奇雜寶而嚴飾之。寶繩交絡。垂諸華纓。重敷婉筵。安置丹枕。駕以白牛。膚色充潔。形體姝好。有大筋力。行步平正。其疾如風。又多僕從。而侍

衛之。

高廣者。喻如來知見。廣大深遠。橫周法界之邊際。豎徹如理之淵底也。又圓收逗會。總攝時機。非高廣而何。衆寶一句。喻萬行修飾。周匝一句。喻總持遮護。四面一句。喻四辯下化衆生。張設一句。喻幢帛張車。喻四無量心。衆德之中。慈悲最高。普覆一切也。珍奇一句。喻真實萬善。嚴此慈悲也。寶繩一句。喻四弘誓。堅固大慈心也。垂諸一句。喻四攝神通。等悅諸衆生也。重敷一句。喻婉美也。筵鋪席也。喻觀練熏修。一切諸禪。重沓柔軟也。安置一句。枕有內

外。外枕者。車若駕運。隨所到處。須此支昂。喻卽動而靜。卽靜而動也。內枕者。休息身首。喻一行三昧。息一切智一切行也。丹卽赤色。喻無分別法也。駕以白牛者。喻無漏般若。能導諦緣六度一切行到。薩婆若海也。白乃本色。卽與本淨無漏相應故。體具萬德如膚充。煩惱不染如色潔。形體卽膚色。姝好卽充潔。此二句喻實相般若之體。有大筋力三句。喻觀照般若之用也。又四念處爲白牛。四正勤中二世善滿如膚充。二世惡盡如色潔。四如意足。稱行者心。如形體姝好。筋喻五根住立。能生義也。

力喻五力排伏。幹用義也。行步平正。喻定慧均等。七覺調平也。其疾如風。喻入正道中行。疾到薩婆。若海僕從者。方便波羅蜜也。能屈曲隨人。給侍使令。卽衆魔外道。二乘小行。皆隨方便智用。故淨名云。皆吾侍者。僕從侍衛者。供給左右也。與儻從同。此中長者能證之人。車等是所證之法。車卽體大。衆寶下相大白。牛下用大。諸子乘之。卽將來長者也。

二釋有車之由。

所以者何。是大長者。財富無量。種種諸藏。悉皆充溢。

財富藏溢。喻果地福慧圓滿。諸藏者。謂行藏理藏也。一切法不出於檀尸忍等。卽是約行明如來藏。一切法不出於陰入界等。卽是約理明如來藏。陰界等隨拈一法。無非理藏。達此理藏。故使六度咸成妙行。不達此理。萬行徒修。自行此行。理爲充。化他爲溢。又實智圓滿。名充。權智隨用。名溢。非但藏多。又皆充溢。無有一法非摩訶衍。故云種種無量。三廣明心等。分二。初廣心等。

而作是念。我財物無極。不應以下劣小車。與諸子等。今此幼童。皆是吾子。愛無偏黨。我有如是七寶大車。

其數無量。應當等心。各各與之。不宜差別。

此明心等。由財物無極。是子無偏。是故心等。假使富而非子。或有所吝。假使是子而貧。或不能給。則心不得等也。今自行已圓。財富無量。化緣已熟。故愛無偏黨也。七寶大車等者。喻今經開顯。若教若行。皆摩訶衍也。又方等般若。念處正勤。根力覺道。種種異名。皆開示實相。歷一切法。亦復如是。故言無量。各各二句。不移本習。而示實相。如身子於智。慧開佛知見。具一切佛法。目連於禪定。開佛知見。具一切佛法。餘人例知。以心等故。不宜差別也。我

財一句。卽佛自住大乘也。不應一句。卽自證平等法。若以小乘法。皆是二句。卽乃至於一人。我則墮慳貪。此事爲不可也。應當二句。卽皆以如來滅度而滅度之。不宜一句。卽不令有人獨得滅度也。

二釋心等。

所以者何。以我此物。周給一國。猶尙不匱。何況諸子。大慈普覆。故云周給。初釋財多。尙周一國。何況諸子。喻大圓因。遍該善惡。普周法界。理亦不窮。況佛知見耶。次釋子等。非子尙充。何況是子。喻無緣者尙度。況有緣子耶。言非子者。且貶正因不同緣了。

故抑言非。然佛慈普應。畢竟無偏。況結緣子。故約無緣慈對本有理。則一切衆生無非佛子也。若寄化儀說。且以宿昔未結緣者爲非子也。又此等賜一科。謂人天善惡體卽法界。故父果車卽子理車。但開其情。假名等賜。衆生無盡。車亦不窮。不窮故不匱。不匱故無偏。故云等賜大白牛車。總之緣了子。先結緣者。今熟脫之。正因子未結緣者。今爲下種。番番種。番番熟。番番脫。盡未來際。無有已也。方是出世長者。大慈悲父之心。等賜諸子大車竟。四諸子得車歡喜。喻喻菩薩聞是法一行。受行悟。

入。

是時諸子各乘大車。得未曾有。非本所望。

喻上菩薩聲聞除疑成佛也。三乘之人本求羊鹿水牛之車。期出分段。今得大白牛車。盡於變易。過本所望。豈不歡喜。上等賜大車喻竟。

四長者不虛喻分三。初如來垂問。二舍利弗答。三如來歎善。且初如來垂問。

舍利弗。於汝意云何。是長者等與諸子珍寶大車。寧有虛妄否。

此下喻上汝等勿有疑二行半。明說無虛妄也。是

長者先許諸子三車。諸子既出之後。不與三車而等與珍寶大車。這先許三後與一。寧有虛妄否。

二舍利弗答分二先直答不虛。

舍利弗言不也世尊。

謂凡稱虛妄者。以無益於人而有損於事也。今長者於諸子。既有益而無損。實不虛妄。故云不也世尊。

二申明不虛之意。又四初免其火難不虛。二結況以重奪輕不虛。三不乖本心不虛。四結況過本所望不虛。且初免其火難不虛。

是長者。但令諸子得免火難。全其軀命。非爲虛妄。何以故。若全身命。便爲已得玩好之具。

是長者先許三車者。不過令諸子得免火宅之難。全其身命而已。今身命已全。有何虛妄。故云非爲虛妄。何以以下徵釋。謂我說長者爲全身命。不與玩好之具。不爲虛妄者。是何以故也。若全身命。雖未別有所得玩好。便爲已得玩好之具。以全於小乘五分法身。入空慧命。則是已得玩好之具也。全身免火。已得大寶。濟子重命。豈應有虛。

二結況以重奪輕不虛。

況復方便於彼火宅而拔濟之。

況復昔日體外方便於彼火宅救度一切衆生得五分法身。尚不虛妄。豈今日等賜大車寶慧之命已得而反有虛妄哉。

三不乖本心不虛。

世尊若是長者。乃至不與最小一車。猶不虛妄。何以故。是長者先作是意。我以方便令子得出。以是因緣。無虛妄也。

謂諸子但免火難。長者縱不與小果。猶不虛妄。以前苦已出。小果已證。那言虛妄。故云乃至不與等。

此述長者本意。若小若大。俱有本心。大本爲本。小本非本。許小不與。尙無所乖。況更與大。寧乖本意。何以下徵釋。是長者未許三車之前。先作念云。諸子無知。於火宅內。無求出意。我今當設方便。巧說三車。令子得出火宅。元爲拔苦。本非與果。以是作念。假設方便。令子得出火宅之因緣。故不虛妄。

四結況過本所望不虛。

何況長者。自知財富無量。欲饒益諸子。等與大車。昔日許三。而今與一。三乘是其所望。一車本不知有。許三與一。出乎三乘望外。那言虛妄。

三如來歎善。

佛告舍利弗。善哉善哉。如汝所言。

雙歎善哉。美其所答不謬也。問佛不自說不虛教。身子說者何也。答許三與一。自說取信爲難。教身子說者。取信諸人則易也。初譬喻已竟。

二法合分二。初合總喻。二合別喻。初中分六。初合長者喻。

舍利弗如來亦復如是。則爲一切世間之父。於諸怖畏衰惱憂患。無明闇蔽。永盡無餘。而悉成就無量知見力。無所畏。有大神力及智慧力。具足方便。智慧波

羅密。

如來一句。合上位號也。如來無量德號。畧舉十義。如上則爲一句。合上名行也。上云國邑聚落。今云一切世間者。通指同居方便實報三土。如來遍應三處。爲一切世間之父也。等三界以同仁視。四生如一子。故云父。於諸下。合德業也。怖畏卽二種生死。無明卽五住煩惱。永盡者。卽五住究盡。二死永亡。合上衰邁。顯斷德也。成就知見。合上年高。顯智德也。力無所畏。合上外德。財富無量也。神力者。深修禪定。能得神通。合上田也。智力者。智必照境。如

身託處。合上宅也。具足一句。合上諸僮僕也。

二合五百人喻。

大慈大悲。常無懈倦。恒求善事。利益一切。

慈悲是施化之本。一切是五道衆生。恒爲慈悲所被。又常無一句大喜心也。恒求二句。大捨心也。以不大喜。則懈倦而不求善事。不大捨。則雖求善事。不肯利益一切故。

三合舍宅喻。

而生三界朽故火宅。

朽故如下頌。

四合三十子喻

爲度衆生。

衆生有緣具三乘根性者。先得度脫。

五合火起喻。

生者病死。憂悲。苦惱。愚癡。闇蔽。三毒之火。

生處胎獄。老厭龍鍾。病臥牀席。死悲離散。三毒者。

貪對一切順情之境。引取無厭。瞋對一切違情之

境。便起怒恚。癡者迷一切事理之法。無明不了。起

諸邪行。此三於諸諦理。愚惑癡迷。昏闇障蔽故。又

稱毒者。以能壞出世善心故。火字貫上。此合歎然

火起也。

六合一門喻。

教化令得阿耨多羅三藐三菩提。

教能詮理。尋理起行。卽得菩提。此中如來轉無量怖畏而成無量無畏力。轉無量衰惱而成無量大神通力。轉無量憂患而成無量知見力。轉無量無明而成實智力。轉無量闇蔽而成權智力。具此種種廣大威力。而以大慈大悲。恒求善事。利益一切衆生。以如來永盡怖畏。能度衆生生死怖畏。永盡衰惱憂患。能度衆生憂悲苦惱。永盡無明闇蔽。能

度衆生愚癡暗蔽三毒。由如來永盡諸障。方能成就無量德業。由成就故。方能教化衆生。令得菩提也。合總喻竟。

二合別喻分四。初合長者見火喻。又四初合能見見

即如來寂照智眼能見也。喻中長者見法中佛眼觀見。

二合所見火。

諸衆生爲生老病死。憂悲苦惱之所燒煮。亦以五欲財利故。受種種苦。又以貪着追求故。現受衆苦。後受

地獄。畜生。餓鬼之苦。若生天上。及在人間貧窮困苦。愛別離苦。怨憎會苦。如是等種種諸苦。

合上所見之火。從四面起也。五欲如刀蜜。財利如浮雲。衆生癡暗貪求。無晝無夜。五濁八苦之火。日夜燒煮。故云受種種苦。貪求者。求不得苦也。地獄人天五陰熾盛。愛別離。欲合而離。怨憎會。冤家相會。

三合廣前所見。

衆生沒在其中。歡喜遊戲。不覺不知。不驚不怖。亦不生厭。不求解脫。於此三界火宅。東西馳走。雖遭大苦。

不以爲患。

上種種苦如海。衆生汨沒於中。不以爲苦。反以爲樂也。不觀苦集。故不生厭。不觀道滅。故不求解脫。又此結束上文。謂五欲財利。本是苦境。而衆生以爲樂事。故歡喜遊戲。貪着追求。本是苦心。而衆生惟恐貪之不酷。求之不巧。故不覺知。地獄三途。本必有之。苦報。應寒心而恐懼者。而反不信。謂且願生前。奚遑死後。故不驚怖。天上人間貧窮困等。本是苦聚。應厭惡而遠離者。然間植小善微因。求一人身天福。惟恐不得。故不生厭。如是等種種諸苦。

皆應早求解脫者。而衆生且淹沒陷溺其中。故不求解脫。由此癡迷。無有智慧。故不知覺。由不知覺。故不驚怖。由不驚怖。故不生厭。由不生厭。故不求解脫。而於三界火宅中。日出而作。隨善業以東馳。日入而沉。隨惡業以西走。改頭換面。往還五趣。雖受百千萬劫之大苦。不以爲患。此合諸子火來逼身。心不厭患。無求出意也。

四合長者驚怖。

舍利弗。佛見此已。便作是念。我爲衆生之父。應拔其苦難。與無量無邊佛智慧樂。令其遊戲。

應字。卽非予而誰之意。拔其苦。卽大悲之力。與其樂。卽大慈之力。上云驚怖。驚其無樂。怖其有苦。此拔苦與樂。卽上驚怖也。合長者見火喻竟。

二合捨几用車喻。分二。先合捨几。次合用車。初中又二。初合長者念救。

舍利弗。如來復作是念。若我但以神力及智慧力。捨於方便。爲諸衆生讚如來知見。力無所畏者。衆生不能以是得度。

承上拔苦與樂。雖爲父道所當盡。然復作是念。終難從實捨權也。神力合上身有力。智慧力合手有

力。如來知見合上衣。祴力無畏合上几案。卽始坐道場。大法擬宜。衆生根鈍。不能以此得度也。

二合諸子不聽。

所以者何。是諸衆生。未免生老病死。憂悲苦惱。而爲三界火宅所燒。何由能解佛之智慧。

徵釋不能得度。合上不聽也。正由五濁障重。未免生老等火所燒。大乘微妙。不能解入。如人身在縲。繼未可以語衣錦之榮。故云何由能解等。此句合唯有一門而復狹小。無機狹小。不能解佛智慧也。前喻有三。馳戲一科義含。

二合用車。分二。先牒前三喻。

舍利弗。如彼長者。雖復身手有力。而不用之。但以殷勤方便。勉濟諸子火宅之難。然後各與珍寶大車。

一大擬不得。二小投其好。三等賜大車。

二正合用車。分四。初合擬宜三車。二合知子先心。三合歎三車希有。四合適子所願。且初合擬宜三車。

如來亦復如是。雖有力。無所畏。而不用之。但以智慧方便。於三界火宅。拔濟衆生。

不用之者。大法擬不得也。但以方便者。正用三乘。

也。智慧方便。權實並演。單云智慧。自受用實也。連方便者。明應機卽實而權。正顯權從實起。權泯歸實之旨。三界者。欲界雜居。色界四禪。無色四空。各有界限。種族故。俱名火宅者。均在輪迴數。故此合我今當設方便。令子免害也。

二合知子先心。

爲說三乘。聲聞辟支佛。佛乘。

三乘者。乘以運載爲義。聲聞以四諦爲乘。緣覺以因緣爲乘。菩薩以六度爲乘。運出三界歸於涅槃也。六度菩薩於當教亦稱大乘。今名佛乘者。以三

十四心。頭斷見思習氣。而得成佛故。

三合歎三車希有。又三初合示相轉。

而作是言。汝等莫得樂住三界火宅。勿貪麤弊色聲香味觸也。若貪着生愛。則爲所燒。汝速出三界。當得三乘。聲聞辟支佛。佛乘。

汝等莫得等示苦諦。三界火宅是苦果。勿貪等示集諦。貪愛是苦果之因。色爲男女形貌。及青黃赤白等。聲爲男女歌詠。及絲竹環珮等。香爲男女身香。及沉水檀速等。味爲男女稠繆。及肴膳美味等。觸爲男女身分。及柔軟細滑等。此名五欲。亦名五

塵。揀非微妙。故云麤弊。若貪等者。以蛾眉皓齒。是伐性之斧。絲竹管弦。是奪心之賊。龍涎象藏。是牽意之媒。甘脆肥膩。是腐腸之藥。雲繒羅縠。是惰身之機。衆生不知而生貪着愛取。則爲其所燒也。汝速下。示滅道二諦。此二示三界外有三乘智斷之果。故令速出三界。當得三乘。正合上三車。今在門外。可以遊戲。

二合作證轉。

我今爲汝保任此事。終不虛也。

無人保任。或恐難成。佛既自證。爲作保任。出三界。

內之苦。得三界外之樂。爲不虛矣。合上隨汝所欲。皆當與汝。

三合勸修轉。

汝等但當勤修精進。如來以是方便。誘進衆生。復作是言。汝等當知。此三乘法。皆是聖所稱歎。自在無繫。無所依求。乘是三乘。以無漏根力。覺道禪定。解脫三昧等。而自娛樂。便得無量安隱快樂。

汝等下。正合勸修。復作下。正合歎三車希有三乘。是諸佛方便。化物儀式。故諸佛所稱揚讚歎也。若知苦。則無生死逼迫之苦果。而有身心自在之樂。

故云自在。若斷集則無三界繫縛之苦。因而有縱任不拘之樂。故云無繫。若證滅則我生已盡。不受後有。故無所依。若修道則旅泊三界。無所希望。故無所求。又得無生智曰自在。得盡智曰無繫。無明糠脫曰無依。所作已辦曰無求。無漏等勸修道品也。住於真空涅槃。故安隱。改麤爲細。易短作長。故快樂。

四合適子所願。前喻三車合說。今三乘別合。分三初合羊車。

舍利弗。若有衆生。內有智性。從佛世尊。聞法信受。殷

勤精進。欲速出三界。自求涅槃。是名聲聞乘。如彼諸子爲求羊車。出於火宅。

內有一句。下二應有。宿昔三乘樂欲。成三乘智性。故佛施三乘之教。以投其好也。此性卽衆生本具。正因佛性。論中有本性住種性。卽此正因佛性。有習以成種性。卽緣因佛性。此正因性。雖具必假教法熏起。聞法信受者。謂從佛聞等流教法的信無疑。拳拳服膺。持守不失。殷勤精進者。聞而思思而修也。三處闡法。各隨本乘。欲速二句。厭三界苦。求涅槃樂也。欲速自求。是二乘病根。欲速則不達自

求則不大。因乖萬行。果缺圓常。皆欲速自求之過也。是名下結。如彼下提。喻合聲聞。聞佛聲教得悟。不能化他。如羊不顧後羣。故以羊喻聲聞乘。此中從佛聞法。合上聞父所說。適其願故。聞慧也。殷勤合上心各勇銳。思慧也。精進。合上推排。修慧也。欲速等。合上競共馳走。是名一句。合上爭出火宅。下倣此。

二合鹿車。

若有衆生。從佛世尊。聞法信受。殷勤精進。求自然慧。樂獨善寂。深知諸法。因緣是名。辟支佛乘。如彼諸子。

爲求鹿車。出於火宅。

梵言辟支迦羅。此云緣覺。亦云獨覺。求自然二句。獨覺也。以單丁自守。不求伴侶。觀物變遷。自覺無生故。深知一句緣覺也。諸法卽十二因緣也。乘佛因緣。流轉還滅。推審住智。滅緣顯理故。十二有支。除無明。每支具七智。先推因。次審因。三世推審。爲六。後住法智。爲七。十一支共七十七智也。又求自然慧。則慧不止。如聲聞內有智性而已。深知一句。則志不止。如聲聞欲速自求而已。故優於聲聞。劣於菩薩。爲中乘也。支佛是法行人。從他聞法。少自

推義多。故喻如鹿。鹿不依人故。又鹿有迴顧之慈故。

三合牛車。

若有衆生。從佛世尊。聞法信受。勤修精進。求一切智。佛智。自然智。無師智。如來知見力。無所畏。愍念安樂。無量衆生。利益天人。度脫一切。是名大乘。菩薩求此乘。故名爲摩訶薩。如彼諸子。爲求牛車。出於火宅。

求一切下。明求佛智慧。一切智者。卽一切法。而證實相。所謂欲覓實相。不離一切法。欲覓一切法。不離實相。諸法爲實相之表。實相乃諸法之體。故名。

一切智佛智者。揀因智。此智究竟果位。超於因位。故名佛智。智是一。但有圓缺之異。故上二實智也。下二權智。自然智。任運而知於一切機。不思而應。俯會無差。如月落百川。影含萬體。不然而然。名自然智。無師智者。以此智惠施於人。應遍無方。不拘成範。能師一切人。無人爲師。名無師智。如來知等。明求佛地。不共功德也。上上求自利。愍念下。下化利他。安樂等。以四無量心安樂一切衆生。離苦得樂也。無量總該六道。以慈心利樂。饒益諸人。天等而與之樂。故云利益人天。以悲心度脫三途一切。

衆生而拔其苦。故云度脫一切。此中聞法精進前五度。求四智第六度。又求一切等。大智心也。愍念等。大悲心也。智悲雙運。漚和不碍般若。般若不碍漚和。具此自利利他之大心。故名大乘。菩薩下釋成大乘二字。謂前云佛乘。此云大者。以佛是大果。衆生能求此大果而乘之。以自利利人。故名摩訶薩之大乘也。菩薩慈悲化物。如牛之安忍運載。故以牛車喻菩薩。上合捨几用車竟。

三合等賜大車喻。分二。先牒前二喻。

舍利弗。如彼長者。見諸子等安隱得出火宅。到無畏

處。自惟財富無量等。以大車而賜諸子。

見諸等。牒前免難。自惟等。牒前等賜。上喻有四。今但合二。免難兼索車等。賜兼歡喜。

次合二喻。分二。初合諸子免難。

如來亦復如是。爲一切衆生之父。若見無量億千衆生。以佛教門。出三界苦。怖畏險道。得涅槃樂。

此門乃方便權門也。指阿含教中所詮之理。苦卽世間苦果。怖畏一句。卽世間生死。得涅槃一句。卽出世樂果。謂小乘涅槃。云出云得。雙該集道二因。未有不斷集而離苦果者。未有不修道而得樂果者。

此合諸子安隱得出火宅。到無畏處也。

二合等賜大車。分三。初合釋有車之由。

如來爾時便作是念。我有無量無邊智慧力。無畏等諸佛法藏。

合上財富無量也。

二合廣明心等。

是諸衆生。皆是我子。等與大乘。不令人獨得滅度。皆以如來滅度而滅度之。

合上我財物無極。不應以下劣小車與諸子也。佛之法藏既多。衆生又是佛子。所以不惜而等與也。

不令下。釋等與之義。如來滅度。卽大乘三德涅槃。四十年前。獨許菩薩作佛。是令人獨得滅度。今經許聲聞與菩薩同得受記。是皆以如來滅度也。三合廣明車等。

是諸衆生脫三界者。悉與諸佛禪定解脫等。娛樂之具。皆是一相一種。聖所稱歎。能生淨妙第一之樂。

是諸一句。牒昔所化權人。悉與下結足所與大之事。一相卽實相。法身德也。一種卽種智。般若德也。淨妙之樂。樂卽無苦。解脫德也。三德高廣。具足莊嚴。收羅萬德。名爲大乘。正合其車高廣。衆寶莊校。

等名爲大車也。又一相者。雖有差別功德。皆一實相。一種者。無二三之殊。惟一乘之種類。諸佛稱歎。以此而修。直至成佛。故云生淨妙樂。又涅槃淨也。般若妙也。法身第一也。此三永絕諸苦。故云樂上合等。賜大車竟。

四合長者不虛喻。分二先牒前喻。

舍利弗。如彼長者。初以三車誘引諸子。然後但與大車。寶物莊嚴安隱第一。然彼長者無虛妄之咎。

許三誘引出宅。末後等與大車。旣無虛妄過咎。

次正合不虛。

如來亦復如是。無有虛妄。初說三乘。引導衆生。然後但以大乘而度脫之。何以故。如來有無量智慧力。無所畏。諸法之藏。能與一切衆生大乘之法。但不盡能受。舍利弗。以是因緣。當知諸佛方便力故。於一佛乘。分別說三。

長者既不虛妄。如來先三後一。豈虛妄哉。何以下徵釋。先三後一之故。謂初說三乘。既爲引導。則似非實。然後但度大乘。會無先期。則似爲妄。此何以故。而言無有虛妄。以虛妄者。無而爲有。能許而不能與之謂。今佛既有無量諸法之藏。則非虛矣。又

能與一切衆生大乘之法而不憒惜。則非妄矣。但因法大機小。佛能盡與。而衆生不能盡受。若華嚴能受。何俟開一爲三。舍利下結。以是衆生不能盡受之因緣。但爲小智開一爲三也。因緣應前請詞。上長行竟。

二偈頌有一百六十五行。前一。百行。頌上長行。後六十五行。補頌二義。初中又二。初六十五行半。頌喻說。二。三十四行半。頌法合。初頌喻說。中分二。初三十三行。頌總喻。次三十二行半。頌別喻。初頌總喻。中分四。初一句。頌長者喻。二。三行一句。頌家宅

喻三半行頌五百人喻四二十九行廣頌火起喻
前喻有六今止頌四家宅舍一門五百舍三十子
耳且初一句頌長者喻。

佛欲重宣此義而說偈言譬如長者。

頌上位號卽兼名行德業。既有長人之德卽知名
行爲國邑聚落所崇亦知內外年德俱高喻佛具
足智斷慈悲萬德也。

二三行一句頌家宅喻。

有一大宅其宅久故而復頽弊堂舍高危柱根摧朽
梁棟傾斜基陛隤毀牆壁圯坼泥塗隤落覆苦亂墜。

椽栳差脫。周障屈曲。雜穢充遍。

宅者託也。安也。人所託以安身也。宅久易壞。故云
頓弊。總言曰宅。別論宅內有堂舍之分。堂者當也。
當賓客酢酢也。舍者止也。止身於其間也。靠壁曰
柱。卽磔曰根。橫曰梁。豎曰棟。房址曰基。墼曰陛。
東西曰墻。前後曰壁。圯毀也。坼裂也。泥塗所以飾
縫隙。阨壞也。覆苫所以蔽風雨。在簷曰椽。在脊曰
栳。籬落四圍曰周障。徑巷穿叉曰屈曲。若配依報。
大宅三界也。三界無始爲久。非今所造爲故。無常
卑鄙爲頓弊。堂舍者。長行堂。喻欲界。此中堂。喻上

二界。舍喻欲界。柱根梁棟牆壁。如上配基陞喻共相種子。泥塗墻壁之表。覆苫堂舍之表。椽栳梁棟之表。此三可喻山川林藪等。高危摧朽等。皆明無常敗壞之相。周障二句。明三界高低崎嶇。三惡增盛也。正報五陰宅也。自迷心海已來。故云久故。陰身老病無常。故云頓弊。堂喻身之上分。舍喻身之下分。念念相續無常。曰高危。八法不整。三相所遷。曰摧朽。諸苦所侵。曰傾斜。基陞喻行業。衰老之時。曰隕毀。四大傷損。曰圯坼。泥塗喻皮膚。老色枯朽。曰隳落。覆苫喻毛髮。老則脫落。曰亂墜。椽栳喻筋

骨支節不援。曰差脫。周障二句。一身三十六物。九孔長流不淨也。三界不牢。令人生厭。是說喻之正旨。故下文盡情摹寫。智者觀之。當絕本息輪。離苦免難也。

三二句。頌五百人喻。

有五百人止住其中。

三乘根性爲五道所攝。兼得三十子。

四二十九行。廣頌火起。長行周匝三句。文畧。今廣明之。諸家配釋不一。智者用十使配釋。其義切當。十使煩惱。分於三界九地。具足見思。方感分段生。

死之苦以十使爲火之根本故。文分四段。初二十
二行頌明地上事。喻欲界火起。二三行半頌明穴
中事。喻色界火起。三二行半頌明空中事。喻無色
界火起。四一行。總結衆難多端。初中又四。初明所
燒之類。二明火起之由。三明火起之勢。四明被燒
之相。初中又二。先正明所燒。二總結所燒。初中又
二。初明禽獸被燒。喻五鈍使衆生。二明鬼神被燒。
喻五利使衆生。十使而云利鈍者。前五於所緣境。
頑嚚不決故。後五於所緣境。果決割斷故。爲心王
所役。曰使。又能使衆生入於生死輪迴故。初明禽

獸被燒。又二。初正喻五鈍。二結顯宅變。初中又五。且初二句頌。喻慢使。

鴟梟鷲鷲。烏鵲鳩。鴿。

此下蟲名獸狀。鬼體神形。雖非經要。旣喻十使。亦可畧知其相也。慢使衆生。自舉輕他。凌高下視。故喻如鳥。凌他爲慢。自貴爲憍。必有所挾也。今取文殊問經八憍。喻此八鳥。一壯盛憍。謂人恃己強勝。壯大。凌他劣弱。如鴟。惡鳥也。似鷹而白。一名鴟鵂。晝不見泰山。夜能撮蚤。其形最大。故壯盛憍如之。二性憍。謂人恃己種姓強大。凌慢於他。如梟。不孝。

之種。食母之鳥。故性憍如之。三富憍。謂人恃己富。凌慢於他。如鷗。有多種。黃頭赤目者。能取獐狸爲食。故富憍如之。四自在憍。謂人恃己長大稱意所作。凌慢於他。如鷲。食宿山林。去住自由。故自在憍如之。五壽命憍。謂人恃己壽高。凌慢於他。如鳥。卽烏鴉反哺之鳥。命長不死。故壽命憍如之。六聰明憍。謂人恃己聰明達。凌慢於他。如鵲。性至聰。能報吉凶。故聰明憍如之。七行善憍。謂人恃己能行少善。凌慢有德如鳩。卽鳩。性至純。不知自拙。諺云。人道鳩拙。我道鳩巧。只用幾根柴。家緣便

做了。故行善憍如之。八色憍。謂人恃己容顏美妙。凌慢於他。如鴿。類有多種。以色取勝。肆姪鳥也。故色憍如之。

二二句頌喻瞋使。

虬。蛇。蝮。蠍。蜈。蚣。蚰。蜒。

瞋有三種。一非理瞋。謂不問可否。歛起瞋心。二順理瞋。謂人實惱我。三諍論瞋。謂強執己解爲是。他解爲非。虬。蛇。之。大。者。毒。盛。不。觸。而。吸。喻。非。理。蝮。蠍。之。大。者。觸。之。則。螫。人。也。喻。順。理。蜈。蚣。瞋。很。而。行。速。蚰。蜒。漣。涎。而。走。滯。喻。戲。論。

三二行頌喻癡使。

守宮百足。鼪狸。鼯鼠。諸惡蟲輩。交橫馳走。屎尿臭處。不淨流溢。蠅。蝮。諸蟲。而集其上。

於境不了曰癡。卽無明也。無明有二。一獨頭。二相應。在室曰守宮。在澤曰蠅。漢時宮中養以丹砂。取血用梅華印。以塗眉間。宮女有邪私者。其面華卽散。爲防宮女姪亂。故云守宮。多足蟲曰百足。似蜈蚣。不能毒害者。此二元然。喻獨頭。鼪鼠之大者。赤黃色。能入穴而食鼠。天若雨。於樹上倒懸。尾有兩岐。以塞兩鼻。狸狐之大者。年老可成精。而妖媚。

人者。鼯鼠者。甘口鼠也。食人而不覺痛者。此三喻相應。諸惡一句。謂從癡根本。備起諸結使也。交橫一句。明諸使相緣。或緣三界如交橫起之速疾如馳走。屎尿二句。明癡心所着之境。皆無常不淨故。蜚蜋亦名烏甲蟲。由癡不了。於中計常樂我淨。而生染着。如蜚蜋集其上。也。則人於男女二根。生欲樂想者。迷倒極矣。

四二行頌。喻貪使。

狐狼野干。咀嚼踐蹋。齧齧死屍。骨肉狼籍。由是羣狗。競來搏撮。饑羸悼惶。處處求食。

貪有二。一有力貪。二無力貪。有力者以威勢取之。如五霸等。荼毒萬姓。如狐狼。無力者。但能從他乞索麤弊。如豪強。侵奪良善。阿附之餘黨。如野干。似狐而小。形色青黃。尾大。巢於危巖高木之上。羣行夜鳴。恠獸也。咀嚼下。明貪心取境。有用而取。如口含味以咀嚼。不用而棄。如足蹴躡以踐踢。又少則咀嚼。多則踐踢也。以唇啞血曰齧。以齒斷骨曰齧。喻貪噬無厭也。死屍喻麤弊五塵。狼籍者。狼所臥處。艸皆披靡也。生蟲咀嚼以殆盡。死屍齧齧以有餘。故云骨肉狼籍。謂食之不盡。零落於艸間。世人

肆筵設席。杯盤狼籍。積聚五塵。不知止足。亦猶是也。由是下。喻王賊等有大力。將彼有力無力所貪之物。以強取之也。兩足翻尋曰搏。收聚一處曰撮。貪不知足曰饑。求不能得曰羸。種種營覓曰悵惶。多貪之人。雖富而貧也。處處一句。馳逐五塵之境也。

五二句頌。喻疑使。

鬪諍。搯掣。嗥喋。嗥吠。

羣狗競取曰鬪。羣狗相吠曰諍。向前相奪曰搯。往來相扯曰掣。卽鬪之形也。啣物死諍曰嗥。喋。失物

潑叫曰嗥吠。卽諍之聲也。喻疑使衆生未決是非。爲鬪諍。意謂爲是復謂爲非。名擅挈。發言論決是非之理。名嗥吠。上正明五鈍竟。

二二句頌結顯宅變。

其舍恐怖變狀如是。

變乃改其本有狀。謂新其相貌。總上五鈍。凡人共有。苟有此者。人而不盡人道。則妄人也。非禽獸而何。人之異於禽獸者。幾希。庶民去之。君子存之。凡人物之生。同得天地之理爲性。惟其所稟氣形偏正。故有人畜之殊。乃曰幾希也。唯君子完其所得。

之理。不失其所以人也。小人不知而去之。名雖爲人。而實不得其所以爲人也。孟氏之言。吾佛之教。隱顯少殊。會旨不異。上明禽獸被燒竟。

二明鬼神被燒。又二。初二句。總明五利。

處處皆有。魑。魅。魍。魎。

五利遍緣三界四諦五陰。觸處生着。造次恒有。故言處處皆有也。西京賦云。山神虎形曰魑。宅神猪頭人形曰魅。木石變惟曰魍魎。總是物類之精。有時聞聲不見其形。有時見形倏然不見其形也。夫鬼神有智。禽獸則無。故以利喻鬼神。鈍喻蟲獸。

二九行半。別明五利。分五。初三行喻邪見。

夜叉惡鬼。食噉人肉。毒蟲之屬。諸惡禽獸。孕乳產生。各自藏護。夜叉競來。爭取食之。食之既飽。惡心轉熾。鬪諍之聲。甚可怖畏。

邪見衆生。不敬三寶。不禮塔寺。撥無因果。故云邪見。夜叉亦名藥叉。捷疾鬼也。此云苦活。食人度命。以苦自活也。喻邪見之徒。人是善報。喻出世善因果。不雜煩惱者。邪見之心。撥無善因果之事。如夜叉食人肉也。毒蟲是惡報。喻世間惡因果。雜諸煩惱者。邪見之心。撥無惡因果之事。如夜叉噉毒蟲。

屬也。諸惡下三句。明善惡因果。皆從自類而生。毫無差舛。玉篇云。伏卵曰孚。廣雅云。孚亦生也。乳者養也。故鳥生日孚。獸生日乳。此喻善惡之法。從自類因。生自類果也。各自藏護者。因能有果名藏。必得不失名護。夜叉二句。謂邪見之心。撥無善惡因果。如夜叉競共爭取人肉毒蟲而食也。食之既飽者。邪見之心成就也。惡心轉熾者。邪見之心增廣也。鬪諍之聲者。內心成就。外彰言教。宣於無因無果之法。能令聞者。墮落三途。故言甚可怖畏。今之外道。宣唱冊卷。夜聚曉散者是也。古德云。似此一

般愚男女。生遭王法。死阿鼻。豈不大可怖畏哉。

二二行半。喻戒禁取。

鳩槃荼鬼。蹲踞土埵。或時離地一尺二尺。往返遊行。縱逸嬉戲。捉狗兩足。撲令失聲。以脚加頸。怖狗自樂。戒取執邪爲道。名非因計因。卽持牛狗等戒之徒。鳩槃荼此云甕形。以其形似甕故。可畏鬼也。虛坐爲蹲。實坐爲踞。喻外道依於戒取。修行十善。能生六欲天。六天是欲界高處。如土埵也。依戒取修得四禪。生色界。名離地一尺。依戒取得四空定。生無色界。名離地二尺也。上生二界爲往。還生欲界爲

返依戒之見。所修之行。安意樂心。故縱逸嬉戲也。捉狗等者。前文狗喻貪使。今兩足喻有力無力二貪。聲喻貪之種子。脚喻覺觀。以戒取之徒。非無實修。但知見不正。不入正道。盲修瞎煉。非因計因。幸而高昇上界。意欲伏貪現行。既得伏已。故云捉狗兩足。又望斷貪之種子。故云撲令失聲。斷之不能。卽用覺觀加之。故云以脚加頸。妄謂滅除而得自在之樂。故云怖狗自樂。此中捉撲以怖。正是外道邪修之工夫也。

三一行半喻身見。

復有諸鬼。其身長大。裸形黑瘦。常在其中。發大惡聲。叫呼求食。

於陰入界中。妄計爲身。名爲身見。豎入三世。計我名長。橫遍五陰。計我名大。計我自在。不修善法。卽無慚愧。故言裸形。以惡業莊嚴。故言黑。無功德資助。故言瘦。計我者不出三界。故言常在其中。計我在心。發言宣說有我之相。故言發大惡聲。冀因此說。望得道果。故言叫呼求食也。

四半行喻見取。

復有諸鬼。其咽如針。

此非果計果也。見取通至非想。非想非是涅槃之果。計之爲常。如咽細命危而保其壽。故云其咽如針。以無色唯心名咽細也。

五二行喻邊見。

復有諸鬼首如牛頭。或食人肉。或復噉狗頭。髮鬚亂。殘害兇險。饑渴所逼。叫喚馳走。

於一身見。計斷計常。執常非斷。執斷非常。隨執一邊。名爲邊見。計常者身斷我常。計斷者身斷我斷。斷常二邊。如牛頭二角。不知善因善果。惡因惡果。一味執斷執常。如食人肉。復噉狗也。或時計常。或

復計斷前後廻轉。如頭髮鬢亂也。計常卽破斷。計斷卽破常。如殘害克險也。無有智定飲食自資。如饑渴所逼。各陳己見。宣唱邪論。如叫喚隨諸邪行。輪廻不息。如馳走上。正明所燒竟。

二一行半總結所燒。

夜叉餓鬼。諸惡鳥獸。饑急四向。闚看牕牖。如是諸難。恐畏無量。

此總結欲界利鈍煩惱之相。初句利。二句鈍。饑急二句通結。二使並是有漏之心。無道味之食。故云饑。由饑故生死速疾。故云急。四向者。向四生輪廻。

也。窺私竊也。明其邪觀空理。慕仰道味。雖復觀空。而滯着心多。不會正理。如窺牕觀空。不得無碍也。末二句總結。初明所燒之類。喻十使煩惱竟。

二一行明火起之由。喻起五濁之由。

是朽故宅。屬於一人。其人近出。未久之間。

三界是佛化應之處。發心已來。誓願度脫。故云屬於一人。長者在宅。能令諸子慎火。由出宅後。諸子無知。故令火起。內合如來在世。能令伏五濁。由捨應後。衆生於後復起。五濁世尊在此土。數數生滅。今言近出。約最後一番示生三界。此土緣盡。彼土

緣熟捨此應彼也。問言屬又言出者何也。以屬則不出。出則不屬。故答不言屬。則於己無干。不應救濟。不言出則己且被燒。安能救人哉。

三二行明火起之勢。喻正起五濁。

於後宅舍。忽如火起。四面一時。其燄俱熾。棟梁椽柱。爆聲震裂。摧折墮落。牆壁崩倒。

忽然應長行歛然。四面卽身受心法。於此備起四倒。五濁八苦等。故云一時相續漸增。故云俱熾。呻吟悲痛爲爆聲。諸根破壞爲震裂。氣斷骨離。故摧折墮落。四大解散。故牆壁崩倒。世界山崩地裂。樹

折崖摧山河傾覆等。正明三界宅五陰舍。頓弊敗壞。火燒不堪之相。令人不當貪戀也。

四一行半明被燒之相。喻受五濁八苦。

諸鬼神等。揚聲大叫。鷓鴣諸鳥。鳩槃荼等。周樟惶怖。不能自出。

若計常者。謂法定常。已有還無。無卽常故。計斷者。謂法定斷。唯此一死。更無復續。皆唱言定說。其事已顯。故云揚聲大叫。鷓鴣舉鈍使。鳩槃荼舉利使。此等衆生。煩惱濁心。五見交攻。不求正道之修。不知出離之方。常在三界。甘受輪廻。故云周樟等。上明

地上事喻欲界火起已竟。

二三行半明穴中事喻色界火起分四初一行明所燒之類。

惡獸毒蟲藏窟孔穴昆舍闍鬼亦住其中。

四禪之定如孔穴雖復不及門外敞豁猶得免於猛燄喻入四禪定中雖未出界外猶得免於欲界麤惡也初二句鈍使下二句利使昆舍闍噉精氣鬼也。

二一句明火起之由。

薄福德故。

少福薄德。故近惡遇苦。

三一句明火燒之勢。

爲火所逼。

孔穴之中。雖無猛火。猶有熱惱。喻四禪雖無欲界。麤惡亦有喜樂等愛味細苦。故是火逼。

四二行明被燒之相。

共相殘害。飲血噉肉。野干之屬。並已前死。諸大惡獸。競來食噉。臭烟蓬焯。四面充塞。

利鈍衆生。得禪是同。所計各異。互相是非。如共殘害也。既於禪中起諸見。則不能生無漏定慧。但着

禪味如飲血。又着覺觀等五支。如噉肉。野干喻欲界貪於欲界。修未來定。已斷此貪。故言並已前死。禪定之貪。如大惡獸。能吞欲界之貪。故云競來食。噉欲界四倒八苦。如猛獸。色界四倒八苦。如臭烟。以烟過燄。故喻色界。色界亦通身受心法。及以四大如四面咸苦。故云充塞。上明穴中事。喻色界火起竟。

三二行半。明空中事。喻無色界。火起有二。初一行明所燒之類。

蜈蚣。蚰蜒。毒蛇之類。爲火所燒。爭走出穴。

欲界以蜈蚣喻瞋。今無色界亦喻瞋。色界雖不言蜈蚣。而云壽蟲。卽兼之。阿毘曇云上界不行瞋。無相害故。有善欲故。性寂靜故。心滋潤故。然止而不行。非能斷也。約種子三界俱有。約現行欲界獨存。厭色界定出向無色。厭色麤法。觀無色法。如毒蛇被燒出穴也。

二一行半明所燒之相。

鳩槃荼鬼。隨取而食。又諸惡鬼。頭上火然。饑渴熱惱。周樟悶走。

若得無色定。必滅下界緣。故言隨取而食。非想居

於最頂。尚不免顛倒之苦。如頭上火然也。非想亦有八苦之火。心生異念。生苦也。念念不住。老苦也。行心擾擾。防定。病苦也。退定。死苦也。求定不得。求不得苦也。不得定。必有障。怨憎會苦也。失定時。愛別離苦也。四陰心。卽五陰熾盛苦也。無無漏飲食所資。故饑渴所惱。猶是輪迴。故云周樟悶走也。上明空中事。喻無色界火起竟。

四一行總結衆難多端。

其宅如是。甚可怖畏。毒害。火災。衆難非一。

十使煩惱業火所燒。三界五趣受無量苦。故曰其

宅如是甚可怖畏。災難甚多。難以盡言。故曰非一。
上頌總喻竟。

二三十二行半。頌別喻分三。初二行半。頌長者見
火。二十三行。頌捨几用車。三十七行。頌等賜大車。
畧無虛妄不頌。初又三。初三句。頌長者能見。

是時。宅主在門外立。聞有人言。

宅主卽長者。是能見之人。門外立者。於所燒之門
安隱得出也。云立者。以如來在法身地。常懷大悲。
欲救衆生。不處第一義空之座。故云立也。聞有人
言者。上云見。今言聞者。以聞代見也。人者。聞必從

他故。三昧法卽他人也。入三昧中。俯察羣機。三昧能令佛見。故云有人言也。又人指悲願。若見聞者。悲願使然也。

二一行一句頌所見。

汝諸子等。先因遊戲。來入此宅。稚小無知。歡娛樂着。問。子本未出。云何因戲來入。答。約聖或在大通時。曾發大心。名出三界。而復退還。名之爲入。如人舉足欲出。至門側而返。亦名爲出。亦名爲入也。約凡理性本淨。非三界法。名出。因晦昧。故而起戲論。便有生死名入。故云先因遊戲來入此宅也。昔結緣

淺大善未著名爲稚小。退大以後。流轉三界。無明所覆。名爲無知。歡喜樂着。卽前於火宅內。樂着嬉戲等。

三二句頌驚怖。

長者聞已。驚入火宅。

爲諸衆生。起大悲心。出真兆聖。降迹塵寰也。

二十三行頌捨几用車。分二。初五行半。頌捨几。二七行半。頌用車。初又三。初四行半。頌長者念救。

方宜救濟。令無燒害。告喻諸子。說衆患難。惡鬼毒蟲。災火蔓莖。衆苦次第。相續不絕。毒蛇。虻。蝮。及諸夜叉。

鷓鴣茶鬼野干狐狗鷓鴣梟百足之屬饑渴惱急甚可怖畏此苦難處。況復大火。

方宜者。正以大教擬宜也。告喻卽具告諸子也。說衆患難下。正明所燒重重疊疊。廣列二使衆生。汨沒三界。衆苦蔓延。相續不絕也。無定慧相資。故云饑渴饑渴。已是可畏。況復五濁大火之所燒。資也。二三句頌諸子不聽。

諸子無知。雖聞父誨。猶故樂着。

頌上雖聞父誨。不肯信受。正明無機不受。卽無知。卽上稚小無知。猶故樂着者。旣無大志。復着三界。

也。

三一句頌馳戲視父。

嬉戲不已。

正明息化嬉戲卽見思見思不已。大法難投故息大化耳。

二七行半頌用車分三初三行頌擬宜三車。

是時長者而作是念諸子如此益我愁惱今此舍宅無一可樂而諸子等耽湏嬉戲不受我教將爲火害卽便思惟設諸方便。

初一行擬宜意愁恐墮苦惱不受大也。又長文云。

此舍已爲大火所燒等。長者旣慮與子並焚。所以益其愁惱也。次一行明用小之由。由着見思。故唯施小。耽樂之甚也。洎淪溺不出也。舍宅無一可樂。明三界五趣是苦。諸子耽洎嬉戲。明衆生執苦爲樂也。不受二句。明用小之意。若不用小。則大小俱亡。故云將爲火害。害故喪身。喪身故失命。卽便二句。正思用小施三乘教也。

二三行。頌歎美三車希有。

告諸子等。我有種種珍玩之具。妙寶好車。羊車。鹿車。六牛之車。今在門外。汝等出來。吾爲汝等造作此車。

隨意所樂。可以遊戲。

告諸下。頌勸轉也。妙寶者。方便教中之妙寶也。小果之樂。離火宅苦。故云妙寶。羊車下。頌示轉也。在門外者。如示四諦。令知出世也。汝等下。頌證轉也。造作者。以三車本無。乃幻出耳。可以二字。冥斥二乘。不堪任重。致遠。僅可自利。遊戲而已。

三一行半。頌適子所願。

諸子聞說。如此諸車。卽時奔競。馳走而出。到於空地。離諸苦難。

空地。指小乘所證偏空之理。頌上馳走爭出等文。

上頌捨几用車竟

三十七行頌等賜大車喻分四初五行頌免難歡
喜。

長者見子得出火宅住於四衢坐師子座而自慶言
我今快樂此諸子等生育甚難愚小無知而入險宅
多諸毒蟲魑魅可畏大火猛燄四面俱起而此諸子
貪樂嬉戲我已救之令得脫難是故諸人我今快樂
長者見等免難也坐師子座者一是諸子坐座得
出三界故無畏也二是長者坐座見子免難即得
無畏也初在門外子猶在內是故父立今子既出

宅是故安座。又大機未會。是故云立。小化已周。是故安座。故知立者。具利也。坐者。顯利也。而自慶下歡喜也。得所化機。是故慶快。二萬億佛所教。其大緣。是故云生。中間小熟。是故云育。經此多時。數數成就。將養不易。故云甚難。善根尙微。故云愚小。妄惑所覆。故云無知。無知則起濁。起濁必招果。故云入宅。多諸二句。總述三界利鈍之相。大火二句。總述三界八苦之勢。而此二句。明起見起愛。不能自拔。我已二句。明歡喜之由。是故二句。結歡喜之意。二三行。頌諸子索車。

爾時諸子。知父安座。皆詣父所。而白父言。願賜我等。三種寶車。如前所許。諸子出來。當以三車。隨汝所欲。今正是時。惟垂給與。

知父安座者。索車時也。驗上二座。父坐爲正。卽坐無量義經之座也。皆詣父所者。索車儀也。正同今會四衆圍繞。咸以恭敬。來至我所也。願賜我等者。正請索也。如身子三請等。如前所許。下述許。今正下。結許。

三七行半。頌等賜大車。

長者大富。庫藏衆多。金銀。珊瑚。瑠璃。砮磔。碼碯。以衆寶物。

造諸大車。莊校嚴飾。周匝欄楯。四面懸鈴。金繩交絡。眞珠羅網。張施其上。金華諸纓。處處垂下。衆綵雜飾。周匝圍繞。柔軟繒纊。以爲茵褥。上妙細氎。價直千億。鮮白淨潔。以覆其上。有大白牛。肥壯多力。形體姝好。以駕寶車。多諸僮從。而侍衛之。以是妙車。等賜諸子。初二句。頌有車之由。長者是能證之佛。大富等是所證之法。恒沙功德。非因所及。故云大也。屋盛物曰庫。喻六根等具一切法。地盛物曰藏。喻諸行具一切法。又陰界入等具一切法。喻藏約理如地。故道品六度等具一切法。喻庫約修如屋。故其實一。

一法中具一切行及一切法。一一行中具一切法。及一切行。故名庫藏衆多而大富也。金銀四句。明車體金銀四寶。喻一眞法界四智菩提衆寶兼攝。萬德性具諸法。總名爲寶。從性起修。名之爲造。子多行多。車則隨多。名之爲諸。一一車體無不高廣。名之爲大。又須示方知。起修名造。以性泯修。造還本有。卽車之體也。莊校下。明車之莊嚴。初四句如長行釋眞珠等出。懣蓋相也。慈門非一。猶如網孔。一一孔中皆一眞珠。如衆慈門。並稱於寶。長文但云垂諸華纓。祇是令見者欣悅。今云處處垂下。乃

明衆機遍悅也。衆綵一句。喻垂化之處。設應不同。周匝一句。喻攝物之宜。無所闕少。前云重敷婉筵。今柔軟二句。頌上婉筵二字。上妙四句。頌上重敷二字。繒帛也。纒絮也。茵褥重席也。喻諸禪自在。故云柔軟。以妙冠羸。如細氎覆上。意顯種種事禪。並卽寶相。不同凡小。雜諸煩惱。故云鮮白潔淨。而上妙也。有大下。頌長行。駕以白牛等。前導曰儻。後隨曰從。以是二句。頌車等心等。以妙車等。賜諸子者。顯佛於羣機。周而不比。於一乘兼濟。無私也。四一行半。頌得車歡喜。

諸子是時歡喜踊躍。乘是寶車遊於四方嬉戲快樂。自在無碍。

初二句喜其所求者輕。所得者重。昔日焦芽自絕無分。忽蒙投記。何快如之哉。得一乘妙用。不滯一隅。曰遊於四方。不縛於諸法。曰嬉戲快樂。自在無碍。蓋嬉戲之與物。母意母必調而應。偶而會。會無縛着之心。於一切法若嬉戲然。乃能自由自在而無碍也。上頌譬喻竟。

二三四行半頌法合。分二。初四行頌合總喻。

告舍利弗。我亦如是。衆聖中尊。世間之父。一切衆生。

皆是吾子。深着世樂。無有慧心。三界無安。猶如火宅。衆苦充滿。甚可怖畏。常有生老。病死憂患。如是等火。熾然不息。

初二句。頌合位號。次二句。頌合名行。德業義含。如來是七種方便賢聖中尊。九種世間之父。子義通。故世間從九。結緣義局。故方便唯七。此頌合長者一切下。頌合五道。兼三十子。三十緣因子也。衆生正因子也。深着二句。以五道論。則着五欲之境。無出世慧心。以三十子論。則大通時教大中間退取。無有一乘之實智實慧也。三界二句。頌合家宅兼

一門衆苦下。頌合火起。初二句標。次二句釋。後二句結。

二三十行半。頌合別喻。分四。初三行。頌合長者見火。

如來已離。三界火宅。寂然閒居。安處林野。今此三界。皆是我有。其中衆生。悉是吾子。而今此處。多諸患難。唯我一人。能爲救護。

如來已離四句。頌合能見也。寂然安處。是蕭然無累之意。正由寂然閒居。能見五濁諸子。今此六句。頌上合所見火。卽見諸衆生爲生老等之所燒煮。

也。昔之三界。既爲佛有。佛已出離。今之三界。爲衆生有。衆生亦當出離。已出離者。職應爲父。未出離者。分應爲子。故云其中等。患難卽是火之燒。煑也。唯我二句。頌合驚怖。我是能救之人。諸子是所救之人。能爲二字。卽應拔二字。三界既爲我有。衆生又是吾子。豈可父居界外。蕭然無累。忍諸子界內。奔馳乎。我旣寂然安處。豈可袖手不顧。忍諸子患難。燒煑乎。故云唯我能救護也。

二四行。頌合捨几用車。分二。初一行。頌合捨几。雖復教詔。而不信受。於諸欲染。貪着深故。

初句擬宜。卽具告諸子且稱本懷也。二句不得。卽猶故樂着等。謂父雖愛子。而子不如父願。乃法大機小也。三四句釋成不信之由。兼含息化意。正頌上未免生老病死憂惱等也。

二三行頌合用車。

以是方便。爲說三乘。令諸衆生。知三界苦。開示演說。出世間道。是諸子等。若心決定。具足三明。及六神通。有得緣覺。不退菩薩。

以是方便者。頌上但以智慧方便擬宜也。爲說三乘下。歎三車希有三轉四諦法輪也。知三界苦。知

苦斷集也。開示二句。慕滅修道也。是諸子下。頌合
適子所願也。決定者。從苦法忍以上。是真決定。頌
上合三乘。奔走爭出火宅也。三明。婆沙論云。宿命
知過去苦。生大厭離。天眼知未來苦。生大厭離。漏
盡能作正觀。斷諸煩惱。此三名明。身境但工巧而
已。天耳但聞聲而已。他心緣他別想而已。此三故
不名明。而云通。有得二句。頌三人出宅證果。緣覺
兼聲聞。菩薩云不退者。以權教菩薩慈悲度生。心
無退屈。非位次之所判也。

三八行。頌合等賜大車。分二。先頌合等賜。次頌合

歡喜。長文等賜兼歡喜。免難兼索車。今頌有歡喜。無免難。經文前後隱顯不同。今先五行。頌合等賜。汝舍利弗。我爲衆生。以此譬喻。說一佛乘。汝等若能。信受是語。一切皆當。成得佛道。是乘微妙。清淨第一。於諸世間。爲無有上。佛所悅可。一切衆生。所應稱讚。供養禮拜。無量億千。諸力解脫。禪定智慧。及佛餘法。我爲衆生下。頌皆是我子。等與大乘。乃至皆以滅度之。合車等心等也。是乘下。頌皆是一相一種稱歎。第一之樂。合車體也。心境不二。事理雙融。曰微妙。斷二種死。淨五住惑。曰第一。超三種世間之上。

爲十方諸佛所尊。妙契佛心。適悅聖意。故云悅可也。一切下。令尊敬一乘也。無量下。追頌我有無量無邊智慧力無畏等諸佛法藏。合有車之由也。

次三行。頌合歡喜。

得如是乘。令諸子等。日夜劫數。常得遊戲。與諸菩薩。及聲聞衆。乘此寶乘。直至道場。以是因緣。十方諦求。更無餘乘。除佛方便。

得如是下。明各得大乘法喜也。自得中道智如日。慈悲入生死如夜。常行二法。故言遊戲。所謂常獨遊常獨步也。廣化三乘同得一乘。故言與諸菩薩。

等。此乘圓頓。從因至果。無委曲相。故言直至。以是因緣。下結顯。以是所說一乘。無三因緣。於十方土。審實而求。唯一無二。除佛方便。而言餘乘耳。

四十五行半。頌合無虛妄。分二。初三行半。頌合不虛章門。

告舍利弗。汝諸人等。皆是吾子。我則是父。汝等累劫。衆苦所燒。我皆濟拔。令出三界。我雖先說。汝等滅度。但盡生死。而實不滅。今所應作。唯佛智慧。

汝諸下。先定父子。明本欲與大。旣皆吾子。理應平等。與大也。汝等累劫下。明說三乘。意爲除障。我雖

先說下。明既已障除。還遂本心。與大乘法也。但盡
生死者。但盡分段。尙有變易。假言滅度。而實不滅。
上言障除。今所應作等者。明遠本心。令入大乘也。
二十二行。頌合不虛。分三。初二行。釋同皆是子理。
應平等。

若有菩薩。於是衆中。能一心聽。諸佛實法。諸佛世尊。
雖以方便。所化衆生。皆是菩薩。

謂機若大。而法卽大。申明更無餘乘也。以在衆中。
心聽專一。一乘實智之法。諸佛雖用方便權智。所
化衆生。皆是昔日結緣佛子。亦皆同有眞如佛性。

故皆是菩薩也。

二七行。釋不能受大乃說三乘。

若人小智。深着愛欲。爲此等故。說於苦諦。衆生心喜。得未曾有。佛說苦諦。真實無異。若有衆生。不知苦本。深着苦因。不能暫捨。爲是等故。方便說道。諸苦所因。貪欲爲本。若滅貪欲。無所依止。滅盡諸苦。名第三諦。爲滅諦故。修行於道。離諸苦縛。名得解脫。是人於何。而得解脫。但離虛妄。名爲解脫。

謂法小元是機之自小。申明除佛方便也。小根障重。不受大法。爲是方便開三接引。智小故着深愛。

屬心欲屬境。世間根境苦果也。爲此二句。明苦諦。謂佛爲此着欲以苦爲樂之人。將一乘實相說爲三乘苦諦。聲聞於三乘中最小。復以苦諦爲初門。苦以逼迫爲義。諦以眞實不虛。卽六道生死也。衆生心喜者。稱其本習也。本厭生死。自求涅槃。今聞出離。卽會宿習。是故心喜。佛說下。謂所以得未曾有者。以佛說苦眞實無異也。無異卽不假。遺教云。佛說苦諦實苦不樂。故若有衆下。明集諦。以招感爲義。是苦之因。故言苦本。謂若鈍根衆生。雖知諸樂是苦。尙不知苦之根本。猶深着苦因。時刻不能

暫捨。執於我見。又爲是等方便說言。苦因非他法爲本。乃貪欲爲本也。若滅下。明滅諦。上二句滅集之功能。下二句明滅諦得名。滅以擇除爲義。承上貪欲。旣爲苦本。若有衆生。依於寂滅理觀。擇除貪欲。是苦因已盡。而諸苦果無所依止。所謂皮旣不存。毛將安附哉。當知但云無所依止。則惑尙有餘果未證。極至第四果。後三品思惑斷盡。始爲滅盡諸苦名。第三滅諦也。滅前苦集。顯偏眞理。因滅會眞。故名滅諦。爲滅二句。明道諦。以能通爲義。以能通至眞空涅槃故。畧言卽戒定慧。廣卽七科道法。

離諸二句。重舉得脫。集是能縛。苦是所縛。離此苦集。名得解脫。是人下徵釋循名。觀諦得脫。爲是何脫。但離下釋。無明已是不實。見思又附無明而起。故呼爲虛妄。有作四諦。但除此惑也。名爲解脫者。權乘小果。脫於分段。未脫變易。故非自在。以法言之。斷見思。以喻言之。出火宅。坐露地耳。

三三行。明後若堪能。還與其大。

其實未得。一切解脫。佛說是人。未實滅度。斯人未得。無上道故。我意不欲。令至滅度。我爲法王。於法自在。安隱衆生。故現於世。

其實二句。明違實以法言之。則惑未斷乎無明。果未極乎佛地。以喻言之。如在露地。未得大寶白牛之車也。一切解脫者。五住究盡。二死永亡也。佛說下。會三歸一。謂佛說此人未得滅度者。非謂昔日所說小乘。統無所得。但未得今日所說一乘實相成佛之無上道也。若能行於非道。通達佛道。示於三毒。不乖三善。示於六蔽。不失六度。遍於諸道。斷其因緣。現於涅槃。不斷生死。以非道爲道。非二乘所及。故名無上道。變易尙存。非大涅槃所證小果。非佛本懷。故云我意不欲其人。令至小果滅度。而

捨今日所說無上大滅度也。我爲法王下。結不虛
妄。法王者。不住世間。不住涅槃。於諸法中。得大自
在。在了一切法。卽是佛法。無入而不自得也。權實之
法。已得自在。開三顯一。豈有虛妄。所謂權實自在
者。昔因機小。權大爲小。安隱衆生。使無破法不信
墜。落惡道之不安隱。今因機熟。實小爲大。安隱衆
生。使無自欺自責之不安隱。故曰。安隱衆生。出現
於世。上頌長行已竟。

妙法蓮華經大成卷第三終

妙法蓮華經大成卷第四

金臺卽山居後學大義集

二有六十五行偈。補頌歎法希有。揀僞敦信二義。古判勸信流通。以三周末竟。投記未完。故今改之。法說諸佛章中。既有喻中應有。長文旣無。偈中補出。細研經文。義甚切當。分二。初九行半。頌歎法希有。二五十五行半。頌揀僞敦信。初中分五。初一行。頌上三世諸佛說無分別法。

汝舍利弗。我此法印。爲欲利益世間。故說。

法印者。一乘實相也。諸佛授受。以心傳心。契此心

者當下是佛。如世傳國之璽。得此印者。卽是天子。說此法印。開示悟入一切眾生。佛知佛見。豈非無分別法乎。

二二句。頌上諸佛出興懸遠。說是法復難。

在所遊方。勿妄宣傳。

一乘心印。非器不堪領受。故誠勿妄宣傳。如輪王之寶。不落餘人之手。囑當機。凡所到處。不可一概朦朧。非時莫說。非機莫傳。豈非說是法復難乎。

三四行。頌上聞法歡喜讚。乃至過於曇華。

若有聞者。隨喜頂受。當知是人。阿惟越致。若有信受。

此經法者。是人已曾見過去佛。恭敬供養。亦聞是法。若人有能信汝所說。則爲見我。亦見於汝。及比丘僧。并諸菩薩。

若有聞下。明聞法頂受。定非常流。任不退轉。現在益也。若有信下。明供養一切諸佛。由昔曾聞過去益也。若人有下。明一言讚歎。信汝所說。親見一會。未來益也。以聞此妙法。能讚歎。能信受。能供養。獲三世利益。豈非是人希有過於曇華乎。

四一行。頌上多劫聞法難。

斯法華經。爲深智說。淺識聞之。迷惑不解。

一乘大法。唯具深智。方能信受。凡小識見淺薄。迷
自心。惑聖教。經無數劫。聞此法者。亦復難也。此一
行亦是結前起後。若聞而供養讚歎信受。此人具
深智慧。乃可爲說。結上也。若夫小智迷惑不解。不
可非時而說。開下也。

五三行。頌上能聽是法者。斯人亦復難。

一切聲聞。及辟支佛。於此經中。力所不及。汝舍利弗。
尙於此經。以信得入。況餘聲聞。其餘聲聞。信佛語故。
隨順此經。非己智分。

顯直信之人難得。二乘力所不及。身子大智。尙以

信入。况餘人乎。入字重看。應領解之文。由法說。種種開示。方得信入也。其餘已智不堪。惟言佛語。隨順此經。豈非能聽之人。亦復難乎。問前云是法不可示。言辭相寂滅。獨許信力堅固菩薩能解。此中又許身子以信得入。餘人以信隨順。當云何信耶。答傳曰。不言而信者天也。又曰。有諸已之爲信。今欲解寂滅之法。當依不言之信。信乎已而已。卽華嚴五位之初也。彼經以自性不動智以立信體。信得自心與佛無異。由是智佛不動。萬法不遷。因果不移。凡聖不二。心境泯然。印契實相。一切相應。是

爲不言之信也。能發是信。頓翻無明業識。見聞覺知。成一切種智矣。所謂以信得入。以信隨順者。此也。

二五十五行半。頌揀僞敦信。分二。初三十六行半。頌揀僞。次十九行。頌敦信。且初揀僞者。揀去非機。約大悲門。莫爲惡人說也。頌上以五濁惡世。下行頌文。又分四。初二行。囑其非機。莫說。

又舍利弗。憍慢懈怠。計我見者。莫說此經。凡夫淺識。深着五欲。聞不能解。亦勿爲說。

憍慢者。貢高不信。懈怠者。放逸無勇。計我者。知見

不達着欲者。耽荒世染。如此之流。聞不解悟。必起惡謗。後獲惡果。若爲說之。不爲無益。而且有損。大悲愍念。不可爲說。

二四行半。明其謗毀罪因。

若人不信。毀謗此經。則斷一切世間佛種。或復輦蹙。而懷疑惑。汝當聽說。此人罪報。若佛在世。若滅度後。其有誹謗。如斯經典。見有讀誦。書持經者。輕賤憎嫉。而懷結恨。此人罪報。汝今復聽。

此經爲五時極唱。收一化了義。總詮三因佛性之種。開眾生知見。卽佛知見。顯正因佛種。觀一切法。

如實相。了因佛種。舉手低頭。皆得成佛。緣因佛種。憍慢者。我見自封。不信此道。淺識者。荒於世務。不知有此道。不信不解。若強爲說。必謂大言欺己。視爲流言故昏。反加毀謗。上遮玄化。下阻他聞。遂使道無由行。人無由聖。則三因佛種斷滅也。或聞此經而憂愁形於面。見此經而猶豫萌於心。未信則爲厲己。故顰眉蹙額。未信則爲謗己。故懷疑迷惑。日夜欲滅其教。高低欲毀其人。也。汝當二句。結聽其報。若佛下。增明罪因。輕賤憎嫉等。謂見有持經者。輕若糟粕。賤若瓦礫。憎惡其他。聞嫉妬其勝己。

視之若芒刺。思之若寇讎。欲除不能。結恨於懷。此人二句。重結罪報。

三二十八行。示其毀謗罪報。分三。初一行半。明地獄報。

其人命終。入阿鼻獄。具足一劫。劫盡。更生。如是展轉。至無數劫。

由前毀謗等因。感此地獄之報。此界壞時。更生他方。展轉更生。無有窮已。百千劫不見日月之光。無量生恒受鼎鑊之苦。如石投水。易沉難浮。其勢然也。

二十行半。明畜生報。

從地獄出。當墮畜生。若狗野干。其形頹瘦。鬣黥疥癩。人所觸燒。又復爲人之所惡賤。常困饑渴。骨肉枯竭。生受楚毒。死被瓦石。斷佛種故。受斯罪報。若作駝。或生驢中。身常負重。加諸杖捶。但念水草。餘無所知。謗斯經故。獲罪如是。有作野干。來入聚落。身體疥癩。又無一目。爲諸童子之所打擲。受諸苦痛。或時致死。於此死已。更受鱗身。其形長大。五百由旬。聳駭無足。宛轉腹行。爲諸小蟲之所呋食。晝夜受苦。無有休息。謗斯經故。獲罪如是。

謗經之罪。地獄報畢。又作五種畜生。謂狗。野干。駝。驢。蟒也。頰頭無毛也。黠黑雜毛也。騃無知貌。

三十六行明人報。

若得爲人。諸根閻鈍。炗陋癡瘖。盲聾背偃。有所言說。人不信受。口氣常臭。鬼魅所着。貧窮下賤。爲人所使。多病瘠瘦。無所依怙。雖親附人。人不在意。若有所得。尋復忘失。若修醫道。順方治病。更增他疾。或復致死。若自有病。無人救療。設服良藥。而復增劇。若他反逆。抄劫竊盜。如是等罪。橫罹其殃。如斯罪人。永不見佛。眾聖之王。說法教化。如斯罪人。常生難處。狂聾心亂。

永不聞法。於無數劫。如恒河沙。生輒聾瘡。諸根不具。常處地獄。如遊園觀。在餘惡道。如已舍宅。駝驢豬狗。是其行處。謗斯經故。獲罪如是。若得爲人。聾盲瘖瘂。貧窮諸衰。以自莊嚴。水腫乾疔。疥癩癰疽。如是等病。以爲衣服。身常臭處。垢穢不淨。深着我見。增益瞋恚。媼欲熾盛。不擇禽獸。謗斯經故。獲罪如是。

常生難處者。入難也。永不見佛。佛前佛後難。永不聞法。世智辨聰難。聾瘡盲聾瘖瘂難。常處地獄。地獄難。在餘惡道。饑鬼難。驢駝等畜生難。不見佛。不聞法。北洲難。長壽義含。常處下。申明謗經之人。常

在三途。而無休息也。時出時入。故云常處。不去朝夕。故喻舍宅。時時來往。故云行處。若得爲人下。從三途出。而後爲人。又以盲聾等爲莊嚴者。不自知其醜也。以水腫等爲衣服者。終身不覺其在體也。身常下。更起三毒。謂謗經者。素無見佛聞法之因。不知改悔。而且着我見。受此劣形。人或憎惡。不識醜惡。而反增瞋恚。人畜異類。不當野合。媼心熾起。不擇雲雨。着我貪也。增恚瞋也。熾欲癡也。有此三毒。又將墮入三途矣。所謂劫盡更生。展轉無數。有何窮已哉。然此果報一科。皆因謗此經而感。以此

經出世本懷。普記成佛。是人天眼目。而謗之者。感
畜生無目。爲人盲瞽。此經能治眾生心病。是大醫
王。而謗之者。順方治病。更增他疾。此經若供養等。
則六根清淨。顧盼雄毅。舉身輕清。而謗之者。六根
不具。作畜生時。身常負重。恒被杖捶。爲人時。媼欲
熾盛。不擇禽獸。此經是慈悲室。忍辱衣。法空座。而
謗之者。惡道爲園宅。疥癩爲衣服。豬狗是行處。此
經一念隨喜。則口不臭。口亦無病。舌亦無病等。而
謗之者。口氣常臭。諸根闇鈍。此經實相法印。開解
者。念念與實相相應。卽得見佛聞法。而謗之者。斷

佛種。永不見佛聞法也。當知讚歎者。功德無量。謗毀者。經劫三途。若讚若毀。不出當人一心。心者。萬形之模範。業者。一心之影響。三世善惡。唯一心造。如器出模。無不相類。如影隨形。在處莫逃。欲得不招。無間業。莫謗如來正法輪者。此也。又三惡之與人趣。其文重沓者。顯謗法之罪。罄竹難盡。展轉惡道。無有停寢。試觀今世之小人。往往趨風邪教者。無非宿世邪習。我見自封。不信憍慢之所使然。噫。可慨矣。

四二行。結其大悲莫說。

告舍利弗。謗斯經者。若說其罪。窮劫不盡。以是因緣。我故語汝。無智人中。莫說此經。

一謗之罪。刮舌難盡。不可輕談。遺害愚人。故云無智莫說。若不得其人而說者。惟恐青囊見於愚婦。犀羶落於嬖人。不唯陷彼之愚。亦使所珍有損。弘道之士。可不忌哉。問。謗經生罪。則經非罪緣乎。答。佛之說法。唯爲生福。迷者不信。自獲罪殃。如四大本爲養育人物。而犯者有損耳。今佛諄諄告示。既令弘法觀機。亦令彼知苦止謗。可爲徹底大悲矣。上揀僞。約大悲門。莫爲惡人說竟。

二十九行。頌敦信。約大慈門爲善人說也。分二。初十七行。勅其是機應說。二二行。結其大慈與傳。初中文分五對。初三行。過現一對。

若有利根。智慧明了。多聞強識。求佛道者。如是之人。乃可爲說。若人曾見。億百千佛。植諸善本。深心堅固。如是之人。乃可爲說。

利根智慧。決了權實。多聞強識。志希佛果。現在也。親近諸佛。植眾德本。大心堅固。不爲物動。過去也。如是之人。方荷此道。聞必信受。當爲說之。

二二行半。上下一對。

若人精進。常修慈心。不惜身命。乃可爲說。若人恭敬。無有異心。離諸凡愚。獨處山澤。如是之人。乃可爲說。精進。猛勇。拖泥帶水。修慈與樂。愍下也。無雜異念。獨處禪思。意定身安。恭謹敬順。尊上也。如此人者。載道之良器也。

三三行。內外一對。

又舍利弗。若見有人。捨惡知識。親近善友。如是之人。乃可爲說。若見佛子。持戒清潔。如淨明珠。求大乘經。如是之人。乃可爲說。

損我之友。惡友也。故捨之。益我之友。善友也。故近

之外求也。持戒如珠。六根清淨之因。求大乘經。開佛知見之緣。內求也。如此人者。法門之表也。

四三行半。自他一對。

若人無瞋。質直柔軟。常愍一切。恭敬諸佛。如是之人。乃可爲說。復有佛子。於大眾中。以清淨心。種種因緣。譬喻言辭。說法無碍。如是之人。乃可爲說。

形端內柔。不爲人辱。愍人敬佛。不辱於人。自行也。清淨說法。不爲利養。具無碍辯。種種方便。利他也。得此人者。慧命有續也。

五五行。始終一對。

若有比丘。爲一切智。四方求法。合掌頂受。但樂受持。大乘經典。乃至不受。餘經一偈。如是之人。乃可爲說。如人至心。求佛舍利。如是求經。得已頂受。其人不復。志求餘經。亦未曾念。外道典籍。如是之人。乃可爲說。取實擇權。遵現佛之大法。四方覓求。請益之始也。追求舍利。欽去聖之恩澤。不念外書。厭糟粕之無味。頂受專修。歸憑之終也。如此之人。好正惡邪。克荷此道也。上勅其是。機應說竟。

二二行。結其大慈與傳。

告舍利弗。我說是相。求佛道者。窮劫不盡。如是等人。

則能信解。汝當爲說妙法華經。

相卽上五雙十隻之相。善相多矣。略舉十種。以示可說。信解二字。爲下品章本。如此之人。善根成熟。一聞此經。必能信解。言下知歸。全身擔荷。於法不辜。於人不悞。上有補於玄風。下不失於悲願。故云。汝當爲說妙法華經。上正說譬喻。開三顯一。已竟。妙法蓮華經信解品第四。

前文云。如是等人。則能信解。經家本此二字立品。以信則不疑。解則明理也。夫根有利鈍。惑有厚薄。說有法喻。悟有先後。初聞廣略開顯。上根領悟。中

下之機。朦朧未曉。不信不解。今聞喻說。疑去理明。生信起解。故名信解。又中根人聞說譬喻。初破疑惑。入大乘見道爲信。進入大乘修道爲解。文云。我等今日。真是聲聞。令一切聞是也。又云。我等居僧之首。不復進求菩提。是不信不解。不謂於今忽然得聞希有之法。獲大善利。不求自得。是自信自解也。又信則信法。信得如來種種因緣方便說法。皆爲阿耨菩提。解則解人。解得是諸所說。皆爲化菩薩。故四子有如是信解。故異口同音說。窮子一喻。以酌如來火宅開示也。問。四子眾僧之首。領悟後。

於身子者何也。荅若事論。但觀序悟之文。身子尋常自疑悔責。不甯甘於小道。一聞聲聞作佛。便能信受。如睡輕者一呼便覺。四子尋常自足疲怠。昔無悔責之念。直待身子受記。然後生疑。更聞喻說。方始信解。如睡重者搖撼方醒。若以理論。此經融會二智。身子當機。故先領悟。諸尊者內秘外現。根非中下。悟無前後。助揚法化。利益今後。故次第敷陳。

二中根領解。分二。初經家叙喜。二自陳領解。初二先內喜。

爾時慧命須菩提。摩訶迦旃延。摩訶迦葉。摩訶目犍連。從佛所聞。未曾有法。世尊授舍利弗。阿耨多羅三藐三菩提記。發希有心。歡喜踊躍。

上品爲千二百說喻。唯叙四人者。所謂智者以譬喻得解也。若從正叙。當先飲光。今先善吉者。以解空第一也。諸聲聞但念偏空。今將捨偏空證入實道。故先之。至下說偈投記。仍是飲光居先。從正叙也。善吉獨稱慧命。三稱摩訶者。通論皆大。皆慧。別論善吉解空。以空慧爲命故。又諸慧人中。佛慧第一。佛於般若命其轉教。其爲慧人所命故。從佛聞

下是歡喜之由。由遠聞方便法說。近聞譬喻開示。未會有法指身子。以聲聞人得同菩薩。投成佛之記。爲未有之法也。發希有心者。謂空生等。一向安於小果。不會發作佛之心。今聞法喻之談。開佛知見。信得自心作佛。生大歡喜。手舞足蹈。卽信解意。次外儀。

卽從座起。整衣服。偏袒右肩。右膝着地。一心合掌。曲躬恭敬。瞻仰尊顏。而白佛言。

三業虔誠。請法之式。梵漢兩儀。聽眾咸坐。欲有所問。從座而起。如理請益。則起。受端則起。將有承聽。

必須復坐。偏袒者肉袒也。西方俗禮。見王必肉袒。示非敢有謬。佛教亦用。表將荷佛法之重擔耳。春秋鄭伯降楚。示爲臣僕。肉袒羊迎。又禱則跪爐。祭則跪奠。皆致敬之極也。若作表法。小乘偏空座起。向大乘第一義空座。衣即聲聞智斷。爲菩薩法。忍慚恥。忍辱之衣。未開權如肩被覆。今已開故。偏袒也。着地者。着一實之地。權實不二。不二卽是非權非實之一心融會二邊。歸於中道。故云合掌。曲躬二句。以身之權。趣佛之實也。

二自陳領解。有長行偈頌。長行分二。初法中畧說。

二喻中廣明。初中又二。初明昔日不求。二明今日慶得。初中又三。初正明不求。

我等居僧之首。年並朽邁。自謂已得涅槃。無所堪任。不復進求阿耨多羅三藐三菩提。

不求有三。一居僧首。二年朽邁。三已得證。居僧首者。謂我等法臘既高。晚學以我爲軌。忽改途易轍。棄小求大。爲後學所嫌。自固護彼。所以不求。然執小臘。則大法全缺。不棄小由未識開三。自固則小執未移。護彼乃迷於大軌。年朽邁者。朽謂將死。對無所堪其進而言。邁謂老耄。對無所任其求而言。

若作菩薩。當專任大道。廣度眾生。今既朽老。形衰力怠。無所堪任。是故不求。然一生斷證。是以自鄙。年高。敗種未祛。是以妄作不任。已得證者。已得涅槃。無爲正位。所以不求。不發大心。故無所堪任。盡智無生智。已立無所依求。故云不復進求等。然高原陸地。不生蓮華。昔迷實義。徒計正位之功。由斯固情。不知所行。是菩薩道。

二釋不求之意。

世尊往昔說法既久。我時在座。身體疲懈。但念空無相。無作於菩薩法。遊戲神通。淨佛國土。成就眾生。心

不喜樂。

既久在座。釋僧首也。身體一句。釋朽邁也。但念下。釋得證也。空等名三解脫門。觀諸法無我我所。名空門。觀男女相一異相等。實不可得名無相門。若知一切法無相。卽都無所作。名無作門。又於三界無所願求。名無願門。遊戲神通者。作空華佛事。建水月道場。降伏鏡裏魔軍。證得夢中菩提。遊戲一句。妙用也。淨佛一句。上求也。成就一句。下化也。但念空。故不喜樂於妙用。念無相。故不喜樂於上求。念無作。故不喜樂於下化。由心不喜樂。所以不復。

進求菩提也。其實空等三法。大小同具。故身子云。同入法性。肇論云。三乘等觀性空而得道是也。但小乘過在一念字。起信云。一切眾生。不名為覺。以念未淨故。

三徵不喜樂之意。

所以者何。世尊令我等出於三界。得涅槃證。又我等年已朽邁。於佛教化菩薩阿耨多羅三藐三菩提。不生一念好樂之心。

此徵釋上樂小不喜大之義。謂遊戲神通是菩薩成佛時自住持之三昧。淨佛國土。是成佛時自受

用之報土。成就眾生。是自莊嚴之法嗣。所以不喜樂者。何也。以世尊昔言。我法能離生老病死。究竟涅槃。令我等依教修行。皆得出於三界之苦。得證涅槃之滅。故安於小而不求於大也。又今下。謂既證涅槃。年又朽邁。以是之故。於菩薩阿耨菩提。不生一念好樂也。

二明今日慶得。

我等今於佛前。聞投聲聞阿耨多羅三藐三菩提記。心甚歡喜。得未曾有。不謂於今。忽然得聞希有之法。深自慶幸。獲大善利。無量珍寶。不求自得。

聲聞成佛。昔所未聞。今得聞之。所以心甚歡喜也。不謂下慶詞。申明歡喜之義。謂若有求而得。則不爲希有。今無求而得。故云忽然得聞等。分所當得。則不爲慶幸。今經乃昔日分所不當得而今得。故云深自慶幸。又得解之由。由遠聞廣畧二番開顯。是故慶幸。獲大善利者。正得解也。是近聞譬喻希有之法。而獲開悟之善利也。無量等。喻若不求而今自得。一乘希有之法寶也。昔日般若轉教。謂是菩薩法。豈圖今日全蒙等賜。四十年前無分。今日忽然授與。不求自得。何歡喜慶幸如之哉。

二喻中廣明分二。初喻說。二法合。初又二。先咨發。世尊。我等今者樂說譬喻。以明斯義。

應如世禮。欲有所決。須先咨發也。斯義者。欲明如來慈悲訓誘。自己愚癡情態也。我等二句。爲下四段喻文章本。以明一句。爲下法合之本。所謂智者以譬喻而得解也。

二說喻文分四段。一父子相失喻。二父子相見喻。三遣使追誘喻。四領付家業喻。前品如來以火宅開示。今品四子說窮子喻。以酌荅。以喻領喻。立言各異。會旨大同。師資默契。於此益見。二品皆以父

子相稱者。佛於弟子有作成之德。故比之如父。弟子於佛有續述之功。故况之如子。父子二字。兩品經文。節節相承。前品以大富長者。喻如來貲財不匱。故曰等賜大白牛車。此品以幼稚貧兒。比弟子無心希取。故言忽得如來寶藏之分。前品寫如來慈愍爲子之心最切。故云驚入火宅。此品寫弟子愚癡背父之事居多。故曰疾走而去。前品明如來引諸子出三界門。故云今在門外。此品明窮子恐怖疑父不肖入門。故曰住立門側。父子二人各吐心膽。說出四十年中許多間關曲折。今日始得父

子投機師資道合。故二喻各盡本懷。若尋其文。則父一行。子一行。語句頓挫。父子之懷抱。昭然可觀。詳其義。序述一代時教。四十年來。荷如來無限慈悲之深恩。形自己許多愚癡之情狀。以喻開示。以喻領解。接拍成令。同一鼻孔矣。又有義若推當經三車並許之說。大雲一雨之喻。諸宗所判。皆失聖意。以三車一雨。皆非次第故。今就此喻文勢。窮子有先疎後親之義。是知一代聖教。大小權實。不無次序。準雙林五味之談。覺場一日之照。諸家所判。咸符此喻之旨。今初父子相失喻。近領火宅總喻。

遠領方便畧頌分四。初子背父而逃走。二父求子而中止。三覓衣食而漸還。四慮家業以無傳。初中又二。先背父而去。

譬若有人年既幼稚。捨父逃逝。久住他國。或十。二十。至五十歲。

有人單約二乘。四子自况。以菩薩深位難知。凡夫未受教化。且齊己領耳。無明厚重。未有所識。曰幼稚。爾雅云。幼鞠稚也。又云。幼冥也。喻聲聞冥昧不知也。退大爲捨。無明自覆。曰逃。趣向生死。曰逝。是離師適意。背覺合塵之義。問。佛捨應後。眾生起惑。

是父離子。何云子捨父耶。答。由眾生不感佛。則去世還成子捨父意。久住言時之長也。涅槃法界是自國。生死五欲爲他國。卽恒離佛教。常習世法之義。五十指五道。一天。二人。三畜。四鬼。五地獄。約一人。備歷五道。常在三界。升沉不定。有時人。有時畜等。故置或言。又一念心動。五陰俱生。卽具五十惡。故此是迷子。惑重智淺。無明自覆。退大受淪也。二向本而還。

年旣長大。加復窮困。馳騁四方。以求衣食。漸漸遊行。遇向本國。

善根熏被。稍稍欲着。故名長大。不見佛父。不知本
有知見珍寶爲窮。五濁八苦所燒爲困。既加二字
當玩。是內智既發。外乏緣因資助也。馳騁馬奔忙
貌。喻凡小依身受心法。起四倒之見。又於四諦法
中。求正道如求食。求助道如求衣。又奔走四方。求
師覓道。外求明師以嚴三業。如衣蔽形。內求良道
以資一心。如食充饑。漸漸者難以頓悟也。悟既非
頓。則乏本智。乃是偶然。故云遇向。上云捨父逃逝。
喻背真逐妄。此云遇向本國。喻返妄歸真。又生生
持戒修福。得遊天上人間。而值佛出世之時。故云

遇向本國。此是迷子惑輕智長。宿因感發。得值佛出也。

二。父求子而中止。又二。先求子不得。

其父先來。求子不得。

其父先來者。佛觀有可度之機。先來示生三界。求子不得者。鈍根無方。難可得度。上言子捨父而遊行。故云遇向本國。此言求子不得。故下云中止一城。一行一止。寫得頓挫。又先來二字。領方便思惟之文。喻中長者救子不得。出宅之義。若依文勢。父既先來。子猶漸進。前後相左。故曰不得。

二中止一城。

中止一城。其家大富。財寶無量。金。銀。琉璃。珊瑚。琥珀。玻璃。珠。等。其諸倉庫。悉皆盈溢。多有僮僕。臣佐。吏民。象馬。車乘。牛羊。無數。出入息利。乃遍他國。商估賈客。亦甚眾多。

一城者。先現勝應身。居萃嚴法菩提場也。其家大富者。實相境爲家。具足萬德爲富也。五度福德名財。般若智慧名寶。福慧無盡。故云無量。金銀等。總喻無量。無邊智慧。十力四無所畏等法。盛糧穀曰倉。盛物器曰庫。充於內曰盈。流於外曰溢。喻實智。

爲倉盈法喜之食。充於內自利也。權智爲庫。溢諸法之財。流於外利他也。僮僕是使役之人。喻華嚴五位之初。十信位也。初入信時。卽起自利利他之心。故十信如僮僕也。又卽世主等各寄一德。助發玄化。如充使役之人也。臣佐吏民者。輔弼聽教之眾。喻四十位法身大士。初入佛境界。率土之寶。莫非王臣。故十住如民。修習諸法。種種驅馳。故十行如吏。事理稍深。職近王邊。故十回向如佐。輔佛行化。降魔制敵。故十地如臣。象馬等無數者。十地如象乘。十向如馬乘。十行如牛乘。十住如羊乘。又圓

頓二教如象乘運物。終教如馬乘運物。始教如牛乘運物。小教如羊乘運物。無量還一名入。一爲無量名出。又化他用爲出。自行用爲入。出法益眾生爲息。化功歸己爲利。滋息廣被大千世界。故云乃遍他國。行曰商。以有易無。坐曰賈。覆藏待價。小販曰估。朝買暮賣者。喻此土菩薩。往他土聽法。如商。他土菩薩。來此土聞經。如客。神力加被法身大士。說華嚴大教。如賈。往還採利。領本生息。如估。圓音落落。主伴重重。故云亦甚眾多。此是覺父示生接物。雖知根鈍。且稱本懷也。

三覓衣食而漸還。又二先到城之由。

時貧窮子。遊諸聚落。經歷國邑。

接上遇向本國而言。不發大心。曰貧未修。大行曰窮。以邪慧觀察五陰如聚落。十二處爲邑。十八界如國。遊歷於此。推求真理。名求衣食。又聚落荒野。喻欲界。人天五趣雜居之地。國邑盛麗。喻色無色界。乃三賢同修之處。此二乘人三生植福。百劫修因。常遊人間。恒歷天上。由斯因緣。遂得遇佛大會也。

二遂到父城。

遂到其父所止之城。

前云其父求子不得。中止一城。此言子遊聚落等。到父之城。父子只在一城。只是兩不相見。處處總是本地風光。只是不見本來。所謂不識廬山真面目。只緣身在此山中也。又父先求子。子元不求父。因覓衣食而亦來者。喻佛與眾生法性相同。如世父子。天性相關。雖似不相知。機緣當會。不得不來也。此是迷子宿因。既發智性。漸長斷惡修善。遇佛勝會也。

四慮家業以無傳。又二先念失子苦。

父每念子。與子離別五十餘年。而未曾向人說如此事。但自思。惟心懷悔恨。自念老朽。多有財物。金銀珍寶。倉庫盈溢。無有子息。一旦終沒。財物散失。無所委付。是以殷勤。每憶其子。

接上亦甚眾多而言。如來自昔至今。恒思子大機。時刻心在眾生。故云每念。退大已來。諸子流宕五道。故云與子離別等。開鬼出修羅。故言餘又五十七者。金剛三昧經云。譬如迷子。手執金錢。而不知有。遊行十方。經五十年。貧窮困苦。求索養身。而不充足。其父見子。有如此事。而謂子言。汝執金錢。何不

取用諸子醒已而得金錢心大歡喜。父言所得金錢是汝本有。云何可喜。無住菩薩問言。父知子迷。云何經五十年方始告言。佛言五十年者。一念心動。五陰俱生。五陰生中。具五十惡故。正同今經。父每念子。原在一處。由彼一念心動。五陰俱生。具五十惡。遂與離別。五十餘年。遠逝他方。不復相見也。未曾向人說者。喻華嚴會上。未曾向諸大士說。此二乘人。本是大乘之子。亦未曾向二乘說。汝等有大乘之分。如此事皆未說故。由未曾說。自華嚴已來。不解佛法。或如聾若瘂。去華拜座。轉教不取等。

種種之不逮也。悔恨者。悔昔之教誨未深。遂使退失本解。恨今之執小棄大。不能精進固志。又此二字。乃潤色之言。大聖不謀而應。如月落百川。何悔恨之有哉。自念下。申明悔義。老朽者。化期將畢也。亦可喻佛久成正覺。金等如前。無有下。申明恨義。具足法財萬德。若無弟子傳持大法。一旦滅度。法道斷滅。無所付託也。是以下。結足悔恨。殷勤憶子。所謂老覺情濃。念兒孫也。心印不傳。古佛之業幾息。誠爲可憂。然此亦是對機之語。其實眾生心內。時時諸佛說法。諸佛心內。念念眾生成道。何有付

無付乎。

二念得子樂。

復作是念。我若得子。委付財物。坦然快樂。無復憂慮。復字有展轉反側。冀得之義。有可度之機。名爲得子。授成佛記。名付法財。稱於本懷。則坦然快樂。無復憂慮矣。此是覺父身應勝會。念在小機。思方欲救之深衷也。上父子相失竟。

二父子相見喻。近領火宅長者見火。遠領方便頌明五濁。分二。初子見父。二父見子。初中又四。初見父之由。

世尊。爾時窮子。備賃展轉。遇到父舍。

接上遂到其父所止之城而言。以身雇人曰傭。任力取利曰賃。進前曰展。退後曰轉。由厭苦欣樂。推求理味。漸漸積習。遂成出世善根。猶窮子之傭賃。展轉也。以此善根。能扣佛慈悲之舍。故言遇到父舍。不期而會曰遇。機趁於應曰到。道後法身曰父。無緣慈悲曰舍。城乃集眾之處。故前喻勝會。舍爲一己之宅。故喻慈悲。以大小二機。雙扣如來慈悲之舍。有大機故。故下云遙見其父。有小機故。故下云住立門側。若唯小無大。則下文子不應見尊特。

之身。父不應言我財物。今有所付。若唯大無小。則子不應住立門側。又不應言非我備力之處。故知小善之內。冥入大乘。因門二機。雙扣。理應具足。經文自國而城。自城而舍。摹寫漸漸遊行極矣。

二見父之處。

住立門側。遙見其父。

二觀爲方便。卽門二邊。圓中之機。當門正見。二乘偏真。故言門側。雖值佛慈悲。未入佛正慧。志在偏空。意念小乘。偏真慧眼。傍窺法身耳。大機始發。扣召事遠。故言遙見。前法喻皆明父先見子。此中子

先見父者。約佛則靈智先知。約生則機成扣應。子見卽父見。父見卽子見。不前不後。不可思議。互舉耳。

三見父之相。

踞師子床。寶几承足。諸婆羅門。刹利居士。皆恭敬圍繞。以珍珠瓔珞。價值千萬。莊嚴其身。吏民僮僕。手執白拂。侍立左右。覆以寶帳。垂諸華旛。香水灑地。散眾名華。羅列寶物。出內取與。有如是等。種種嚴飾。威德特尊。

此科正說華嚴時也。踞師子床者。卽華藏莊嚴赫

赫天光師子座也。佛爲人中師子。故居此座。又師子吼無畏說。表佛具無畏之德。故寶几承足者。眾寶之几承於二足也。定慧爲二足。寶諦爲几。無生定慧依於眞諦之境。故又佛居萬行之尊。依定慧之本。卽定慧力莊嚴也。諸婆羅等圍繞者。婆羅門名淨行高潔。卽等覺菩薩也。刹利名王種貴族。卽十地以下初地等菩薩也。居士在家修道。潔白其操。富而不貴。卽三十心菩薩也。卽華嚴中一華一國土。一葉一釋迦。一一佛。一一土。皆有諸大土環拱圍繞。極十方而齊唱。該十刹而頓周。前文商賈

估客亦甚眾多者。此也以珍珠等嚴其身者。卽戒定慧陀羅尼三昧。四種纓絡以嚴法身也。吏民等者。卽行住信諸大士爲方便波羅蜜故。白拂者。拂能去塵不偏也。白言純素不染也。表方便權智之用。不偏不染。故云手執白拂。侍立左右者。右卽入空智。用拂。四住塵。左卽入假智。用拂。塵沙塵。此二爲中道方便。故言侍立寶帳者。眞實慈悲也。慈悲廣被。故言覆華旛者。華喻四攝。旛喻神通。眾善下化。故言垂香水名華者。水智也。華因也。灑地者。以妙智之水。淨眾生心地。散華者。以妙因之華。嚴眾

生心地羅列寶物者。示實智自證證他之法。隨人翫好也。出內取與者。出內義同出入。自行爲取。化他爲與。示權智自利利他之法。隨人欲樂也。如是等種種者。總結如來一切未曾有法。皆悉成就也。威德特尊者。卽光明無邊。色像無邊。巍巍堂堂。舍那之身。非化身可並也。

四見父避去。

窮子見父有大力勢。卽懷恐怖。悔來至此。竊作是念。此或是王。或是王等。非我傭力得物之處。不如往至貧里。肆力有地。衣食易得。若久住此。或見逼迫。強使

我作。作是念已。疾走而去。

其實華嚴會上。二乘有眼不見。今四子自陳。已蒙開示。皆是菩薩。故云見也。有大力勢者。收上一段。智大故名大力。神通大故名大勢。卽身手有力也。恐怖者。小機劣弱。怯懼大道也。悔來者。佛本以大法擬之。應不稱機。但有退大之意。故言悔來至此。總之法大機小。不惟畏懼。抑且悔來也。竊作念者。機中潛密。冥有此事。非是顯對見勝應身。故云竊念。是王是王等者。謂或是魔王。或是波旬。今聞略說。尙疑魔作。况昔日乎。又佛法身爲王。報身爲王。

等。大乘法報。非小乘得益之處。故竊念而去。小機不受大化。自甘無分。故云非我等。不如下。向一乘小道也。肆力者。進修有方也。爾雅云。肆力。訓極力也。淨名云。能以貧所得法。度斯下劣。但空之理。不含萬德。非如來藏。故言貧里。偏空稱於小智。故言有地。依此小智。得有餘涅槃。無漏衣食。行行名衣。慧行名食。小果福慧皆易求之。故言易得。久住強作者。行大乘道。經無量劫。故言久住。我本厭離生死。若修大乘。必入生死。廣學萬行。故言逼迫。我本樂小。而今令我發大心。修大行。是爲強我作也。作

是二句捨大取小。於菩薩法不生好樂。此是迷子見覺父而不識。棄富業以求貧里也。

二父見子喻。有四。初見子之處。

時富長者於師子座。

接上無復憂慮而言。謂如來法身居第一義空無畏之境。洞照羣機。是見子處也。法中以佛眼觀見等。喻中長者見是等。

二見子便識。

見子便識。

如來鑒機。知是往昔結緣眾生也。

三見子歡喜。

心大歡喜。

佛恒伺子機。今機來稱慈。子雖不識父。父却識子。事與願諧。故大歡喜。法中起大悲。喻中大驚怖。前明大悲拔苦。故云驚怖。此明大慈與樂。故歡喜也。

四見子適願。

卽作是念。我財物庫藏。今有所付。我常思念此子。無由見之。而忽自來。甚適我願。我雖年朽。猶故貪惜。昔見眾生退大取小。貧里求食。資生艱難。常欲與財。無機不得。今日機來。一乘大法。有所傳授。稱大

慈心。故言庫藏有付。我常思念者。明其非但貧無大財。又流轉生死。眾苦所逼。爲大悲所痛。故常念也。雖欲救拔。無機叵濟。故言無由見之。今有可度機發。故言而忽自來。稱大悲心。故言甚適我願。年朽貪惜者。釋上適願之由。年朽同前老朽。曠劫所修證大菩提。未見大機不妄與人。法無委付。將來之徒。從誰得脫。爲無可度。故言貪惜。今機自來。無此憂念。適其夙志。所有昔願。今已滿足。此是覺父見迷子而便識。欲窮子以得富足也。上父子相見竟。

三遣使追誘喻。近領喻中捨几用車。遠領法中侵大施小。分二。初卽遣傍人追。二密遣二人誘。初中又三。初強追將還。近領喻中長者念救。遠領法中大法擬宜。

卽遣傍人急追將還。爾時使者疾走往捉。窮子驚愕。稱怨大喚。我不相犯。何爲見捉。使者執之逾急。強牽將還。

此卽雖知根鈍。且稱本懷。勅諸大士七處九會。演大華嚴也。遣傍人者。若以理釋。智爲能遣。教爲所遣。理正教傍。從佛出十二部大乘。擬宜眾生無機。

不受故云遣傍人也。事論佛爲正菩薩爲傍卽臣
佐吏民諸大士說大乘法門也。如法慧說十住功
德林說十行金剛幢說十回向金剛藏說十地皆
承佛威力故言遣傍人也。直說圓頓大教擬小機
故曰急追。昔有大種故曰將還。經云一切眾生具
有智慧德相急追意也。使者往捉者。理論大乘明
義顯露。直指一眞法界。能令眾生疾取菩提。經云
初發心時卽攝五位成等正覺。疾走往捉意也。如
大車其疾如風。事論菩薩自有神力。又被佛加能
令眾生疾入菩提也。小乘縱昔發大心。廢久不憶。

卒聞大教。乖心故驚。不識故愕。故云窮子驚愕。稱怨大喚者。圓頓教中。煩惱卽菩提。生死卽涅槃。小乘以煩惱爲怨賊。生死爲苦縛。若聞煩惱卽菩提。便大喚云。冤枉。若聞生死卽涅槃。便大喚云。苦痛心驚口怨。我本不求大。何以用大化我也。故云我不相犯。何爲見捉。執逾急者。卽諸大士承佛力。領佛命。而直談大法。內旣無機。外逼大化。故云強牽將還。如無厭示以王刑。勝熱示以火炙等。計我者爲說無我。計常者爲說無常等。又云若人欲了知三世一切佛。應觀法界性。一切唯心造。皆執急強。

牽意也。喻中說怖畏事具告諸子也。

二執急悶絕。近領喻中諸子不聽。遠領法中眾生無機。

於時窮子。自念無罪。而被囚執。此必定死。轉更惶怖。悶絕躡地。

自無心而被強。卒不能解。所以自念無罪也。二乘以見思爲罪。以三界爲囚執。入滅盡定爲生。出定爲死。所謂變易生死也。今教斷見思之機。觀法界性。出定度生。是無罪被囚而必定死也。又罪者業也。有世出世善惡之不同。眾生有貪瞋惡業之罪。

而無慈悲善業之罪。常隨三界生死牢獄。但能入而不能出。菩薩無貪瞋惡業之罪。而有慈悲善業之罪。常示三界生死牢獄。能入亦能出。二乘無貪瞋惡業之罪。亦無慈悲善業之罪。常厭三界生死牢獄。但能出而不能入。若修大乘。必定常入三界生死牢獄。故曰而被囚執。無大方便而入生死。必當永失三乘慧命。故曰此必定死。自作此念。不惟不解。且轉增迷惑。故曰轉憂惶怖。強以大教。小智不解。故言悶絕。卽起誹謗。必墮三途。故言躡地。如人心熱發昏。尙不自知生死。何能識色音。由是暴

腮鱗。杜視聽。眼不見。耳不聞也。

三暫放得喜。近領喻中。馳戲視父。遠領法中。如來息化。分四。初愍癡命放。

父遙見之。而語使言。不須此人。勿強將來。以冷水灑面。令得醒悟。莫復與語。

小乘去大乘遠。故爲遙。是結緣子。故名見。是機志。近於小而遠於大也。語使言者。約理。智本說教。智知無機。大教宜息也。約事。囑諸菩薩。不須現汝尊妙之身。令二乘見。如淨名云。攝汝身香。無令彼諸眾生而起惑着。又普賢入娑婆促身令小。是其意。

也。不須此人者。不必強與說一乘難信之法也。既無大機。若現勝身說大乘法。恐傷其善根。故云勿強將來。是姑息愍癡之意。冷水灑面者。知有小志。宜以小乘灰斷理水。除見思之熱。面厭生死名背。向涅槃爲面。以有背生死向涅槃之機。故令得醒悟者。開小教逗小機。令得離煩悶。悟四諦也。莫復與語者。決定應息大乘之教也。

二徵釋放意。

所以者何。父知其子。志意下劣。自知豪貴。爲子所難。審知是子。而以方便。不語他人。云是我子。

徵息化之故。二乘志意下劣。畏難大法。且任其小志。抑佛本懷。故云。父知子下劣。自知法財萬德。無不具足。二乘智淺福薄。於此大法難信。故云。自知等。一則志劣。一則豪貴。知己知彼。所以息化也。審知是子者。審知昔在二萬億佛發大心之子也。而以方便等。於昔小乘教中。隨他意語。方便覆護。稱是聲聞。不說隨自意語。云是菩薩。昔教未說。故云。不語他人等。

三使者正放。

使者語之。我今放汝。隨意所趣。

我今放汝。卽知大機弱。隨意所趣。卽知小善強。以此二緣。故息大化。

四喜往貧里。

窮子歡喜。得未曾有。從地而起。往至貧里。以求衣食。喻順小機。將欲隱勝現劣。投其所好。遂其本願。故諱實以開權也。不爲大教所逼。投其好樂。故歡喜。無謗大罪。得免三途。故言從地。小善得生。故言起。又前擬大法。迷悶不解。臥無明地。今逗以小。可得醒悟。故云從地而起。往至二句。但空之理。不含萬德。故云貧里。於四諦中。求助道衣。正道食。故依二

乘貧所樂法。爲入道資糧。是捨明珠而求魚目也。
上卽遣傍人追竟。

二密遣二人誘然。追誘一喻。領火宅捨几用車。方便侵大施小。前科卽捨几。大法擬宜不得。此科應是用車。三乘隨宜可得也。文分爲四。初徐誘除糞。領上三車擬宜。

爾時長者將欲誘引其子。而設方便。密遣二人形色憔悴。無威德者。汝可詣彼。徐語窮子。此有作處。倍與汝直。窮子若許。將來使作。若言欲何所作。便可語之。雇汝除糞。我等二人亦共汝作。時二使人卽求窮子。

既已得之。具陳上事。爾時窮子先取其價。尋與除糞。其父見子。愍而恠之。

此下正明鹿苑時也。將欲者。且然未然意。既息大化。不容孤棄。欲設方便。故言將欲。喻中當設方便。法中尋念過去佛所行方便力。此體外方便也。密遣二人者。前遣傍人。表一實諦。一大乘。一菩薩人。今明方便。隱實爲密。指偏眞爲遣。約教隱滿字爲密。指半字爲遣。約人菩薩示生三界。內秘爲密。外現爲遣。二人者。四子齊已分領。不涉菩薩。約法則因緣四諦。理則有作眞俗。人則聲聞緣覺也。二乘

教中不修相好。但說苦空無我不淨等。卽形色憔悴也。內怖無常曰懼。外遭八苦曰悴。無十力無畏等。故曰無威德。是菩薩內隱自在威神之力。外現枯木寒灰之狀。下文知眾樂小法。而畏於大智。是故諸菩薩作聲聞緣覺等。用同事攝化。隱實施權也。汝可徐語者。大乘明理真實。故言疾走往提。小教明理迂隱。故云徐語。若闕以直辭。必暴戾不受。令其巽言開導。不使聞言生怖。是囑其當以小法徐徐誘引。不當以大乘之法急迫將還也。如今時未見道人。接以婉容咲言。必心悅受化。若以本色

鉗鎚必棄而別附也。此中密遣誘引徐語。番上卽遣急追疾捉等字面。此有倍與者。倍者加一倍也。直者工價也。言汝若向貧里傭作而求衣食。則此有可作之處。其價復倍於他處也。見道修道。是斷見思之作處也。昔修五戒十善。止出三途。今修四諦因緣。能出三界。是爲加倍也。又外道六行。但能伏惑。今修四諦。則能斷惑。得至涅槃。是爲二倍也。若許將來者。有機是許。卽設教令修。無機是不許。卽不設教也。若言欲等者。設彼若問欲何所修。卽以貧所樂法度之。使除見思惑。取證涅槃。不可更

以淨佛國土等告之。言除糞者。斷煩惱也。煩惱惑業。糞穢心地。二乘作諸觀以除之。二人共作者。理卽智諦相資。人卽權人共實人修行。以同事攝導人也。菩薩煩惱涅槃不相妨碍。故可共作。二使旣已得者。卽求窮子。是菩薩依教奉行也。審知有機。故言已得。具陳者。卽以如來叮囑之言告之。是順佛揚化也。上事卽雇作除糞之事。先取除糞者。二乘慕果行因。所以先問價直。故云先取。四諦法中。先果後因。謂先取道滅之價。後除苦集之糞也。見子愍恠者。愍其取阿羅漢。恠其不求佛道。所失者。

大所得者寡。是故慙恚。問。旣慙恚。何故密遣教。其取果荅。傍追不來。事須密遣。雖教除糞。非佛本懷。欲以彰言委付。故先慙而恚之。

二他日遙見。領上知子先心。

又以他日。於牕牖中。遙見子身。羸瘦憔悴。糞土塵坌。汙穢不淨。卽脫纓絡。細軟上服。嚴飾之具。覆着羸弊。垢膩之衣。塵土坌身。右手執持除糞之器。狀有所畏。對華嚴而說小教。故云他日。因子立門側。見父威德無量。相好之體。而生恐怖之念。故退大向小。佛於牕牖中。遙見子身者。用權智觀機。逗教非當門。

正見之實智也。去大乘遠。故曰遙。知昔曾種大。故曰見子。法味不充。曰羸瘦。福德不具。曰憔悴。糞土喻見惑塵。空喻思惑。見麤思細。故也。脫上服者。喻隱報身無量功德。四十二地戒定慧陀羅尼等纓絡。寂滅忍柔軟上服。大小相海爲嚴飾之具。容服若盛子。則畏懼。二乘不宜見此相好。故隱千丈舍那之形。應上尊特之身。爲子所難。更着等者。現丈六老比丘相也。生忍法忍。爲麤弊之衣。塵土。全身者。現有煩惱。有爲有漏也。左手喻實逆也。右手喻權順也。權用順宜。自以此權法斷結成佛。又以此

權法化人。除眾生見思之糞。故曰右手執持等。狀有所畏者。狀似也。示同小乘怖畏生死也。如寒風馬麥等報。此是如來屈尊就卑。現相人中。亦毀生死讚涅槃也。

三親勸安意。領上歎美三車。分三。初勸修轉。

語諸作人。汝等勤作。勿得懈怠。以方便故。得近其子。此下卽三轉四諦法輪。而有法僧差別之名也。語諸修行者。此四諦法。是聖所稱讚。超生脫死。自在無繫。汝等當勤修習。又誠懈怠者。所謂無有一法從懈怠懶惰中生。無有一法從憍養自恣中生。前

云當勤修精進者是也。以方便得近者。以種種善巧方便。然後父子始得相見。而子不生疑怖也。

二示相轉。

後復告言。咄。男子。汝常此作。勿復餘去。當加汝價。諸有所須。盆器米麵鹽醋之屬。莫自疑難。亦有老嫗使人須者相給。好自安意。我如汝父。勿復憂慮。

咄。男子者。欲示四諦之相。先喝厲之。此法如金剛劍。驚發大丈夫之志氣。斬斷二十五有之結縛。故先咄之。又咄非喝叱之聲。乃呼召撫之之語。如今大家若愛一人。不對眾人說其愛語。到無人處低

聲云。咄。男子。不要去。了。欲彼常作。故咄而撫之。汝常作勿去者。上句勸其恒修此法。下句復誡其勿學諸外道也。加價者。自預流進至四果也。諸須之屬。示正助之相也。盆器總喻三十七品道法。米麩別喻三無漏學資糧等法。鹽醋和味。六和五德之德。而於諸法均調適中也。老弊使人。卽密遣人使同修證也。須者相給者。謂所修正助法中。或有不明。莫生疑難。當問同修老輩。彼卽一一指教。所謂有疑以咨問也。好自安意者。示修道諦之義也。如云。此是道可修性。汝等當安心此道而修。卽得自

在適意。我如汝父者。示證滅諦之義也。文影一句。如云。此是滅可證性。汝等好自安意。修行此道。必證此滅也。我已證故如父。汝當證故如子。本是嚴親而云如者。正喻法身同體。報化分真似也。勿復一句。示斷苦集之義也。如云。此是苦逼迫性。此是集招感性。若斷苦無生死逼迫之憂。若斷集無煩惱招感之慮。而得解脫之味也。

三作證轉。

所以者何。我年老大。而汝少壯。汝常作時。無有欺怠。瞋恨怨言。都不見汝。有此諸惡。如餘作人。自今已後。

如所生子。卽是長者。更與作字。名之爲兒。

徵上如父而汝勿復憂慮之故。我老者。我已修道已斷苦集。已證滅諦之理久矣。故云老大。汝少壯者。汝等應修。應斷。應證。故云少壯。汝常作時者。謂修習此法。旣久也。無欺怠等者。內不見自欺之心。外不見怠惰之相。口不見瞋恚怨恨之語。欺等亦名五障。欺爲信障等。餘作人者。人天外道也。今諸惡旣無。結使已斷。故勝一切餘修人也。自今已後。自從三轉之後。一切樂小之者。皆從此法所化。如從佛口所生之子也。作字爲兒者。他後承父家。

業始於此矣。阿含說五種佛子。四果辟支是佛眞子。菩薩不斷結。子義未成。又菩薩稱子者。取義各別故。此卽鹿苑中能說者佛。所說者法。能證者羅漢僧。三寶之名由此而始也。

四欣遇久住。領上適子所願。

爾時窮子。雖欣此遇。猶故自謂客作賤人。由是之故。於二十年中。常令除糞。

此結是鹿苑之時。鈍滯小果也。謂當時我等得此法門。欣然欲樂。何幸得此隆遇哉。雖遇此法而無樂大之心。故云自謂客作。若得小果。厭小樂大。大

乘機發者。佛卽授以大法。正由不捨小志。大機不發。以是無樂大之故。佛且令於二乘法。斷除十使。煩惱之糞。二十年者。一無碍一解脫。斷見。九無碍。九解脫。斷思。故云二十年也。連下三處說二十年。意各不同。隨文釋之。總上明佛隱實施權。降尊就卑。成就小志之事。四子自謂怖大樂小。滯權迷實。不受大化之態。盡情摹寫。意謂過不在佛。而在自己。根志狹劣故也。上遣使追誘喻已竟。

四領付家業喻。近領火宅等。賜大車。遠領法中顯實。分二。初領家業。二付家業。初中又二。初心相體。

信。二命領家業。初又二。先明體信。

過是已後。心相體信。入出無難。

此正領方等時。過鹿苑之後。卽方等也。心相體信者。父子互相體悉。信順也。謂於阿含教中得涅槃。價此旣不虛。今爲菩薩說此大乘。亦復不虛。此子信父也。佛知此等斷結證果之後。聞方等教。歎大。褒圓而不謗。無漏根利。聞必生信。此父信子也。入出無難者。由此見尊特身。聞大乘教。名此爲入。復被呵斥。猶見丈六。說小乘法。名此爲出。又進可語。大亦不怖。退不滯。小亦不迷。小大出入而無疑難。

也。

二猶居本位。

然其所止。猶在本處。

二乘雖於小大入出無難。然聞大乘之法。謂是菩薩之事。非已智分。不甯回小向大。猶居羅漢之位。確守無爲之理。昔年行處。半步不移。所謂但念空等。於菩薩法不生一念也。其猶窮子心雖互相體信。身不難於出入。其實未居子舍。猶以客作自處也。

二命領家業。分二。初父命子知家事。二子受命領

知家業。初中又四。初明時節。

世尊。爾時長者有疾。自知將死不久。

此下領般若時也。爾時者。命知家事。轉教大機。漸引入寶之時。有疾者。方等之後。名相未遣。人多法執之疾。佛亦疾之。將死不久者。有機則應爲生機。盡應謝爲死。今化機將畢。應謝非久也。

二命知家事。

語窮子言。我今多有金銀珍寶。倉庫盈溢。其中多少。所應取與。汝悉知之。

金銀。大乘教理也。珍寶。一切法門也。多有者。理則

非多。約種種門亦得言多。例空非十八。破十八法而名十八空也。倉是定門。卽百八三昧。庫是慧門。卽十八空境。般若教中。六度萬行具備。權實二智雙顯。內充外溢。故云盈溢。其中多少者。說於般若。則有廣畧二門。畧則爲少。廣則爲多。或取以自利。或與以利他。大品云。汝當爲菩薩說。故云汝悉知之。

三誠令體心。

我心如是。當體此意。所以者何。今我與汝。便爲不異。佛以般若爲心。汝今轉教。當體我心爲心。卽隨佛。

意而爲菩薩說也。我汝不異者。不異有三。一被加令說。與佛不異。二就理以諸法皆如。故得不異。三就今時始悟父子。天性本來不異。二乘自謂被加異耳。

四勅無漏失。

宜加用心。無令漏失。

我汝既不異。我有卽汝有。不可推是父物。恣意拋撒。故誠小心勿失也。一者爲菩薩說般若教無漏失。二者就理。此卽汝法。後時當用。汝等當加意用心。體證此理。卽可自利利他。不可遺漏忘失也。

二子受命領知家業。又四。初正受佛命領知眾寶。爾時窮子卽受教勅領知眾物金銀珍寶及諸庫藏。喻四子遵受佛命。卒以小果而領知大乘教理。一切法門。轉教菩薩。隨順佛語以演說之。二心無希取自甘無分。而無希取一滄之意。

窮子不解無漏失之言。疑父吝惜。故執守不取一滄。敢多自用哉。如善吉轉教付財。雖說般若。自謂是菩薩法。我無其分。不生一念好樂之心也。三未捨劣心猶居本處。

然其所止。故在本處。下劣之心。亦未能捨。

所止在本處者。住羅漢位。雖復慕大。亦未定言欲作菩薩。是居白淨地。坐無爲坑也。未捨下劣者。雖復恥小。而未定言捨於小證。但念空無相無作而已。此述如來激發進修。轉教使悟。漸引入實之意。序自己甘爲下劣。悅彼小道。恒不離權之事。世尊處處顯實。四子念念滯權。昔日之迷失如是也。

四鄙棄先心欲求大道。

復經少時。父知子意。漸以通泰。成就大志。自鄙先心。少時者不多時也。父知子意者。所謂知子莫若父。

也。漸以當是漸已。下文漸已曠大是也。不滯於小。曰通。安心於大曰泰。成就者有趣大之志。自鄙者有捨小之志。此正索車之意。子志既大。始定父子付家業也。又此中少時。經文未的指何時。私謂楞嚴時也。若論索車之意。楞嚴明顯。當知厭多聞。自鄙先心也。欣妙定。成就大志也。非索車何。及序悟文中。身心泰然蕩然。非通泰何。又許通達實相。入佛知見。正許說今經也。楞嚴卽法華之定。法華卽楞嚴之慧。定慧相資。發明實相本根。洞徹一乘源底。開示悟入佛之知見。堪授刼國莊嚴之記。蓋般

若之後。慧學方盛。定力未全。人或溺於多聞。失於正受。於是示楞嚴大定。資般若大慧。使定慧均等。學行兩全。而究竟趣於一乘實相寶所。楞嚴在法華之前。於此益見矣。上領家業竟。

二付家業。分二。初正付家業。二得付歡喜。初中又四。初付業時節。

臨欲終時。

時字重看。卽時一現耳。今正是時之時。臨欲二字。應上將不久字面。正是化緣將畢。靈山高會。說法華經。唱涅槃之時也。此句是四子直言無諱之辭。

二集眾爲證。

而命其子。并會親族。國王。大臣。刹利。居士。皆悉已集。此科卽靈山法會大眾也。二萬億佛所受化之徒。爲子。文殊。普賢等。影響大人爲親族。雲集分身。各控一方爲國王。彌勒等。皆等覺大人爲大臣。十地菩薩。法王種姓。爲刹利。十住行向。從佛受化。爲居士。悉集者。卽四眾八部圍繞世尊也。

三結會父子。

卽自宣言。諸君當知。此是我子。我之所生。於某城中。捨我逃走。始辦辛苦。五十餘年。其本字某。我名某甲。

昔在本城。懷憂推覓。忽於此間。遇會得之。此實我子。我實其父。

自宣言者。出定無問。自說也。諸君當知者。卽吾今於天人大眾中說也。前文我昔曾教化汝。生我法中。此云此是我子。我之所生。從我受學。是我之子。從我起解。是我所生也。於某城捨我者。卽捨父逃逝。自昔退大後。汝今悉忘也。某字活看。不可拘大。通時。以從二萬億佛所教化故。自昔受大。根性未定。後還退墮。流宕六道。故曰。蛤蟆等。蛤蟆行不正貌。辛苦該前。馳聘求食。傭賃等。其本二句。指本名。

字。以證父子之的也。本城。卽前中止之城。華嚴爲
根本一乘。故曰本城。阿含已來。種種方便。循循善
誘。恒念大乘子機。故曰懷憂推覓。忽於二句。始於
今日法華會上。大乘機發。得授記蒞也。實子實父
者。判天性定父子也。父子傳體。天性不異。以心印
心。平等無二也。實子者。領諸眾生皆我子也。實父
者。領我是一切眾生之父也。

四正付家業。

今我所有一切財物。皆是子有。先所出內。是子所知。
此等賜大車。全付家業。授記作佛。紹法王位也。我

有皆子有者。今佛所證一切大乘萬行萬德。既授記已。皆是子有。汝所證與我同也。所謂皆以如來滅度而滅度之。是付成佛實智證法。自證證他之事。先所出內等者。昔日大品領教。說種種法門。是汝熟知也。是付度生權智說法。自利利他之事。喻中放出多少。收內多少。皆子經管。故曰所知。法中諸佛自證化他法門。諸子備聞。窮玄盡妙。曉若指掌。故曰所知。所以此經不談修行次第。但明開佛知見。意在昔教備明。子所共知也。

二得付歡喜。

世尊。是時窮子聞父此言。卽大歡喜。得未曾有。而作是念。我本無心。有所希求。今此寶藏。自然而至。

此領上得車歡喜也。貧子拾金白衣拜相。出乎望外。故曰我本無心等。而今忽聞投記作佛。不求自得。故曰自然而至。又阿含教中。本心不求。方等難聞大。自謂絕望。故不求。般若須領知。自謂非己分。故不求。如此無心希求。而今自得。安得不欣抃而暢悅也。亦卽結歸畧法說中。昔日不求。今日慶得之意。然此歡喜之由。有遠有近。若不先教傭作與一日之價。豈得心相體信。委業付財。由於斷結取。

證。方堪並聞大集。受斥淨名。轉教般若。而至今日。開顯授記。故傭作取價。是遠由。體信委知。是近由。上喻說竟。準涅槃具論五味者。卽遣傍人所說。喻華嚴圓頓。此教最初。傍人如牛。所說如乳。故云從佛出十二部。卽初味也。若以此擬二乘。則無機不受。迷悶躡地。全生如乳。次明密遣二人。說除糞法。喻鹿苑說。三於小卽信。革凡成聖。如轉乳爲酪。故云從十二部出。修多羅卽第二味也。次明心相體信。入出無難。喻說方等淨名諸經。揚大折小。二乘聞揚大不謗。折小不毀。良以三藏斷結。取一日之

價故得恣其褒貶。既親證小。故信大不虛。得涅槃
價。故體折不瞋。雖非已事。而不疑謗。此心純熟。如
從酪出生酥。故云從修多羅出方等經。卽第三味
也。次長者將死不久下。喻般若會中。使其領教。爲
諸菩薩說摩訶般若。既知眾物。貫統法門。心明口
辯。彌益慕樂。但恨住小。非是已物。脫更開許。豈不
樂哉。於是心漸通泰。成就大志。如從生酥出於熟
酥。故云從方等出摩訶般若。卽第四味也。次臨欲
終時下。喻般若之後。判天性定。父子會三歸一。付
財與記。說法華大教。開佛知見。示真實相。菩薩除

疑聲聞作佛。皆以如來滅度。如從熟酥出於醍醐。故云從摩訶般若出大涅槃。卽第五味也。四子深得佛意。一喻盡領三時五味之教。始終次第。極盡精詳。所以下品讚云。善哉迦葉。汝等善說如來功德等。若以一雲一雨。一相一味。又何差別之有。始終唯演一華嚴。至今猶說妙法華。要須吾人諦信。忘言默證。一會儼然。可希冀矣。

二法合。前喻有四。今逐段取義畧合。不必拘配。且初合父子相失。

世尊大富長者。則是如來。我等皆似佛子。

如來合父似則合子。似有二義。一取大機爲子。昔未逃逝。既非眞位。猶居外凡。故云似。二取小機爲子。小機似像大乘根性。故云似子。既背父而逃。故貶爲似子。義含相失。

二合父子相見。

如來常說我等爲子。

義合長者見子便識。釋成爲子之義。歸於佛說。非敢自認也。

三合遣使追誘喻。分二。先合傍人追。

世尊我等以三苦故。於生死中。受諸熱惱。迷惑無知。

樂着小法。

三苦由三受生。苦受生苦苦。若根若境乖違逼迫。故樂受生壞苦。因樂變異生諸憂惱。故不苦不樂。受生行苦。卽念念遷謝之相。故由三苦故。五濁加重。生死無邊。熱惱煎心。迷於聖教。惑於自心。無明暗覆。大法難投。是強追執急迷悶意也。大機旣無。樂着小法。但堪小化。是暫放得喜意也。又苦多故。熱惱熱惱。故迷惑迷惑。故無知無知。卽無明。有此無明。故迷自己本具一乘知見。不作外道。卽着小法。何異窮子怖親父而喜往貧里哉。

二合二人誘前四。今但合三。先合徐誘除糞。

今日世尊。令我等思惟蠲除諸法戲論之糞。我等於中勤加精進。得至涅槃一日之價。

今日者。對多生之昔日樂小。而此生之今日猶滯於權也。又今日指阿含時也。謂阿含時。佛知我等。往日受苦樂小。所以教我等思惟等也。思惟卽六識。蠲除卽修斷義。戲論之糞。乃集下見思惑。此述佛教知苦斷集也。我等下修道證滅也。一日價者。小乘有餘。較大乘無餘。若一日工價比萬貫之富也。工人一日使得筋出力盡。只覓得三二分銀子。

二乘苦修斷惑。只成個羅漢。理孤事窮。終不得大受用。故云一日工價耳。

二合欣遇久住。

既得此已。心大歡喜。自以爲足。便自謂言。於佛法中勤精進故。所得弘多。

一日之價。自以爲足。便謂所得弘多。自足自滿。坐守偏枯。小乘之病。正在於此。其猶河伯井蛙之見。以爲天下之美。盡在乎已。而不知海之大也。

三合他日遙見。

然世尊先知我等心着弊欲。樂於小法。便見縱捨。不

爲分別。汝等當有如來知見寶藏之分。

上言遙見。今言先知。上言羸瘦憔悴。今言心着樊欲。上言脫纓絡等。今言縱捨不爲分別等。總之秘實施權。投其所好。不云當有成佛之分。

四合領付家業。二先合領家業。

世尊以方便力。說如來智慧。我等從佛得涅槃。一日之價。以爲大得。於此大乘。無有志求。我等又因如來智慧。爲諸菩薩。開示演說。而自於此。無有志願。所以者何。佛知我等心樂小法。以方便力。隨我等說。而我等不知。真是佛子。

世尊下。合方等體信。承上謂佛於阿含教中。不爲我等分別。而於方等會上。以方便權智之力。說六種根塵。皆是大乘實相智慧。然我等既從佛在阿含教中。得一日之價。以爲大得也。故於此方等大乘。雖曰心相體信。入出無難。然亦無有志願求於大也。此合上所止。猶在本處。我等下。合般若轉教。謂佛於方等教中。見我等無志求大者。以權實在佛故也。故於般若會上。俾權實在己。便於自求。我等又因如來智慧威力加被。爲諸大士開示演說。既承佛加。如佛心而說。又爲菩薩開演。將謂是菩

薩法所以自於此大乘無有志願。不生一念希取也。所以下徵釋無志願之意。謂佛知我等樂小。以方便權巧隨順我等而說。無非淘汰其樂小之心。策進其憤大之志也。而我等不知。昔日轉教付財時。我等業已真是大乘佛子。所以無志希求。其猶窮子雖受教勅。領知眾物。而無希取一滄義也。

二合付家業

今我等方知世尊於佛智慧。無所悋惜。所以者何。我等昔來真是佛子。而但樂小法。若我等有樂大之心。佛則爲我說大乘法。於此經中。唯說一乘。而昔於菩

薩前毀訾聲聞樂小法者。然佛實以大乘教化。是故我等說本無心有所希求。今法王大寶自然而至。如佛子所應得者。皆已得之。

此合今經授記也。承上言。謂我等初不知真是佛子。疑佛但以如來智慧。勅我等爲菩薩說。似於我等深有憍惜。今佛說以種種方便。皆爲菩提。是諸所說。皆化菩薩。今日我等方知世尊於佛智慧。於我等無一毫憍惜也。所以下徵釋。謂先疑似憍。而今方知不惜者何也。以我等從昔已來。真是佛子。而但樂小法。所以將真作假。而爲小果聲聞也。若

我等昔有一念樂大之心。佛於四十年中所說。方
等般若之大乘。皆爲我等所說。豈真單爲菩薩哉。
何以知然。以於此經之中。佛每每言。諸佛唯說一
乘故也。而昔下結足上義。毀訾者。如楞伽於大慧
前。動則以聲聞同外道爲愚夫。跋驢上不得楞伽
山。維摩喻盲人敗種。永不成佛。圓覺教人發願。莫
值聲聞外道。如此皆昔日毀訾也。謂今法華之授
記。驗昔方等會上於菩薩前。毀訾聲聞樂小法者。
非毀訾我等。實以大乘法教化我也。我等不知都
作毀訾而會。以是之故。今日授記。我等說本無心。

有所希求。今法王大寶自然而至。云自然而至者。謂不測之富。得之於不期。所謂莫之爲而爲者。莫之致而致者。此也。如佛子等者。謂如往昔方等般若會上。諸佛子所應得者。我等今已得之。不復更用修得也。此合得付歡喜之意。上長行竟。

二偈頌有八十六行半。分二。前七十三行半。頌上長行。後十三行。歎佛恩德。初中又二。初二行。頌畧法說。

爾時摩訶迦葉欲重宣此義。而說偈言。我等今日聞佛音教。歡喜踴躍。得未曾有。佛說聲聞。當得作佛。無

上寶聚。不求自得。

今日對四十年前言。音教者。八音四辯之音。方便火宅之教。歡喜約心言。踊躍約身言。佛說下。正明得未曾有。無上一句。喻阿耨菩提。四十年前無望。故言不求。四十年後授與。故言自得。

二有七十一行半。頌喻說分二。初四十一行。頌喻說。二三十行半。頌法合。初又四。初十三行。頌父子相失。二七行半。頌父子相見。三十行半。頌遣使追誘。四十行。頌領付家業。且初父子相失。又四。初一行半。頌子背父而逃走。

譬如童子。幼稚無識。捨父逃逝。遠到他土。周流諸國。五十餘年。

火宅中明長者所王。國邑聚落語寬。此中明窮子輪迴。三界爲諸國。六道爲五十餘。退大忘本爲他土。昇沉不停曰周流。總言背真之地遠。而逐妄之時多也。

二七行。頌父求子而中止。

其父憂念。四方推求。求之既疲。頓止一城。造立舍宅。五欲自娛。其家巨富。多諸金銀。碑磔。碼礮。珍珠。琉璃。象馬。牛。羊。輦輿。車乘。田業。僮僕。人民眾多。出入息利。

乃遍他國。商估賈人。無處不有。千萬億眾。圍繞恭敬。常爲王者之所愛念。羣臣豪族。皆共宗重。以諸緣故。往來者眾。豪富如是有大力勢。

四方與長文不同。前在機約四諦推理。以求正助衣食。此中在佛觀四生中。恒覓可度之機也。此頌求子不得。一城者。覺場也。云頓止者。華嚴屬圓頓大乘。但稱本懷。直明法界。故曰頓止。造立舍宅者。起慈悲舍依性空宅也。云造立者。以華嚴世界成就品。及華藏世界品。二十種世界海。皆普賢菩薩於一眞法界。正位唱出。故云造立。其中所詮。五周

四分。明佛依正自在。受用因果。故云五欲自娛。其家一句。總明貫朽粟陳之積。紫標黃榜之藏。故云大富。喻富有萬德也。多諸下。別明大富之七寶。大富之四乘。田業人民。情與無情。親疎之大富。息利他國。生意遠近之大富。出其本。入其利。行商坐賈。以有易無。遍一切處。爲物景仰也。上明大富多財。千萬億下。明尊貴大勢。王者君也。羣臣牧也。記云。體羣臣。王愛念。隆聖眷也。臣宗重。尊德性。問學也。十方諸佛稱讚。善哉第一導師。故云王者愛念。四眾圍繞恭敬尊重。故云羣臣宗重。以諸二句。近悅

遠來諸大士往來聽法也。豪富一句結上富貴財利。有大一句明威神之力。此中表顯悉如長文。

三二行超頌慮家業以無傳。

而年朽邁益憂念子。夙夜惟念死時將至。癡子捨我五十餘年。庫藏諸物當如之何。

頌上失子之苦無所委付。故憂念耳。夙早也。夜暮也。謂從朝至暮時刻不忘也。死時者涅槃時也。癡子下。父心痛子之詞。前云童子以無知故。此云癡子甘流蕩故。下云窮子衣食艱故。當如之何一句。父念子深有展轉不安之意。

四二行半。追頌覓衣食而漸還。

爾時窮子。求索衣食。從邑至邑。從國至國。或有所得。或無所得。饑餓羸瘦。體生瘡癬。漸次經歷。到父住成。根塵相涉。如邑十八界。如國修三界。善如有所得。修外道邪行。如無所得。又從人間修至天上。有所得也。天福盡墮人間。無所得也。饑餓見其枵腹。不得大乘法食。故羸瘦見其形醜。無大力用功德。故瘡癬見其病纏。有漏法中起見思故。漸次二句。謂漸次熏陶修習。得遇佛大會也。上頌父子相失竟。二七行半。頌父子相見。分二。初六行半。頌子見父。

傭賃展轉。遂至父舍。爾時長者。於其門內。施大寶帳。處師子座。眷屬圍繞。諸人侍衛。或有計筭。金銀寶物。出內財產。注記券疏。窮子見父。豪貴尊嚴。謂是國王。若國王等。驚怖自恠。何故至此。覆自念言。我若久住。或見逼迫。強驅使作。思惟是已。馳走而去。借問貧里。欲往傭作。

傭賃二句。見父之由也。爾時下。見父之相。上云見父處。處是門側。今言長者於門內者。見相亦兼處也。門內者。喻佛居阿蘭若法菩提場內也。施大等。見父之處也。施大二句。依報蓋覆無畏也。眷屬下。

正報主伴攝護也。注記券疏。卽授記明修行也。以廣顯畧爲注。如雲興二百問。瓶瀉二千酌也。授決爲記。入法界傍論授記也。四弘誓爲券。修行爲疏。喻爲大根度量功德。疏明行位。而與授記也。窮子見父下。頌見疑避去也。思惟是已下。是窮子往迴默忖。做定主意。決其去就。謂與其受制於富貴之強作。不若安心於貧賤之自便也。

二一行頌父見子。

長者是時。在師子座。遙見其子。默而識之。長行有四。今單頌見子便識。餘三不頌。

三十行半。頌遣使追誘喻。分二。初三行。頌即遣傍人追。

即勅使者。追捉將來。窮子驚喚。迷悶躡地。是人執我。必當見殺。何用衣食。使我至此。長者知子。愚癡狹劣。不信我言。不信是父。

長文有三。此中即勅三句。頌上強追將還也。即勅二字。緊頂遙見。默識字面。父念子心切。忽然一見。即教入追。由追急。窮子無所措手。故稱怨驚喚也。迷悶下五句。頌執急悶絕也。迷悶一句。當在使我至此下。方合長文。而義且順。使者執之急。牽之強。

非是雇人作工之情。乃欲殺我之狀。豈有能衣食我者。使我如此乎。惶怖無措。驚懼不已。故悶絕於地耳。長者知子四句。頌暫放得喜也。上有四。今但頌愍癡放去。愚癡卽惑重。狹劣卽器小。因無大機。方乃息化。應上父知其子志意等。夫親生父子。一旦離久而不相知若此。吾人之於本有心性。曾無彈指間。顧盼浮世幾何。一失此身。千生萬劫。改頭換面。視親如怨。以惡爲美者。何限。

二七行半。頌密遣二人誘。長文有四。今頌前三。初三行。頌徐誘除糞。

卽以方便。更遣餘人。眇目矧陋。無威德者。汝可語之。云當相雇。除諸糞穢。倍於汝價。窮子聞之。歡喜隨來。爲除糞穢。淨諸房舍。

卽息大化。故以方便說小乘法而誘引之。餘人者。卽二人也。現聲聞形。爲大乘之餘耳。眇目喻偏空。所見不正。故矧豎短也。陋橫狹也。見偏空者。豎不能窮實相之源。故如矧橫無大乘眾善莊嚴。故如陋。德非四無所畏。名無威。異常樂我淨。名無德。汝可語之下。正勅使徐徐引誘也。歡喜者。投其所好。樂爲鄙事。淨六根房五陰舍也。又窮子聞之四句。

長行有窮子若許等文。皆長者教諭之詞。頌中畧之。但頌窮子受命服役之事。各自一義。譯師斟酌華梵。語義諄切。委悉不可忽也。

二二行。頌他日遙見。

長者於牖。常見其子。念子愚劣。樂爲鄙事。於是長者着弊垢衣。執除糞器。往到子所。

於牖見子者。易云納約自牖。終無咎。註云。牖非所由之正。而室之所以受明也。始雖艱阻。終得無咎。喻大法難投。接以小法。終得大法。如納約自牖之象也。念子樂鄙事者。父知子樂小也。長者下脫珍

着弊。毀生死。讚涅槃也。淨名云。釋迦佛隱其無量自在之力。乃以貧所樂法。度脫眾生也。

三二行半。頌親勸安意。

方便附近。語令勤作。既益汝價。并塗足油。飲食充足。薦席厚煖。如是苦言。汝當勤作。又以軟語。若如我子。油塗足。能履水。赤足而不皴裂。如不龜手之藥。喻神通智慧。飲食二句。喻觀練熏修。小乘禪觀如薦席厚煖。不如大乘禪定如白氈。筵也。汝當勤作。正親勸意。三轉義含。又以軟語如子者。卽作字爲兒也。本是親生之子。曰若。曰如。則人之貧富貴賤。

唯業是定。雖慈如至親。不能一時一毫可移。易於愛子。達乎此。凡不安命者。非愚則妄矣。

四十行。頌領付家業喻。分二。初三行半。頌領家業。長者有智。漸令入出。經二十年。執作家事。示其金銀珍珠玻瓈。諸物出入。皆使令知。猶處門外。止宿艸庵。自念貧事。我無此物。父知子心。漸已曠大。

有智二句。頌上心相體信也。出世長者。具大智慧。循循誘引。方等會中。聞歎大不謗。彈偏不疑。進可語大。退不滯小也。經二十下。領家業也。二十年執事者。般若時長。二十二年之談。執作等。領佛命教。

化菩薩也。未捨下劣。故宿門外艸庵。喻不肖向大。鈍滯化城小道也。自念貧事。故無希取。於菩薩神通不生好樂也。漸曠大者。大乘機動也。

二六行半。頌上付家業。

欲與財物。卽聚親族。國王大臣。刹利居士。於此大眾。說是我子。捨我他行。經五十歲。自見子來。已二十年。昔於某城。而失是子。周行求索。遂來至此。凡我所有。舍宅人民。悉以付之。恣其所用。子念昔貧。志意下劣。今於父所。大獲珍寶。并及舍宅。一切財物。甚大歡喜。得未曾有。

欲與下。頌聚親族也。心既曠大。堪授大法。故云欲與。此中二十年者。言從有二乘之機而來感佛。故云自見子來已二十年。判天性定父子也。凡所有等。正付家業也。子念下。得付歡喜也。上頌喻說竟。二三十行半。頌法合。長文畧此中廣。分三。初半行。頌合父子相失相見。

佛亦如是。知我樂小。

若但以上句合相失。意仍未顯。但以下句合相見。意亦未顯。上句借下句成。下句借上句成。知樂小故。義當相失。佛知樂小。故當相見。樂小由退大。所

以相失。退大由樂小。所以相見。上文常說我等爲子也。

二一行半。頌合遣使追誘。

未曾說言。汝等作佛。而說我等得諸無漏。成就小乘。聲聞弟子。

初二句。頌合傍人追也。長文在機言。三苦五濁。交加。無明迷惑。暗覆。所以大法難投。此中在佛言。直以大法擬宜。未曾明說。汝等二乘。當有成佛之分。而說下頌。合二人誘也。示我等除糞之法。無漏涅槃。一日工價。成就小乘羅漢也。

三二十八行半。廣頌合領付家業。分二。初十八行半。頌合領家業。二十行。頌合付家業。初中又二。初六行。頌合領家業。

佛勅我等說最上道。修習此者當得成佛。我承佛教爲大菩薩。以諸因緣種種譬喻。若干言辭說無上道。諸佛子等。從我聞法。日夜思惟。精勤修習。是時諸佛。卽授其記。汝於來世當得作佛。一切諸佛秘藏之法。但爲菩薩。演其實事。而不爲我。說斯真要。

最上道。卽空慧般若。更無過其上者。意謂當時般若會上。佛勅我等說無上道。能修習此者當得成

佛。我承下。奉勅轉教。諸佛子下。菩薩聞法修習。是時下。佛授菩薩記。一切諸佛下。初自無願樂。謂我等轉教佛子。聞法得記。當時意謂諸佛秘藏。但爲菩薩演其眞實修行成佛之事。而不爲我等說斯眞實成佛之要道也。

二十二行半。頌合無希取。分二。初二行。正明無希取。

如彼窮子。得近其父。雖知諸物。心不希取。我等雖說佛法寶藏。自無志願。亦復如是。

初一行。提喻帖合。次一行。正合無取。

二十行半。增明無取之意。又分三。初二行。標不喜大。

我等內滅。自謂爲足。唯了此事。更無餘事。我等若聞淨佛國土。教化眾生。都無欣樂。

內滅卽惑體。三界見思惑盡。故名內滅。餘事者。淨土度生也。以此爲餘事。正小乘之病。視爲他有。自甘無分之意。都無欣樂者。無樂大之失。顯執小之過也。

二六行。徵釋所以。

所以者何。一切諸法。皆悉空寂。無生無滅。無大無小。

無漏無爲。如是思惟。不生喜樂。我等長夜。於佛智慧。無貪無着。無復志願。而自於法。謂是究竟。我等長夜。修習空法。得脫三界。苦惱之患。住最後身。有餘涅槃。佛所教化。得道不虛。則爲已得。報佛之恩。

謂不喜大而安於小者。何也。以根塵等一切諸法。皆空寂故。旣空寂。則國土眾生亦空寂矣。又何求焉。一切諸法者。從五陰至於涅槃。八十餘科。皆眞如隨緣生起。緣生無性。惟一空耳。無生下。以三解脱釋空寂義。無生無滅。空解脱也。無大無小。無相解脱也。無漏無爲。無作解脱也。謂觀三科七大世。

出世間諸法。無我。我所。名。空。空。故。諸法一異等相。實不可得。名無相。無相。故於三界無所造作。不起願念。不受後有。名無作。亦名無願也。如是二句。結不喜大。我等長夜下一行半。申明上聞淨土化生四句。凡人不知本性有大般若。雖證聲聞小果。皆是無明長夜。既居長夜。則於淨土化生般若智慧。都無所見。如窮子於父之富有大業。不爲己有。甘心棄置於度外。無貪着之志願也。而自二句。謂我等於佛智慧無志願者。非佛有愒於我也。乃我等自己於所證未究竟之空法。錯認卽是佛之究竟。

大乘之空法也。自證既謂究竟。所以於淨土度生。都無欣樂也。我等長夜下。申明我等內滅四句。謂我等處長夜。五濁八苦交煎。一秉如來空法修習。得脫三界生死苦惱之患。證阿羅漢。此身已盡。不受後有。故云最後。尙未謝滅。故曰住。有餘者。此後身見思雖斷。無明尙餘。無明雖餘。而實不來受生。故曰有餘涅槃。佛所教化下。以得顯失。謂果雖有餘。乃佛所教爲因。因果皆眞。故爲得道不虛。道旣不虛。卽爲心不負教。已報佛之恩矣。得道不虛。又報佛恩。所以我等內滅自足。更無餘事也。

三二行半。結無希取。

我等雖爲諸佛子等。說菩薩法。以求佛道。而於是法。永無願樂。導師見捨。觀我心故。初不勸進。說有實利。雖爲二字。承上已得言。在已則果已得。在佛則恩已報。所以雖爲菩薩說六度。大因以求佛道。而我等於是大乘之法。皆視爲餘。永無願樂矣。永無二字。昔日小乘於大法。絕望極矣。導師下。謂佛昔所以見捨我等於大乘之外者。以觀知我等心樂小法故也。以是在般若會中。不勸進我等所轉之法。說於我等有成佛之實利也。上頌合領家業竟。

二十行。頌合付家業。分二。初三行。頌合付家業。
如富長者。知子志劣。以方便力。柔伏其心。然後乃付。
一切財物。佛亦如是。現希有事。知樂小者。以方便力。
調伏其心。乃教大智。

如富下。提喻帖合。佛亦下。正合付業。鈎鑄之權。非
餘人所能。故云希有。知樂三句。收前三時種種善
導。其心調伏純熟也。乃教一句。指今經授一乘實
相記也。

二七行。頌合得付歡喜。

我等今日。得未曾有。非先所望。而今自得。如彼窮子。

得無量寶。世尊我今得道得果。於無漏法。得清淨眼。我等長夜持佛淨戒。始於今日。得其果報。法王法中。久修梵行。今得無漏。無上大果。我等今者。真是聲聞。以佛道聲。令一切聞。我等今者。真阿羅漢。於諸世間。天人魔梵。普於其中。應受供養。

聲聞作佛。事出望外。如客作窮子。承受家業也。世尊我今下。慶信今得。謂我向也。安住小道。今得無上道矣。向也得聲聞果。今得菩提果矣。向也得無漏法。今於無漏法中。得清淨正法眼矣。又道卽大乘之因。果卽大乘之果。無漏法所證實相之理。清

卷之三

三十一

淨眼能證實相之智。皆言得者。以智契理。故於道
果雙證。卽開佛知見。見實相理境也。我等下較今
昔果之大小。謂從昔已來。持佛淨戒。得果在於今
日。於法王法中。久修梵行。證灰身偏空之小果。於
今方得無漏無上大果矣。揀有漏有上小果也。得
果無漏了因義也。持戒梵行。緣因義也。清淨眼。正
因義也。我等今下較今昔名實有異。謂昔之聲聞。
聞四諦法。始得自利。非真聲聞。以隨言取證。未得
佛意。豈真聲聞乎。今者聞一乘妙法。自得佛道。而
能以此佛道音聲。令一切聞。始得名爲真聲聞矣。

以其言下得旨。默契聖意。自利利他。方名眞聲聞也。向之羅漢。斷見思惑。出三界苦。以爲大得。不信佛乘。非佛弟子。非阿羅漢。豈眞應供乎。我等今者。得聞佛乘。獲如來寶藏。於三世間。或天。或人。或魔。而惡者。或梵而善者。普於其中。受其供養也。當知名與昔同。而受用之實利。與昔雲泥之隔。此中眞字。翻法說中非字。上頌長行竟。

二十三行。歎佛恩德。分三。初六行半。歎佛大恩。莫能報。

世尊大恩。以希有事。憐愍教化。利益我等。無量億劫。

誰能報者。手足供給。頭頂禮敬。一切供養。皆不能報。若以頂戴。兩肩荷負。於恒沙劫。盡心恭敬。又以美膳。無量寶衣。及諸臥具。種種湯藥。牛頭栴檀。及諸珍寶。以起塿廟。寶衣布地。如斯等事。以用供養。於恒沙劫。亦不能報。

世尊大恩者。總收一代教化。皆大恩也。始自華嚴大法。擬宜我等。蠶癩孤負大恩也。阿含投小。保證偏空。世尊憐愍我等也。方等般若。彈斥淘汰。世尊之教化我等也。四十年來。蒙如來循循善誘之大恩。直至今日。說經入定。放光圓現。授記利益我等。

皆希有事也。如是憐愍。如是教化。如是利益。莫大
恩德。無可言報矣。我等先得小果。謂心不負教。足
報佛恩。以今較之。豈一生一劫。縱無量劫。誰能報
者。手足等。執勞運力。不能報。頂戴等。身爲牀座。不
能報。非一時。乃恒沙劫也。非輕易。乃盡心力也。非
怠玩。乃謹恭敬也。美膳等。四事供養。不能報。牛頭
等。增廟供養。不能報。牛頭者。華嚴云。出離垢山。若
用塗身。火不能燒。正法念云。北洲有山。名曰高山。
多有牛頭栴檀。以此山峰。狀如牛頭。於此峰中生
栴檀樹故。

二二行半。歎佛實智不思議。

諸佛希有。無量無邊。不可思議。大神通力。無漏無爲。諸法之王。能爲下劣。忍於斯事。取相凡夫。隨宜爲說。諸佛所證。是希有法。形上供養皆常有也。諸佛之法。無量無邊。形上供養皆有量有邊也。諸佛之法。不可思議。形上報恩供養皆思議也。諸佛神通。是無漏無爲。形上報恩供養皆小知小解。有作有盡之心也。此明所證實智深廣難思。諸法下。謂法中大聖。能爲我等鄙賤取相之凡夫。忍可一大事。因緣於四十年中。不爲開示。隨其機宜而說也。

三四行。歎佛權智度眾生。

諸佛於法得最自在。知諸眾生種種欲樂。及其志力。隨所堪任。以無量喻。而爲說法。隨諸眾生宿世善根。又知成熟。未成熟者。種種籌量。分別知己。於一乘道。隨宜說三。

於諸法中。得大自在。所以明照不謬也。眾生好樂不同。志向各別。隨其堪任者。以喻演說。皆隨宿根大小而說也。又熟未熟者。籌量分別。隨其根器。大則大之。小則小之。熟者成之。未熟者待之。以是之故。四十年前。於一乘法。隨機說三。上中根領解竟。

妙法蓮華經大成卷第四終

普為出資及讀誦受持
輾轉流通者回向偈曰

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讀誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

佛曆二五五八年／西元二〇一四年五月

恭印：一〇〇〇套

流水號：12239
書號：04330-11

法華經大成（上冊）

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail：budaedu@budaedu.org

電話：(02) 23951198 傳真：(02) 23991341 五

劃撥戶名：財團法人佛陀教育基金會 郵局劃撥帳號：〇七六九九七七

銀行名稱：台灣銀行城中分行（請於電匯或轉帳後告知本會用途）

銀行帳號：〇四五〇〇四五九七五〇三

本會經書免費結緣之請取方式如下：

(一) 親臨本會二樓講堂。(二) 利用傳真：(02) 23965959

(三) 撥打電話：(02) 23951198 分機：11、12

(四) 網址：<http://www.budaedu.org/books/>。(五) 寫信指定：本會法寶流通股。

為提高服務效率，請您嚴謹考量，慎選所需經書；儘量少用電話，多利用文字方式請取，並請詳寫經書名稱、冊數及收件人姓名、地址、電話、郵遞區號，以減少本會之處理時間；若大量申請，請註明用途，且避免姓名、地址等文字上書寫之錯誤。

◎ 本會經書，歡迎翻印（請勿增刪），贈送流通，功德無量。

◎ 本會交通

※ 捷運：善導寺站 5 號出口，至杭州南路右轉，過兩個紅綠燈。

※ 公車站牌：審計部站 → 212、299、232、205、276、605、257、262

台北商業技術學院 → 253、297、237 仁愛路二段 → 253、297 開南商工 → 208

仁愛路、杭州南路（紹興街）口 → 630、270、263、245、621、651、37、261

行政院新聞局出版事業登記證局版臺業字第 三 八 六 九 號

